



**ЕГОР  
РОЧЕВ**

**КУЗЬ ВÖТ**



ПОВЕСТЬЯС  
087 3 38  
089



**ЕГОР  
РОЧЕВ**

# **КУЗЬ ВÖТ**

*Повестьяс  
Висьтъяс  
Новелляс*

**СЫКТЫВКАР  
КОМИ  
КНИЖНОЙ  
ИЗДАТЕЛЬСТВО  
1998**

84.2 Рос—Коми  
Р 80

Серпасалис А. В. Мошев

**Рочев Е. В.**

**Р 80 Кузь вѳт:** повестьяс, висьтьяс, новеллаяс.—  
Сыктывкар: Коми книжнѳй издательство, 1998.—  
240 л. б.

ISBN 5-7555-0603-5

Тайѳ небѳгсѳ сигѳртѳны бѳрийѳм повестьяс да висьтьяс, кодъясѳ автор гижис нѳм чѳжыс. Эм сѳні локтан нѳмѳ видзѳдлѳм, кыдзи «Кузь вѳт» нима гижѳдын. «Дзолук» повестьын — тундраса олысьяс, налѳн сѳѳкыд олѳм-вылѳм, сѳтчѳ йиджтысьыс цивилизациякѳд зурасьѳм.

Новеллаясын коми войтырлѳн талунъяс социальнѳй шогъяс-тѳждъяс.


84.2 Рос—Коми

Р  $\frac{4702310100 - 006}{М 128 (03) - 98}$  13 — 98 м

ISBN 5-7555-0603-5

© Рочев Е. В., 1998  
© Мошев А. В., оформление, 1998  
© Коми книжнѳй издательство, 1998

# ПОВЕСТЬЯС





# КУЗЬ ВӦТ

*Шонді улын олам,  
кыз му улӧ пырам.  
(Йӧзкостса сёрниись)*

## ПРОЛОГ

Бомж Васьӧ улис пӧдвалын лун-лун йӧжгылясис йирмӧ-гысь, кондаӧ пӧрысь козлӧн моз мыйкӧ пыдзыртчис-руасис сылӧн неважӧн на ӧгыра вир-яйысь. Эз сӧмын ки-кокыс кӧдзав, тӧвся войясӧ, буракӧ, сӧникасис и вежӧрыс. Каттьӧ Васьӧ кадсӧ векнялӧм матрац вылын. Вояс чӧж нин сійӧс непӧштӧ абу пыркнитлӧма, весиг оз бергӧдлы некор, полӧ ротмунӧмысь. Сылӧ ватаыс, бусӧн пычктысьсӧ эжас пырыс. Асывнас Васьӧ пыркнитлӧ бусӧсь юрсисӧ и дыр дзоргӧ чатӧр ныра кӧм вылас, мӧвпалӧ, мыйла сійӧ тані, сы дорын. Здук мысти гӧгӧрвоӧ: тайӧ сылӧн вечной кӧмыс, коді видзӧ коксӧ доймалӧмысь, кӧть важӧн нин оз шонты. Босьтӧ Васьӧ киас гагьясӧн вильӧдӧм берет и бара мӧвпалӧ, мый вылӧ сійӧ туйӧ. Коркӧ-некоркӧ вежӧртӧ — юр чукас колӧ пысавны! Весиг радлыштӧ. Ставыс ас местаас пуксьӧ. Сэсся дыр думайттӧг кышалӧ кучик рӧма фуфайкасӧ. Мыйла сійӧ сьӧд кучик моз волялӧ, неkyдзи тӧлк оз босьт, но та вӧсна позьӧ не жуглыны юртӧ. Сэсся ньӧжйӧник петӧ ортсӧ. Оланіныс Васьӧлӧн оз игнась, кыдзи ывла вылыс. Лӧзмунӧм нырсӧ скӧрысь курчыштӧ чизыр тӧв, сэсся лемасьӧ горшас. Васьӧ дыр круксӧ, пыркӧдӧ пытшкӧссьыс буссӧ. Коркӧ воӧ ас садяс и веськӧдчӧ вокзалдорса магазинӧ. Ывла сертиыс сәні ӧна шоньд. Васьӧ жмитчӧ батарея бердӧ. Лӧсьыд!.. Нырас чапкӧ быдсяма сӧян кӧрыс. Медся Васьӧ кылӧ нянь кӧрсӧ. Пелька пасьтасьӧм да пӧтӧс лов шыа войтыр оз казавны сійӧс. И бур, мый оз казавны. Коркӧ Васьӧ шоналӧ. Ньӧбӧ сьӧд тупӧсь джын нянь да «Агдам» доз. Васьӧ босьтӧ пенсия и татшӧм вӧлӧга вылас сьӧмыс век лишалыштӧ. Корсюрӧ ӧти лук ньӧблӧ. Талун сійӧс босьтис жӧ. Бур кӧть магазинас быдторйис эм, оз ков воддза моз котравны да дикӧй ӧчередьясын сулавны, кытысь сійӧ петавліс пыдзыртӧм нямӧд кодьӧн. Кыдз вӧлі «сӧвмӧм социализм дырйиис». Васьӧ оз элясь некод вылӧ ни лӧг оз кут. Жалитӧ сӧмын ӧтитор: эз кивыв вӧв сылы олан кадыс, буракӧ, эз ассьыс кадсӧ сійӧ ов. Эз вермы лоны рабӧн. Зэв мудер рабьяс сӧмын кыпӧдчисны олӧм чук йылас. Кӧть эськӧ Васьӧлӧн став мыгӧрыс увтыртӧм мортлӧн кодь: неyджыд тушаа, увлань лэдзӧм юра, шог видзӧдласа, но пытшкас олӧс мӧд сикас лад, коді некодлы эз шыбитчы синмӧ.

Васьо ветлөдліс школао стөч сійо кадас, кор веськөдліс партия. КПСС сувтөдіс мог: кызь воён стрөйтны коммунизм. Шензис Васьо: со кутшөм олөм виччысьо сійөс водзын. Онй мый? Омөлик көм-паськөма, век тирзьө, век тшыг. Кор кутшөмкө вөлөга вичмыліс, көйн моз уськөдчыліс сы вылө. Дучкас вежон кежлө, кынөмыс нөбасьысь нывбабалөн моз польдө, воткылясьо: өти кинас кутыштө из кодь дзульсө. Лөзөдз зэлалөма кынөм кучикыс, барабан пыдди туйө, и барабанасис эськө, да доймө. Куйлыны эськө паччөрын, но век удж колө бертны: пес вай, ичөт чой-вок ки вылас. Бать-мамыс сідз жө век мырсьоны. Не кө коммунизмө эскөмыс, өдвакө Васьо татшөма вийсис локтан олөм вөснаыс. Васьо стөча лыддис: коммунизмыс пуксяс стөч сійө кадө, кор сійө верстьо мужичөйөн лоө. Сьөм оз ло. Мый көсьян, сійөс и босьт магазинсьыс. Васьо вежөртис өтитор: сэки сійө өния моз вийсьыны оз кут, бергөдас асьыс вытьсө. Сідзкө, нинөм-ла лючки велөдчынысө. Мыйла сэки сылы төдөмлунъясыс? И збыль, Васьо велөдчис дышпырысь. Гортса уджъяс эз вөч, эз лыддысь. Но классысь классө вуджөдлісны. Крепыд память пондаыс век жө кутшөмсьурө төдөмлунъяс өкмисны.

Кодыр Васьо вуджис сизимөд классө, смелмөдчис да пырис директор дорө.

— Но мый, Паршиков? — юалис директор.

Көть Васьөлөн фамилиеыс вөлі Паршуков, директор сійөс ыдждөдліс Паршиковөн.

— Көсья өтитор төдны,— збоя вочавидзис Васьо.

— Но, юась.

— Мыйла коммунизмсө быть колө стрөйтны тшыг сорөн да розя камашөн?

Директорлөн калькуні вомыс, пунктис ручкасө, пөдлаліс классной журналсө. Дыр видзөдіс Васьо вылө, гөгөрбок мурталіс, тирзян гөлөсөн шыасис:

— Коді тэныд татшөмторсө мойдіс?

— Мыйсьурө позьө и аслыд вежөртны...

— Мыйсьурө... Но, мый ещө шуан?

— Ме сөмын тайөс көйи юавны.

— Тэ, Паршиков, нөти он лыддысь, киад газет он босьты, он пыр комсомолө. Вугралан политзанятие вылын. Весьшөрө ме тэныд историяысь пункті «четыресө». Вай табельтө. Он кө арнас сдایت, мөдөдам ремесленнойө.

Здукөн Васьөлөн табельын лоис «двойка».

Сійө гожөмнас Васьо зіяя уджаліс колхозын. Нэриник детинкаөс тракторной косилка вылө пуксьөдісны. Тракторыс кыскө бөрас пысалөм агрегатсө. Васьо лэдзө либө лэптө ко-сасө, видзөдө, медым вутшкө эз тшук либө пуө сатшкысь. Ытшкисны войнас, кор эджык сот жарыс. Сы пыдди номйыс өдөлитіс. Тракторыс сьөд тшын коялө бөрас — апав пөттөдз

смена чөжыс. Васьö сэтшöма мудзö смена чөжыс, чайтсьö, тшук нырнитас сяргыс коса вылас. Öтчыд асьядорыс сэтшöм неминучаыс суис. Вугровтöма, буракö, косаыс сатшкысис вутшкö. Васьö лэбовтис коса водзас. Бур көть, вутшкыс ён веськалöма, косаыс джёмдис-нюкыльтчис, вутш вывтис вильскöбтис. Васьöлыс дөрöмсö косялис да парсалыштис пельпомсö сöмын. Трактор сувтис. Векуштчöм чужöма тракторист видзöдлис кувтöдзыс повзьöм детинка вылö да дышника нюмдис, мыйкö ещö пejтор на шуис. Васьö керыштис аслыс: сэссия некор оз пуксы тайö көрт улöс вылас, мед көть юрсö вундасны.

Дыр веськөдисны косасö, кузнечаөдз ветлисны. Васьö пöжис дойяссö. Мөвпалис. Со көни и вөлöма сылөн коммунизмланьö восьлалан туй помыс. Енмыс, буракö, отсалис ловйөн кольны, мамыс уна пернапас чөвтис мышсяньыс и водзяньыс.

Век жö Васьöлы зывöктана руль саяс пуксыны ковмис: трактористыс, зэв скөр мужичöй, дзик збыль лöсьöдчис зульöдны чужöмнас көрт улöс бердас. Васьö тайöс гөгөрвоис: грöзитчыс мужичöйлөн вирён польдисны син еджыдьясыс, пуджис няйт сойяссö, лёкыс матькис. Коркö и ытшкысисны видзяс. Колис гожöм, мөдöдчисны зэра луньяс. Воис школаö мунан кад.

Васьöос директор пыр жö корис аслас жырйö.

— Но, Паршиков, тöдмалін эн, мыйла колö коммунизм стрöитигөн быд сикас сьökыдлуньяссö венны?

— Тöдмалі!— гораа шуис Васьö.— Медым öдйöджык воис коммунизмыс.

— Молодеч!— шуис директор.— Вай табельтö.

«Двойка» пыдди табельын лоис «пять».

— Сэссия нö... комсомол кузяыс мый думайтан?— меліа коалис директор.

Васьö видзöдис директор юр вывти стенас, көни öшалисны политбюросаяслөн шылыд чужöмьяса портретьяс. А вылын — стрöг Ленин. Васьöос виччысьтöг босьтис тирзян висьöм.

— Мися, комсомолас пыран, он?— выльыс коалис директор.

— Пы-ы-ра!

— Но, мун, велöдчы.

Нэм чөжыс Васьöс вöдитис кутшöмкö тырвийö гөгөрвотöм повзьöг. Ыштылас мыйкö вылö. Сэссия бөр косö, быттьö туйö петигөн зэв коланатор вунöдöма гортас. Сидзи комсомолалис: некымыныс пыравліс да петавліс. Колö пасйыны, ас кадö Васьö вежортис: коммунизмö вотöдз уна ва визувтас, та вöсна заводитис зіля лыддысьны, ёсьтыны вежöрсö, лючки помалис пединститут. Велöдчигас на казялис, кыскö сійöс гижан удж бердö. Зэв нимкодь, кор газетын петö сылөн кырымпасөн

гижодтор. Да и тодсая дэльөдчоны: со пö лыддим материалтö, мый пö бара водзö шаркнитан. Жуглö Васьö юрсö, кутшöм сэтшöм гөрöд шыркнитны, мед эськö лыддысьыс ойöстис: со пö Василейыд миян, оз ройö увтысь пон моз ылöдчы, шуас кö — пасын. «Сидз эськөн да», — ышлолалис Васьö да сарп-йис балябöжсö, нöйтчис тывйö шедöм чери моз. Том морт лючки помалис пединститут. Велöдчигас на казялис: колö сылы сины олöмсö газетлы, стöчджыка — партийной про-пагандалы. Öти тайö кывсьыс Васьөлөн сувтлö юрсиыс. Кодыр заводитис йöзöдчыны газетын, пыр жö тшапкысис: колö комсомол радö сувтны. Кевмысис комсорглы, медым бөрö кольöм кык вося взносö босьтас. Могмөдис Васьö комсорг, но мыжсö вештöм могысь стенгазет лэдзны сийöсалис.

Кöть кызди Васьö эз весав асьсö, сюсь начальство пыр и казявлис: абу налөн кельöбысь тайö пöткаыс. Гашкö, комсомольсьыс энөвтчылöмсö кытчöкö пасйисны, гашкö, плешкас сылөн шляпкöма та йылысь. Сэссия öд гажа юрнас шуавлис сэтшöмторьяс, кодысь ас садьö воём бöрас шөгөттöдз повзылис.

Кöть кызди Васьö эз туртчы, сылөн олан пыжыс водзö эз кат. Нэм чöжыс Васьö мырсис литработникөн. Мыркис медся сьökыд да сьод уджсö, вотис строка лыд. Век тэрмасис. Дзуг кыис йöзлы, кытчö шедис и ачыс. Гижис уджвивса геройяс йылысь, кодьяс сэтшöмнас эз вöвны; бөрйысьöмьяс водзвылын депутатö кандидатьясöс опшкис, кодьяс йылысь збыльысьсö немтор эз тöд. Тэрмөдлисны. Сидзи велалис сөрны, весиг ачыс эз кут торйöдны, көнi сөрöмыс, а көнi збыльыс. Быдөнös öти бала серти мичмөдис, сöмын öтитор эз позь дзугны: ним-памилиесö стöча колис гижны. Таысь вермасны и удж вывсьыс вöтлыны. Пыр и ставлы яндзим лöö: мера пö оз тöд сөрöмыс. Васьö кымыныськö, буракö, дзуглис и памиллесö: телефон пырыд юасигөн быдтор вермас лоны. Но эз эрдав, стöчджыка, эз веськав доносьяс чукөртысьлы син улö. Ен видзис татшöм неминучасьыс.

Кывтисны вояс. Сöмын и казявлö, кызди выль восö паныдалö, кызди вукөдö бөрнас. Сылөн ёртьяс быдмисны служба вылын, торья кабинетьясö пуксисны, мышканыс көрт сейфьяс, мый көсьясны, сийös и дзебыштасны сэтчö. Васьөлөн став эмбурыс киссьöм жырторйын. Джекыс, код вылын пукалис, розьössис. Сидзи эз и веж завхозыс, дөмас тшöктис шлапкыны. Тадзи жö овлö пемöсьяслөн котырын: омöльджыктö быдөн люкалö.

Васьöлысь öти местаын тапикасьöмсö казялисны и гортас. Öти рытö гöтырыс тешкодя сийös синмалис. Васьöлы чайтсис, тадзи донъялöны магазин джаджйын куйлысь ковтöм эмбур.

— Тэ нө нэм чөжыд тадзи и лоан поплөн балдаён?

Гөтырыслөн служба вылас мыйтакө содыштіс нин чиныс. Васьö сьёлөмсянь төлкуйтіс, мый сійö оз куж мукөд моз мудеритны, веськыд морттö пö оз радейтны миян кадö. Номенклатураад кызвыныс нювсысы поньяс.

— Эн п... ,— гөтырыс крапкис сэтшөм кыв, кодöс оз позь вайөдны бур йөзлы пельөдз.— Дышсыс-дыш тэ! Лөгтö песан бур йөз вылас. Завидьдыла! Сідзи и шу — сямьд абу.

— Сямтөмьясыс начальникьясөн лоёны,— дышпырысь водзсасис Васьö, мыйысь гөтырыс сөмын өддзис.

Тайö веныс лыблис век тшөкыдджыка.

Сэссия Васьö мөдіс удж бөрас сёрмөдчавны. Босьтасны доз, и ас кодьыс жö горөмыкаяскөд килльöны кадсö, песöны чорыд сьёлөма ыджыд да ичөт «көзяиньясныслысь» лысьөмсö. Личөдлө тыдавтөм джаггөрөдыс кутшөмкө здук кежлө. Лов выланыс кокниджык лоө.

А гортас заводитчисны допросьяс. Быд лун өти и сійö жö юалөмьяс. Вөлі көні, кодкөд юис, кызди колляліс рытсö? Оз позь чеччыны места вывсыс сэтчөдз, кытчөдз оз көвьяв ас вылас нем абусö, кызди көсийö гортса следователь. Та бөрын гөтырыс энөвтчө Васьöысь, быттө сійö керка пытшкас и абу. Вөлись позьö Васьöлы личөдыштны позялөм кокьяссö, кухняын юны чай, вөчны мукөд могьяс.

Васьöлы гортис лоис следственнойö изоляторөн. Мөд ног он и шу. Некымын час чөж оз лэдзны здук кежлө сувтны табуретка вылысь, өти и сійö жö юалөмьяс, ёрччөм. Овлö: мый вынсыс горзö-грымөдө телевизор, радио, магнитофон. Öтчыд татшөм допрос дырйи Васьö ку письыс петіс, пызйис-жугліс ставсö, мый веськаліс ки улас. Та бөрын веськаліс милицияö. Сроксö эз сетны сөмын сы вöсна, мый некодлы увече эз вөч.

Водзö допросьяс лоины кузьджыкөсь да чорыдджыкөсь. Васьö гөгөрвоис: водзсасьөмөн оз мездысь таысь некор. Сэтшөм сылөн судьбаыс, сутшкасян сутуга сайö эз йөртны, но овны сылы тюрьмаын серти абу кокниджык.

Васьö дыр изіс вежөрсö. Мыйла тадзи артмө? Воча кывйыс вөлөм зэв матын: өд быдөн оліс лагернойö системаын, полісны судысь, көть эз вөчлыны мыж, полөм вöсна ветлісны тувсовья да арся демонстрацияяс вылө. «Ура» горзісны сійö властьыслы, коді сулөдö найөс помтөм өчередьясын уль яйтор вöсна. Öчередь квартира вылө. Öчередь чин вылө. Öчередь быдтор вылө. Мыжмөм салдатлы моз век коліс ниртчыны кутшөмкө стен бердын. Жежыштан төкөтө урчитөм визьсыс — пыр и казяласны, киритасны өчередысь. Унаөн вильдөмтö виччысьöны. Тальыштасны, оз ымөстны весиг. Öтияслөн этшыс лоис мыж корсысьяслөн кодь, мөдьяс — приговор эрдөдысьяс. Кодкөд сёрниö он во, сійö и следова-

тель да прокурор. «Пуксьодны! Лыйлыны!» — кылан автобусысь, магазинысь. Пырис тайо висьомыс и гозъяяс косто. Коді Васьо? Вөрса пемос. Колө чайтны, сійос вөтөдысьлы абу жө кокниджык. Но тайо мөвпыс этша кокньодіс ловсо. Гөтырыслөн көть некутшөм юридическөй образование абу, лоис зэв сяма следовательөн. Абу и дивө. Быд лун видзөдө телевизор пыр, кызди «знатокъяс» нуөдоны допрос.

Некымын воөн Васьо сэтшөма укшальмис да пöрысьмис: паныдасигөн өдва кутісны төдны томдырся ёртъясыс. Кадыс вежсьыштіс, коліс нин гижны мыйкө мөдтор, и эз сійос, мый нэм чөжыс изіс партиялөн раб. Вөлөмкө, Васьо оз нин вермы мөд ногыс мөвпавны, да и вежөрыс нин нитшсялыштіс. Коркө чайтліс: ковмас кө, любөй здукө петас тайо кытшсьыс. Вөлөмкө, оз нин вермы, вель ылө кылалөма. Позьө ёрччыны да эравны вөлялань сюртчысь вылө, кызди и вөчөны мукодъс. Но Васьо татчөдз эз жө усь.

Тайо кадө петіс Президентлөн указ, код серти Васьöлы позис петны пенсия вылө 55 арөсөн. Удж вылын редакторсян заводитөмөн быдөн тракыйс Васьöлысь нэриник сойсө да лышкыда вашъяліс, чолөмаліс, быттө указыс сійос пенсия вылө йөткыштөм могысь и эм. И збыль вөлөм сідзи, оз нин сійө тані ков. Зэв кыпыда да лышкыда колльөдісны пенсия вылас. Сөмын Васьöлысь сөлөмсө йирис курыд шог. Кызди тайө юөрсө ваяс гортас?

Вайны эз ковмы, ачыс кывсис.

— Тодмышкалісны,— кыв көрталіс гөтырыс. Следствие воддза моз эз нуөдсьы. Дзик пыр лыддисны приговор: пенсионерлы кухнясь водзө тувччыны оз позь. Колис мыйтакө пөра, и калидорас овмөдісны. Регыдөн өдзөс саяс лоис. Дерт, ключтөг. Видзөдіс өдзөсын өшалысь номер вылө, артасис, кор, кутшөм пөраө тані овліс.

Төдса слесарь өти пөдвалысь индіс жыртор, көні сійө видзліс инструментъяссө. Гортө пө нуа, тані гусявлөны жө-а. Овмөдчис кызди пон чомйын, воданіныс эм (пөвторъяс вылын), чеччигөн оз ков повны усьөмысь, бетон джоджыс ныр улас.

Васьо сөмын өні асьсө кыліс вөльнөй мортөн, шөйтіс көні көсийс. Некутшөм отчет оз ков. Торъя нин любө вөлі гожея кадас, көть нимкодъыдла сьыв. Төдмасис ас коддьөмъяскөд. Чайтліс коркө, мый найө дзикөдз нин тшыкөм йөз, көрт бөчкаө йөртөм крысаяс моз йирөны өта-мөдсө, пурсьөны быд кусөктор вөсна. Вөлөмкө, мөдарө, лючки гөгөрвоөны өта-мөдсө, тшөтш и найөс, вылысджык этажын олысьясөс, оз завидьтыны налөн эмбур вылө. Васьо эз казъявлы кузяа зыксьөм бомжъяс костын: көть воласны пиньө, регыд бурасьөны. Эмөсь и тшыксьөмъяс, кодъяс шыръяс моз гудйысьөны йөз зептын да сумкаясын. Татшөмъяссө оз

радейтны, но и оз судитны аснаукон, ас сертины коньор пидди на пуктоны.

Торъя кузь да шуштөм төлыс. Васьö пеласьö буса пельö-сас лысьöм доймытöдзис. Сöмын лун югыднас петавлö ывлаö. Круксыштас, тысьыс буссö пыркöдас, чужöмбансö веськöд-лас шондi водзас, эм кө сийö. Бур здук сулалыштас ылын öгралысь бипур водзас. Окота эськөн тадзи дырджык, да көдзыдыс вöтлö. Бара му пытшкын кузь вой... Сидзи омöлик гуö иналöм картупель моз и мöритчö тулысöдзис.

Быдторсö мөвпалö кузь пöранас, казьтылö олөм-вылөмсö, выныштчö вежөртны öтитор: мыйла сийö волис таладор югы-дас. Быдөн пö тай кутшöмкö торъя могөн волö. Васьö та йылысь уна книгаысь лыддылыс. Кызвын сөветскöй гижы-сьыс, идеологическöй фронтывса салдатыс, кызди найöс ыдждöдлiсны политикъяс асланыс прöстыня пасьта докладъя-сын, пасйылысны: миян мортлөн медшөр доныс сийö, мый новлөдлö эпитет «Сöветскöй». Кызди тайö вежөртсьö? Власть мортöс көмөдö-пасьтöдö, вердö-юкталö, уджөдö, видзö нелюч-киясысь. Со мый вöсна тэ чужлин, Васьö! Эн вунöд та йы-лысь. Но олөмыс артмис мөд ног: нэм чөжыс мырсис ичöt сьöм вылö, век полис — кодкö конйыштас, но дорйысь оз ло. Яндысьтөг сöрисны идеологиябердса дозоръясыс. Но öд тэ, Василей, нем абусö жö изин? Некод вылö элясьнысö. Сöмын, буракö, тэ слабджык вöлин. Найö нырисаджыкөсь. Та вöсна кө, дерт, эз и ков мыччысьлыны югыд свет вылас.

Төд вылас век усьлис öти серпас. Вöли тайö, буракö, пөрнöй кадас нин. Öти отпуск дырйи. Водз тулыс. Ытваöн лючки мыськөма вöрса юлысь ляпкыдик кыръяссö, увтасиник видзь-яссö, кодöс уна вояс чөж нин абу ытшкылöмаөсь, көни öни чурвидзисны быгалöм юрсиа вутш юръяс. Пöжис шондi. Нырö чапкис ньылөдөм понöль сирөн, чорыд сэтөр көрөн. Шондiбан водзын чургөдчөм туруныс мөс вый моз небзьöдiс морöспань увсö. Васьö төвбыд сэсся кылис пыкөса дой.

Куйлис Васьö шоналыштөм нин му вылын. Сьöd фуфай-касö азыма емалис öтарö ярмысь шондi, та вöсна сылөн вер-көсыс доналыштiс. Васьöлы эз вöv окота вөрзьöдчыны мес-тасьыс ни мөвпавны. Да и став төждыс, быд лунъя нокыс кытчөкö саялис. Быттö тыдавтөм гөрөдөн йитчис ловзысь вөр-ваыскөд да олö сылөн нырвизьөн. Васьöлы чайтсьö: юис оз изъя пидөсöдыс кытчөкö гывдөдчы, а сылөн вир сөнөд визувтö. Ставнас вир сөнъяссö пожъялö, ловсö лыбөдö. Тшötш и вежөрсö сөдзөдö. Сöмын Васьö төжд-мөвпъяссö вöтлö, не-окота уджөдны сийöс прöстасö. И тайö збыль, абу вöтын. Вын-йöра том турун көрыс, сэтöрыс, руалысь сир дукус сэтшöма йиджис сылөн вир-ййö, кажитчö, лоис нин сийö на кодь, нинөм аслыспөлөсыс, пөсь пемөс руыс эз нин коль пытшкас, пöрис юö, турунö, козийö, пожөмö, кыддзö, тыö, ва гуранö, вутшкö.

И ставыс тайö збыльтор, абу вöтын. Таысь Васьö чуймö. А лолыс югзьö да шызьö, лоö олöм-вылöмсьыс сэтшöм любö да нимкодъ, весиг оз лысыт вöрзьöдны кок чуньяссö, медым не повзьöдны сийöс шымыртысь ладсö. Кывийöн шуны позьтöм нимкодълунсö, кодöс позьö сöмын кывны ловнад.

Дыр-ö тадзи Васьö олис быдмөгъяс руас, оз тöд, но бөр аслас ватаа кышöдöн шымыртчыны ковмис. Шондi дзевбис сьод кымөр мышкö. Ыркалис чöскыд кöра сынöд, лючки сывтöм на му зургис йинёнöн, зургис мышкас, быттьö вöйпис сылы: мöдлаысь тэ, парма пи, корсь шудтö. Кöни мöдлаас? Йöз кост олöмас кö сылы ладыс оз сюр.

Кыпöдчис Васьö, ветлöдлыштiс, воис бөр ас садыс, стöчджыка кö: вöйтчис олöм тöждъясö. Но вөр-ваён козьналöм кыпыдлуныс дыр на эз энот сийöс, яр öгырөн ломзис пытшкас, ачыс тырвийö эз вермы вежörtны, мыйысь сылы сэтшöм кыпыд лов вылас. Улич кузя мунигөн дзик тöдтöм мортлы нюмдылис. Öтияс видзöдлисны сы вылö скöрысь, мöдъяс паськөмнысö бергöдлисны, абу-ö кыткö ляксöма.

Васьö унаысь на ветлис сийö местаас и стöч тувсовъя гажа пöраö, но вылысь вынийöра турун сiö пöртчыны эз нин слöймы. Лолис лов вылас нимкодъ и сöмын. Пожöмөн ни козийöн, ни бадъён,— нинöм сэтшöмкодён асьсö эз кыв. Кутшöмкö здукö чайтлис, мый сийö сотчöм мыр нин. Таысь кöдзöдлис.

Васьö век гежöдджыка кутлис шпынпявны, регыд дзоньнас сюртчис аслас зумышлуна мегыр пиö.

Öни, кодыр пöрöдас «Агдам» стöкан и шоналыштö юр чукыс, бара вöрзьö йöршитчöм вежöрыс, бара кузь войяс чöж веглясьö буса вольпась вылас, песö лунысь-лун лябмöм ловсö. Мыйла? Гашкö, сийö, Паршуков Василий, кодöс мыйлакö нэм чöжыс ыдждöдлисны Паршиковөн, гашкö, сы вöсна и волис таладор югыдас, медым юöртны йöзыслы та йылысь. Оз пö сiдз ков овны, дона войтыр, кызди тi оланнид. Энö петöй вөр-ва сывсьыс! Энö дойдöй вөр-васö! Дойдöмыд мый, йöзыс тай быд лун парсалöны öта-мöдсö да кызкö ладмöдчöны. Но öд и изгаляйтчöны сы вылын. Пежинас и олöмыс пеж. Зэв этшаён на тайöс гөгөрвоöны да нем оз вермыны вежны. Унджыкыс чайтö: колö кышавны дас костюм да сöвтни рушкуас тонна «ломтас», стöчджыка — сёйны да юны, вугралыштны да бара вылысь сийöс вöчны. А вот Вася Паршуков казавлис аслас олöмын мöд сикас радлун. Тöдöмысь, сыын сылөн и могыс вöли — висьтавны та йылысь йöзыслы. Но Васьö вöчис дзик мöдтор, пестис мортлысь горшлунсö да велöдис: мый öкмö öтувъя уджөн, юклыны öтмоза, медым регыдöнджык изны. Збыль вылас Васьö моз некод эз вöч, эски эськөн некодлы нинöм лои «изнысö».

Васьо ӱтчѳд турыштчыліс юксыны аслас радлунӱн, ва-йис гижӱдторсӱ редакторлы. Редакторыс, сьӱдѳник да косѳник дядьӱ, пунктѳ Васьӱлы кымӱсас кисӱ да лабутнӱя шуис, температураыд пӱ нормальнӱй. Мун лючки уджав, эн ангел моз сынӱдас лэбав. А сылысь «творчествосӱ» чабралѳс да урнаӱ шыбитѳс. Васьӱлы лои вир яндзим. Сѳйӱ лунас юсис. Казялісны кодалӱмсӱ редакцияын. Корис ас дорас редактор и сетѳ инструкция, кодыр пӱ кӱсъян юны, мун гортад, игнась пытшкӱссяныыс, ключсӱ вуззы форточка пырыд, ю пӱттӱдзыд, кор садьман, звӱнитлы миянӱ, мездем. Васьӱ ӱтчѳд тадзи и вӱчис, кор гӱтырыс вӱлі командировкаын. Дучкис кык лун, звӱнитѳс удж вылас, мездӱй пӱ, йӱрми, уси пӱ ключӱй форточка пӱдлалѳс. Волѳсны, корсьысисны, но турун письыс эз аддзыны восьтансӱ. Ещӱ кык лун тшыгъявны вѳчмис, гӱтырсӱ вѳччысигмоз. Бур на, каганыс пионерлагерын шойччис.

Кадыд тай восьса кранысь ва моз тьѳгӱ-мунӱ, оз юась, шог ли кыпыд лов вылад. Век жӱ визувтан ӱдыс сылӱн содыштлӱ и чинлӱ. Кодыр юышталӱ Васьӱ, пӱраыс лэбӱ. Выльлунсӱ и казялӱ, мукӱдъясыс мудер кассирлӱн моз щӱтӱ вылас асьныс гывдӱны. А пальӱдчигас кадыс сувтӱ. Тайӱс Вась стӱча тӱдӱ. Няйтӱ вӱйтчӱм гыч моз зутшвидзӱ, ньӱти оз вӱрзы, кӱтъ кинад сѳйӱс тойлав.

ӱні, кодыр Васьӱ лои вӱльнӱй казакӱн, стӱчджыка: некодлы ковтӱмӱн, сэтшӱмӱн чайтсьӱ тӱлыс. Кузь войсӱ буса матрац вылын мӱритӱ, луннас сӱні жӱ вѳглясьӱ. «Агдамсӱ» пытшкас кисьтас, да вежӱрыс заводитӱ ӱмзыны. Кольӱм серпасьяс зӱлитӱны. Вѳськыда кӱ шуны, Васьӱ аслас нӱмын эз сӱмын вӱр-ваыскӱд ладмыв, эз сӱмын сылӱн питшӱгӱ пыравлы, мыйкӱ татшӱмкодъ жӱ сылӱн вӱвлӱ ӱти нывбабакӱд. Пукалӱ Васьӱ сыкӱд орччӱн и сылӱ нимкодъысла.

Дыр пукалӱ тадзи Васьӱ шы ни тӱв, мода вылас кӱрлӱ кымӱссӱ, быттӱ мыйкӱ ыджыдтор йылысь мӱвпалӱ, но некутшӱм дум ни тӱжд сѳйӱс оз кытшлав. Васьӱ сюся кывзысьӱ, кылӱ орчча аныльсѳ пышкай моз пуркѳйысьысь сьӱлӱмсӱ, казялӱ, кыдзи рӱчасьӱм сӱнъясӱдыс из косттѳ моз тшукъясьӱ-кыпӱдчӱ вынѳр разӱдысь вирыс. Эз кутлы, эз окышт Васьӱ сѳйӱ здукас аньсӱ, выныштчис гӱгӱрвоны мӱд ловсӱ. «Мый танѳ позис гӱгӱрвоны и колѳс-ӱ? — вѳйсис бӱрнас Васьӱ. — Йӱй тӱ, Васьӱ! Йӱй! ӱд сӱки тӱнад сьӱлӱмӱ поздысис мӱд морт, кодѳ козьналіс тӱныд сы мында курыд шог да тӱжд. Сэтшӱма измис тӱнад сьӱлӱмыд, некор гораа эн лысьт шуны сылысь нимсӱ вӱтӱн ни вѳмӱсын. Гашкӱ, сы вӱсна ӱні и пӱжсян буса пельӱсас?»

Вѳськыда кӱ шуны, уна ног Васьӱ видзӱдліс лоӱмтор вылас. Прӱститліс ӱти пӱраӱ. Лыйліс и гуавліс мӱдысь. Дерт, сӱмын думнас.

Өні, уна ва кылалом бөрын, ловзьөдліс тайё серпассё сөмын сы могысь, медым вочавидзны сійёс гөгрөддысь юалом вылө, кутшөм могөн воліс таладор югыдас. Гашкө, сы вөсна и мыгчысьліс, медым вежөртны, мый йөз вермасны вөвсьыны шудаөн, лючки кө ладмөны өта-мөдныскөд. Медводз, буракө, тайё нырвизяс и налөн корсьысьөмъясыс шогманаөсь. Збыльысь кө сідзи, мыйла сы мында курыдлунсө көвтіс мөд ловкөд лад корсигас? Эз сулав та вөсна воынысө таладор югыдас. Эз. Васьолы тайё ковтомтор. Буракө, и мукөдыслы тшөтш. Со мый сійёс падмөдө. Но мыйла нө воліс?

Асывнас, кодыр кызсюрө пысаліс зептас «Агдамсө», крукыля ныра, көбыла кодь тьөтө юаліс:

— Кисьтан?

— Кисьта,— тэрыба шуис Васьө, здукөн вежөртіс: та ыжда сир кө самасис сы дорө, сідзкө мөдъяс оз крукасьны. Васьолы вөлі веськодь, коді сы дорын. Збыльысь, сімөм чужөмбана дядьө воськовтіс сылань, но көбыла кодь тьөтөыд здукөн өлөдіс, төкөтбө йөз син водзас небыдінас эз чужыы.

Пырисны пөдвалө, юисны ньөжйө, но чөла, кызди овлө зэв нин важся төдсаяс костын. Янсөдчисны, весиг нимсө өта-мөдлысь эз юавны. Мунігас шыасьліс жө тьөтөыд, мый пө сэтшөма мөвпалан.

— Казьтывсьө тай кольөмаыс.

— Эн казьтыв нинөм,— велөдіс тьөтө.— Сэтшөмторйис кулом водзвылын овлө.

Сайкмуні Васьө, ярскөба шуис:

— Эн тунав. Овлө, кодлыськө юбилей пасйөны, кутшөма на пожъялөны важсө. Мый сійө?

— Лыдды: сэки нин гуалөны сійёс.

Тасасис Васьөлөн голяыс. Дыр шөйтіс төвся улич кузя. Да, абу нин дзик төв, шондіыс дөза нин вылын, син аканьяснас и парьяснас шоныдсө дөбельки казялө. Тулысланьыс эсійө кырныш кодь тьөтөыс пом сылы туналө. Он на босьт! Васьө весиг гежөдджыка кутіс юыштавнысө. Сэтшөм окота ещө лысьөмсө пөжыштны яр шонді водзас.

Тулыс веськөдчис да лунысь-лун восьлаліс Васьөланы. Лым сыліс, ва воссис. Турун чепөсйис.

Вояснас ыркйөдлө на, но лун шөрнас, кытчөкө шонді морөсө саймовтчөмөн, поводнөя нин позис шонавлыны. Кыйө Васьө шонді югөрсө и шензьө: со кутшөм пач кодкө тэчлөма миянлы, пестыны оз ков ни дзоньтавны. Ставлы тырмө, сы вөсна мый зэв ылын, некод оз вермы вевттьыны ломзысьсө бипурсө паськыд мышнас. Матын кө вөлі, кипыдөснас тупкисны и не адзывны Васьө коддьөмлы татшөм райсө. А мыйта козин шондіыс муыслы вайө, и лыддьөдлынысө он вермы. Коркө важөн из шомсө и нефтьсө чужтөма да му

улас идөртөмә, көдзалас кө сьомөсыс чужтысьсылөн, медым йөзыс эз гегдыны. Ми сійөс кадысь водз перьям му пытшсьыс, тшынө да бусө пөртам, сэсся апалам сынөд сорнас, та вөсна ёна круксоны да несъялөны йөзыс. Мед колөкө эськө несъялөны, сідзи кө кивыв налы, но мыйла нефтьнас мавтөны му веркөссө, тыртөны нюръяс, тыяс, юяс, весиг саридзсө пежөсьтөны? Тадзинад и чериыс бырө да зверь-пөткаыс оз ло. Ставөн гөгөрвооны — тайө омөльтор, но вөчөны. Тайөс Васьө вежөртны некыдзи оз вермы.

Джөм сувтө татчө Васьөлөн визув мөвпыс и водзө оз кывт. Жуньгө юрас и морөспань увсө чепльөдлө. Коркө-некоркө вежөртө Васьө: тайө потшөм вежөрыс пессьө сы пытшкын, заводитө көзяинсө пытшсяньыс изны. Здукөн Васьө чепөсйө винной отделө. Крукыштө «Агдам» доз и видзөдө сы пыр шондї вылас: гөрд ёкмыль кодь дөввидзө ылын-ылын. «Өд тайө винаыс шондїөн жө чужөмтор», — мынө крукасьлөм мөвпыс Васьөлөн. Колө эськө сійөн көдзыд төвнас ловзөдчыны. А сійө со жар вылын, яр шондї водзын лышкыдалө. Мый көть шу, лөсьыда олө. Озыра. Васьө винасө видлө төкөтбө, нямлялө небыдик сьөд тупөсь. Сэсся бара көтөдыштө горшсө. Винаыс кыскө шоньд юө моз, но Васьө мый вынсьыс пыксьө. Любө аслыс, мый вермө на кутны асьсө.

Васьө казялө: сылөн бур ногөн сьөктавлө ки-кокыс и вежөрыс. Тайө матыстчө сы дорө ун. Сибөдчө унмыс ньөжйө. Сійөс важөн нин тадзикөн меліа эз шымыртлы вугырыс. Дыр Васьө кытчөкө котөртө, век өддзө и өддзө и сэсся лэбовтө кытчөкө.

Васьө виччысьтөг садьмө, но некыдзи оз вермы гөгөрвоны, көні сійө. Веськалө дзик мөд пөлөс олөмө... Яра пөжө шондї. Гөгөр дзоридзалө. Васьө весьшөрө гудйысьө шыльк-видзысь турун пиас, некытысь оз сюр «Агдам» колясыс. Кытчө нө веськаліс?

## **КӨНІ СЫКТЫВКАРЫС?**

Васьө дыр на корсьысис. Абу. Сылөма «Агдамыс». Лои зэв жаль, мый эз помав дозсө. Васьө дөзмөмпырысь кытчөкө довгис, сэсся видзөдліс гөгөр. Буракө, вөлі гожөм шөр, пу корьясыс гырысьөсь нин. Быдмисны быд сикас пуяс: пашкыр пожөмъяс синмө шыбитчөны, нияяс серөктөмаөсь небыд корьясөн, сус пуяс гырысь емъясөн нимйөдчөны, и мукөд шылльө-мыльбөыс помтөм-дөртөм. На вылө и видзөдлынысө дыш. Пуяс костысь мыччысьлөны кык-куим судта керкаяс. Лыбөдчөмаөсь и уна судтаяс. Ставныс найө пуясыс кодь жө сөстөминикөсь. Уличаясыс эмөсь жө, сөмын абу асфальтөн найөс вевттөма, ковөр кодь веж турун вольсасьөма. Кызди

стадионын. Машинаяс оз чашыйсыны отаро-модаро, кызди сылон родной Сыктывкарын. Кытчо Васьо веськалис? Татшом кар йывсыс сийо некор эз вотавлы ни кывлы.

Кымын водзо, сымын шемослуныс паськалис. Со сыланьо шамийо мылык кодь йора. Пу кокъяссо сомын чепсодло водзо. Васьо доро и сувтис. Но Васьо эз повззы. Йораыс эз вов ловъятор. Сийос вочома пуысь либо модторйысь да лакируйтома. Васьо вежортис: буракo, тайо кутшомко машина, робот. «Йораыд» пидзосчанясис, рушку вылас водис. Боксяныыс воссис одзос и гузь петисны мам яй пасьтом йоз. Найо волины мичаа гожьяломаось, шылъид чужомаось, пашкыр юрсиаось, быттьо пелькодом аканьяс. Кымынонко волины зев дженьыдик гачаось, трусикаось. Видзодлисны Васьо выло и гылыда сероктисны. Сэтшом жо пасьтом том войтыр пырисны «Йора» гыркйо. Варовитисны ас костаныс, мыйысько гизисны. Ышодисны и Васьоос мододчыны на борся.

Воськовтис Васьо нэмнас медводдзаысь «Йора» гырко. Пытшкыс вель ыджыд. Пуксянинъяс и породчанинъяс эмось. «Тайо бур», — думыштит Васьо, но пуксыны ни неровтчыны мегыр сяма диван выло эз лысьт. Сэтшом воли гогор дзурк состом — повзис, ляскосьтас да штрапуйтасны. Видзодлис стенин ошалысь ромпостан выло да шай-паймунис: сы выло вир шог синьясон дзоргис няйт паськома порысь-порысь польо. Чужом вылас сюрс гогор корас. Татшом повзюгсо сомын художникъяс серпасавлоны асланыс картинаяс выло. Васьо майшасис, йожгылясис. Йозыс важон нин инасисны, коди кытчo. Отияс небыд улос пио войтчисны. Оти том пара шамыртчомон и суновтис диван вылас. Та выло и Васьо нюмдис. Но мукодыслы воли веськодь. Сточ тайо здукас вылисянь лэччис есь голос: «Мододчам. Артист, эн жодз, пуксы! Эн пов, бoryннас весалам».

Васьо шлопкысис орчча улос выло. Вежортис, сийос тани лыддьоны «артистон». Оз порысь мортон либо инвалидон, а артистон. Со мый вoсна гизьоны сы вылын. Сералоны небыдика, челядь моз.

Меститчис Васьо и майшасьo. Мыйла татчo пырис? Кытчo муно? Кодлы сийо тани колo? Родной карас, кони чужлис да колялис нэмсо, борья кадо некод некутшом могон эз шыасьлыв, непошто кытчoко чукостны. А тайо кыпид лола войтырыс сибодисны. Мый налы сыысь? Од сийо абу некутшом артист. Казяласны, дерт, тодмышкаласны. Кытчo муно? Кони сылон буса подвалыс? Кодьяс найо, татшом состом войтырыс? Золитo Васьоос ставсо тайос здукон тодмавын. Гонялис-гонялис Васьо да шыасис, кызди сылы кажитчис, ыджыд-код нин арлыда мужичой дорo, коди эз вов дзик пасьтом, а дженьыдик гача.

— Хө,— кызөктіс Васьө,— позьө-ө тiянкөд варовитышт-ны?

— Көть мыйта,— нюмдіс дядьө.

— Көні ме? Кытчө веськалі? Гөгөрвоан, мый ме юася?

— Гөгөрвоа,— меліа вочавидзис дядьө.— Тэ, дона мортөй, Йөра нима рөбөт сывйын. Сійө тэно нуодас кытчө көсьян. Кытчө тэныд колө?

— Меным колө Сыктывкарө, Коммунистическөй улича вылө. Сэні көрт туй вокзал йөрас колис джынъялөм «Агдам». Өти здукөн меным колө сэтчө. Гөгөрвоан, кодкө сэсь аддзыны вермас сійөс меысь водзджык.

— Но артист,— гизис сера гача дядьө.— Татшөм экземплярсө эг на аддзыв. Синва петтөдз гажөдін. Бура ворсан рольтө. Извинит, кутшөм театрысь?

— Абу ме некутшөм артист! Ме Коммунистическөй уличавывса бомж.

— Сөмын тай гөгөрвотөм кывъяс шуалан. Извинит, дона артист. Кутшөм пьесаын ворсан?

— Ме Коммунистическөй уличавывса бомж. Өні гөгөрвоин?

— Гөгөрвои, дона артист, гөгөрвои. Тайө пьесаыслөн нимыс «Коммунистическөй уличавывса Бо-о?» Дзик виль гижөд. Эг кывлы, прөстит. Коді авторысь?

— Коді авторысь... Тэныд ещө автор ковмис?!— виччысьтөм лөглун гумовтіс Васьөлысь ловсө. Кыздз татшөм төлктөм мортыс сы водзө веськаліс!— Авторысь... көсьян кө төдны, сера гача мортанөй, «Мед олас КПСС!» Но... гатшөн эн усь... Унаөс ас кадө тайө кывйыс водтөдліс гатшөн и кымыньөн. Өні вежөртін...— Васьө гитшнитіс медбөръя кык водз пиньнас.

— Бура ворсан, молодец,— ошкис дядьө,— ме тадзи скөрмыны ог сяммы нинөм бурысь. Молодец, ещө шуа,— нюжөдіс кисө. Васьө дышпырысь киасис. Киыс дядьөлөн сотіс өгыр моз. Васьөс шензьөдіс өтитор: мыйла оз скөрмы сы вылө тайө мортыс, буракө, нинөм оз гөгөрво, өд сы мында нин увтіс коньөр вылө.

— Коді тэ лоан?— медбөрын юаліс Васьө.— Кызди тэнад нимыд?

— Ме Мөсей. Вөчала татшөм рөбөт-машинаяссө, көні тэ өні пукалан.

— Сідзкөн, тэ он лытайт мукөд моз.

— Ме мастер. Дерт, ог өтнам вөч. Заводын мастерала. Менам уна отсасьысь. Но ме өтнам вежөрта, кызди сійөс колө тырвыйө йитны-чукөртны.

— Кызди тайө карыслөн нимысь?

— Шондікар.

— Некор эг кывлы. Кутшом муын ми, кутшом государстоын?

— Ми роч государстоын, Коми му вылын. А тэ, дона артист, кутшом странаысь?

— Ме сэтысь жö, кытысь тэ висьтасян, сера гача мортанöй. Но мыйла тани ставыс мöд ног?

— Тэ, дона артист, кытысь усин?

— Ме кытысь уси...— Васью дыр чукралис плешсö. Мый татчö шуны?

— Дона артист, тэ кутшом кадын олан?

«А öд абу йöй тайö дядьöйс,— думыштіс Васью.— Ме эськөн эг и сяммы тадзи юавнысö».

— Ме, Мөсей, стöча кө шуны, ола 1993 воын. Сыктывкарын, Коммунистическöй уличавывса öти пöдвалын.

— А öни... ог и тöд кызди та бöрын тэнö нимйöдлыны. Сидзкөн, тэ абу артист?

— Паршуков Василей...

— Öни, Паршуков да Василий, кадыс 2181 во июль тöлысь, öкмыс час асыв. Мыйла тэнад нимыд кык пöлöс. Паршуков да Василей?

— Öтиыс памилие, мöдыс ним. Медым не сорны мукöдьяскöд.

— Но мян сöмын ним серти шыасьöны.

— Мый нö, тани оз туявны рöдвужсö?

— Сийöс ставсö компьютерö тэчöма. Быдöнлөн сьöрас,— Мөсей перйис зепсьыс шоколад плитка кодь ворсантор.— Со, көсьян кө тöдны менö,— личкыштіс кизьтор вылö, лыдды пö. Васью эз кут лыддыны. Зэв кузь ним гижöма.

— А!— Васью дзикöдз шйöвошис, эз путьмы водзö кыв ни джын шуны. Кызди нö тани кутас овны? Тани, буракö, некутшом энөвтöм пöдвал абу. Буракö, и вина көрсö оз тöдны.

— Паршуков, кылан, Василей, мый сэтшöма шогсян?— тувкөдіс пельпомас Мөсей.

— Кызди нö ог шогсы, менам сэтчö ж/д вокзал йöрас колис төкөтбö видлыштöм «Агдам» доз.

— Мый лоö «Агдам» дозйыс?

— И тайöс тэ он тöд!— Васью кыз синваөн бөррдзис.— Вытрезвиловкаö тай веськалі... а-а-а!

«Йора» гыркын мунысьяс ставөн шензисны ыджыд комедийнöй артист Паршуков Василей вылö. А öти мича нывбаба чеччис местасьыс да сувтіс Васьюлы дзик ныр улас. Кыліс Васью, кызди аньлөн öгыра пидзöсьясыс ёмзбöдöны бусняйтөн чорзбöм гачсö. Васью медводдзаысь на нэмнас кыліс татшöм мичлунсö ас дорсьыс, дзик плөтсьö, та вöсна ёнджыка на бөррдзис. А мича аныс кресталис кияссö мылькъя морöс вылас да сёлöмсянь шуис, тайö пö комедийнöй

артистыс медся шуда мортыс му вылас, ме пö некор тадзикон эг бёрдлы. Ышловзис — мен пö эз вичмыв татшом шудыс. Тайö здукö Васью гыркöдыс сывъялис нывбабаос, киськалис шог аддзывтöм аньюс курыд синваон.

— Оз йидж, великöй артист, тэнад шудыд менам вир-йайö,— шуис нывбаба да пуксис аслас улöс вылö.

— Тэ, Паршуков да Василей, сідзи эн төлкуйт меным, мый сійö «Агдам» дозйыс,— юалис Мөсей.

— Вина сійö. Эм абу тиян винаыс?

— Вина пиас ми купайтчам,— веськодя вочавидзис Мөсей.

— Мыйла нö эськö онö юй?

— Гежöда лекарство пыдди юыштлам.

— Унджыксö оз позь?

— Көсьян кө, көть ведра дучкы.

— Мөсей!— Васью паськөдіс сывсö,— ло меным другон.

— Ог гөгөрво ме тэнö, Паршуков да Василей. Ковмас тэ-ныд сёрнитны профессор Осипкөд.— Мөсей перйис шоколад плитка кодь ворсанторсö.

— Коді сійö?

— Профессор Осип — зэв ыджыд учёнöй, чужтіс морт сяма да зверь мыгөра рөбөтгьясöс. Став дышөдчыссьö вежис роботгьясон. Таысь сылы ёнакодь вичмис. А... профессор Осип. Кызди здоровьеыд. Бур. Ме зэв ыджыд могон тэ дорö, öти кывйон кө, воöма мянö предок. Кыксё во сайын овлöма тайö карас. Ме пöшти ог гөгөрво сійöс. Öдйö, шуан, колö вайөдны тэ дорö. Полан — бөр усыыяс. Вина корö юны. Сетны абу? Сетны? Бур.

## ПРОФЕССОР ОСИП ОРДЫН

«Йöра» гыркысь петом бöрын Мөсей төлкуйтис Васьюлы, мый профессор Осипкөд аддзысьлөм водзвылын пыртлас сійöс столөвöйö. Столөвöйыс вель ыджыд, стенгьясыс стеклөысь, кытшалöны керкасö еджыд кызгьяс. Öдзөссö восьтіс мөслөн кодь сингьяса зуд кодь крепыд мужичöй. Мөсей петкөдіс кутшөмкө карточка, дядьö копыртліс юрсö, позьö пö. Васью юасис, мыйся кабала Мөсей кийн, коді тайö дядьöыс. Мөсейлөн карточкаын пасйöма, уна-ö сьлөн сьöмыс банкын, а дядьöыс рөбөт Микит, коді уна во нин тані служитö, зэв бур экземпляр, некутшөм кулиган пö оз вермы песовтны сылысь сьылідзирсö ни нетшыштны сойсö, кызди овлö мукөдгьяскөд. Ещö Васью юалис, уна-ö тшөт вылас сьöмыс Мөсейлөн, оз-ö ло сійöс кедзөвтöма. Эн пö пов, вочавидзис Мөсей, менам пö капиталыс сы мында, тырмас нэм помөдз и коляс на челядьлы. Васьюлы таысь лои зэв нимкодь.

Акань кодъ нывбаба пыртис найос торъя жырйö. Нюмсера ныв тшöктис мыськыны кияс. Сэсса пуксьöдис пызан сайö, а сэни сэян-юаныс! Кывйыд сылö. Васьö оз и тöд кытчö кутчысьны. Мөсей пыр жö öлöдис, медым коддзытöдз оз төкарит. Профессор Öсип пö зэв стрöг. Татшöм вöлөганад пö ог на лябмы, ышнясис Васьö. Кымыньтис некымын румка чöскыд вина. Гажмыштис. Юалис официанткалысь:

— Кыдзи нö тэнад, сьöлөм косьтысь аньöй, нимыд?

— Алиса,— нюмдис мöдыс.

— Позьö окыштны, Алиса, китö?

— Көть мыйта,— Алиса нюжöдис мичаник кисö.— Сöмын эн вунöд чышкыны партö. Бөрнас.

— Позьö, Алиса, сибöдчывны юмов паръясад?

— Көть мыйта, сöмын эн вунöд чышкыны асьыд партö.

Бөрнас.

Васьö кутлис да окалис Алисаос пöттöдзис. Мича ныв помся нюмъялис öти ногөн да шуалис: «Эн вунöд мыськыны китö, эн вунöд чышкыны партö». Мөсей пукалис пызан сайын да сьöлөмсянныс гигзис-сералис.

— Мыйысь тэ сэтшöма гигзян, Мөсейö другö?— юалис Васьö.

— Тöдан-ö тэ, кодöс öни окалин?

— Юмов паръя нылöс.

— Роботкөд тэ, Паршуков да Василей, меліасин.

— Дзик тай ловъякодъ,— жугыля вочавидзис Васьö.

— Дзик да абу стöч. Но тэ эн шогö усь. Овлö. Он тэ öтнад татшöм капканас шедлы. Тайö профессор Öсиплөн «лэчъясыс».

— Мыйла нö сійö тадзикөн балуйтчö?

— Делöыс сыын, профессор Öсип ёна тöждысьö нывбабаяс понда. Нывбаба-рöбöтьяс вöчö мичаджыкөн ловъяяс серти, медым код дядьöяс, шуам, тэ коддьöм Паршуков да Василей, медводз веськалисны рöбöтьяс сывйö, а эз кедзовтны мянлысь дона аньяснымöс.

— А нывбабаясыс оз вежөгтыны рöбöтьясыслы?

— Оз. Аньясыд мян сюсь вежöраоьс.

— А профессор Öсипсö радейтöны нывбабаясыс?

— Вот аддзылан,— Мөсей чукöстис Алисаос, корис сылысь кутшöмкө лекарство. Сирва кодъ юантор мыччис Васьöлы, тайö пö вирсьыд алкогольсö пöдтас. Юис Васьö и дзик садъ лоис. Алиса вöчис пасйöд Мөсейлы карточкаас, и найö петисны ывлаö.

Профессор Öсиплөн керкаыс пожöма ягын. Быдлаын синтö ворсöдö кызаа вольсасьöм лым еджыд нитш, кодöс тöлын лым улысь перйöны көръяс. Мөсьяс нямöны жö, чукөртан да сетан кө. Öни пуяс костын сулалисны «көръяс», «ошъяс», «көчъяс», «ручъяс», «көинъяс». Дерт, найö эз вöвны

збыльось. Тайо рөбөтъясыс профессорлөн, сюсь вежөрөн чуж-төмторъяс. Көсьян кө, пуксы «көр» выло и котрав вөрөд, кыйсы либө вотчы. Позьо пө пырны и гыркас, шуам, зэра поводдя дырйи либө вөралігөн. Пуксян «Көр» пытшкө, и зверыд оз пышйы тэысь. Сөмын эн горшась, босьт вөр-васьыс мыйта позьо, лишаланасө. Та бөрся пө тані сюся видзөдоны.

Кызди и мый вынөн котралөны тайо «зверьясыс», Васьо эз вермы гөгөрвоны. Мөсей, көть и ёна босьтчыліс, сылы тайос төлкуйтны эз жө путьмы, сы вөсна мый Васьо мастерлы кажитчис ньоти велөдчытөмөн. Оти кывйөн кө, съод мыр кодьөн.

Профессор Осиплөн оланіныс куим судта. Керкаыс снитки выль, тэчөма гожъялөм пожөм керьясысь. Стеныс югъялө, быттө панласьө сөстөмлуннас еджыд-еджыд нитшкыскөд.

Васьоос профессорыд паныдаліс улыс судтаын, лөсьыдик залын, пыр жө пуксьөдіс креслөо. Эз киась. Буракө, татшөм модаыс тані абу. Кызди Васьо төдмаліс бөрнас, профессор Осипыд вөлөм зэв нин ыджыд арлыда, сылысь неважөн пас-йөмаось 150 арөс.

Васьо сюся видзөдіс профессор вылө. Сы водзын сулаліс пөрысь-пөрысь пөль, косіник, куш юра, быттө морковь сатш-көмаось увлань юрөн. И көрасьясыс пуксьөмаось асык кытшъясөн, юмов град выв пуктас вылө моз; нырыс гөрба, видзөдласыс ёсь. Профессор гач пыддиыс гартыштчөма гөна ки чышкөдөн, быттө сөмын на петөма пывсянысь. Сэсся некутшөм паськөм вылас эз вөв. «Гортад и тадзикөн позьо овны», — дон сетіс Васьо. Сэсся та вылын Васьолөн ыджыд учёнойос донъялөмыс помасис. Осипос өтарсяныыс и мөдарсяныыс пыкисны кык томиник ань. Найо нимкодьпырысь петкөдлісны став сійо мичлунсө, мыйөн лышкыда козьнав-лөмны найос коркө ай-мамныс, шыльөдөма-сөвмөдөма вын-йөра вөр-ваыс да быдторйын судзсьөмөн олөм-вылөмыс. Васьо видзөдіс аньяс вылө меліа-меліа да мөвпаліс: бур, мый найо скупердяй моз оз дзебны асьыныс озырлунсө. Мөсей, коді пукаліс Васьөкөд орччөн, төлкуйтіс: тайо аньясыс пө Осиплөн отсасьысьяс. Кулас пө пөлыыс да сылысь чөс туйсө водзө нюжөдны кутасны.

— Тэ коді сэтшөм-татшөмыс и кызди татчө веськалін? — стрөга юаліс Васьолысь профессор.

— Коммунистическөй уличавывса бомж, Паршуков Василей.

— Ко-о-мунистическөй... бо-омж... Том дырйи төдлі тайо кывъяссө... — профессорлөн рөчасисны юрсө асыкалысь көрасьясыс, сійо чорыда изіс-мөвпаліс. Оти нывбабаыс зы-раліс учёнойлысь юрсө, шуаліс мелі кывъяс: со пө мөвпыд вөрзис, кыпөдчө нин юр чукад. Заводитө пө варкйыны-пуны.

— Овлёма тайё экземплярыс,— Мөсей индіс Васё вылө.— 200 во сайын.

Осип быттьё эз кыв шуөмторсө, выльысь шыасис Васё дорө:

— Кутшөм удж вөчлін сәні?

— Унджык кадсө вөлі бус пиын пөжся, корсюрө «Агдам» тікырта,— Васё шлочкис голяас.— Тайёс поэё жө вежөртны ыджыд учёнойлы.

— Вина юысь, тыдалө, вөлөм,— стөчмөдіс Мөсей.

— Сідз... сідзи...— жугліс юрсө Осип,— виччысьтөг дзоля кага моз иналіс косіник кияссө мөд аныслы нёньяс костө.

— Тадзи абу и мича видзөднысө,— дөзмис Васё.

— Профессорлөн кынмө ки-кокыс. Тадзи сійө кадысь кадө шонтысьө,— төлкуйтіс Васёлы Мөсей.

— Сідзикөн мөд делө. Ме сэтшөмторсө гөгөрвоа,— лөня шуис Васё.

— О!— профессор кучкис аслыс юр чукас.— Мария, мусук поз, вай татчө 13 номера ящиксө,— шыасис сійө нывбаба дінас, кодлысь неважөн на меліаліс морөссө. Вайисны ящиксө. Профессор мыйкө дыра ноксис сы дінын. Недыр мысти шаргана гөлөс юөртіс: «Бомж — социальной асыкысь усьөм морт, ясыдджыка кө, сьөвзёмтор. «Агдам» — юантор, коді сісьтө мустө. «Коммунистической» — сэтшөм нима уличасө позис паныдавны быд карысь. Сійө пөраас йөзыс вөліны шөйөвошөмаось, эз төдны, кодарө сынны. Сулалісны, быттьё ыджыд пыжын, быдөн бөрсянь и водзсянь крука беддён кураліс васө асланьыс. Пыжыс эз вөрзы».

Та бөрын нывбабаяс уськөдчисны профессор Осипөс меліавны-окавны, зарниысь пө дона тэнад вежөр-садыд, дырдыр пө ов да эн эновт миянөс. Тыдалө, пөльөлы татшөмторйыс ёна сьөлөм серти вөлі, помся шуаліс: мус поэяс пө, дугдөй вильшасыны, а то бөрддза пө. Вайисны ур ку пась да гаровтісны пөльсө.

— Кыдз тэ, Паршуков да Василей, веськалін татчө?— бара юаліс профессор.

— Ог помнит, кутшөм транспортөн мыськовті. Но билеттөг, менам сы вылө сьөмыс эз вөв.

Профессор Осип бара шыасис аслас ящик дорө, коді юөртіс: «Билет — документ, код серти поэё пуксыны самолёто либө поездө».

Та бөрын профессор шуис вөчны шөйччөг. Нурьясыштны пө абу грек. Рөбөтъяс пызансө лөсьөдісны өти пашкыр пожөм улө. Бара быдторйыс вөлі: пөжалөмыс и пуөмыс, ульторйыс и кослунъяыс. Васё бара винасө ас вөляысь лакис, некод эз вомав, зэв вежавидзысь войтыр, вөлөмкө, найө. Варовітөны ас костын, гизьөны, нимкодь мыйыськө. Васё

тырвыйо оз гогөрво налысь сёрнисо и гаж нуан ладсо, но тшотш шпынпяло.

Регыд Васьо гажмис. Бара маласьны сийос кыскис. Сэтшом модаыс сылон, тшыком понлон кодь, нойт коть эн, век асьыс вочо. Мария нима аныс, код доро Васьос кыскис, эз отдорт сийос, весиг сероктыштало корсюрө. Васьолон татшом руыс ена эз кажитчы Осиплы: мый но по, предок, асьыд йойлунто ковьялан миянлы. Гогөрвоан он по, мый тэ керан, тэ по од найтсьыс-найт и сюян китө кытчө позьо и оз. Васьо понда вичмис и Мөсейлы, мыйла по тайо найт кульсо пызан саяс кыскин. Көсйи по, профессор Осип, петкөдлыны сэтшөмөн, кутшөм эм. Но сэсся по тырмас, кыв көрталіс профессор, мед по вөлі мыськома и дезинфицируйтөма, пеж висьом по сийо вермас миянлы ковьявны.

Васьоос юктөдісны бара сийо зеллянас, кодысь здукон вина руыс быгалө. Ас садяс воом предокос рөбөт-нывбабалы ки вылас сетісны — весав по.

Коть и кодзыд вир-яя аныс, вөлөм зэв шань да мелі. Гогөрбок кагаос моз мыськис Васьос. Сэсся зыраліс спиртөн. Кышөдіс сера халатөн да еджыд кепкаөн. Сэсся нуөдіс профессор дорө. Васьолы татшом кышөдыс ыджыд нимкодьлун эз вай. Сылы вөлі гогөрвотөм, мыйла быд ногөн озыра олысь йозыс тадзи полөкалө моз сийос пасьтөдісны. Сийо эз төд, мый тані важөн нин оз пасьтасьны мичлун понда, паськөмыслөн шөр могыс — кодзыдысь да зэрысь видзны мортос. Енмөн сетөм мичлунсө лыддисны вежны позьтөмөн. Жар лунъясө кызвын йозыс, торъя нин челядь да том йөз, ветлісны пасьтөг. Васьос жө өні гаровтісны халатөн сөмын сы могысь, медым дзебны укшальмөм вир-яйсө. Та могысь жө пасьтасьлісны висьлөс йөз.

— Но, предок, кызди тэнө мыськисны-весалісны? Кажитчис-ө? — юаліс югыд залын пукалысь Осип.

— Ой, бур, профессор Осип. Нэмөн татшөмторсө эг төдлы, — Васьо кыпөдчис, көсйис копыртчывны муөдз, но эджык урчит да люкаліс плеш рөчнас пызан дорышсө.

— Мый тайо лоө, Паршуков да Василей? — шензис профессор.

— Тайо юрбитөмөн аттьөалөм, мөд ногөн кө, ыджыда коп-расьөм.

Профессор бара шыасис съөд ящик дорө: «Копрасьөм — ыджыд чиновник водзын коньөрө пуксьөм».

— Тайо на мый! — яра шыасис Васьо. — Овлөны сэтшөм экземпляръяс, кок пыдөссө нүлөны начальниккыслысь.

— Мый тайо лоө? — юаліс профессор.

— Сийо жө, мый водзынджык шуи. Но ыджыдджык стараньө петкөдлөм.

Сьод ящик стöчмодіс: «Нювсьом — понъяслөн мода. Та-дзи вöчöны рабъяс, увтыртöм йöз».

«Татшöмторсö нин вунöдöмаось. Шуда йöз», — думыштис Васьö, и сылы лои окота юасыны помтöг, кызди том дырйиыс на, кор сійö вöлі корреспондентөн.

— Профессор Öсип, висьталöй меным, нитшсялöм предоклы, эмось-ö тиян котырын вөръяс, взяточникъяс, бандитъяс? Абуось кö, кызди наысь мездысинныд?

Öсип бара шыасьлис сьод ящик дорö, ясöдіс выльöн шуом кывъяссö.

— Кызди ме гөгөрвоа, — водзö нуодіс сёрнисö профессор Öсип. — Тэ, рабъяс йöрысь петöм предок, юалін зэв ыджыдтор. Да, миян йöз оз нин вежортны вөр да взятка перйиысь кывъястö. Но кулиганъяс миян эмось и абу этша. Гапшкö, ми эгö нуодöй сійö нырвизьсö, кодос колö вöлі, та вöсна мездысим сöмын джын лөксъыс. Век жö ме тайос лыддя медся ыджыд вермөмөн йöзлөн туан-сöвман историяын. Сійö кадö, кодыр наука велалис вöчавны рөбөтъяс, морт вежөра машинаяс, öтияс шуалисны, колö пö найос уджодны морт пыдди, медым пö керасны сьöкыд уджъяс, мөдъяс сувтисны тайö визыслы паныд, тадзикөн пö ми водзö дышмöдам йöзсö, водзö пö паськöдам бюрократической аппаратсö, чужасны пö уна сикас контораяс, кодъяс «сёясны» кызвын доходсö. Бырасны мастеръяс, морт дугдас нимкодьясны аслас вöчөмторйөн, ёнджыка лэдзчысяс, лябмас, медбöрын пеж висьомъяс бырöдасны сійос му вывсьыс.

Оз ков мортос уджысь мездыны, а колö сылы отсасысь. Сійö отсасысьыс колö медводз йöзкостса йитөдъяс лөсьодöмын, социальной средаын. Тайö лоö: рөбөтъяс вежасны быд сикас контораяс — власть, армия, милиция, суд, торговля да с.в. Контораяслөн лыд оз чин, но сэнi мырсьыны кутасны рөбөтъяс, кодьяслы оз ков мынтыны удждон. Рөбөт вöчö сöмын сійос, мый сылы индöма, сійос оз позь ньöбны ни ылöдны, сійос век аддзан аслас местаысь лунын кöть войын. Сидзкөн, и вошö коланлуныс паськөдны сылысь «штатсö». Вочасөн сійö кутас чинны. Ставыс тайö сетас тырбура овны быдөнлы, водзö сөвмөдны ассьыс вежөр, сям.

— А кызди президентыс наён кутас веськөдлыны, рөбөтъяснас? — юалис Васьö.

— Президентыс миян рөбөт жö, сійö зэв вежөра машина, стöча олөмö пöртö сы пытшкö иналöм программа, некодарö оз кеж. Сійö программасö, кодос суйöма президент пытшкö, кызди вежны — төдöны научной центрын сöмын некымын учёной. Но кутшөмөн лоны президентлы, дыр артасьöны йöзыс. Кор вооны öти кывйö, сöмын сы бöрын вöчöны сійос торья заводын. Президентлысь нырвизь вежны некод оз вермы. Сы вöсна йöзлөн юр оз вись.

— Кызди ме гөгөрвои, став олөмнас веськөдлө научной центр?— бара юалис Васьö.

— Да, предок, артмө сідзи.

— Но ме ог гөгөрво отитор — кызди кулис сэтшөм вын-йөра бюрократияыс? Коді найөс гуалис?

— Эз кокниа тайö шед. Но ясыд вежөр эрдөдіс быд сикас гудрасьөмгъассө. Пансис сійө нырвизьыс менам том кадө,— бара профессор Осип заводитіс шонтыны кисө том аньлөн өгыра морөсын.— Сэки ме, нитшсялөм предок, кызди тэ асьтө нимтан, тадзи эг шонтысь, унаөс ачым өзтылі. Но ог кутө та йылысь сёрнитны. Став йөзыс ошкисны сійө нырвизьсө, кодөс индісны сэкса том учёнойяс. На лыдын вөлі и ме. Воан ыджыд контораө, сёрни панан — сідзи и сідз пө. Йөра кодь начальникгъас сэтшөм радөсь, сэтшөм радөсь, немөйтөны нимкодъысла. Менам, нитшсялөм предок, сэки юрөй эз вөв морковь кодь юөс, лясмунөма сійө вөлі, съөд тяпуш кодь. Но гырысь дядьбясыд сэтшөма нямралісны-кутлалісны менө... раднысла... Со аддзан, юөсмис юрөй. Сөмын юр чукас и өкмис вежөрөй. Но ми лоим унаөн. И найө быдөнөс ме моз «радейтны» эз вермыны.

— Сэссия нө шог ни мог эз коль, гөгөр лад?— эз вермы лөньөдчыны Васьö.

— Эз на сідзи артмы, нитшсялөм предок. Унаөн оз вермыны ладмыны тайö олөмас. Мортыс корсь асьсө. Абу быдөнлы бур, лов сертиыс. Ме ог төд, мыйын делөыс, көть быттьө ставсө керөма лючки олөм вылө миян. Унаөн оз көсйыны некутшөм удж вөчны. Стөчджыка: татшөмгъяслөн абу банкын тшөт.

— Сідзкөн, найө вина вылө сетчөмаөсь!— кыпыда юалис Васьö, ачыс думыштіс: «Эм тай на менам рөдвужыс тані, оз ло гажтөм».

— Вина вылад колө уджавны, нитшсялөм предок.

— Кызди нө олөны?

— Кызди, кызди... государство видзөдө на вылө, кызди висысьяс вылө.

— Сідзкөн, найөс видзөны больничачын, наркологияын? Төда ме сэтчөс олөмсө.

Профессор Осип бара шыөдчис съөд ящик дорө. «Наркология — вина гаггъяслөн поз».

— Быд морт, уджалө көть оз, сёрниыс мунө бөбыльяс йылысь, олө оти сикас квартираын. Сэні оти сикас мебель, көлуй, көм-паськөм. Татшөм оланіныс игнавсьө сөмын пытшкөс-сяныыс. Тадзи тшөктө президент, медым эз вөвны квартираяс петкөдөм.

— Сідзкөн, некод оз гусясь?

— Оз.

— Мыйла? Эм кө лэдзчысьөм йөзыс.

— Абу поэянлуныс.

— Лёкторсö век поэьö вöчны.

— Кыдзи тэ тöдан нин, нитшсялöм предок, магазинъяс, столöвöйяс, складъяс сідзжö оз игнасьлыны, но найöс лун и вой видзöны рöбөтъяс, кодъясöс оз вермы венны ловъя морт.

— Поэьö зоръявны найöс?

— Жугöдан öтиöс — локтас мөд, коймөд да с.в. Рöбөтъяслөн эм йитөд öта-мөдныскөд. Найö уськөдчöны враг вылө, кыдзи мазияс. Сійö дзонь министерство! Медся вынаыс государствоын.

— Столöвöйö пырны оз лэдзны, магазинö оз жö... Мый нö сөйöны бомжъясыс?

— Абу бомжъяс, а висьысыяс. Общество на вöсна тöждысьö. На вылө эмöсь спецмагазинъяс. Кöни рöбөтъяс сетöны налы урчитöм норма.

— О, сійö бур! Коммунистъяс дырйи сöмын гырысь номенклатура сэтшöминъясас нуръясис.

— Тэ тани, нитшсялöм предок, мыйкö дзуган. Бур да абу вывтi. Нормаас — 200 грамм уль яй да 200 гр. спирт лун кежлө.

— И ставыс?!

— Ещö нянь, пötöс вылас.

— Мыйла нö спирт сетöны, а оз вина? — шoга юалис Васьö.

— Тадзи тшöктö медицинаса министр, профилактика пьдди, медым эз паськавны висьöмъяс.

— Министрыс рöбөт жö?

— Дерт.

— Морт кö вöли, эз тадзи изгаляйтчы. А кыдзи олöны гозъяяс?

— Гозъяён лыддöны сэки, кор чужö кага. Татшöмъясылыс оланінсö видзö рöбөт.

— Ме нö уджтöмалысьөн жö лоа? — виччысьтөг юалис Васьö.

— Он тэ сійөн ло. Ми кутам тэ вöсна ёна тöждысьны. Научнöй центрö консультантөн индам. Öни, нитшсялöм предок, висьтав миянлы, кыдзи олін ассъыд кадтö, том пöратö?

— Чужлі ме 1931 воын. Сиктын. Олі, тиян серти кö, ёна гöля, поэьö шуны, мырки коньöр олөм.

— Уджалін кöни?

— Вöли нэм чöж литработникөн.

Профессор Öсип шыөдчис съөд ящик дорö, сійö мыйкö гургис-гургис, но нинөм эз вочавидз.

— Поэьö-ö кыдзкö мөд ног шуны тэнсьыд профессиятö?

— Корреспондент.

— Съөд ящик вочавидзис: «Корреспондент — йöзлысь вежөр дзугысь».

— Да, нитшсялöм предок, тэ омөльтор керöмыд.

— Ме эг кӱсйы. Нэм чӱж мырдӱналі ачымӱс. Кӱсйи гижны збыльторсӱ, но эз позь. Сэтшӱм вӱлі кадьыс. Быдӱн нювсис да веглясис чин водзын: юраныс ӱтитор, кыв йыланыс дзык мӱдтор.

— Йӱзыс асьныс вӱчӱны асьыныс кадсӱ. И тэ тшӱтш, нитшсялӱм предок, котыртӱн сійӱс.

— Сӱрӱ сьӱд ящикыс! Вӱліны сэтшӱмъяс, кодъяс шуисны збыльторсӱ. Ме ляб вӱлі... Ме томсянь лӱчкӱ шеді...

— Ящикыс оз сӱр. Сійӱ сигӱртӱ шӱр визьсӱ. Но и мыйӱ вайӱдӱс тӱнӱ лӱчкын нӱйтчӱмыс?

— Сырзи. Потӱм вор дорӱ коли, весиг гортысь, кызди урӱс понійӱс, тодмышкалісны.

— Да, предок, тэ тырвыйӱ тайӱн вештӱн асьыд мыжтӱ. Ен суд улӱ веськавлӱн. Но талун кежлӱ тырмас. Шойччы.

## ВАСЬӱ ВЕСЬКАЛӱ СУДӱ

Мӱсей пуксьӱдӱс Васьӱс «Козӱл» вылӱ. Мыйкӱ седлӱ кодъ, небыдик, он усь. Ачыс меститчис жӱ «Козӱллы» мыш вылас, кутчысис сюръясас, бергӱдлыштӱс ӱтарӱ-мӱдарӱ, и «Козӱлыд» ловзис. Тапӱдӱсны вӱрса ордымӱд. Ю паныдасис, метр дас пасьта. Личкыштӱсны кыкнан сюр вылас, и «Козӱл» чеччыштӱс ю вомӱн. Рӱдтӱсны зӱв шыльыд видз кузя. Гожъялӱм войтыр жвич-жвич ытшкисны-вольсӱдӱсны веж турун.

— Мыйла нӱ оз машинаяс уджавны?— юалис Васьӱ.

Огӱ жӱ пӱ татшӱм любӱ уджсӱ машинаяслы сетӱй керны. Пыр-пыр ӱд дышмам сӱки. Воисны еджыд нитшка ягӱ. Тшакасыштам пӱ, висьталӱс Мӱсей. Сувтӱдӱсны «Козӱлӱс» пожӱм бердӱ и мӱдӱдчисны гулыд яг кузя. Сюралӱсны гӱрд да еджыд гобъяс. Вундав пӱ сӱмын юръяссӱ, велӱдӱс Мӱсей. Кокыс нӱ пӱ оз туй сӱйнысӱ, водзсасис Васьӱ. Муыслы колӱ жӱ пӱтӱслуныс, кокыс мед мусӱ вынсьӱдӱ. Сӱки пӱ тшакыс лоӱ век уна. Оз гӱльмы ягыс. «Гӱгӱрвоӱны вӱр-васӱ,— думыштӱс Васьӱ.— Абу миян кодъ рутӱньяс, кодъяс мый аддзӱны, сійӱс и тшаккӱны». Мунӱсны-мунӱсны и тшукисны нюрӱ. Танӱ бара пасьтӱм йӱз ветлӱдлӱсны нюр кузя да вотӱсны мырпом.

— Мыйла оз ӱдӱлит найӱс ном-гебйыс?— шензис Васьӱ.

Эм пӱ мышканыс сэтшӱм прибор, кодӱ вӱтлӱ номъяссӱ.

«Райыс, буракӱ, тайӱ и эм» — думыштӱс Васьӱ.

Васьӱ уна выльтор на тӱдмалӱс Мӱсейкӱд вӱрӱ ветлӱгӱн. Вӱлӱмкӱ, тайӱ карас, кодӱ поздысьӱма кык ю усянӱнӱ, кодӱс нимтӱмаӱс Шондӱкарӱн, абу некутшӱм завод. Тайӱ карас йӱзыс сӱмын шойччыны волӱны, сы вӱсна танӱ абуӱс асфальт туйяс да гӱгыля машинаяс. Кызвын уджтӱмалысьыс чукӱртчӱ татчӱ жӱ. Дерт, найӱ оз вермыны ветлыны сэтшӱм

рөбөт-машинаяс вылын, кызди Мөсей, өд налөн зептыс куш. Найө ас ногыс кыпыда жө коллялоны кадсө, но Мөсей оз завидьты налы. Зэв пө лөгөсь, усьласьоны рөбөтъяс вылө. А рөбөтъясыд, налы сэтшөм мог пуктома да, көнөшкайтөны найөс, лысьөмнысө песөны. Нинөм он кер. Дзикөдз вельмасны.

Бергөдчисны бөр «Козёл» дорө да рөдтисны карө. Волісны паркө, көні том йөз отув гажөдчисны: сылоны, йөктөны, котралөны. Унджыкыс гораа гигзьө-сералө. Казяліс Васьө: өти том нывбаба сыркъяломөн бөрдө. Көсийс матыстчыны, медым бурдөдны, но Мөсей эз лэдз. Эн пө суитчы кытчө оз ков.

— Мыйла татшөм гажайнас бөрдө?— шензис Васьө.

— Бөрдө кө, шуда,— веськодя вочавидзис Мөсей.

— Мыйла?

— Сидзкөн, кодөскө радейтө.

— Но нылыс өтнас. Сидзкөн, сийөс кедзөвтө кодкө.

— Век сидзи овлө.

— Мыйла вексө?

— Ог төд, предок. Тайөс и профессор Ёсип оз вермы төлкуйтны. Гашкө, тэ, Паршуков да Василей, верман ясөдны.

— Ме думысь... тані зэв тшөпөсь йөзыс. Найө эз венлыны сьөкылдунсө и налы... не гөгөрвоны өта-мөдсө, налы оз мөрччы мөдлөн шогыс.

— Мыйтакө сидзи, но абу пыр-пыр,— мөвпаліс Мөсей.— Быдөн мыччас кисө, ковмас кө, но... мый корсьө мортыс, мый ещө колө сылы, ме тайөс ог вежөрт.

— Найө умөмаөсь шудсьыс,— кыв көрталіс нитшсялөм предок.

Уна-ө коліс кадыс, Васьө стөча вежөртны эз вермы. Воліс өтилаө-мөдлаө, весиг оланін индісны; кык жыръя патера, кодөс сийө пыр жө воштис, петис да бөрсө эз аддзы. Некымынысь Мөсей нуөдліс столөвөйө, көні Васьө бара хлюст юсис да яра карапузитчис небыд этша официанткаяскөд. Дзик пө тэ, предок, комедийнөй артист кодь. Бөрыннас, кор воис садяс, Мөсей юөртис: ме думысь пө, тэ век жө кутшөмкө театрын уджавлін.

— Ме нэм чөж вөлі трагикөн,— жугыля шуис Васьө.— Но винаыс мыйлакө вөчө менө комикөн. Ог гөгөрво ме тайөс.

— Мый сәні гөгөрвонысө,— веськодя вочавидзис Мөсей.— Ётиыс и мөдыс тэ пытшкө поздысьөма. Винаыс йөй рутө чипсөдлө, бурсө пөдтө.

Тайө здукө шыасис Мөсейлөн зептас новлөдлан телефоныс. Профессор Ёсип қорис найөс ас дорө.

Здукөн профессор Ёсиплөн двореч дорын лоины. Профессор виччысис найөс сийө жө залас, сы дорын сулаліс өти ань. Мөдыс, кодөс кутліс да окаліс Васьө, эз вөв.

— Тэ, нитшсялём предок, — стрёга шуис юёс юра профессор, — вöчин зэв ыджыд мыж миян общество водзын. Сійö нывбабаясыс, кодъясöс тэ окалін да шамралін «Йöра» гыркын и тані ме син водзын, висьмысны пеж висьöмөн. Ми важөн нин огö вöчöй сэтшöм лекарствосö, кодөн позьö бурдöдны тэон көвъялём бактериясö. Лабораторияын заводитисны вöчны бурдöдчанторсö, но аныяс вермасны сы кості кувны. Тэнö, тшыксьöм этша предоксö, кутам судитны, — профессор Öсип гаровтчис ур куа пасьон да вöйтчис небыд улöс пиö. Васьö кунис синъяссö, уськөдіс төд вылас, кызди сылысь каличаласны кияссö, сьод рөбөтъяс нуодасны этапөн Воркутаö, тшөктасны лөмөн йирны кын му. Гашкө и, лыйласны, куласны кө, шуам, нывбабаясыс... Кор Васьö восьтіс синъяссö, сійöс кыкнан дорсяныыс пыкисны öстөлөп кодь рөбөтъяс, Володь да Петыр. Копыртчылөмөн төдмасисны Васьökөд. «Öдйö тай ставыс налөн керсьö, — думыштіс Васьö. — Тадзинад регыд Воркутаö мыськовта, ог кө... На кабырысь он пышый».

— Колö эськө тэнö, нитшсялём предок, судитны нарсудөн, но миян судьяясыс рөбөтъяс, налы абу пуктöма сэтшöм программасö, медым гөгөрвоисны кольöм кадысь воом мортсö, та вöсна учёнöй совет тшөктіс тайö уджсö вöчны меным. Кора нинөм не дзугны, вочавидзавны ясыда. Миянлы колö төдны, кызди тэ олін бөръя кадас сәні.

— Пөдвалын. Бус пиын.

— Ясыдджыка.

— Водігас вөрзёда бусөн пöльтөм матрацсö, да сэтысь быг моз лыбö. Эсійö горшад сатшанторыйс. Войнас выліам шлопкысьö шебрас пыдди.

— Мыйла тадзисö, предок, олін?

— Рөкыс менам сэтшöм.

— Мыйөн висьлін?

— Став пөрөснас, кутшöм эм ловъя ловлөн.

— Кызди тэ та ыжда мукасö вермин венны?

— Лунсö вöлі рукса, войнас ымза да никса.

— Меным чайтсьö, нитшсялём предок, тэ көмөдны лөсьöдчан менö. Тэ он ас йывсьыд висьтась, а аслад пон йылысь мойдан. Тадзи оз позь. Судын колö веськыд кыв.

— Эз вөвлы менам некор поныйс, не кө лыддыны... гөтырөс.

— Кызди тайöс колö гөгөрвоны, веськыда али мөд ног?

— Увтчö вöлі ме вылө гөтырöй. Видчö, сідзкөн.

— Тэ ачыд увтчылін эн кодкөдкө?

— Веськыда шуа, увтчылі. Мукөддырйиыс сэтшöма увтчам, öтилаö чукөртчам да, некод нинөм оз гөгөрво.

— Кызди тайö мероприятиеыс шусьö?

— Собранньö.

— Көнкө, эравлін и?

— Кызди нө сытөг...

— Өні тырвыйо гөгөрвои, Паршуков да Василей, он вөлөм пөръясы: ас йывсыд шуалан, он пон йывсыд. Тайо бур. Судын колө веськыд кыв.

— Пөръясыны ог куж. Татшөм судсо ачым пыдди пукта.

— Өні мөд юалөм. Мый тэ сөйлін?

— Ясно дело: нянь.

— Сөмын.

— Винаөн көтөдыштлывлі, кос кө.

— Мыйла эн ваөн?

— Винаыс здукөн небзьөдө.

— Хы, эг төдлы. Сэсыя мыйөн ещө рушкүтө тыртлін?

— Кор мый ныр улө веськалө. Сійос и ньылышта.

— Стөчджыка.

— Кор лытор гирскөда... Кор и порсь гос ньылышта.

— Тэ он-ө бара мудерит, нитшсялөм предок. Меным кажитчө — аслад пон йылысь висьтасян.

— Ог, профессор Өсип, ог ылөдчы. Гожөмнас быттьө райо веськавла. Турунъяс нятшка.

— Зэр водзын?

— Быд лун. Том бадь йывсө нөняла. Ок, юмов.

— Өні гөгөрвои, ас йывсыд шуалан. Понйыд бадь йылас оз нюжөдчы. Салатъястө ми ог жө бөрыньтө. Тайо бур. Судын колө веськыд кыв.

— Ог радейт пөръясыны.

— Өні коймөд юалөм. Паршуков да Василей, висьтав судлы, сөстөмөн-ө видзин тэ ловтө?

— Ме та йылысь ог көсйи сөрнитны. Эн юась, профессор, та йылысь! Ок, гудрасьөма сійө менам.

— Мыйла?

— Челядь дырйи на менсым лолөс мырдөналісны, пежалісны. Сэсянь нэм чөж сөри. Ылөдлі бур йөзсө.

— Да, нитшсялөм предок, тайо медся ыджыд грекыс тэнад. Таысь тэнө колө судитны. Тэ гөгөрвоан?

— Кутшөм статья ме вылө көвъясьө, профессор Өсип?

— Зэв сьөкыд статья көвъясьө. Но сійөн тубыртны-гаровтны талун ог вермы тэнө. Тэ олін ассыд кадтө, мыжавны колө тэнө сійө законъяс сертиыс.

— Урө-ө! — горөдіс Васьө. — Сэки сөрөмсьыс эз судитлыны, мөдарө, правдасө шуөмысь мыжавлісны. Урө-ө!

— Тэныд, нитшсялөм предок, водзджык на радлынысө. Тэ аслад кокни руа олөм понда висьмөдін миянлысь кык аньөс. Мыйла тадзисө вөчин? Мыйын помкаыс?

— Менө збыль, кор видлышта румка-мөд, кокни ру вөдитө. Лолөй лыбө, кокни-кокни аслым. Лэчкысь мынөм пөтка кодь лова. Өд меным, профессор, зэв сьөкыд. Став пөрөсыс и ещө мыйкө лямөдө менө, ачым ог төд. Лолөй турдлө.

— Стöча шу, мый лямöдö, увлань кыскö тэнö? Судын колö не сöмын веськыдлун, но и ясыдлун.

Васьö доза дыр гыжъялис балябöжсö, ышлолалис и шуис:

— Кык килограмм из ме новлöдла мус пытшкын.

Профессор Öсип чургöдис кутшöмкö прибор. Васьöлань видзöдлис.

— Да, предök, тэнад сийö добраыс эм. Тани тэ эн сör. Бур. Но тайö тэнö оз мезды мыжысь. Мый ещö верман содтыны? Шуам, мыйла ас кадö эн мездысь тайö изъяссыс?

— Профессор Öсип, меным сийö изъяссö кивыв новлöдлыны ас пытшкын.

— Мыйла?

— Меным изйыс содтö весöс.

— Мый тэныд пустöй вессыс?

— Делöыс сыын, мый изтöгыс менö вына төв нырыс вермас нöбöдны машина гöгыль улö.

— О-о, со мыйын делöыс! Мудрой тэ вölөм, предök. Мый ещö содтан асьтö мездöм могысь?

— Содтысьны сэсса водзö ог кут. Сто грамм — и стоп! Мездöй менö судсьыс, профессор.

Профессор Öсип кытчökö саймовтчис — мөвпалыштны пö колö ас кежысь приговор водзвылын. Рөбötьяс Петыр да Володь кадысь кадö шпыньмунлисны. Васьöлөн жебиник сьölөмыс сыркъялөмөн бөрдис: сувтлас да здук мысти бара чеччыштö гоз-мöдысь.

— Мый тi, öбледьяс, дэльöдчанныд сэни,— шуис рөбötьяс-лы. А найö, кык öстөлöпыс, мелiа нюмдисны да юörtисны:

— Ми служба вылынöсь. Вöчам ставсö инструкция серти. Мый тэныд колö?

— Меным колö, медым тi весасинныд син водзысь.

— Тайöс абу гижöма инструкцияö.

— Вай, öстөлöп, инструкциятö, и ме сийöс вежа,— шыасис Васьö Петыр дорö.

— Ме абу öстөлöп. Ме номенклатурной валет. Тэнсьыд корöмтö ог гөгөрво,— веськодя шуис Петыр.

«Валетсьыд» пöльзаыс этша», — думыштит Васьö да ланьтис.

Коркö-некоркö воис Öсип, лыддис приговор.

— Паршуков да Василейлы, кольöм кадысь воём предоклы, суд шуис ловсö лöгысь да ыръянысь весалöм могысь, лямбöм вир-яйсö ёнмöдöм могысь, узысь вежöрсö садьмöдöм могысь — быд асыв вит минут чöж сулавны йиа душ улын. Приговор заводитö уджавны пыр жö врачлөн дöзьör серти.

«Тайö абу збыль суд, — думыштит Васьö. — Судада чорыда курчöны, ойöстан да ымöстан да курыд синваон мыссян. Абу суд тайö! Ме эг на кывлы татшöм суд йывссыс! Гашкö, челядльөн ворсöм? Гашкö нö, вöt?»

Веськыда кӧ шуны, Васьӧ полис кӧдзыд душсьыс. Дерт, вит минутнад он пезьды, содтӧд — врач син улын кӧ лоан. Но мыйла сы вӧсна тадзи тӧждысьӧны? Нинӧм ӧд бурсӧ налы эз вӧч. Буракӧ, вӧтасьӧ. А вӧгыд абу помтӧм. Лоӧ садьмӧм. А сылы сэтшӧм абу окота эновтны тайӧ пӧтӧс да сӧстӧм оланінсӧ. Но ковмас. Буракӧ, регыд нин, мыйкӧ пӧртмасьӧ син водзас.

— Профессор Ӧсип, висьтав,— тэрыба шыасис Васьӧ,— кодкӧ сёрнитӧ оз тані комиӧн? Эм-ӧ коми кывйыс?

— Эм,— вочавидзис профессор Ӧсип, матыстчис Петыр да Володь дорӧ, личкыштіс налӧн морӧсӧ. И найӧ заводитісны видчыны комиӧн.

— Тэ, Петыр, дышкуль, тусь ни пызь тэысь,— пызйысис Володь.— Вина юан, бабаяскӧд кад коллялан урӧс кыр пон моз. Мый пӧльзаыс тэсьыд? Сӧмын ыкшалуныд, горзан да сӧран нем абусӧ кодалігад. Меным дуллыс жаль тэнад корӧгӧсь чужӧмад, помидор кодь нырад сьӧвзьӧм вылӧ.

— Ланьт, Володь,— ӧвтчис Петыр.— Тэ ме кодь жӧ. Ӧти пызьысь миянӧс кӧтӧмаӧсь, ӧти пачын ёмзьӧдӧмаӧсь.

Васьӧлы зывӧк лои кывзыны налысь видчӧмсӧ, йирмӧг босьтіс. Кажитчис, бӧр сійӧ воис Коммунистической улича вылӧ.

## Э П И Л О Г

Тайӧ здукӧ Васьӧ дзикӧдз садьмис. Куйліс кӧрт туй вокзалдорса скверын лабич вылын. Шондйыс лэччӧма нин. Ыркыд. Юр водзас пукаліс крукыля ныра сьӧд халата нывбаба, гудйысис зептас.

— Розяӧсь менам зепъясыс, нинӧм оз ӧшйы,— нюмдіс Васьӧ. Сійӧ век на оліс мича вӧтнас. Васьӧлӧн вӧлі мыйтакӧ сьӧмтор, но дзебыштліс сійӧс сэтчӧ, кытчӧ яндзим китӧ суйны. Та вӧсна ӧні сійӧ нюмдіс дӧзмӧм чужӧма нывбаба вылӧ: эн пӧ тай аддзы.

— Эсійӧ пу улас, турун пиас, эм «Агдам». Вай татчӧ,— шуис Васьӧ.

Гуниктісны юмола-курыдторсӧ, быттьӧ буркодь лои. Васьӧ тайӧ нывбабасӧ паныдавліс тӧвнас, коді туналіс сылы регыдӧн кулӧм.

— Кытчӧ вошлін? Мыйкӧ эн тыдав,— юалис Васьӧ.

— Удж вылӧ пыравлі.

— Сэсся.

— Вӧтлісны. Кисьтав нин помӧдз.

Васьӧ кывзысис, сӧмын юалис — мыйла пӧ туркнитісны.

— Бригадирыслы кык син костас стӧканӧн лӧсышти.

— Аттӧ! Таысь ӧд и пуксьӧдны вермисны.

— Пукавлі нин. Тырмас. Мед мукөдьяс... Вай доз вылө. Магазиныс пөдласяс.

— Бергөдчыв,— шуис Васьö, сэсса перйис шоналөм сьöмторсö.

— Жмот,— шуис нывбаба да кытчöкö сылыштис. Регыд локтис. Ошйысис — щель косттыс пö төрөдчи, пөдласьö нин вöлі да.

Васьöлы эз пыр винаыс, көть эз на вөв код. Пукалігмоз висьтавліс вөтсö. Кывзисны и орчча лабичын пукалысьяс. Шензисны — вот пö көні олөмыс! Кызіник тьötö вөйпис — заграничаө пö тай веськавлөмыд. Йөз век чукөртчисны, юасисны. Васьö некымынысь нин висьталіс, быд пөрйө мыйкө содгышталіс. Локтис сьөд палича милиционер. Мыйся пö тани концерт? Васьö бара мойдіс. Кор шуис, мый страж видзысьяссö пö вежасны рөбөтьяс, эз кажитчы мөдыслы. Весась пö вай бурөн, тшөктис Васьöлы. Йөз ньөжйө разөдчисны. Васьö саймовтчис жө. Лажыньтчис тыртөм лабич вылө. Нюжөдчис. Личкис сьөкыд ун. Здук мысти Васьö вежөртис: абу колөм унмовськөдчынысö, кутшөмкө сьөд вуджөр из моз личкис сійөс. Васьö мый вынсьыс пессис, көсйис садьмыны. Выныштчыліс горзыны. Но ставыс вөлөм весьшөрө. Көдзаліс ки-кокыс, кынөмыс. Вата кодь лысьөмыс немтор эз кывзысь сылысь. Васьö гөгөрвоис, тайö сылөн олөмлөн пом, сунгысьö кутшөмкө йирө. Водзö оз ло некутшөм вөт, ни садьмөм оз ло. Васьö полө, оз көсйы энөвтны му выв гажсö, но немторйөн оз вермы пөсөбитны аслыс. Доймө-өнтө вежөрыс, но оз нин кывзысь көдзалысь вир-яйыс. Сэсса и юрсьыс дойыс саймовтчө. Öні нин стөча төдө Васьö — водзасьны нинөмла. Пөдласьöны син водзас өдзөсьяс...

## ТЕР МИШЛӨН ВИСЬТАСЬӨМ

Коді сэтшөм Тер Мишыс и мыйла сылы колө висьтасьны? Артмис тай сідзи, көть мортыс сы йылысь некор эз мөвпавлы ни вөтавлы, быть ковмис асьыс олөмсө еджыд кабала вылө тэчны-гижны, дыр вежөр кудьяс лукйысьны.

Тер Миш, шөр арлыдысь петыштөм мужичөй, во кызь нин олө-вылө Чомөр грездын и сы мында жө во пукалө трактор руль сайын. Стөчджыка кө — сійө сиктса механизатор. Чомөрын челядь и верстьөяс лючки төдоны Тер Мишөс. Сійө ставлы ас морт. Көть водз асылын, көть сөр рытын, кор сійө осьлалө сиктса улич кузя, немся кычан оз увтыштылы сы вылө.

Өти төвся асылө, кодыр унаөн на шоньд вольпасьын кыйисны асья вөтсө, Тер Миш тувчаліс совхознөй гаражө. Торъя мөвпьяс эз на желлявны механизаторлысь юр вемсө, вежөрнас вөлі вөйтчөма локтан уджас — өдйөджык лөсьөдны тракторсө да мөдөдчыны ылыс видзяс вылө турунла. Оз кө Тер Миш вай турунсө, мөсьяслы нинөмысь лөө рөмидзтынысө. Век тадзи. Оз кө Тер Миш вай... Оз кө Тер Миш вөч... Оз кө Тер Миш мезды..., быттьө медбөръя сунисыс вермө орны. Тер Мишлы йирмөг: сылөн сальзыштөм бушлатыс клячалөма сөмын өти кизьөн, мукөдыс гылалөмаөсь. Агни гөтырыслы век көсйө висьтавны гылалөм кизьяс йывсьыс, но кызди веськалас шоньд керкаас, пыр и вунө. Агни ачыс оз жө видзөдлы, юр выв тыр жө төждыс: водз асыв картаө тэрмасьө, рытнас сөрөн локтө да керка-карта гөгөрыс ноксьө.

Гаражын оняліс солярка көра шоньд ру. Тер Миш босьтіс ключьяс да пырис аслас трактор улө. Чышкаліс няйтсө да зэлөдаліс личалыштөм болтьяс. Сійөс здукөн шымыртіс вөчанторйыс. Уджаліс Тер Миш азыма, пелька вөрисны киясыс, мыйкө шөпкөдісны парьясыс, төждөн-мөвпөн ымраліс косіник чужөмыс, быттьө мазі еджыд дзоридз дінө самасьөма, нинөм оз кыв ни казьяв, сөмын кургө-бурдөдө ротмунөм тракторсө.

Корсюрө Тер Миш чөвтыштылө видзөдлассө орччөн сулалысь эновтөм трактор вылө. Сы вылын мырсьө Марин Коль, том морт. Сідзкө нин шуны, Тер Мишлөн уджалан ёртыс. Том механизатор техника дорас көдзыд вира. Марин Кольлөн татшөм этшыс ку письыс петкөдө Тер Мишөс. Здук мысти

сылон шөпкөмыс гораммө: «Со өд, неважөн на зэлөдавлі, а бара нин личалөмаось. Марин Кольө тай сөмын трактор рычагсө и төдө, ключ оз босьтлы, да век и ремонт вылын сулалө. Со өд, бара эз во, турунла нин колө мунны-а».

Лөз югыдыс төдчис нин өшиньясын, дзурс воссис кын өдзөсыс, лимзыштис сёмөм дзирьяс вылас, быттё кычанөс пельөдыс нетшыштисны, да ланьтис. «Колө коркө дзирьяссө мавтыштны...» — Тер Миш кыйкнитлис пырысьлань. Пырис Иван Петрович Кузиванов, совхозса механик, сийө жө сиктса партийной организацияын юруөдыс. Кузиванов көть и пенсия арлыда, но сідзисө шыльыд, көрастөм чужөмбана, тэрыб вөраса морт.

— Тер Миш, петавлы трактор увсьыд, сёрни эм, — кыпыда шыясис механик.

— Тасянь бура кыла.

— Ыджыд сёрниыс. Зэв ыджыдтор меным колө висьтавыны тэныд.

— Сідзкө... бөрья гайкасө зэлөда да...

— Эн нюжөдчы, кабинетын виччыся.

Иван Петровичлөн көдзыдсьыс тормунөма пась воротникыс, жөдзыштис здук ботинкиа кокнас бетона джодж вылын да пырис кабинетас.

«Мыйся мог суис ме дорө? Сотчан путёвка, буракө, усис. Некутшөм курортө ог мун, гортын век юр выв тыр уджыс. Ставыс эндөма», — ас кежас мөвпаліс Тер Миш, кор петіс трактор улысь да чышкаліс кияссө.

Иван Петрович кабинетас эз паныдөн пуксьөд кызди век, а Тер Мишлы воча кыпөдчис.

— Чолөмала тэнө, Михаил Терентьевич, народлөн да партиялөн ыджыд дөвериеөн. Ми сёрнитчим ас костын да воим өти кывйө: выдвинитны тэнө, Михаил Терентьевич, райсоветса народной депутатө кандидатөн.

Тер Миш чөла лэччысьө лабич вылө, зырало кымөссө, веськөдлө сэтысь чукурьяссө. Виччысьтөм гым моз кучкисны Иван Петровичлөн кывьясыс, сьөлөмыс из моз топавліс, а сэсса вирыс өдөба ыткөбтис юрас.

— Мыйла быть менө? — шөйөвошөмөн юаліс Тер Миш.

— Тэ мян передөвой механизатор. Том йөзөс велөданьшөдан бур вылө, опытнад юксян. Активной. Бур советьяс сеталан управляющөйлы, меным. Чайта, и районас, рочыштны кө, лицом в грязь не ударишь.

— Совет сетысьыд мян тырмө, сөмын уджавнысө тай некодлы-а. Марин Кольыс нө көні? Бара өмөй өтнамлы турунысла мунны? — механизатор кутшөмакө лөнныштис нин.

Механиклөн кузя нюжаліс кабалаясөн ноксьөмыс

— Лэдзи ме Марин Кольтө. Карө вөзйысис, гөтрасьны көсийө. Позтөм көксьыс нө мый пөльзаыс сиктас?

«Өтчүд тай вайөдліс нин вокзалсаёс. Сөмын юнысё отсасис. Куштіс кокни прөмыссё да усыйсис бөр важинас», — усис дум вылас Марин Кольлөн тэрмасьөмөн коркөя гөтрасьөмыс, серөктіс. Иван Петрович гөгөрвоис серам помкасё.

— Мый сэсся керан, оз кольчыны нывъясыд сиктас да. Клуб лэптылім — иган өшалё. Спортплощадка вөчим — медся азыма сәні туруныс быдмё. Висьтав, Михаил Терентьевич, кызди кыскыны том йөзсё сиктас? Менам юрөй кушмис думайтөмсьыс.

— Ассыныс колё юавны.

— Тәнөсё, шуам, Михаил Терентьевич, мый том пөраад сиктас кыскис? Карса шоныд патератё эновтін мыйла?

— Өти-кө, карас патераыс эз вөв. Частнойын олі. Вескыда шуа: кузь руба корси, посныд челядьёс коліс кок йыло сувтөдны. Вөвлі сэтшөм грекыс менам.

— Өти-кө, вермис шоныд патераыс лоны. Мөд-кө, абу некутшөм грек тайё. Коймөд-кө, тэ век асьтё видзөдан омөльтыштны. Төда, он руб йылысь тэ думайт.

— Но либө, окота меным, мед му-виддзыс унджык быдторсё сетіс...

— Во! Кутшөм помка тәнө, Тер Миш, бергөдіс сиктас. И со мый ышөдө тәнө сөвесьт серти уджавны, — Иван Петрович тэрыба гудйисис кабалаяс пын. — Мый нө ме тэныд көсйи ещө висьтавны? Вот вежөрыд, дзик пөрысьмыны куті, спас абу. Тэ он төд?

— Депутатё тай, шуин, колё лөсьөдчыны.

— Во! Молодеч. Бөрйысигад олөм-вылөмтө ковмас йөзыслы висьтавлыны. Чужөмсянныд да талунъя лунөдз. И мед эськө лөсьыдджыка, и не вывті кузя.

— Эг на сэтшөмторсё некор вөчлы да ог төд сямма-ө, — пыркөдіс юрсө Тер Миш. — Оз-ө кызкө сытөг позь?

— Оз. Некедзи оз! — такөдіс Иван Петрович. — Талунсянжө ставсё бура думайт. Колөкө, и гижыштав мыйсюрө.

Кузь лун чөж Тер Миш майшасис. Казытыліс ассыс олөм-вылөмсө, челядьдырсө, том кадсө, верстьё пөрасө. Мый ёнджыка мөвпаліс, мый пыдөджык кодйисис, сымын ясыдджыка вежөртіс: оз ас йывсьыс думайт, пожъялө-мыськалө лысьөмсө сійёс кытшалысь войтырлысь, вензьё кодкөдкө, бурасьё, но бурасьё кызмырдөн, быттё чегъялө асьсө. Со и талун Иван Петрович ошкыштіс, бур советьяс пө сеталан. Но мыйла артмө мөдарө? Аслыс выль төждөн найө бергөдчөны. Бурджык нин, чөв кө оліс...

Син водзас мыччесьё сиктө бергөдчан тулысыс. Сыліс лым. Косьмисны ыбьяс. Тер Миш петіс гөрны. Му дорө сувтөдіс тракторсө, петіс кабинаысь, тєпкысь сьөлөмөн воськовтіс мудзөм чужөм моз ропмунөм ыб вылө. Чабыртіс косьмыштөм рудов ёкмыль, кокниа изсис ки костас, лыа сора

сэй бусö пöрис. «Волöма-ö коркö татчö куйöдыс?» — видзöдiс механизатор паськыд ыб вылö, сийöс кытшалысь торфа нюр вылö. Дум вылас уси и куйöд пиö вöйöм скöт картаыс. Тер Миш тундраысь чуктöм морт, и быдмөгъяс вöдитöм да му дözьöритöм понда, веськыда кö шуны, сэки сылөн торъя сюслун эз на вöв. Но и сылы чайтсис изöрмöм мусö гөрöмыс ковтöмторйөн. И кылис асьсö таысь мыжаөн. Дерт, механизаторлы таысь мынтысясны оз лёка, аккорднöя пö. Нимкодъ лоö и управляющöйлы, Иван Ефимовичлы. Сидзи и нарадитiс асывнас, путкыльт пö öдийöджык мусö, мед пö талунъя сводкаас пырас. А сувтас кö ыб шöрас тракторыс? Но, жугалö моторыс. Либö гөрйысь амысьыс потö? Кыдзи сэки сводкаыс? Джöмдас туяс? Тöдöмысь, оз. Сводкаыдлы запчасть оз ков. Сийö öдийö и кокниа лэбалö. Тöдöмысь, котöртiс нин зэлыд проводъяс кузя, пырис виччысяна пельö, чужтис лөнъыд шаньлун. Шуис жö Иван Ефимович, звөнитчывны пö дасьтыся.

Артмö, некодлы омöльторсö оз кер Тер Миш. Мыйла, сидзкö, майшасян мövпъясыс поздысьöны юрас? Гашкö, коркö ылыс йөлöгаөн тангысяс сылөн челядылы либö тайö шондиа му вылас чужтöм на мортыслы? Но öд öни тай олам лючки...

Тер Миш вешйис неылö трактор дiнсьыс да пуксис вежöдöм эжа вылö. Нетшкис небыд вежсö, азыма зыралис-чышкис солярка дука кисö. Костъясөн исыштлывлiс. Со и венiс соляркасö выльөн чепöсйысь сöка туруныс. Медбöрын Тер Миш вына кабырнас сапыштiс эжасö, еджыд вужъяс костысь перйис содз тыр мырдруд му, кодi посныдык комокъясөн пазьмунiс ки пыдöс вылас. «Бур му, чужтысь му, мам эбöса му», — быттö кодлыкö лыддьöдлiс механизатор. Видзны эськö и миянлы татшöмөн ассыным вердысьсö! Асьсö бурджыка верднывынсьöдны сийöс. А со коньöрöс, дзикöдз эбöстöммöмасö, тшöктöны путкылявны...

Тер Миш видзöдiс яр шонди улын вералысь ыб вылö, артасис. Виччысьтöг кучкис юрас наян мövп: изöрмöм, кулöм муас не сöмын кодзöмторйыс, но ёг туруныс омöля петö. Сидзкö, этшаджык и колö весавны ёгсö, механизаторыд абу гожöмбыд көрталöма му бердас. Тайö кивыв и Иван Ефимовичлы. Сводкаын лоö пасйöма: «...ас кадö вылын качествоөн нуöдöма...» А мый гажтöм артмас арся сводкаыс, сыысь поэб мыждыны ывласö. Ёна зэрис, либö мöдарö. Зэр тусь эз усылы, косьтис ставсö.

Думыштны кö, сидзи öд и эм, век тай гожöмыс зэра либö кос, кыдзи и тöлыс — уна лымъя либö этша лымъя. Артмö, и Енмыс Иван Ефимович дор. Дерт нин, поводдя сертиыс овмөссö нуöдö да. Оз кö шыльöдны гөн ныв юрöдыс арнас, сы пыдди тулыснас да гожöмнас ошкöны, кыдзи футболын

голыс мукöд серти унджык öкмö, сідзкөн и уджалö водз-мöстчöмөн.

«Йöй ме, нем абусьыс майшася,— сьöвзис сук дульсö кок улас механизатор да веськöдчис кöрт вöв дорас.— Гөрны колö, поводдяыс тшöктö».

Но Тер Миш эз удит кавшасьны кабинаö, ыб помын мыч-чысис Иван Ефимович. Восьлаліс управляющöй тшапа, юрсö чатöртöмөн, паськыд пельпомьяснас быттьö сынышталö.

— Мыйла он гөр?— визнитіс Иван Ефимовичлысь нюмыд бана гожьялөм том чужөмсö тöждлун.

— Сы йылысь жö и ачым думайта,— лабутнöя вочавидзис тракторист.— Куйöдыс тай ньöти оз тыдав.

— Мыйла нö эн кыскав сійöс!

— Эн тай нарадитлы ачыд. Куйöдала либö да вöлисти гөра.

— Сöвтнысö некодлы. Кольөм во ёна вынсьöдлім, минеральнойсö пöт выть коялім.

— Ме öд нем ог шу, да оз тай тыдав,— дышника водз-сасис Тер Миш.

— Чаяд сакарсö гудралан да тыдалö оз?

Тер Миш немтор эз вочавидз Иван Ефимовичлы. Збыль вылас сійö первойсы на паныдасьö мусö вердана минераль-яснас. Код тöдас, кыдзи сійөн колö вöдитчыны.

— Ме кырымалі нин нарадтö. Мед талун вöлі помалöма,— Иван Ефимович көш кодь кабырнас камгис трактор капотö. Моторыс несйис да тшöкмуні. Пуксис чöv-лөнь. Кыкнанныс гылыда серöктісны.

— Тракторыд тай ляб кычан кодь вөлöма,— водзö нуöдіс сёрнисö управляющöй.— Он-ö гөрөмнас коньяв менö?

— Тракторыд абу часі, кыдзи сувтіс, сідзи вөрзяс. Мый нö шуöма татчö кодзны?

— Кукуруза.

— Быдмас?

— Мый кодзан, сійö и чужас... Тэ нö та йылысь он тöд? Ок, Тер Миш, төвнас курсьяс вылö мөдöдла.

— Шуöны, шоныдсö пö сійö ёна радейтö. Лунвывса пöтка-ыс,— кывьяссö шуалігөн Тер Миш быттьö мыйыськö янды-сис.

— Ми гожөмнас ог жö пась новлöй.

— Шулөмны важся йöз, көсьян кө ывласö пөрьявны — мусö колö ёна куйöдавны.

— Мудера шулөмны, но ми кутам овны пөрьясьтөг. Аски кодзам!

Трактор нерсигмоз эрöстіс.

Тер Миш кодзис, но вундöмыс эз ло: август шöрын пужья-ліс, кык весьт кузя кельыд корьяс здукөн ропмунісны, быттьö нинөм абу и вöвлöма му вылас.

— Абу ставыс ми сайын,— жугыля кыв көрталіс управляющой.

А төвнас Тер Миш збыльыс ветліс районё механизаторъясөс водзё велөдан курсъяс вылө. Сәні эз сөмын механизмъяс велөд, но уна выльтор төдмаліс и муон вөдитчөм йылыс.

Эз өти во гөр да көдз Тер Миш. Мый водзё, сымын ясыд-джыка вежөртис: унаыс весьшөрө сотө соляркасө.

— Век өтитор быдтам муяс вылын, этша куйөдалам, изөр-мисны, тшыкисны ыбъясыс,— шуліс управляющойлы.

— Мый шуөма миянлы, сійөс и быдтам,— вочавидзліс Иван Ефимович.— Видзөда да ляпкыда тэ гөрыштан, Тер Миш. Локтан төвнас бара на курсъяс вылө мөдөдла.

— Мыйла быд во менө өтнамос курсъяс вылас мөдөдан?

— Велөдчөм, другө, югдөдө юр, көть пөрысылы, томлы өткөдя бур,— медбөрын сьылыштис Иван Ефимович.

Өти гажа тулысө Тер Миш петкөдис тракторсө ыб вылө, шондi водзын лөсталыс стальнөй амысьясөн шөраліс-муткыляліс руалыс му пластъяс. Эжа вылын сійөс виччысис Иван Ефимович. Кьдзи коркө, шлопкис көрт кабырнас трактор капотө, мотор яра эрөстис. Управляющой өвтыштис кинас механизаторлы, кусөдлы пө, сёрни эм. Пуксис чөв-лөнь, Тер Миш петис кабинаыс. Иван Ефимович корис пуксьывны шоныд эжа вылө.

— Эн прөстаыс тэ, казяла, курсъяс вылас велөдчы,— ылісянь заводитис Иван Ефимович. Тер Миш гөгөрвотөма видзөдліс сы вылө, чужөм вылас петкөдчис дөзмыштөм, кутшөм кытш пө бара гаровтө тайө ас ногыс мудер мортыс.

— Мися, тракторыд часі моз уджалө, оз воддза моз несъяв,— өвтыштис юрнас Иван Ефимович.

— Тайөс и көсийин шуны?

— Коркө тэ, ме думыс, буртор вөзийин. Збыль весьшөрө ломтас видзөм артмө татшөм муястө гөрөмыс. Бурмөдны найөс кутам, уна вося турунъяс көдзам.

— Көрымыс тшөтш мөсьясыдлы содө,— ыпнитис Тер Миш.— Куйөдыс унджык лөб, мукөд участокъяс позьө бурджыка вынсьөдны. Вайөм өтрубнад вердчигөн и куйөдыс этша, шоръяссө сөмын и пакөститө, зэв кизьөр да.

Уна во чөж өти сикас град выв пуктасъясөн «мудзтөдөм» ыбъяс вылын шапгөвтис-туис бөбөнянь, тимофеевка, анькытш да зөр. Видзөдан — синмыд шойччө, лолыд дзользө. Көть кос турун запты, көть силос вөч.

Гөжөм шөрнас Иван Ефимович табакыс вижөдөм чуньнас манитис Тер Мишөс йөз син сайө да гусьөн моз вашнитис — кутан пө ытшкыны анькытш сора зөр да кыскавны ферма дорө.

— Кыс нө сэтчө силос гуыс чужис?— серөктис механизатор.

— Мөсъясөс пө веж массаон мөдам содтөд вердны. Йёлыс чинө, спас абу, көза мында кутісны лысьтыны. Сводкаас нинөм гижны лои.

— Войнас колө йирсьөдны, а не картаын узытөдлыны.

— Кысь нө сы мында пастуксө босьта?

Тер Миш төдіс, бөръя лунъясө пастукъясөн управляющой индыліс карса войтырөс, на пиысь, кодъяс воисны отсавны совхозлы турун пуктыны. Мөс пастукыс, Өртем, коді уна во лючки дөзьөритліс пемөсъяссө, таво дзикөдз кийсь петіс. Делөыс сыын, мый тулыснас медбур лысьтан мөскыс пөдіс нюрө. Управляющой шуис пастуклөн удж донысь вештыны сьөмсө. Өртем дөзмис таысь, ме пө өд абу мыжа, мый нюр бокын йирсяніныс, потшны пө сәті коліс. Да и сиктсаяс Өртем дор сёрнитісны, весьшөрө пө кедзөвтісны мортсө. Кокниа лябмысь Өртемлы тайө и коліс, домаліс вөвсө контора водзө да магазинө довгис. Уджсө энөвтіс, донтөм гөрд вина дучкө, пөсь шонді водзын пөжсьө, чужөмыс порсь моз тшөгис.

Карса пастукъяс ёнджыкасө дзюв лыа вылын войбыд видзөны мөсъясөс, турун сі воманыс тшапкыны оз лэдзны, огө пө татшөм донаторъяссө ми син улысь лэдзөй. Шондіыс коз йылөдз кыпөдчө, сиктсаяс медся чорыда узыөны турун вонъясын. Пемөсъяс жөдзны заводитөны, небыд вежсө амны көсийөны, пастукъяс рөддзөн вөтлөны кукъясөс картаө. Карса войтыр кокниа лолыштөны да лэччөны вадорө вуграсьны. Ном-лөдз садьмө, ва весьтын йөктө. Чери дышиника дэбөдө табсө — пөт. «Мөсъясөс моз кө эськөн найөс тшыгйөдны...» — мөвпалөны карса кык дядьө, шаньмөм ужъяс моз тшөкыда корснитлөны, горшаныс сапкө ном-гебйыс. Жальпырысь баксөны мөсъяс, нормөдөны асья мичлунсө.

Чорыда сёрнитіс выль пастукъяскөд Иван Ефимович. Найө эз вензыны управляющойкөд, тэчисны нопъяснысө да лэччисны карө. Сәки и веськөдчис Иван Ефимович Тер Миш дорө, пөслук мортыс, кывзас, сөмын колө төлкуйтны сідзи, мый сәсся мөд петан туй абу, медым лючки гөгөрвоис.

— Эз ков Өртемсө кедзөвтны,— печласис механизатор.

— Ас зептысь сы пыдди мынтысьны коліс,— чышкис пөсялөм плешсө Иван Ефимович.

— Көть ас зепсьыд...

— Лёка тэ экономикасө гөгөрвоан... Курсъяс вылас нө төв чужъялін? Но, Тер Миш, тшыксыны, казяла, кутін. Көсьян кө төдны, зелёнкаон вердчөмсө быдлаын ошкөны, йөлыс бура содө. Но и сьөкыда выльторйыс вежөрад йиджө. Тундрасаясыдлөн өмөй и вежөрыс кын?

Тер Миш немтор эз вочавидз та вылө, управляющойлөн веськыда шуалөмыс кутшөмакө падмөдіс сійөс, гашкө, збылысь мыйкө сійө оз лючки гөгөрво.

Збыль, зелёнкаон вердчөмысь йёлыс содіс. Газетын та йылысь пасйисны. Чомёрсаяс пö кольём во серти тöдчымön содтісны йөв лысьтөмсö. Торъя опкисны Тер Мишöс, зіля пö кыскаліс мөсьяс ныр улö веж массасö. Механизаторлөн ылөсас артыштөм серти пайкөдісны кык төлысья төвья норма. А мыйта ломтас пайкисны? А ачыс Тер Миш вöлі эскö, мый «вельторсö» лои пыртöма Öртемлөн юсьём вöсна. Мыйлакö газет та йылысь немтор эз гиж.

Век жö Тер Мишлөн сьолөм вылын вöлі долыд, öд сійөс первойысь опкисны газетын. Со печатнöй шыпасъясөн швачкөма еджыд кабала ылö, косьян да он вушты. Сөмын позьö лыддыны да нимкодьясны. Сэтчö, гаражын Иван Ефимович öвтчис газетнас, коліс пö портретсö öти сорысь шляпкыны. Гортас Агни гөтырыс гораа лыддис статьясö челядыслы, чомырасис парьяснас, быттö кампет нөняліс. Корсюрö кыйкнитлывліс верөсылөн дөзмыштөм чужөм ылö. Медбöрын нимкодьясла вазисны Агнилөн син дорьясыс. Нельöд классын велöдчысь Катьö нылыс синъяссö лапнитлытöг дзоргис батыслы вомас, виччысис, мый сійö шуас, но Тер Миш тайö здукö весиг воштыліс кыв-ворсö.

Вежласисны төв да гожөм, вежөдлісны да рудөдлісны ыбьяс. Механизаторс тшөкыда опкисны. Век кö тэнö шыльөдöны гөн ньыв, лоан кычан кодьөн. Вугрөдліс и Тер Мишöс. Но öти зэра арö механизатор быттö дыр узьöмысь садьмис, сійөс шымыртіс йирмөг. Став мужикуловсö, мый эмышт, Иван Ефимович нарадитіс скөт карта дорö, пидзөсөдз пö мөсьяс куйöдö вöйисны, спас абу. Воисны сьод фуфайкаа дас мужичöй ферма дорö. Дзирыйв пасьвартісны öдзөсьяс. Сідзи и эм, абу сөрöма управляющöйыд. Паськыд зырьяс босьтісны, чайтісны көть рытөдзыс помавны. Тэчöны чан бөрся чан, гургөдöны ывлаö, а куйöд оз и чин.

— Лешакыслөн тае рөбөтаыс, — пескыльтіс жебиник Евлан да кежис боклань.

— Пур вылысь ва ректам, — гримгис чан бокö көрт зырийөн Закар Сань, крепыд тэчаса мугов чужөма, шөр арлыда морт.

— Евлан, кымын зыр шыбитін?

— Эн жерьяв сэн, ки сөнö ойис.

— А ме тысяча витсёс, — водзö кыис сёрнисö бизгыны радейтысь дядьö. — Пур вылысь васö коялігөн быть колö лыд. Лыддытөгыс венö верман воны бöрыннас. Кымын зыр тэ шыбитін, Евланö-пиö, коді төдö?

— Дуяк тэ, Закар Сань, — дөзмис мөдыс. — Тыртөм синмö пырысь йөн.

Закар Саньлөн ыпьяліс чужөмыс, бара на лөсьөдчис кызикö крукыштны ёртсö, но сійөс водзаліс Тер Миш, кодöс вöлі индöма тайö котырас бригадирөн:

— Тайё уджсьыс кутам мынтысьны куйёдөн. Закар Сань, медуна тэныд гижә.

Ставён вак-вакён серөктісны. Эз өтдортчы наысь и Закар Сань. Бригадир шуис петавны тшынасьны. Пуксялісны ләбулө, кос турун вылө.

— Магазиныс эськө воссис нин да, — часі вылас видзөдліс Даньё Володь. — Тайё удж бөрад...

— Көть здук кежлө кодкө саймовтчылас — пасъя табеляс ноль, — стрөга шуис Тер Миш. — Ми кө ог мездөй доярка-яссө, сэки нө коді?..

— Мый нө либө мөдам керны? — нормис Даньё Ваньё.

— Думайтны кутам. Ставён!

— Нарадас нө думъяссө жө гижан? — вашмуніс Даньё Володь.

Тер Миш немтор эз вочавидз, эз гажөд сійөс талун мужикъяслөн шмонитөмыс. Тайё неминучасьыс кутшөмакө мыждіс и асьсө. Төв и гожөм мөсьясөс видзисны картаын, лючки эз дзоньтавлыны, джоджъясыс вөйины, шыпос улыс некытчө оз визувт. Карта гөгөрыс ньөжйө тырис көрым колясөн, куйёдөн, муыс лыбис, картаыс лои гөптын, зэр ваыс йиджтысьө пытшкөсас. «Позьё кодйыны матысса ёльөдз канава. Отсалас неуна, но ёльсө пежөсьтас. Рыбинспекция казясас да бөр тшөктас тыртны. И правильно вөчас», — сёрнитіс аскөдыс Тер Миш.

— Төлыс воас да мөс кокъясыс лемасясны йиас, — шуис век чөв олысь Максим Петя.

Быттьө некод эз кыв сылысь кывъяссө, но Тер Мишлысь найө парсыштісны сьөлөмсө. Өд збыль сідзи вермас лоны. Чөла тшынасьны. Унаысь чигарка пестылісны. Обед водзын сикт помын тыдовтчис управляющөй. Сійө вөлі кокчөръясө лэптөм брөдниа, волялысь сьөд плаща. Медводз Иван Ефимовичөс казясліс Даньё Володь.

— Ой! — кутчысис морөс улас Володь, — мөвпъясыс кынөмын гургыны заводитісны.

Управляющөй неважөн на адззыліс Володьөс кодөн, та вөсна быд пөрийө чорыда өлөдіс.

— Оз тыдав уджныд, — шуис Иван Ефимович.

— Оз ло помыс тайё уджыслы, — вочавидзис Тер Миш. — Эз ков гожөмнас картаын мөсьяссө пөжны.

— Кодөс газетас ошкисны? Кодлы премиясыс вичмисны? — кодзыд слөт моз шлапкысис Иван Ефимовичлөн видчөмыс Тер Мишлы лов вылас. Збыль өмөй сійөс мыждө лоөмторсьыс? Эз кө Тер Миш, то кодкө мөд сы пыдди кыскаліс уль турунсө. Букуштчөмаөсь и ёртъясыс, тыртінныд кө картасө, кызди гудралінныд пө рокөссө, сідзи и панялөй. Тер Миш видзөдө ёртъяс вылас, выныштчө гөгөрвоны, кодкө на пыысь вөчис эськөн мөд ног? Өдвакө. Гашкө, өвтыштны кинас,

кыдзи Ӧртем. Неважӧн паныдасьлис Ӧртемкӧд, уджалӧ ме-  
лиораторӧн, эз норась, мыйта пӧ мудъян, сы мында и пуктан  
аслад кудйӧ. Мыйла мудйӧ, кытӧ колӧ и кытӧ оз, торъя оз  
мӧвпав. «Тракторыд эз на вӧй нюрас?» — шмонитис Тер Миш.  
Вӧйлис пӧ, небыда нюмъялис Ӧртем, туристъяс дурӧмаӧсь, ва  
гуранӧ йӧткӧмаӧсь, эз пӧд пӧ, мӧд тракторӧн кыскис. «Ӧд  
сылӧн пай вылӧ тырмас нюрис. Косьтас вотӧса нюръяс, шоръ-  
яс, веськӧдас юяс», — артасис Тер Миш.

Но кыдзи лӧньӧдны вежавидзысь ловсӧ? Ӧртем моз пӧдты-  
ны вина дозйын? Пӧдтылӧны синтӧм кутюясӧс, а сийӧ мый  
вылӧ ыршась... Тьфу! Син водзас сувтис Агни гӧтырыслӧн  
синваӧсь чужӧмбанис, челядыслӧн шӧйӧвошӧм видзӧдласъ-  
ясис. Тер Миш пыркнитис юрнас, оз вермы сийӧ Ӧртем моз,  
мӧд этш сийӧ оз путымы овмӧдны ас пытшкас. «Ӧд тайӧ сьӧкыд  
шуны...»

Ӧбед бӧрын гӧгӧрбок тотшкӧдисны чер тышкӧн карта керъ-  
яссӧ Тер Миш да Закар Сань. Ёносъ стенъясис. Шуисны  
домкратъясӧн лӧптыны картасӧ. Тер Миш мӧвпъясӧн юкис  
управляющӧйкӧд. «Медым мӧс кок улыс лоис кос», — ӧтитор  
долис Иван Ефимович. Вайисны брусъяс, пӧвъяс, став домк-  
ратсӧ чукӧртисны гаражысь, и заводитчис удж. Мӧсьясӧс пет-  
кӧдисны ывлаӧ. Медся сьӧкыд вӧли кодйисны улыс керъ-  
ясӧдз, а водзӧ домкратъяс вӧчисны асьыныс уджсӧ: ньӧжйӧ,  
сантиметр бӧрся сантиметр кыпӧдчис карта нӧмӧвӧйся няйт  
гуранысь. Со и сынӧдас кутис ӧшавны, гӧгӧр югдис. Совхознӧй  
пилорама дорысь став пилипызсьӧ быгыльтисны карта пыдӧсӧ,  
важмӧм идзас колясъясӧн топӧдисны-вольсалисны, куйӧд ва  
визувтанӧн лӧсьӧдисны, сӧдз шусяна дренаж артмис. Карта-  
сянз неылӧ кодйисны куйӧд ва чукӧртанӧн.

— Бур инженерлӧн юрид, — шлопкис сьӧкыд кабырсӧ Тер  
Мишды пельпом вылас Иван Ефимович. — Жаль, грамотаыд  
ичӧт.

Картаис вочасӧн сӧстӧммис да косьмис, идзасӧн, пили-  
пызьӧн да куйӧдӧн топӧдӧм джоджыс кутис «сотчыны»,  
мӧсьяс куйлисны быттьӧ небыда оналысь паччӧр вылын.  
Артмис виччысьтӧмтор. Кӧть кӧрымыс вӧли воддза вояс мын-  
да жӧ, мӧсьяслӧн йӧлыс содис. Тайӧ пӧрйӧ нимӧдисны дояр-  
каясӧс да скӧтникъясӧс пемӧсьяс бӧрся бур дӧзьӧрысь. Газе-  
тын Тер Миш пыдди ошкисны сылысь Агни гӧтырсӧ. Зӧля  
пӧ ошкӧны да медым эськӧ ошкӧ огӧ пӧрӧй, — ышловзъылис  
Агни, «шоньд джоджыс» пӧ дӧвӧль ӧдий туӧ-быдмӧ.

Фермаын медся ыджыд тушаыс Парась нима нывбабалӧн.  
Ӧтчыд юрас кутчысьмӧн ымзигтыр сийӧ пырис контораӧ да  
Иван Ефимовичлы ныр улас шляпкис шыӧдчӧм, корис мез-  
дыны мӧсьясӧс лысьтӧмысь, мед пӧ лилипутъяс уджаласны  
тайӧ картаас, юрысь йӧгыс оз бырлы, со нин пӧ плешкӧн  
кутӧ люкасьны.

Ёна пузис скётникъяс вылө Иван Ефимович. Найö мый-такö öддзисны, но век жö, кöть ньöжйö, джоджыс «быдмис» водзö. Мöсъяс кутисны люкавы йирксö, сэсся и мышнаныс пыкисны. Бара аварийной бригада котыртисны. Водзö лыб-öдны картасö эз ыштыны, пельöсъясыс рушмöмаöсь, улыс керъясыс рокöдз сисъмöмаöсь, вөрöдигас вермас пазавны. Пилипызь сора кос куйöдыс из кодъ: механизаторъяс лöмъяс киас босьтисны. Бульдозерөн кö эськö öдийö да кысь, абу сы вылө стрöйтлöмаöсь, вынйöра техникаөн он бергöдчы.

ПМК заводитис лэптыны совхозлы выль карта. Ставөн кок-ниа ышловзисны. Тэрмöдлिसны строительясöс. Майшасисны дояркаяс, вийсисны сюра пемöсъяс вöсна. Найö эз пазöдны йирксö, эз чеччыштны вевт пырыс ывлаö. Век жö кымынкö тöлысь кежлö, выль стрöйба помавтöдз, гырысь сюра пемöсъясöс шуисны вуджöдны куканьяс видзан картаö, стöчджыка, вежисны местананыс. Öтвылысь вежөртисны: кукуд тöдчымөн ляпкыдджык мам сертиыс. Асьныс шмонитисны, сэсся пö ыжъяс лöсьöдам, на бöрын петукъясöс. Но сэтчöдз эз воны.

А коркö сэсся ПМК лэптис совхозлы выль карта, мöсъясöс и кукъясöс вуджöдисны кёртысь да бетонысь тэчöм оланинъясö, кöни куйöдсö петкөдисны транспортёръяс. Важъяссö разисны, пес вылө сöмын и туйис. Уна во чöж топöдöм куйöдсö Тер Миш бульдозерөн разöдис. Важ карта местаяссö тулыснас гöрис, да пунктисны картупель. Быдмис шензьöдана урожай. Кöть «вына» гектаръяслысь пайсö юкöма-сорлалöма жебъяскöд, лыдпасыс вель нимöдчана артмис. Казялисны районын, опыт тшöктöны паськөдны. Сарпийс Иван Ефимович бусöссöм юр чуксö, быттьö и буртор, а сьолöм вылын деливö. Öтчыд управляющей матыстчис Тер Миш дорö, пунктис пöльтчöм рушкусö шоныд мотор вылө, видзöдис мелиа и мудера, гаровтис тöнясö ылисянь:

— Öд молодец тэ, вöлөм, Тер Миш, ас вежөрөн со кутшöм урожай грымöбтин. Весиг идравнысö некытчö,— Иван Ефимович гылыда серöктис.— Но сийö абу тэныд тöжд. Курсъяс вылө ветлöмыд эз прöста, шуа, ло тэныд. Мукöдтö кöть кытчöдз нарадитлы, тусь ни пызь. Маякъясыд и миян чужасны,— Иван Ефимович юалана вöйтчис Тер Мишлы синъясас, сийö быттьö эз лэдз, мыйöнкö пыкис, курыда нюмдिसны паръясыс.

— Звöнитлисны. Корреспондент локтö. Тэ дорö ыста. Отсав сылы, медым колана артмис статьяыс. Войяссö шу эг узылы, век пö му вылын ёг турунъяскöд тышкаси, книгагас пö уна лыдди. Нырвизьсö инды, а сэсся ачыс сяркөдас. Гөгөрвоин?

Тер Миш тешкодя нюмъялис, быттьö эз на тырвийö вежөрт, мый сысянь виччысьöны, либö радысла воштис кыв-ворсö.

Корреспондент локтіс рытнас. Тер Миш лунтыр падъяліс:  
«Мый лёкыс, ошкасны кō газетын?— юасис ассьыс.—  
Ачым о́д быдті бур урожайсō. Дерт, тайō кутшōмакō  
пōрьясьōм. Но сідзи кō колō... Но кодлы? Иван Ефимовичлы?  
Гашкō, и ещō на кодлыкō кивыв,— Тер Мишōс долыда  
гильōдыштіс лоана ошкōмыс.— Гашкō, абу и пōрьясьōм, а  
сōмын мичōдыштōм, кызди мойдын. Куйōд пиас пырзъылō-  
мыс мойд жō? Прōстаысь мыждылōмыс...»

Ывла вывсяныыс на гōгōрвоис Тер Миш, коді на ордō  
локтō, не сōмын сы вōсна, мый виччысис гōстьōс, руд пальтоа  
том морт кайис кильчō вылō збоа, грымōдіс-чуктōдіс ботин-  
кияссьыс няйтсō, вувзъысис керка пытшкō тōв ныр моз. Тадзи  
тэрмасьōмōн уськōдчōны асланыс гортō ылі туйысь бергōд-  
чысь войтыр, кодъяслысь кузя нин вильōдōма сьōлōмсō гаж-  
тōмтан гаг, либō зєв ыджыд мōгōн локтысь ас морт.

— Ті лоанныд Тер Мишыс?

— Нелямын во нин сійō.

— Бур. Ме корреспондент,— том морт лōсьыда пуксис  
пызан сайō, чужōмыс кыпыда ломзис.— Ме кузя сёрниті тиян  
управляющōйкōд. Лыдпасъяс эз ковны. Сідз, тиян звено, Ми-  
хаил Терентьевич, быдтіс картупельлысь вōвлытōм урожай.  
Кызди тайō артмис, мыйла мукōдъяслōн чинō центнер лы-  
дыс, а тиян здукōн лыбис? Тайō лōō интереснō газет лыд-  
дъысьяслы.

Тер Мишлōн пычиктыссис серамыс, и сійō чужōмсō бергōдіс  
мōдарлань. Вынйōра уджаліс-пессис вежōрыс. Мый нō шуны?  
Мойдны, кызди ышōдіс Иван Ефимович? Лоны тэныд, Тер Миш,  
геройōн. Но мыйкō кутō, оз лэдз сōрны, пычиктысьсō эрдō  
ковтōм серам. Том морт восьтіс кыз блокнот, лōсьōдіс-гирскōдіс  
еджыд лист кузя о́тарō косьмысь шарикōвōй ручкасō, водзō  
нуōдіс ассьыс мōвпсō.

— Гōгōрвоа, асьтō ошкыны абу кивыв, ми, комиясыд, ве-  
жавидзысьсōсь, мукōддырйиыс сійō эськō и нинōмла, кызди  
шуласны, быдлаын колō мера.

И вежōртіс Тер Миш, сылы немтор оз и ков шуны, сы  
пыдди шуасны кызди колō. Мичаа и гораа... Сōмын... Сōмын  
кызди сэки видзōдлан йōзыслы синмас?

— Тōда, узьтōм войяс, ном, лōдз, ставыс сьōлōм бердад  
пуксьō, кывйид оз бергōдчы...

— Ми о́д, веськыда кō керавны, асланым дышлун вōсна  
вōйлім куйōд пиас. Сэсся зумьдмōдім кок увсō да бара сідз-  
тадз уджалōм вōсна лыбōдіс куйōдыс. Атьō ПМК-лы, ас кадō  
выль картасō лэптіс.

— Ме мыйкō ог гōгōрво,— падмыштіс корреспондент.

Тер Миш лōньыштіс да лючки ставсō висътасис. Газетса  
эртлōн укшальмис чужōмыс, кытчōкō мытшасьōмысь вич-  
чысигмоз полігтыр петіс керкаысь.

Иван Ефимович во джын лючки эз сёрнит Тер Мишкөд. Сомын корсюрө механизаторлы пельпом вылас пуктыліс сьокыд лапасө да кузя видзөдліс сылы ясыд синъясас, быттё көсйис мыйкө зэв шензёданатор казавны сэтысь. Управляющой пыдісянь ышловзбыліс да чөла вешйивліс бокө: Тер Миш яндысьтөг сералис сы вылын. «Кытчө эськө ещө дод-дывны тайө успаньвыв пуксьытөм чибөсө», — думайтис ачыс. Бурасисны тулыснас, гөра-көдза водзын.

— Веськыд морт тэ, Михаил Терентьевич, — Иван Ефимович видзөдіс кытчөкө бокө, быттё кыліс асьсө мыйыськө мыжаөн. — Парторг юасис, кодөс механизаторьяс пиысь партияө вөзьян. Ме тэнө шуи. Вообщемсө, думайт та йылысь.

Тер Миш немтор эз вочавидз управляющойлы, но сылөн кывъясыс пыдөдз изъясисны лов пытшкас.

Регыд Тер Миш лои коммунистө кандидатөн...

Рытланьыс Тер Мишлөн майшасьомыс водзө өддзис, ковмас пуксьыны пызан сайө, кутчысьны некор на вочлытөм удж бердө, локтан рытыс шызөдіс и повзөдліс.

Кыдзи да мый шуны олан туйыс йылысь? Дерт, колө висьтавны ставсө немтор дзевтөг, медым төдөны, кодөс бөрийөны юрнуодысьөн. Но быд мортлөн тай олөмас овлөны сэтшөмторьяс, кодьясөс абу окота эрдөдны уна йөз водзын. Но и сайөдны Тер Миш оз вермы немтор. Сійө тешкодь серпасьястөггыс сылөн олөмыс тшөтшөдөмакодь лоө, быттё и абу збыль ловъя мортлөн.

Талун Тер Миш уджаліс ньөжмыдджыка, думъясыс падмөдісны. Турун зорөдсө кыз тросөн пысалөм бөрын эз дзык пыр чепөсйи гортлань, а кусөдліс весиг тракторсө, мый сылөн некор эз вөвлы, кузя ниртіс лымыён шонді водзын дзирдалысь кымөссө, буситыштис арся зэр моз емалысь лым чирьяссө доналөм юр чуқ вылас. Сьөлөмыс гудрасис да висьыштис юрыс. Шедөдіс зорөдсьыс мездор турун да здук куйлыштис сы вылын.

Рытнас Тер Миш дышпырысь някляліс картофельөн жаритөм порсь яй.

— Висьмин өмөй, сэтшөм лёка сёян? — шыасис пач дорын ноксьысь Агни гөтырыс.

— Меным ещө уджавны колө, гашкө, войбыд.

— Шойччан лун он төдлы, ещө и войсө кутан уджавны?

— Горничаас, пызан вылас, вольсав еджыд скатерть, вай меным выль дөрөм — гижны кута.

— Гижны?! Эз на кө торксьы... — Агнилөн здукөн вежсис чужөмыс, быттё сійөс виччысьтөг кодкө кедзөвтис. — Энө мыжмы?

— Менө бөрийөны депутатө, — увлань лайкмуноь матича вылас видзөдліс Тер Миш.

— Сельсөветө?

— Райсөветө.

— Сэтшөм вылө!— Агнилөн радысла вöрисны паръясыс, тэрыба вольсаліс пызан вылө еджыд дөра.

— Мишө, Михаил Терентьевич, кутшөм цвет нө тэныд беринөсь чужөм дінад лөсялө?..

— Миянөс, Агнюша, войвывсаясөс, лым рөмыс медся мичмөдө. Сөстөмлуныс миянлы медся любө.

Тер Миш гырдызаясө паськөдіс пызан кузяла, пуджис сосъяссө, босьтіс киас ручка, дженьыдика серөктіс:

— Агни, скатерть вылас өмөй гижны кута? Кабаласө мый эн вай.

— Ойя, миян өд и бур бумагаыс абу, суседъясө кө петавла-а,— Агнилөн быдсөн шаньмис чужөмыс. Тер Миш көть казяліс гөтырыслысь шызьөмсө, но ачыс торъя кыпыдлун эз петкөдлы.

— Эн шызьөд суседъяссө, Васьöлысь портфельсыс выль тетрадь кысы.

Здук көрлаліс Тер Миш плешсө да гижис: «Ме, Коснырев Михаил Терентьевич, чужлі Большеземельскöй тундраын 1932-өд воын». Тер Миш бара сувтіс, йирис ручка помсө, эз сюрны колана кывъясыс. Тэрмөдліс, тувкөдіс пельпомас Агни: уджав пө. Сылы, буракө, ёна окота вөлі лыддыны гижанторсө, со тай гырдыза вылас лэдзчысьөма да оз и вештыв синсө бумага вывсьыс.

— Колө гижны ещө, Агни, мыйла быть лым вылын чужи, а эг больничайн. Збыль өд лым вылын чужи, чомйын вөлөмаөсь гөстъяс и мам петөма ывлаө. Югыд светсө адзыссьөма менам да пыр жө равөстсьөма... Радысла. Но кодлы кутшөм мог, көні ме чужи? Менам челядь ставөн чужисны больничайн. Кадыс мөд пөлөс өні.

— Дерт, лым вылас кө шыбитасны пасьтөгыд, радлыны мөдан. Эн маитчы, сідзи гиж, бать-мам вөліны көр видзысьясөн.

— Сідзи оз туй.

Гижө: «Батьлөн вөлі этша көрыс, но челядьыс чом тыр». Агни непөштө быд кыв бөрся, выльөн артмысь быд буква бөрся сюся видзөдіс, гөтырлөн татшөма суитчөмыс дөзмөдіс гижысьөс. Тер Миш тотш пуктіс ручкасө.

— Мыйла нө батыдлөн көрыс вөлі этша? Дыш морт, буракө, вөлөма.

— Менам бать комынөд воясө пыравлөма колхозө, а сэсся бөр петөма колхозсыс, мөдөма кымынкө көрөн өтнас тундраө ветлыны, лоөма охотникөн. Дерт, таысь ме батьөс ог ошкы. Некумын во мысти бара пырөма колхозө, ёна корөмаөсь да, сэсся кувтөдзыс уджалөма примернөя. Весиг ме-

даль сетлёмаось. Война дырйиис медальсö прöстайсь эз сетлыны.

— Тöлкыс тай воöма жö. Тайöс, Мишö, эн и гиж. Мед оз мыйкö...

— Гижа, Агни. Тер Миш абу кöч рöдысь. Гижа, мый эм. Трактор рульсö менсьым некод оз мырдды. Эн дзуг менö, Агни, мун сук чай лöсьöд. Эн лов вылын öшав.

Агни петис кухняö. Тер Миш заводитис зiля гижны, шарöдö ручкаыс, ачыс ымöстылö да серöктывлö. Здук мысти чайöн пырис Агни.

— Мый нин бара гартiн?

Тер Миш вештiс гижöмсö Агни ныр улö да кутчысис пöсь чашка дiнö, норасис, мый гöтырыс абу чöсмöдöма чайсö чöдъя вареннöөн, мускыс бара кылö да. Но Агни шуöмторсö пеляс эз öкты. Сiйö чиктылöмөн лыддис. «Менсьым бöрдöмöс кылёмаось чой-вок да ёна шызьёмаось, найö абу нин кöсiйёмаось содтöд нянь сёйысьöс. Ме бать-мамлөн вöлөм медбöрьяөн, меöдз во вит некод нин абу чужлöма и грек вылас Ен сетöма. Увгöны чой-вок, тöкөтö менö потансьыс оз шыбитны. Сэки и шуас бать, весьшөрö пö зыксянныд, челядь, тайö пö öд медбöрьяыс нин, курас-карасыс, да оз нин ло югид свет вылас олысьөн, регыд пö кулас. Нинөм пö содтöд огö лöсьöдö сы вылö, кызди пö вöли, сiдзи и коляс миян эмбурын: дас пань, дас кружка да дас джек. Сэки и жалыс петас чой-воклөн ме дорö, мед пö инö олыштас, пока няньсö сёйны оз кор. Весигтö кианыс мöдöмаось босьтлыны да потансö гычöдны, кодыр бöрддза. Та йылысь меным висьтавлiсны, кор лои верстьöөн.

Ачымöс помнита вит арöссиянь кымын. Быд асыв миян ыджыд котыра семья вöли пуксьö ляпкыд кока пызан сайö. Мам ыджыд тасьтiö пуктылис чери либö яй. Бать абу лöсавлöма ме вылö джексö, да век сулавлi пызан дорас. Ставөн босьтлiсны руалысь яй кусöк, и ме тшöтш. Миян чом пельöсын век нюжвидзис ыджыд сьöд пон. Ме сöмын на вом дорö вайöда яй кусöксö, Катшö пыр и тшаккö кийсь. Сэки чой-вок пиысь медся збойыс нетшыштö пель дорöс, пусьом киа пö, эн верд понсö. Ме сэсся вöли чöла сулала пызан дорас, вöрзьывтöг. Ывла выв войтырыдлөн вытьыс ыджыд, и пöртiйö немтор эз кольлы. Но мамö бöрыннас век жö мыйсюрöөн нуриöдлiс.

Кöр видзисьяс пöшти быд лун вешйöны выль местаö. Разьöны чом, тэчöны да кöртавлöны додьяс вылö, асьныс пуксялöны дадьяс вылö да муноны тундра кузя, кытчö налы колö.

Ставөн пуксьывлiсны дадь вылö, но меным местаыс эз тырмыв и менö чойяс пиысь кодкö босьтлiс ки вылас. Дерт, абу ёна любö, кор лунтыр верстьö кодь нин мортöс кыздисярö, урöс ногөн кутöны кийн. Но делöыс абу сöмын таын. Тунд-

раад өд ветлөны туйястөг, дадьсө тшөкыда катовтлывлө-шы-бөлитлө, торъя нин шор либө ва гөп вуджигөн. Медым не лэбны дадьсыс, колө кыкнан кинад кутчысьны дадь бердас. Татшөм здукас чойө пыр жө прөстмөдө асьыс кияссө и ме лэбышта кытчө веськалө. Тшөкыда ва гуранө либө шорө. Көть и унаысь шыбитлісны менө джуджыд ваө, но некор эг вөйлы».

— Интереснө,— Агни помалис лыддынысө.— Шуөны тай, лёк морт пө ваө оз вөй. Эм сэтшөм роч пөслөвича.

— Эг на ме сэки лёкнас вермы лоны, меным сэки вөлі вит-ө-квайт арөс,— Тер Миш чышкис кымөс вывсьыс пөсьсө.— Со өд мускө дзик сись лои, кодзид нильөг йөткө. Оз позь меным майшасьнысө, луннас нин шөгөдіс.

— Этша өмөй көть трактор вылас кынмавлін. Öні, гашкө, шоныдінө веськалан... Он?

Тер Миш өвтыштіс кинас, эн пө торкав сәні, водзө нүөдіс асьыс мөвпсө.

— Эг вөй да пөд сы вөсна, мый новлі малича: челядьлы маличасө вурөны кык пөвста вольысь, улысладорыс и веркөсыс гөна. Татшөм маличаыс дыр оз көтась ваас, лыбөдө кагасө ва вылас кызди пробка. А тэ пыр и лёк морт... Малича новлысьясыс оз овлыны лёкнас, тайөс крепыда тшуп медся тыдаланаинас.

— Мишө, эн лөгась, ме өд пөслөвичасө сөмын висьталі.

— Кызди тайөс дженьыда бумага вылас гижны?

— Сідзи и гиж, быдторсө пө прөйдиті да ваын эг пөд и биын эг сотчы.

— Эн дзуг, Агни, биас эг веськавлы, война вылас эг скурлы. Правдасө колө гижны.

— Тәнө, вакульөс, көть бипурйө сэки чөвтисны, эн эськө сотчы. Абу мөй збыль?— ас ногыс дорйысис Агни.

Тер Миш кузя думайтіс да тадзи гижис: «Көть челядь дырйи чой-вой тшөкыда шыбитлісны ваө, эг лябмыв, некодлы эг норасьлы».

— Колі өд норасьны, йөюк, сэки эз мөдны кагасө быд ва гуранө шыблавны.

— Эг вермы норасьнысө. Чайтан, любө, кор йиа ваас усян. Сэтшөма вөлі чойяс вылө скөрма, кыв-ворөс воштыла, лунбыд шы ог сетлы. Рытнас таысь жө ошкөны чойяс: со пө кутшөм молодеч миян Мишыд, көть лунтыр мачөс моз шыблав дадь вывсянныс, кыв ни джын оз шу. Забеднөысла вөлі гусьөн бөрда, шытөг.

— Дзик некор эн и норасьлы? Дзик некор?

— Öтчид шыасьлі жө. Дадюлыс вөлі крут кыръя ты дорті рөдтө. Дадьсө тыланьыс шатовтіс, чойө повзис да мачалис менө тыас. Төлыс ты шөрланьыс кутіс йөткыны. Кыла, кок пөлөд увлань кодкө кыскө. Сэки и горөді батьөлы, мися, менө

кодкө пөдтыны көсйө. Батё төбъялыштис няргаласө да вувзис мелань. Кытшыс сьылиө стөч веськалис. Кыскис. Васьыс петигөн нин кодкө лэдзис кокөс. Сэссия тывйыштисны тысө да кыскисны зэв уна гырысь сиръясөс. Сийө тыас сөмын сиръяс рөдмөмаөсь, мукөд сикас черисө ставсө сөйөмаөсь да и дзоля көр видзысьсөс ырыштчисны ньылыштны. Чой-вок долыдмисны, здукөн вель уна чери лэптим да. Ыджыд вок весиг ошкыштіс менө, со пө өд весь нянь сөйысь Мишөсьыд на пөльза лои.

— Водзджык тайөс тай эн и висьтавлы. Тайөс эн гиж.

— Өтчыд тай заводитлі да вомалін ачыд, эн пө нем абусө сөр. Веськыда кө, яндзим меным вөлі та йылысь висьтавлысө том дырйиыс. Пөжалуй, и өні ог гиж тайөс, мед серам выв оз лэптыны. Ещө со кутшөм притча сулис. Өтчыд пув вотигөн вошлі тундраө. Казялі, чомйыс оз тыдав. Ог төд, кодарө сетчыны. Тайө ваө усьөмсыйд на страшнойджыктор. Зэв гораа кыз синваөн бөрддзи. Гөлөс быртөдз равзі. Кыськө сьөд Катшө былъс петіс, пыр и нюмдыссис менам. Понйыс и вайөдіс чом дорө. Эг прөста ме сийөс яйнас верд. Тайөс, пөжалуй, пасъя: «Көть вошлі тундраө да ёна повзъылі, олөмас родысьөн эг ло».

— Чайсө гуниктышт, юр вемтө пожъялышт, гашкө бара на мыйкө чуктас мичатор.

— Сэссия, Агни, заводитчис ыджыд война, ыджыд шогвайис сийө быдөнлы и миян семьялы тшөтш. Вокъяс мунісны фронт вылө и некод бөрсө эз бергөдчы. Весиг письмө эз волы, сөмын военкоматсянь юөрыс и коли. Чойяс көть вөліны на челядь руаөсь, найөс мобилизуйтісны «Комилесө» вөр лэдзны. Ме коли өтнам пөрысь батъ-мамкөд тундраө көръясөс дөзбөритны.

— Коркө тай том дырйи висьтавлін эськө да вунөдчыссьөма нин быттьө менам-а,— Агни чышкалис син доръяссө. Тер Миш видзөдліс гөтыр вылас да тшөкмуні. Жальыс петіс, пөрысьмис нин и Агни. Со тай нем абусьыс синваыс пычиктысьсө. Челядьдырыс Тер Мишлөн син водзас сувтіс. Тшөтш и асьсө нормөдіс.

Регыд быттьыс лөсьөдіс меддзоля пиыслы дадь. Ачыс кутіс көръясөн веськөдлыны. Бур поводдя дырйи ыстывлісны дежуришны колхозной стада дорө. Уджав пө, пиө, гырысьджык чой-вок пыддыд, ышөдліс батъ. И уджавліс гырысьяс моз, быдтор старайтчис вөчны на ног. Весиг куришчыны велалис. Вель дыр эз сетны школаө, заводитіс шензъыны, мыйла сьлөн арлыдыс то чинө, то содө. Өти во кылө, тэныд пө, Мишө, көкъямыс арөс, да пөраыс тай сьөкыд, мучитчыны кутан школаас. Йөз дорас. Во мысти мам шуө: «Мишукө пиө, тэныд квайт ар тыри. Эн вунөд, мадаө, ставлы сідзи шу». Мыйла нө пө, мамко, сідзи, кольөм во вөлі унджык, а таво этша-

джык лои арлыдыс? Смотри пö, Мишук, гырысыясыс унджык тöдны эн лöсöдчы, тайö бурö оз вайöд. Вензыны эг кут, мися, квайт и квайт, бать тай куритчöмысь видö-а. Помасис война. Көть Мишö быдмис омöлика, век жö сизим либö көкъямыс арös сылы некод нин эз сет. Сельсöветö корлисны батьсö, жугыль воис. «Пиö, школаö тэныд мунны ковмас».

Некымын во велöдчис да вежöртис: дас куим арösөн пыр-сылöма сылөн школаас. Школаад велöдчöмысь зэв тешкодйөн кажитчис, вель унаөн öти жырийö чукöртчöмаöсь и некод оз куритчыны. Тундраад тай кыкөн паныдасысны да пыр жö питшөгас көшельысла нюжöдчöны. И Мишöлы эз тшöктыны. Сэки дугдис куритчöмсьыс да öнөдз на папироссö вомас оз босьтлы.

— Мый нö дугдин перöнад уджавнысö,— тэрмöдлис Агни.

— Ог сяммы дженьыдасö гижны.

— Война дырйи школаö пыртöдз вöли көр пастукөн. Куритчöмтö эн казътыв,— велöдис Агни.

— Зэв на и курыд тшыныс, синвайд петö и несйöдлö ёна. Тэ сэссия, Агни, этшаджык юась. Вой шөрöдз нюжалас. Чай шонты.

Агни петис кухняö.

«Велöдчи шөркодя витöд классöдз, сэссия дышми. Лун и вой мөвпалi томиник учительница йылысь, весиг дугдi сейны...»

Бөръя предложениесö Тер Миш вынысь киритис, повзис гөтырсьыс, сийö вермö нем абусыс вежөгтыны.

Гижысь шлочкис вильыд скатерть вылö ручкасö, быттьö көсйис тувйыштны, медым эз гөгыльтчы джоджö, видзöдлассö пыкис лайкмунöм матичаö, бара син водзас сувтис челядьдырыс. Стöчджыка, сылөн руасьöмыс нин, бөрланьö кавтвчöмыс.

...Ыджыд перемена дырйи том учительница корис Коснырев Михаилос учительскöйö.

— Тэ нö, Миша, мыйла сэтшöм омöля урокъяссö кывзан. Öшиньö видзöдан либö помся менам плешкö дзорган, мый тэ сэтысь казялин?

— Ывласыс куварканъясöс лыддя.

— Мый? Мый?— учительница көрлис плешсö. Сылы, мöд районысь выльөн воомалы, эз вöv гөгөрвоана «кувыркан» кывйыс.

— Но, сьöд ракаяссö, кодъяс тай помöй корсьöны.

— А-а,— учительница недыр кежлö тшöкмунли.— А менам плешкысь мый лыддян?

Коснырев гөрд сэтөр моз ыпнитис, кызкö полiгтыр жугыля артмис сылөн:

— Ог сöмын плеш вылад видзöд...

Өмидз рөмөн өні Өзйис учительницаалон чужоьмыс. Коси-ника ки пыдосас кызоктышталомон юалис:

— Тэныд, Миша, кымын арос?

— Регыд дас өкмыс тырас, — нурбыльтис зон.

— Дас өкмыс... Дугды сөрнытө, — кызмырдон моз нюмдис учительница.

— Збыль. Документын сидзи пасйома.

— Сидзкө, тай нө... ми тэкод өтйөзаось. Сидзкө... — учи-тельница меліджыка нин нюмдис, — регыд армияө модөдчан?

— Со повестка эм, — збоймыштіс и Коснырев.

Регыд Коснырев Михаилос корисны военкоматө комиссия вылө. Вель ыджыд залын жөдзисны сы арлыда жө пасьтөм том войтыр. Тані мурталісны тушасө да сувтөдлісны быдөнөс вески вылө. Сэсся чукөстлісны мод жырьйө. Сэні кузь пызан сайын пукалісны комиссияса членъяс, медшөрас вөлі зарни погона олыштөм мужичөй. «Тайө, буракө, и медыджыдыс», — артыштіс Коснырев да сы весьтө и джом сувтіс.

— Коснырев Михаил... Михаил... нимыд ыджыд, но ачыд... Көсьян служитны? — военком мыйлакө гажтөма видзөдліс сы вылө.

— Товарищ военком, зэв ёна көсья армияө. Вир дөзми посни кельчи костас уявнысө, — веніс полөмлунсө Коснырев.

— Коді нө кельчиясыс? — пуктіс пызан вылө өчкисө во-енком.

— Школаын... Витөд классаяс.

— Тэ школаысь. Гашкө, помалан нин сизим классө?

— Товарищ военком, босьтөй менө армияас, примернөя мода сдужитны Рөдиналы. Онө кө... ме чөвта школасө...

Военком өчкиасис, бергөдліс-видлаліс кабала:

— Коснырев Михаил... Ростыс стандарт... некыті оз вись... Михаил, тэнад збыль некыті оз вись?

— Оз, товарищ военком, көрт кодь ён.

— Михаил, а мыйла нө тэнад весыд оз тырмы. Кыдзи шуласны, водзө на колө тэныд азымджыка роксө панявны. Көні нө тэ быдмылін?

— Ме быдми тундраын, сэні рок оз сөйны, сы вөсна ичөт менам весыс. Но тундрасаясыд винөлөсь, сөнөдөсь. Сьөкыд-торйысь ог повззы, вот аддзыланнды...

Военком да комиссия членъяс кокныдыка нюмъялісны, стөча эз төдны, мый керны сыкөд.

— Сюсь салдат лоө, но... Жаль, весыс дзоля, — долыдмис-кодь военком.

— Товарищ военком, ме думысь, Коснырев Михаиллы збыль абу кивыв школаө ветлөдлыны. Тшыксыны вермас зонмыс, — шуис пызан рөчсө пыкысь том морт.

— Мый тэ, Семен Иванович, предлагайтан?

— Вессө поэбө содтыны.

— Кызди?

— Выпишитны Косныревлы кык килограмм мөс вуй.

— Кык килограмм вуйысь артмас килограмм яй?

— Ме, кызди врач, сета гарантия, — дорйис призывникөс врач.

Коснырев ас пайысь аттёоалис видзёдласнас сийөс.

— Если гарантия, — шыасис военком бокланьын, торъя пызантор сайын гижысь военной дорё, кодөс Коснырев сөмын на казяліс. — Выпишит, товарищ капитан, призывник Косныревлы кык килограмм мөс вуй. Михаил, кызди помалан вуйсө, лок комиссия вылө. Чайта, тэнө торъя корөм оз ков?

— Оз ков, товарищ военком, позьö мунны?

— Да, ёнмөдчы, тундраса зон.

— Торъя эн котрав, — такөдіс врач.

Тер Миш вайис кык килограмм мөс вуй, сывдіс сийөс ыджыд тасьтыын, босьтіс книга да кайис паччөрө. Кор помасьö өти лист бок, Тер Миш паньыштө пань тыр сывдөм вуй. Пач вылыс буса. Тер Миш лыддысьö, медым не унмовсьыны, несъялө да панялө вуй. Пач вом дорын ноксьысь пöчыс дөзмөдө тшөгөдчысь призывникөс.

— Мишö, ветлы вала.

— Оз позь меным уджавнысö, бабö, военкомат эз тшөкты, весөс содта.

— Ва вайөмсьыд өд госыд оз на сыв!

— Вот военкоматыс сетас пöвестка, сэки, бабö, во кежлө тэныд ватö кыскала.

— Мыйкө тай тэнад оз и йөз нога службаыд заводитчы. Помся вуй панялан. Оз-ö лёк ло?

— Көсьян кө служитны, старайтчыны колө, — гораа нес-йис Тер Миш.

Дыр-ö кадколаст бөрын Тер Миш тшөкыда заводитіс лэччывлыны паччөр вылысь, нинөм омөльтор сийö тась эз казав, мөдарө, лыддис, заводитіс арся ош моз госсявны, та вөсна гырк пытшкыс прөстмө.

Вежон мысти Тер Миш бара локтіс комиссия вылө. Военкоматын эз нин, кызди вайдөр, жуөмөн жу йөзыс, позьö шуны, некод абу, шы ни төв.

Вески вылө сувтлөм бөрын военком юалис:

— Уна-ö содөма салдат Косныревыс?

— Ме ногөн, вескиыс тшыксьөма, — кыв көрталіс врач.

Военком ачыс сувтіс вески вылө.

— Уна-ö?

— Сизимдас кык килограмм.

— Семен Иванович, вескиыс оз сөр. Уна-ö Косныревыс содөма?

— Товарищ военком, призывник Коснырев абу содөма, а чинөма дзонь килограмм вылө.

— Кызди чинома... Тэ, Семен Иванович, меным сетін гарантия...

— Товарищ военком, Косныревыс, ме думысь, эз сёй выйсё.

Тер Миш чуймөмысла немөймис. Мыйся дивө, сэтшөм азыма панялис, весиг мукөдторсө эз сёй. Стөчджыка кө, эз ков, сывдөм выйыс пыкис вытьсө. Но мыйла врачыс шуалө нем абусө? Содтөд вөйтө сійөс? Тер Миш зэлөдчис став вежорнас, ру пыр аддзис военкомлысь дөзмөм чужомсө.

— Вузалис да сьомсө юис. Ме думысь, тшыксыштөма зонмыс,— ыпмунис чужомыс том врачлөн.

— Юис? Коснырев, збыль тайö?

Тер Мишлөн кельыд парьясыс тэрыба шөпкөдчисны: «Шуа кө сөйи — лыддясны висьысьөн, сәки службатө меным не аддзывны. Вот задача».

— Призывник Коснырев, тэнсьыд ме юася, ог стеныслысь,— военком перйис югьялысь пиньяса вомсьыс сьөд каллянсө.

— Товарищ военком, стөч сідзи. Вузалис выйсө и сьомсө юи.

— Öти кывйөн кө, мудералин?

— Стөч сідзи!

— Коснырев, тэ вөчин ыджыд мыж. Государственнойнөй средство төв йыв пызьөвтін. Дисциплинаыд тэнад некытчө шогмытөм. Тэныд быть колө служитны. Армияыд тэнө веськөдас, мортөн вөчас. Капитан Лубов, гиж Косныревөс погранвойскаө, ичөт кө, озджык кут тыдавны пост вылас. Коснырев, босьт пөвестка да урчитөм кадө лок призывнойнөй пунктө...

— Есть!

Кухняысь котөрөн локтис Агни.

— Мишө, мыйысь нө горөдин? Эн-ө вугырт да вөтась?

— Прөстө. Дум вылө уси армияө мунөмой. Кызди сійөс гижны, юрөс жугла.

— Сідзи и гиж: ас кадө пө веськалі служба вылө. Бура и помалі сійөс.

— Кык юрад тай бурджык жө думайтнысө,— Тер Миш өдөба шарөдис перөөн:— «Көть неуна эз тырмышт весөй, но армияө босьтисны ас кадө».— Фу, бара өтиторйысь мыні,— радліс гижысь.— Службаөдз нин воөдчи. Көть ньөжйөник, но визувтө тай олөмыс.

Агни тэрмөдліс, тшөктис өдйөджык нин помавны, велөдис: гиж пө, служиті примернөя, эмөсь благодарностьюс.

— Аттө, быттө газет вылысь лыддян тэ, Агни,— номйысь моз өвтчис Тер Миш.— Пөрьясыны оз туй. Благодарностьюс өтдор вөлі куим наряд вне очереди да гауптвахтаын пукалі вит лун.

— Эн на тай висътавлы некор.

— Сійон нинөмла ошйысьнысө вөлі. Агни, петавлы ещö кухняс, ог вермы гижнысö, кор быд кыв сёян-лыддян.

Гöтырыс петіс кухняö. Тер Миш дзоргис лайкмуном матича вылас да казътыліс службасö.

Коснырев Михаил веськаліс служитны бара тундраö, Мурманск бердын моредорса граница видзис. Эз виччысь сійö татшöмторсö, чайтіс, лунвывса шонді улö веськалас, водзö туас-быдмас сәні, ёнмöдчас. Но... служитанінтö тай, кызди и чужанінтö, он ачыд бөрйы...

Тер Миш эз кузя и майшась. Öти нин сыысь вөлі нимкодъ, мый салдатон лоис.

Тані вөлі сәтшöм жö тундра, кызди Тер Мишлөн чужаніныс, сöмын тшöкыдджыка турöбавліс, вына төв ныр бергöдліс-гартіс век уль лым. Мукöддырйиыс турöбыс сәтшöма öддзыліс, мый пост вылö кыссьылісны гез кузя. Ставыс тайö тундраса быдтасöс эз шензёд ни эз дöзмöд. Дöзмöдіс сöмын öтитор, но том салдат яндысис сы йылысь висътавны командирлы.

Пост вылын видзисны öти тулуп сутки чöж. Быд часөвöй сійöс кышавліс аслас ватнöй бушлат вылö, медым эз жульöд чизыр төлыс. Смена помланьыс, рытладорыс, тулуп свинеч моз сьöктывліс. Косныревлы кажитчис, вылысас абу тулуп, а картупель мешöк сөвтöмаöсь.

«Сулала кö кык час чöж татшöм груз улас, дзикöдз лямала,— ас кежас дöжнасис том салдат. Бөр кö пö гортö ыстасны, комиссуйтасны, дзикöдз янала ёртъяс водзын, батмам водзын. Мыйкö колö думыштлыны.

Коснырев кутіс штык йывнас увсянныс пыкыштавлыны свинеч кодъ сьöкыд тулупсö. Öтчыд тадзи ас вöчöм «лэбув» улас сулаліс кык час чöж вөрзыывтöг. Ёна гартіс уль турöб. Салдатлы дум вылас уси школаса учительницаыс, кодлы ырыштчыліс гижны письмö, но бөръя здукас косявліс, казътивсис тундра, ёсь сюра көръясыс. Лэбув улын кокниа мөвпавсис, гашкö, и вугыртліс. Казяліс, смена матыстчö, лейтенант вайöдö нин вежысьöс. Ротнöй капитан отпускаліс, и сійöс вежис лейтенант Гайдучак, коді ачыс радейтіс волыны постъяс вылö, буракö, эз тырвыйö эскы виль сержантъяслы.

Чепöсйыны кöсйö Коснырев, но эз вермы, лымйыс төбъялöма сійöс морөсöдзыс.

— Радөвöй Коснырев, лок татчö,— корис лейтенант Гайдучак.

— Ог вермы, лейтенант ёрт, топöдіс менö турöбыс, эг и казавлы.

— Коймöд во служита Заполяръын, но первойысь татшöмторсö аддза,— чуймис том ротнöй.

Стöчджыка кö, вөлі шöйöвошöма, петіс лöгыс, но и нюмыс пычиктыссис. Украинаса зон вөлі шмонитысь мортон, сöмын

абу кивыв пост вылад серавнытö. Лейтенант да выль часöвöй тулуп воротникöдыс кыскисны Косныревöс.

— Эз кө эськө ков тулупыс, Коснырев, ме тэнö тась эг и перйы, тулыснас лымйыс сыліс да ачылд петін,— скöрысь шуис Гайдучак.

— Лейтенант ёрт...

— Чöв, радöвöй Коснырев, караульнöйын сёрнитам.

Лейтенант да радöвöй Коснырев чöла веськөдчисны караульнöй помещениеö.

— Радöвöй Коснырев, мыйла нö тэнö отнадтö сэтшöм ёна тыртö лымйыс, а?— зумыша шыасис ротнöй.

— Лейтенант ёрт, сувтöдöй ывла вылас кузь да дженьыд бедь. Дженьыдджыксö тыртас öдйöджык. Тöлыс вынаджыка сы гөгөр гартчö.

— Сідз, шуан, ляпкыд понöльсö ёнджыка тыртö. Эт тöдлы. Радöвöй Коснырев, три наряда вне очереди!

— Есть! Три наряда вне очереди.

— Войнас кухняын мөдан картошка весавны.

— Есть! Картошка весавны.

Бöрынтьчис турöба полярнöй вой. Енэжын читкырасисны кодзувьяс. Видзöдіс пөв кодь тундра вылө чукрасьыштöм косіник чужöма тöлысь. Помся жульöдіс тувсовья чизыр төв. Постывса пась лои кос да кокни. Радöвöй Коснырев сюся видзис мирнöй граница. Сійö вöлі дась, ковмас кө, любöй здукö сетны том олөмсö Рөдина вöсна. Тайö мөвпыс пыдö позтысьöма вежöрас, сьөлөмас. Сідзкө, быдторйö колө велөдчыны лючки, помся, быд здукö. Да, Коснырев лючки лыйсьö винтовкаысь, автоматысь, пулеметысь. А вот пушкаысь эз на лыйлы. А ковмас кө... Усясны кө ёртъясыс... Паныд локтö танк... Мый? Сылы дзесьыны?! Лэдзны враглысь танксö?! Кутшöм сійö салдат та бöрын. Тайö мөвпсысь кодзыд ныйлөм чепөсйö байкөвöй дөрөм улас. Торъя нин тайö думыс дөсадитö талун, қор видзö сійö артиллерийскöй парк. Луннас салдатъяс лыйсьöмаөсь пушкаясысь. Öтиөс, «сорокапятка», абу пыртöмаөсь паркö, йöрас сулалө, весиг джынъялөм ящик боевöй снарядъяс дінас. Быдөн медводз лыйсьö тайö ичөтик пушкасысь. Коснырев унаысь нин матыстчыліс пушка дорö, лючки видлаліс, гөгөрвоис, кыдзи колө сійөн лыйсьынысö. Тайö нин бур, ковмас кө, оз кут сы дінын бөбъявны, öтитор вежөрнад вöчны, дзик мөдтор — збыль вылас. Гашкө, пушка горсьыс ачыс гатшөн усьö, некор на öд эз лыйлыв. Лёка лыйöмнад врагтö он сувтөд. А мый? Сылы кө лыйны тайö пушкасысь көть öтчылд? Дзик öтчылд. Медым бөрнас не шöйөвошны, қор ковмас сувтны врагъяслы паныд.

Коснырев төдіс, военнöй устав торқалөмысь командир оз ошкы, но челядь кодь вежөрнас сійö лыддис, мый вöчö зөв

коланатор. Мөдарсянь кө, командир бара жө сійөс гөгөрвоас кыдзи колө. Көть мыйтакө гөгөрвоас... Оз теш тешит салдат Коснырев, сійө дасьтысьө, кыдзи колө дорйыны граница. Коснырев зарадитіс «сорокапятка». Бара на здук падъяліс, думнас корсис пас, кытчө метитны, көть пушка ствол серти-ыс. Ныр водзын пыльквидзис пөв кодъ вольдыштөм тундра. Косныревлы син улас некутшөм пас эз сюр. Прөста горсө вөчны сійө эз жө көсйы. Сәки шога видзөдліс енэжө. Аддзис, быттьө нәмнас первойысь, бовъялө сынөдас таз пьдөс пасья төлысь. Аддзис Коснырев төлысьөс и вашмуніс: «Со көн пас-ыс, а ме йөй, сійөс му вылысь корся. Да и пушкаыс... Код төдас кытчөдз сійө лыйө. Оз прөстаысь пушка нимсө новлөд-лы».

Коснырев бөр кыскис стволысь снарядсө. Крепитіс пуш-касө. Ствол пырыс корсис төлысьсө.

Енэжын олысь, ачыс стөча стволас пырис. Öнi некытчө оз пышйы, сөмын оз ков нюжмасьны.

Коснырев нем думайттөг шковгис-луйис. Лыбис тшын-бус, пушка чепөсйис бөрвыв. Мыйла? Коснырев повзис да шөйөвошис, лёка крепитіс, буракө, тшыкөдіс орудиесө. Кос-нырев лючки эз на удит видлавны пушкасө, кыдзи карауль-нөйсянь воис наряд.

— Часөвөй Коснырев, кодi лыйис пушкасысь? — стрөга юалис лейтенант Гайдучак.

— Ме, лейтенант ёрт.

— Кытчө лыйин?

— Төлысьө, лейтенант ёрт.

— Төлысьө... Вай винтовкатө. Ротнөй командир нимсянь вит сутки кежлө пуксьода стрөгөй арест улө. Бөрыннас ком-бат разберитчас.

Коснырев юрсө өшөдөмөн лейтенант бөрсянь довгис ка-раульнөйө, весиг эз видзөдлы төлысь вылө, эз көсйы төдны, мый сыкөд лоис.

Вит сутки Коснырев оліс өшиньтөм комнатаын. Сійөс лун-нас өтчөд вердісны пөсь сөянөн. Öти пөраө водтөдлісны да чеччөдлісны. Мойдын моз дас öти часын стенсыс мыччысьліс нар, кытчө Коснырев пыр жө водліс узыны. Сизим час асы-лын нарыс пырліс бөр стенө. Тайө здукө Коснырев век ад-дзыліс öти пөлөс вөт: кыр горув уськөдчө исковтысь пушка бөрся. Садьмыліс джоджын. Луннас ветлөдліс векныд ком-ната кузя да малалис доймыштөм баябөжсө.

Вит лун мысти рытгоров Коснырев первойысь петіс ывлаө, видзөдліс енэжө и нюмуніс: төлысьыс вөлі джынъя! Колө төд вылө босьтны со мый: тундраын төлысь чужиг-сөвмигас да чинігас поводдяыс тшөкыда гудыртчө. Сэсся Тер Мишлөн челядьдырыс и том кадыс вөлі тырөма төждөн-нокөн, кынөмпөт вөсна вийсьөмөн, некор сылы вөлі нимкодьясны

ни төлысьон, ни кодзувъясон. Та вöсна Тер Мишлөн вежö-  
рын төлысьыс оліс век дзоньон, тыр банаон.

— Лöсьод ременьтö лючки, радöвöй Коснырев, штабö му-  
нам. Мый вашъялан?— лейтенант Гайдучак талун вöлі зу-  
мыш.

— Лейтенант ёрт, оз прöстаысь, тыдалö, штабас менö кор-  
ны, отпуск гортö ветлыны сетасны. Со, веськавсьöма төлы-  
сяс — джынъя!

— Ме думысь, кузь отпуск тэныд сетасны. И бара тунд-  
раын сійöс кутан коллявны,— Гайдучак курыда нюмдіс.

Штабын Косныревöс виччысисны комбат да замполит.  
Гöрд нойон кышöм пызан сайын пукалісны майор да  
капитан. Варовитісны ас костаныс.

— Товарищ майор, радöвöй Коснырев тиян корöм серти  
воис!

— Радöвöй Коснырев, тэ мыйла лыйин төлысяс? Мыйон  
сійö тэныд эз мусмы?— комбат сёрнитіс торъя чорыдлун пет-  
көдлытöг и тайö ышöдіс Косныревöс збоялыштны:

— Товарищ майор, ме зэв ёна көйи велöдчыны лыйсьы-  
ны пушкаысь.

— Мыйла?

— Ковмас кө дорйыны граница, медем кужи лыйны и  
пушкаысь. Бойын быдторйыс вермас лоны.

— Приказтöг боевöй оружиеон оз вöдитчыны. Тэ,  
радöвöй Коснырев, служба вылын, абу детсадйын. Тэ вöчин  
ыджыд мыж. И тэныд ковмас чорыда кыв кутны таысь.

— Радöвöй Коснырев, тэ лыддян асьтö мыжаон?— пы-  
рöдчис сёрниö замполит.

— Лыддя ачымöс мыжаон, товарищ капитан.

— Стöчджыка, мыйын тэнад мыжыс?

— Лёка крепиті пушкасö, бөрö сетіс.

— Радöвöй Коснырев, тэ кытысь локтін служба вылас?

— Школаысь, товарищ капитан, витöд классын велöдчи.

Сідзисö тундраса ме, көр видзысь.

— Да, витöд классад астрономиятö оз на велöдны.

Замполит мыйкө кузя шöпкөдіс комбатлы пеляс. Мөдыс  
корсюрö нюмъөвтліс. Төдöмысь, капитан висьтасис мыйкө  
интереснойтор войвывса йöзлөн олöмысь, кывсис, замполи-  
тыс пö война дырйиыс служитöма тайö местаясас, а татчö  
волöмаöсь и көръясон.

— Радöвöй Коснырев,— комбат коса кызöктіс,— мыйкө  
татшöмтор кө ещö вöчан, тэ кутан служитны дыр-дыр. Та-  
дзи и доложит аслад ротнойлы.

— Есть!— Тер Миш веськыд кисö збоя тшукөдіс көсича  
бердас, сетіс честь. Тэрыба бергөдчис шуйга пельпом выв  
кисö лэдзтöг да петіс.

Пушкаысь лыйöмыс эз вöv збыль вылас, сійö оліс сöмын

том салдатлөн вежорын. Но көсйөмыс поздысьліс сылөн юр вемө сэтшөм крепыда, мый сэки кө пушка дінас вөліны боевой снарядъяс, өдвакө, вермис пыксыны. Но Тер Мишлөн шуд вылө, найө куйлісны томана складын. Мөд луннас та йылысь висьталіс политзанятие вылын. Салдатъяс гигзисны, а замполит ёна чуймис, өлөдіс чорыда, көсйысис юөртны ротнойлы.

Рытнас строй водзын, политзанятие вылын ыкшасьөмысь, лейтенант Гайдачук козьналіс радөвой Косныревлы куим лунся арест.

Век жө Косныревөс вуджөдлісны төлысь кежлө артиллерийской взводө. Командиръяс пыдди пунктисны Тер Мишлысь ыджыд көсйөмсө. Та бөрын сійө збыльысь эскис төлысьө лыйөмас, весьшөрө өмөй гауптвахта вылас сюрліс да бызгысь компаниясын торъя майшасьтөг мойдліс та йылысь.

Водзө Тер Миш служитіс лючки. Стрельбище вылын стөча лыйсьөмысь комбат сетіс сылы благодарность.

Колис кык во. Тер Миш быдмыштіс, ёнмыштіс. Воис де-мобилизуйтчан кад. Тер Мишөс гортас лэдзисны медводз, сы вөсна мый сылөн гортыс вөлі ылын, Большеземельской тундраын. Плац вылын стройын сулаліс батальон. Коснырев дорө матыстчис замполит.

— Вот, ёртъяс, медводз гортас мөдөдчө радөвой Коснырев. Сійө, кыдзи төданнды, көсйис тшыкөдны мияныльсь төлысьсө, полам, метитчас коркө шондіө. Та вөсна водзджык лэдзам гортас.

Стройын гигзисны, капитан тшөтш нюмъяліс.

— Тайө, дерт, шутка. Коснырев служитіс примернөй. Радөвой Коснырев, тадзи уджав и гражданка вылын, тайөн водзө кутан ёнмөдны Рөдиналысь вынйөрсө, а сідзкө, и водзө мөдан видзны границасө.

— Есть, товарищ капитан,— Тер Миш вежавидзөмөн лосьөдыштіс мыш вывсьыс туйө петан нопторсө.

— Сэсся нө велалін пушкасьыс лыйсьынысө?— юасис джоджсө мыськалысь гөтырыс.

— Велөдісны. Танкөн ещө көсйи ветлөдлыштны, да эз удайтчы.

— А-а. Сы вөсна и бөрыннас трактористө велөдчин?

— Сы вөсна.

— Мыйкө пасйышт нин служба йывсьыд, зэв тай дыр думайтны мөдін.

— Гижөмыд абу гөрөм. Энлыв. Мед мыйкө бара серам выв эз артмы.

Гижө: «Служба вылысь вайи благодарность, көть весь-кавлі губвахта вылө да сетавлісны өчередьтөг нарядъяс».

— Лөкторсө нө мыйла гижан ас йывсьыд, йөй мужик?

— Быдлаын колө веськыдлун. Сійө медся вынаторйыс

олөмас. Сөмын тустыяс сысы полөны. Агни, тэ менам ныр улө ва ветьөктө эн суй. Чай татчө вай. Думайтөмсыс менө пөсьө вувзьөдө, шөгөдө и.

— Энджык азыма мөвпав,— Агни петіс кухняө.

Тер Миш лэптис юрсө, веськөдіс мышсө, видзөдіс паськыд потасьяса матича вылө, кадыс и стрөйбатө пөслалө, непөштө ловъя ловтө. Кыліс, кыдзи веськыд боксө зөлитыштө дөзмөдыс дейтор, кытчөкө пыдө поздысьома сылөн висьо-мыс, коді яндысьтөг сөйө сы вылө урчитөм лун-войяссө. Гашкө, сәки ывла вылын чужигас нин и гөрддзасис висьо-мыс? Но Тер Миш быд ногыс зіліс мынтөдчыны тайө наян мөвпсыс. Колө эськө мунлыны кытчөкө гортсыс, но век быттө абу слөй... Оз сюр сылы звук и больничаө петкөд-чывны. Бара дояс бергөдчис, веськыд бокас быттө йи көмөк пукалө.

Со нин армияыс воис. Ещө на сылөн олөмын вөлі өти крукасьом. Но кыдзи та йылыс дженъыдикасө гижны?

Армияыс Печора вылө Тер Миш веськаліс водз тулысын. Юлөн төвся шебрасыс лөзмунөма, кытсюрө паськыда польдөма дорва. Некод нин эз ветлы ю кузя. Тер Миш некыдзи эз вермы воөдчыны гортөдзис, райцентрө йөрмис, пукаліс көрт туй вокзаллөн тыртөм залын да майшасис. Военкоматө пыравлөм бөрын Тер Миш веськөдчис паспортной столө.

— Шуан, паспорт колө. А кытчө тэно пропишитны? Көні чужаніныд?— паспортнойын уджалысьяслөн шоммис чужө-мыс.

— Большеземельскөй тундраын.

— Охо, вывті лышкыд лоө, өтнасыдлы кө дзонь тундра сетны. Документад колө адрес. Стөч адрес. Гөгөрвоан?

— Гөгөрво и тэ. Ме чужи тундраын. Чукъя мыльк бокин, ытывладор рөчас, гөна вутшъяурьяс костын.

— Помнитан весиг сэтшөм посниторьяс?

— Көдзыдінын чужөмаясылөн торъя крепыд паметъыс.

— Выльтор кыла. А помнитан татшөмторсө, со тэнад свидетельствоад лөз чернилаөн гижөма, чужөмыд кык лун чөж. Чужан луныд кык лун: квайтөд да сизимөд майын,— паспортнойын уджалысь наяна нюмдіс.

— Забыль? Оз вермы лоны.

— На лыдды.

Тер Миш дыр бергөдліс чужөм йылысь пасйөда кабаласө, лыддис некымынысь, быд шыпас гөгөрбок видлаліс, медбөрын ышловзис:

— Збыль тай. Öнөдз эг казавлы. Тайө да! Сэссия нө...

— Документыд неверной, тэныд өгө вермөй сетны паспорт. Мун гуляйт.

Плешкас нөшкөн кучкөм өш моз Тер Миш петіс ывлаө, лунсө ветлөдліс улич кузя, войнас бергаліс чорыд лабич вы-

лын да жугліс юрсө, мыйла быдөнлөн өти чужан лун, а сылөн помся кык. Дерт, кёнкө, тани мыжаыс батыс, дыр абу нуома сельсөветө, виччысьома ичөт пиыслысь кулом. Но дзоля Миш турыштчөма олөм выв. Сөмын кор тырөма коймөд арөс, батыс повзьөма мыждөмысь, катөдөма сельсөветсаөс чомйө, дыр гөститөдөма, корөма пасйыны дзоля писө казенной кабала вылө. Гыр д синма писарыс шляпкөма Тер Мишлы кык чужан лунсө. Батыс вөлі буква төдтөм мортөн, сылы ставыс мольыд, медтыкө гижыштөма мыйкө еджыд бумага вылас. Но Тер Миш өмөй таысь мыжа? И мыйла паспортной столын уджалысь крукасис татчө? Мукөд служащөйыс тай сөмын сийөс и кыйөдө, кызди өдйөджык өдзөс саяс йөткыны мөгөн воысь мортсө. Но Тер Мишысь кокниа он мын, войбыд думайтис, кызди дойданаджык вочавидзны тайө веськодь-лунөн шымыртөм нывбабаыслы.

— Тэ бара нин тани?— паспортнойын уджалысь быттьө чөлөмалис Тер Мишөс.

— Вои. Гуляйтсис менам,— ярскөба вочавидзис Тер Миш.

— Ме жө тэныд ясыда шуи: документыд дзуглөс, паспорт эн виччысь.

— Документыс правильной. Сэни гижөма стөч сидзи, кызди збыль вылас эм.

— Но-но... кызди нө тэ кык лун чөжсө чужин? Висьтась. Эн и мудз, ха-ха...

— Ме чужи тундраын. Сэни зэв чизыр төлыс. Первой луннас мыччылі юрөс да садьөс воштытөдз чуйми, мися, кызди татшөм көзөдас овны кута. Сутки чөж думайтис-артаси да вөлисти решитчи ыджыд олөмас петны.

Паспортнойын уджалысь сералис тшөкъялөмөн. Видзөдліс Тер Мишлөн скөра сотысь синъясө да зумыштчис.

— Тэ тайөс лысьтан меным висьтавыны. Тэ тай нө... пошляк!

— Ме абу мыжа эсийө кабала вөснаыс! Меным колө паспорт! Уджавны колө!

Паспортнойын уджалысь дышпырысь видлалө Тер Мишлысь документъяссө, көрлалө гөрд паръяссө.

— Пөлучитан паспорттө и мед сэссия татчө кокөн эз вөв тувччөма: райцентрө татшөмъясыс оз ковны! Гөгөрвоин?

— Есть!— Тер Миш радысла сетис честь.

Агни пыртис чай.

— Помалин эн? Ручкаыд тай век важ местаас куйлө. Рытывбыд «есть» керан-а.

— Ог төд, мый и гижны, медым эськө йөзлы серам выв эз артмы,— ырситис чайсө.— Пөсь зэв чайыд и ёна сакаралөмыд.

— Би вылысь чайниксө босьтис сөмын. Юмолыс, мися, гижан уджтө, гашкө, өдзөдас. Но гиж нин мыйкө!

Тер Миш гижö: «Армиясы гортö воигöн йöрми райцентрö: Печора кузя кылаліс йи. Шландайтi улич кузя весьшöрö кык вежон, паспорт чуктöдi. Кыдзи паспортаси, пыр жö заводитi уджавны заводуын, ветлöдлi рытья школаö, помалi кöкъямыс класс».

— Шуан, юмолыс оз лöсяв, со кыдзи шаркöдö перöйд, быттö тракторыд таргö,— гыррдза вылас щöкасö пыкөмөн нимкодясис Агни верöсылөн гырысь шыпасъясөн.

— Бара öд и торкин. На либö сэсся ачыд гиж!

— Помалышт нин, Мишö. Сэсся пöсь шыд вая, порсь яй пиын жаритöм проса рок.

— Видзöд, мед рокыс оз сотчы.

— Пета, пета,— шаркөдiс кухнялань Агни.

Тер Миш гижис: «Заводын тöдмаси Агникöд. Эг и казьялы, кыдзи гозйöдчим. Öта-мöд бöрся кагаяс мөдöдчисны. Ковмис рытья школаысь энөвтчыны. Öти зарплата вылö овны лои дзескыд. Сёрнитчим гозья да веськөдчим сиктö, Агнилөн чужанiнö. Сэксаян уджала трактористөн. Агни фермаын лысьтысьö. Нель челядь быдмисны, олам быдтор вылö судзсянаа. Удж вывсян унаысь сетлісны почётнöй грамотаяс. Танi лои коммунистөн». Агни!

Котөрөн пырö Агни.

— Мый лои?

— Помалi. Ки чышкөд вай, брöд пöсялі.

Агни суйыштiс Тер Мишлы киас еджыд ки чышкөд. Заводитiс лöсьöдны пызан выв.

— Öнi сэсся ыджыд начальникнас лоан да, он нин кут, Михаил Терентьевич, мазьöсь купайкатö новлыны? Югьялысь плащ ньöбам. Дзирдалысь томана портфель. Эн кöть гöтрась выльысь сэсся.

— Трактор вылас галстук да еджыд дөрөм кышала, выль портфельö ключьяссö тэча?— серöктiс Тер Миш.

— Он öмöй мыйкö мөдтор кут керны. Трактор вылад и колян?

— Аттö жö тэ морт, Агни, чайтiн небыд креслöын, шоныдiнын кута пöжсыны курөг моз.

— Кöть нин персональнöй машинасö сетасны?

— Персональнöй шопер тэныд эз ковмы. Сьöд тошка, векныд гача...

— Мый нö нин пöрысьö-нэмö вежөгтыны менö мөдiн,— кос син дорьяссö чышкаліс Агни,— менам öд куйöднас вөдитчöмысь киясöй со кыдзи потласьöмаöсь. Тайöс небось он аддзы.

— Уджыс китö оз тшыкөд, та йылысь тэ меным эн мойд. Уджыс лöсялö кийды, сийö мичмөдö китö. Тэнад кийд, Агни,— Тер Миш жалитiс нин, мый дойдiс гөтырсö,— уна

мыськис, пелькөдiс, медбөрын уна йов лысьтiс совхозлы. Найо некор эз мудзлыны. Наысь зарни киссьо.

— Зарни! Эз-о ков тэныд больничао петкөдчывны.

— Колө эськө, да век тай некор,— Тер Миш зырыштiс веськыд боксө, кылис ёнтысь дой.

— Ок! Мый нө мян уджаломысь төлкыс,— виччысьтөг зумышмис Агнилөн чужомыс.

— Тэ нө мый, кытысь усин татшөмыс?

— Ми тэкөд кык йойыс и колим сиктас. Вот!

— Сюсьмисны мукөдыс?

— Сюсьмисны. И ещө кызди! Көть зептыс тыртөм, оз шогавны, быд лун налы праздник. Война дырйи моз милөстина корөны, куима либө вита дзайгөны.

— Код йылысь нө тэ тадзисө?

— Көть Марин Кольөтө босьтам, тэнсьыд ёрттө, век кытчөкө вошөма. А тэ сы пыдди шойччан лун он төдлы. И мукөд пыддиыс мырсян.

— Ог өд ме вермы удж вылас сьөвзыны, колө кө. Дзик тай ку пиысь мөдiн петкөдны.

— Меным век жө кодөскө колө вежны.

— Колө кө нө, кызди сэсса, Агни, быть веж.

— А кытчө нө тадзисө воам?

— Аслад киссьөм көлөкөльня вывсяньыд тэ заводитiн пайгыны. Лэччы, Агни, сэтысь! Бурөн лэччы.

— А челядыд мыйла быдөн карлань сетчисны? Кузь рубла?

— Мый тэ менсьым лолөс кыскалан, Агни?

— Эз кузь рубла найо карас сетчыны.

— Но, эз рубла, төда. Сэсса мый? Таысь тэныд кокниджык?

— Ныв-пиянным мян, Михаил Терентьевич, мортөс корсьны туяс петiсны. Бур мортөс, кодкөд поэьо ёртасьны да гажөдчыны, быдторйын надея кутны.

— Кодкө нө вошис?— Тер Миш чайтiс сёрнисө бергөдны серам выв, но тайөн сөмын ёнджыка ызььодiс гөтырсө.

— Видзөдлы, кызди олам. Кодi мянө пыравлө? Сөмын горш веськөдысьяс. Гөрд ныраяс да юмов синмаяс.

— Найо дөсадитчөны. Көть иган сайын пукав.

— Ми, Михаил Терентьевич, сьодас уджалигөн, воштим сиктсьыс мортсө.

— Дугды тэ лөвтнысө, Агни.

— Ог ме лөвт. Мися, та йылысь и колi гижны тэныд кызди депутатлы, а эз... Герой, төлысьө лыйөма. Тэ понда тай төлысьыс эз веж местасө.

— Тэ, Агни, менсьым службасө эн вөрөд, сэтчө эн зыртчы. Кылан, сэтi эн вөрөд! А то ку пиысь пета... Сэки аслыд оз

любө ло, — Тер Мишлөн вынаа кыпөдчыліс сьөлөмыс. Дерт, тайө казавтөмөн эз коль Агниысь.

— Ме сідзи, мися, кызди депутатлы шуа, — лөня шуис Агни.

Мыйкө татшөмтор некымын во сайын Тер Мишлы висьтавліс Марин Кольө. Висьтавліс... абу сійө кывйыс, зэв небыда шуөма. Йинёнъяс моз сатшйөдліс сэки Марин Кольыс кывъяссө Тер Мишлы веськыда чужөмас. Марин Кольыс вөлі код, но ас вежөрнас на сёрнитіс. Некутшөм пө тэ абу маяк, Миша дядь, киссьөм овмөсын дөмас пө тэ, кыті пө розялө, сэтчө и тэнө йөткөны. Ог пө тэ кодь маякнас көсйы лоны. И муніс өд, сьөвзис трактор вылас, няйт гуранө энөвтіс. Некымын во сплав вылын бергаліс, сэсся сплавучастокыс бырис да бөр совхозө локтіс. Эз вермы сэки кызди колө вочавидзны Марин Кольөлы. Öні кө эськө... Быттө коркөя өбидасьыс тшөтш öні нуөдіс сёрнисө.

— Кодкө өд, Агни, тэ серти абу жө тамышджык, казялөны жө тырмытөмторъяссө. Миян партия оз прөстаысь тшөкты выль ног котыртны уджсө. Оз прөстаысь быдлаын пөрадөксө лөсьөдны. И вина юысьясыскөд чорыд тыш панөма, став мирөн сійө өг турунсө выныштчөма нетшыштны. Тэ тайөс гөгөрвоан?

— Гөгөрвотөг ог ов. Казяла, и миян бурлань мөдөдчис уджалан этшыс.

— Абу на тай дзик тамыш вөлөмыд, — Тер Миш чышкаліс кодзыд ньылөм, жалитіс асьсө: «Дзикөдз тшыксис мускөй».

— Сійөн өд и шуася, медым выляс гыжйөн и пиньөн самасьны.

— Тасянь и колі турыштчыны, а тэ кутшөмкө портфель да машина...

— Обидаыс тай босьтлө да сійөн...

— Мыйысь?

— Васьө пиыд армияө мунас да чунь кыкөн көкны кутам.

— Васьөтөг на куимөн ыджыд мирас ветлөны, кодкө өд внукөс вайөдас жө.

— Сійөтө, гашкө...

— Гашкө, öні Варя нылыд том молодечкөд пырас, — сьөлөм сетіс Тер Миш.

— Виччысь, паськыдджыка вомтө осьт да, оз-ө гут пыр...

Но Тер Миш асланьыс кыскис. Тані пө, кор карас лэччыліс, мыйкө сэтшөмөскодь гараліс Варяыс. Агни номйысь моз өвтчис, кый пө пу йылысь туриөс. Тайө здукө кодкө збоа таркөдчис өдзөсө.

— Бара нин кодлөнкө горшыс косьмө, — кывзысис Агни.

Тер Миш шай-паймуніс: «Коді нө эськө. Öдзөсыс осьса. Горш веськөдысьясыд торкөдчытөг ас гортаныс моз пыравлөны. Збыль төдтөм гөсть кодкө?»

Здук мысти тагос вомон воськовтис Марин Кольо. Вомыс калк, мода вылас лэдзыштөм тошкыс быдсөн сералө.

— Мый торкөдчыны кутін?— паныд сувтис Тер Миш.

— Ыджыд мөгөн да сійөн.

— Мый лоис? Пес чипасыд, гашкө, киссис, кодос эн на удит тэчны?

— Карсыс гөтырпу катөді, колөкө чукөста,— Марин Кольо докнитис юрнас өдзөслань.

— Ме татысь мыйкө ог гөгөрво. Гөтырпусө аслыд вылө быттө вайөдін? Либө козьнавны көсьян меным?

— Мый тэ, Михаил Терентьевич, тадзи шутитны кутін.

— Тэнад гортыс эм?

— Эм.

— Мыйла нө сідзкө ме ордө сійос пыртөдан?

— Михаил Терентьевич, зэв матыссаөн сійө тэныд лоө.

— Но... Сідзкө, петкөдлы.

— Варя, пыр!

Пырис Тер Мишлөн да Агнилөн шөркост нывныс — Варвара. Агни турыштчис нылыслы паныд, но туй джынъяс джөм сувтис, быттө мыйыськө повзис, лябмис ки-кокыс, кельдөдіс чужөмыс, өдва шөпкөдісны лөзмунөм царъясыс.

— Варя... Тэ нө кысь... Мый нө тэкөд лои...

— Ми, мамө, сёрнитчим Марин Кольөкөд...

— Мый?! Марин Коляыс тэнад жөник?

— А мый... Меным тай наперво кажитчө-а.

— Наперво...— Агни лэдзчысис диван вылө.— Миша, валидолыс шкапын?

— Варя, Коля, петавлөй татысь, петавлөй коридорас,— Тер Миш мырдысьөн сорөн йөткис жөника-невестаос посводзө.

— Агни, Агни... на кыв улад кут. Тэ весьшөрө тадзисө, босьт асьтө киө,— котраліс джодж кузя Тер Миш, киас кватитліс то өтитор, то мөдтор.

— Кыдзи нө прөста, төда өд ме Марин Коляос, ог өмөй төд. Ой, сэтшөма сьөлөмөй жмитө,— лөвтис Агни.

— Чайсө гуниктышт, чайсө...

Тер Миш помся мыйкө шуалис, сёрниыс киссис шер моз, бурдөдіс гөтырсө, дорйис Марин Кольос, бур гөтыр дорын пө морт на лоө. А мый? Уджавны кужө. Вежөрсө воз абу на сөйөма. И Варя нывсө ошкис, абу жө бөб, аддзө кодкөд өтла-асьны. Тер Миш кевмысис Агни водзын, чукөстам пө том войтырсө. Дыр-ө пө на кутам кынтыны кодзыд посводзас. Коркө и Агни сетчис, чукөст пө, но мода вылас няргыштіс на, кадсыс водз тай пө кыз му улас сюянныд.

— Варя, Коля, пырөй нин!— кыпыда чукөстіс Тер Миш.

Кутчысьөмөн пырисны Марин Кольо да Варя.

— Агни, шулі ме тэныд,— радліс көзяин.

— Туналөмыд тай. Пуксьой пызан саяс, — ышловзис Агни. Сэсса вой шөрөдз варовитисны выльон чужысь том сёмьялөн лоана төждъяс, могъяс йылысь.

\* \* \*

Тер Мишлы эз нин удайтчы Марин Колькөд пөдрад сертиыс уджавнысө. Гөрны петөм бөрын кык лун мысти сійө кувсис. Буракө, деливө босьтөма да ыб шөрас и кусөдөма тракторсө, ачыс эжа вылас кыссьөма жө, гатшөн нюжөдчөма, сэтчө и турдөма, синъясыс восьсаөсь, веськодпырысь нин колльөдоны асыввывлань руныгысь кымөръяссө.

Агнилөн висьталөм серти, Тер Миш гөра-көдза помалөм бөрын мөвпалөма водлыны больничаө. Выборъяс дырйи нин (найө вөліны мартын) заводитчөма бурдөдчыны кодлөнкө совет серти пакулаөн. Со пө пакулаыс пырис чорыд косьө менам нөрпалөмкөд, шмонитлөма гөтырыскөд, кодыр заводитлөма ётшкыны веськыд бокас. Сэтшөм нин вөлі этшыс тундраса быдтаслөн, войнадырся сьөкыд воясөн калитөм мортлөн, весиг аслас висьөм вылын серавліс. Этша сылы вичмыліс гажлуныс челядь дырйиыс и том пөранас, нюмсерлуннас и ышөдіс асьсө — кутшөмакө кусөдіс ас кадө веськавлытөм сьукөссө. Та вөсна и сылөн серамыс вөлі курыд көра, кутшөм овлө сэтөр дзоридзысь чукөртөм малөн — курыдөн да сьөлөмъяс бурдөдысьөн.

Дзеванинас Агни шогысла дзикөдз воштыліс юр садьсө, быттө став кывсө вунөдөма, гу дорас синва пыр дыр лыддис сійө кабалаторсө, кодөс гозъя өтвылысь өти төвся рытө гижлісны. Со мый вылө шогмис Тер Мишлөн аслас олөм йылысь кышyd пасйөдыс. Депутатө бөръян бюллетень вылас вөлі гижөма мөд пөлөс кывъяс, мөд ногөнджык.

— Талун ми медбөръя туйө колльөдам уджвывса геройөс, — шуис Иван Ефимович да косөдіс син доръяссө. Төдөмысь, сійө медводдзаысь шуалис веськыд кывъяс.

Кымөръяс костысь мыччысьліс чуймөм шонді. Сэсса пызйыштис кокныдик зэртөр.

— Кокниа тай тэнө примитө ас пытшкас земля-матиыс, — шуасисны горт весьтө копыртчөм пөрысь нывбабаяс.

Мый тайөн найө көсийсны висьтавыны, ставлы вөлі гөгөрвоана. Тер Миш йөз вежөрө колис бур ногөн казгытлөм ... и, дерт жө, сьөлөмъясө шоглун.

# ДЗОЛЮК

## 1

Ывлаыс, видзёдан да, гудрасьё айнас и мамнас... Тундра пасьтала шлапкё нальпак<sup>1</sup> лым. Гудыр енежод неыджыд костьясён, оръясьом көр стада моз, руныгёны дундом кынёма съод кымөръяс. Дивё да и ставыс! Ньюжодчысь арён мөритигтыр кынтём му вылас сапкё водз асывсянь. Важ лёкас ещó на сөвтö. «Мый нö пöжассяс татшём дуркөс рокөссьыс, кодыр еджыд бугыльяснас сотыштас войпельыс?» — юасьö лайкйöдлысь көр дадь вылын аслас мөвпгьясён нёрпалысь Виктор Канев. Ачыс жö вочавидзö: «Кöрт кодь лоö тундраыс, сэтчöдз кынмас».

Шлывгысь дадь сюв улас выльён шлапкём лымйыс сөнiк моз пыдзыртö. Викторөс таысь неморт ногөн йирмөгалö, кезнитöдö, быттьö сийö öти дөрөм кежысь веськыда ва му вылас туплясьö...

Канев пемыдөн на петiс Харуты посёлокысь кузь туйö. Поводдя оз майшöдлы көр видзысьöс, теля вольясысь вурөм быг кодь кокни малича пытшкас шоныдыс ымралö, да и кокса выль төбөкгьяс вылö оз норась. Но пастукөс емалöны чорыд думгьяс, сийö аддзö нин быттьö, кызди көргьяслөн чорыд съод гыжгьясыс парсалöны йизьём тундралысь эжсö, чуктöдöны көрым. «Кым-кам-кам» — клопöдöны йиа мыльк юрö көрт кодь ён лапаяснаныс, быттьö көсийöны садьмöдны тундрасö, юавны, мыйла сийö сэтшём милöстгьтём аслас быдтась-яс дiнö. Но кыза йизьём му оз верд көргьясöс...

Гöгрöдлö и мöд сикас дум... Виктор Канев тöрыт волiс Харуты посёлокö, кодi дор вöрын нин, абу тундра шöрын. Таво вылö, тулыссяныыс первойысь, керкаын узис, эз чомйын. Паськыд койка вылын мудзсö личöдiс, лым кодь еджыд прöстыня вылын, нимкодгьясис. Весиг эз öтнас — тöдса нывбабакöд, Светланакöд. Öнi на кылö Светланалысь лов шысö, паргьяссö. Светланаыс, позьö шуны, Викторлысь сьөлöмсö бурмöдысь, аддзылас сийöс Виктор да кокнявлас лов вылас. Та могысь со сё верст сайсянь дадюла кокөн ньюжодчылис. Абу-ö тайö йöй ру песём... Чумсаясыслы висьталiс, вошём көргьяс корсьны ветлас, лун куим мед эз виччысьны. Мый нö? Көргьясыд вошласьöны. Öтиясöс висьём кутшöмкö раскö «домас», мөдгьяс ас вöляён ылöдчöны. Сöмын дыгыд пастукгьяс

<sup>1</sup> Н а л ь п а к — (диал.) вöльд.

оз корсьны саймовтчөм пемөсьясөс. Збыль вылассө, ставыс лючки-ладнө Виктор бригадаын. Веськыда кө висьталіс могсө, эз жө кутны дивитны. Том морт өд, пөсь вира...

Светланаыс да сы йылысь помавтөм мөвпыс ру моз вопис, морөс кудсө бара зэлөдіс тундра йылысь төжд, стөчджыка, сійө казяліс поводдялысь вежсян ру, көть ньөжйө, но вежсьө: сынөдыс чорзьө. Тайө төждыс бригадир морөсө важөн нин поздысьөма, мукөддырйиыс кыз унмысь пальөдө...

Сентябрь помын көр пидзөсөдз лым уси. Октябрь заводитчигөн ульдис, шливгис-зэрис. Мылькъяс вылысь шоньд руыс да зэрыс помөдз нуисны лымсө. Гөптаинъясыс, ньывкөс ластаясыс, кодъяс торъя озырөсь ялаөн да небыд веж турун заясөн, сөнөк улө веськалісны. Дерт, көнкө, инмис ульдлөмыс и вөраинъясө. Мун да и корсь сэсья төвся йирсянінъястө. Шуам, вермас на шондөдлыны. Но өдвакө нин сывдас лымсө да, быгөдігмоз, косөн кынтас. Сэки эськө сө пөв любөджык лоө тундралөн чужөмбаныс. Но өд он тшөкты енэжса начальникыслы, телеграмма он кучкы, кызд көр видзөмын главнөй зоотехник Митинлы. Кылө-ө сійө тундраө матыстчысь уськөттөсө? Митиныс?.. Митинсө, көть и шуөма коланаөн, быттө оз и ков көр видзысьяслы. Олө торъя мөгтөг, мыгөр вылас. Код төдас, гашкө, тшөтш тані эм пыдө дзөбөм кутшөмкө туйдөм. Шуам, видзөны жө стадаын менурейясөс — кодзөм быкъясөс. Найө зэв статьясь, ёнөсь. Стадаын ёнджыкасө менурейясөс видзөны мич вылө. Любө видзөдны тыр вир-яйөн ворсөдчысь пемөс вылад. Но кутшөм мичлун весь олысь мортлөн? «Тайө, буракө, кутшөмкө пөрөс», — кыв көрталіс мөвпсө Канев. Кытысь и мыйла тайө пөрөсыс олө йөз пөвстас и кызди сійөс бурдөдны, та йылысь көр видзысь эз мөвпав. Татшөм визяс сылысь вежөрсө некод эз веськөдлы.

Лунтыр усис лым. Пемыд войыс Каневөс суис туяс. Көть нөйтөм пон кодь жугыльөн кыліс асьсө Виктор, вермис на эськө чомлань нырвизьсө кутны, но сувтөдіс дадювсө ичөтик шор бокө. Быттө кодкө вөжжисө кисыс мырддис, сэтшөм веськодълун шымыртис зонмөс, кутис кажитчыны сылы йизьөм тундраыс ковтөмөн. Дерт, лөкыс эз на дзикөдз таляв, но Каневлы кажитчө, мый заводитчысь неминучаыс быть вөтөдас. «Кызди сыысь пышйыны?..» — со кутшөм төжд сизьдө көр видзысьлысь юр вемсө. Харейыс ачыс уси пастуклөн кийысь. Вөжживыв көрыс пыр и зутш сувтис. Дадювса мукөд көръяс — пелейяс — сунісны нырнаныс лым пиө, щөкаяс тэрыба вөрөм сертиыс төдчис — самасисны турунаниө. А вөжживыв көрыс, юрнуөдысьыс, чатрасьыштис здук, оз-ө көзяиныс веж думъяссө, но көзяин быттө измөма аслас дадь вылө. Вөжживыв көр сулалыштис на бур здук, веськөдіс мудзсө да вөлисти кокыштис васөд лымсө.

Виктор, дерт, дом йылын новлөдлөмөн көръясөс пөткөдны

эз вермы, көть эськө доза дыр кежлө чеччылис дадь вывсьыс да варгылясьыштис көр кок кодъ табъя төбөкъяснас, исөдалыштис ас думсьыс нитшкаджыкинъяссө. Ыджыд вытяөсь көръясыд: час-мөд кө оз коксыны, быттьө абу на и сөйлөмабсь...

Шор бокас, кытчө озджык инмы төлыс, Виктор домис дадювсө. Амдөр увсьыс — еджыд көр воль улысь, кодөс вөли павгөма дадь вылас — перйис прөдукта мешөкысь тупөсь нянь, шөрыштис кыза, чунь кыза вый торъясөн сийөс вевтис. Тупөссьыс коляссө Виктор вердис Дзолук нима вөжжывыв көрлы. Шыбитис тор и Лыско понлы. Дзолук өтнас, морт кийн быдтөмаыс, кызди пастукъяс шүөны, авко пөрөдааыс, чөсмасис нурторйөн. Мукөд көръяслы веськодъ няньыс, ичөт дырйиныс абу велавлөмабсь да. Зэв кө нин дзескаласны, сэки, дерт, сөясны жө, тшыглуныд и пу велөдас йирны.

Дзолук кокниа ньылалис нянь шөрөмъяссө, байкөдана унзиль руөн юрас кучкис вына нянь көрыс, лигышмуніны кокъясыс, куньсисны синъясыс. Дадь бокас, небыд лым вылө веськыд бокывыв, пастуклы чужөмланы, лэдзчысис-ритшнитис сьөкыд тушанас, кокъяссө лөсьыда сюркнялис кынөм улас, кыпөдчылискодь на быттьө, лөсьөдис улыссө да ланьтөдчис. Сийөс пөтөса горзьөдис. Мукөд көръяс нетшкысисны на, корисны Дзолукөс водзө йирсыны, но сийө эз пыдди пукты налысь чуксасьөмсө. «Ййө нисьө прөсужъяс, — элясис думнас Дзолук өртъяс вылө. — Онө өмөй гөгөрвоёй. Морт шойчыны көсийө». Оз радейт сийө өтиторсө сө пөв дольны, он кө кывзысь, лы пома харейсө ныр бокад исөдас, либө мыш кузяыд сяркнитас, көть кув дойысла. Дзолук гөгөрвоё да кывзысьсө Мортлысь быд шеныштчөм. И Морт оз кедзовт, весиг вунөдны нин кутис Дзолук, дойдана-ө сьлөн харейыс. Кызди он пөслукөн ло! Морт медся вынаыс да вежөраыс. И зэв мелі сийө мукөддырйиыс... Тадзи кымын мөвпалис Дзолук аслас көзяин йылысь, коді куйлис өні сы бокин көр воль вылын. И вөліны Дзолуклөн сы вылө аслас помкаяс.

Да, Дзолук эз төдлы важенка-мамлысь мелілун, и стадаын дзик некодлысь, Мортлысь кындзи. Кор первойысь осьтис синъяссө да аддзис лымъя эрдсө — тірзыны кутис, повзис: көдзыд, сөмын жмитө, весиг шыавны эз лысьт, медым көдзыд руыс эз сатшась горшас. Сэки и матыстчис сы дорө өнія көзяиныс, зыраліс кос гөна кепысьнас, чорыд лымйөн зыраліс дыр и гөгөрбок, васөд гөныс косьмис, пашкыртчис. Вошис кытчөкө йирмөгыс, быттьө шонді югөръяс койыштис сьөлөм дорас небыд кепыся Мортыс, заводитисны ымравны турдөм кокъясыс и дзоньнас өзйыны вир-яйыс. А сынөдыс, кодөс морөс тырнас мөдис апавны көрпи, эз нин бытшлась йиненьсөн, и кымын унджык кыскис ас пытшкас, сымын өнджыка шоналис. Сэтшөм нимкодъ и долыд лои көрпины, весиг

чужйыштчис кокъяснас да кӧсийс сувтны, быттӧ яндзим лои сыысь, збоя мӧдӧс ризйӧдлыны бӧр кокъяснас, нетшкысьны вӧля вылӧ, первойысь ньӧжйӧник рукӧстӧс. Но Морт эз лӧдз вильшасьны, чабыртӧс кынӧм улас кокъяссӧ, гаровтӧс малича кышӧднас<sup>1</sup>. Кӧрпи ланьтӧс, но сӧмын недыр кежлӧ, мыйкӧ ёнтыштӧс морӧспань увтыыс, а сӧсса зӧлитны заводитӧс, ньылалӧс дульсӧ, но таысь эз кокньӧд. Дзолук (тадзи сийӧс бӧрыннас нимтӧсны) бара рукӧстӧс. Регыд Морт суйыштӧс вомас мыйкӧ небыдӧс да юмовӧс. Сыысь и бурдӧс морӧспань улыс. Татшӧм чӧскыдтор вылас унаысь чуксавлӧсны сийӧс кӧр стадаысь: «Нянь, нянь! Дзолук!» Но мыйла первойя няньыс вӧлӧ зӧв небыд и юмов? Дзолук ӧнӧ дзикӧдз нин вунӧдӧс, мый сӧки кӧзьяныыс няклялӧс вомас сакарӧн кос сукар да вердӧс сийӧс кыдзи ичӧт кагаӧс. Но сы пыдди Дзолук бура помнитӧ, кыдзи сийӧс тшӧкыда юктӧдлӧсны шыдӧн. Зӧв чӧскыд и пӧтӧс сӧян. Но мыйлакӧ дугӧдӧсны жӧ. Сы пыдди кӧрпи ёнджыка мӧдӧс чӧсмасьны турунъясӧн. Шомаыс, юмогыс, курыдыс — кутшӧм кӧрыс сӧмын абу вежӧдӧм турунас. Дзолук сӧтшӧма велалӧс торйӧдны ӧта-мӧдсьыс дукъяссӧ, медся паськыд веретя вылысь сийӧ вермис кокниа корсьны сылы колана турунсӧ. А аръявылыс кутшӧм любӧ котравны тшакъяс бӧрся. Бара жӧ колӧ медся бурсӧ казьявны мукӧдъясысь водзджык. Дзолук пыр жӧ гӧгӧрвоис: гӧр шапкаа еджыд кока тшаксьыс чӧскыдыс нинӧм абу. Морт весиг тшӧкыда мыччывлӧс сылы, уртшакӧн нимтӧс. Да, Дзолук некор эз элясьлы аслас нырис вылӧ. Ӑнӧ лым вылын куйлӧгӧн сийӧ лючки кылӧс шор кӧджысь веж заяса эжӧрлысь кӧрсӧ, а тӧв вылас кӧнкӧ мятаӧн ӧвтыштӧ, сийӧ сӧдз жӧ вежӧн и куйлӧ лым улас. Сийӧс, буракӧ, кылӧны и ёртъясыс, оз прӧстаысь нетшкысьны. Но Дзолук оз сувт, сийӧ кывзысьӧ Мортлысь. Сӧки, кор дугдӧсны юктӧдны, артмӧ — бур вылӧ жӧ вӧлӧма. Кыдзи нӧ тундраса кӧртӧгыс? Позьӧ ӧмӧй сийӧс мӧдторйӧн вежны! Сийӧн, буракӧ, и эз ёна майшась шыд вӧснаыс. Сӧмын кор матыстчылӧс Морт дӧнӧ, исыштлӧс сылысь шом кӧра да солакодъ кепысьсӧ, бара ёнтыштлӧс морӧспань увсӧ. Но Мортыд век на лючки гӧгӧрволӧс сийӧс, ки улас кӧ сюрӧ сукарторйыс, пыр нин нюжӧдас. Либӧ кутшӧм любӧ кывзыны, кыдзи сийӧ зырало ном-гебйӧн вильдӧдӧм нырбуктӧ, пыктыштӧм нӧриник на сюръястӧ.

Мортыд мортӧн, а Дзолук вӧлӧ кӧрпиӧн и унджык кадсӧ сийӧ коллялӧс стадаын, сылы вӧлӧ гӧгӧрвоана ас коддьӧм ёртъяслӧн оласногыс, кӧсийӧмъясыс. Дзолук пыр жӧ вежӧртӧс аслас ичӧтик юр садьӧн: жебъяслы стадаын коньӧр олӧм. Торъя нин тӧвнас, кор джудждӧ лымйыс: сӧмын писькӧдчан сӧянӧдзыс, а вынаджык нин тувкӧ пакад ёсь сюръяснас, ве-

<sup>1</sup> К ы ш ӧ д — малича вылас матерчатӧй вевттьӧд.

сась пö, ме видзöдла, мый сэнi бурыс эм. Вот и кежан бок-ланьö да лөгтö песан, пиньяснад герчкöдан тыртöм вом пытшкад. Сöмын кор пöтасны наянъясыс да водасны рöмидз-тыны, кыськö-мыйкö колясъяссö кокыштан. Сэссия кызди он чом дорö котöрт, Морт ки помысь сöмын и аддзылан чöскыдторсö да пötöслунсö. Со кызди колис Дзолюклөн ашшөр олöмын первойя тöлыс.

Но Дзолюк вöли ай көрөн и эз ляб рöдысь. Мöд гожöмнас сьлөн быдмисны ён сюръяс. Арьявылыс найö кутисны ёна лудны. Дзолюк сьöлёмсянныс лачкис-кеслис найöс ляк бадьяс костын. Кульсис гöна кучикыс сюръяс бердсьыс и дугдiс луднысö. Кыа рёмөн дзирдалисны выль сюръяс. Стадаын сöмын Дзолюк кодь жö ай көръяс (хораяс) вермисны опшьясьны ыджыд ён сюръясөн. Дзолюклөн ар кежас сэтшöма паськалис морöсыс, кызiс сьылыс и ён сюръяссö сийö новлöдлис кокныдыка, кызди вöсньыдик зын турун заöс. Любö вöли кивны асьыс дзоньвидзалунсö, кызди быд мускул сьлөн ворсö, окота чеччыштны енэжас, кытшовтны тундрасö. Но мыйла лыйыштны кытчöкö тöv йылö? Кор сэтшöм лöсьыд стадаын! Сы мында том важенка, öти мöдысь мичаджык, синмыд паськалö. Дзолюк важөн нин казялис: важенкаесяннь öвтö аслыссикас көрөн, быттьöкö найö чукöртöмаöсь ас пытшканыс тундраыслысь став чöскыдторсö. Апыштас Дзолюк матисяннь, и зэлалö дзоньнас вир-яйыс, кольмö юрыс. Дзолюк радейтiс жö асьсö петкöдлыны тшапөн да удалөн, сувтас мыльк вылö важенка водзö, чатöртас енэжлань юрсö, паськöдас вына морöссö и вылiсяннь збоя дзоргö, кыа пöртмасьö сьлөн синъясын, дзирдалöны мырдгöрд сюръясыс, тövру гильöдö пöсь нырбуксö, шыльöдö снитки выль пасьсö, кодöс сийö лöсьöдiс кольöм гожöмын жö. Сылысь пасьсö пожъялисны зэръяс, сыналисны сук расъяс, пöжис шондi, но таысь гöныс лоис сöмын мичаджык да сукджык. Мыйта чуймöм и шензьöм важенкалөн раминик синъясын, кор сийö видзöдö Дзолюклөн молодецкöй статьяун вылö.

А Дзолюк сибöдчылö öти дiнö, мöд дiнö, быттьö корсьысьö, бөрйысьö, коть эськөн ставныс найö öткодь шаньöсь. И со сьöд том важенка, сы кодь жö арлыда, сы дорысь Дзолюклы здук кежлö абу окота торйöдчыны. Сийö том сыричаыс<sup>1</sup> абу мукöд важенкаяс кодь. Не сöмын дзоридз көръяссö сийö öктöма ас ордас, но тундраыслысь мичлунсö абу кольöма бокö. Сы дорын чуймöма, шызьöма Дзолюк, быттьö аддзö сийö матисяннь лöзалысь тундралысь мыгöрсö, кодöс ёна ичötмöдöма да пелькöдöма сылы нимкодьясьöм могысь. Небыдыка лайкнитчöма сыричалөн коскыс, кызди кык мыльклөн лöсалыштöм костыс, кытчö сийö дзесьылис

<sup>1</sup> С ы р и ч а — (диал.) энь көр кык арöсöдз.

чизыр төвъясысь, тувччалё — лонь ю шлывгё, некыті, небось, лёк ног оз вёрзы. А дурыштё кё, песовтё кё гилялысь вир-яйсё том важенка, то би кыв моз юкалё-гижлалё верета вылё бисер моз разодчём стадасё — тайё ачыс төв вильшасё паськыд эрдъясын.

Некутшөм төжд абу, сөмын тайё шызьёдан здукыс. Нимкодясь эськөн сөмын аслад мусуккөд... но — он на! Стадаын олоны природаөн лөсьөдөм законъяс серти. Дзолук кодь жё томиник хора отарё бергөдлө сылысь пөвсё, нырбуксё весиг инмөдліс важенкалөн лайков мышку вылө. Сэсся кызди оз пузы вирыд! Дзолук ватшнитіс хоралы мышкас паськыд сюръяснас, быттё юалис, кытчө пө тэ суйсян, бөлбан. Но и хора эз кёсйы бурөн эновтчыны, гудыр скөр синъясөн видзөдліс водзлань чургөдөм сюръяс пырыс. «Но, сідзкө, ме тэныд петкөдла пуж», — думыштіс Дзолук да лөсьөдчис жё зургыны. Кык хора отвылысь сяркнитісны сюръяснаныс, уна вожа чальясөн крепыда пысасисны, нель вожсыс быттё кык сюр артмис. Кыкнанныс бур здук сулалісны сідзи падмөмөн. Кык йөйыд сэтшөма тангысисны, төкөтё эз воштыны саднысё, юр чашканыс дойысла, коньөръяслөн, сотчө, но нем он кер, колө на и бертчыны. Гашкө, час джын нин йөткасьоны хораяс, резсьө кок увсьыныс муыс, гөгөр нин съод лои, но некод на некодөс эз вен. Төдчө, Дзолук вынаджык ёртсыс, но и мөдыс винёв, нинөм бур вылө оз отдортчы. Сувтласны, лолыштасны и бара выльысь тойлысьоны. Гөгөрвоис Дзолук, оз ков веськыда нырны, заводитіс тракйыны сюръяснас отарё-мөдарё. Калькалісны сибдылөм сюръясыс. Ёртыс сатшкысьөма нырбукнас муө, кузнечной мек моз чашиөдлө нырбордъяснас, но и Дзолуклөн тырөма лолыс. Оні эськөн турыштчыны Дзолуклы да мый вынсьыс сатшкыны ёсь сюръяснас хоралы пакас, тыдалө, сійө водзяныыс бара вачкөм виччысьө. Көть эськөн варкйөмөн варкйө лөгыс Дзолуклөн, но век жө вир кисьтны оз кёсйы. Дзолук абу вир выв ош, абу коин, сійө сөмын бертчысь, сылы сөмын колө петкөдлыны важенкаяс водзын вынсө да збойлунсө, но не скөрлунсө. Сы вөсна өдөбтчис да тувкис ёртыслы пакас веськыд пельпомнас, мөдыс, буракө, эз виччысь татшөмторсө, тімбыльтчис бок вылас. Тайё нин вөлі Дзолуклөн победа. Дерт көнкө, важенкаяс адзывтөг эз овны. Эз тай сійөн дыр нимкодясь сөмын-а.

Артмис сідзи: первойяыс и лои медбөръяөн. Эз на удит Дзолук тырвийё көдзавны, төвзис нин сыланьё корскигтыр ыджыд ай көр: дурмөдөм синъяссө путкылялө еджыднас. Дзолук серти, гашкө, кык пөв ёнджык. Дзолук паныд эз уськөдчы, но и бөрыньтчыны эз думайт. Ыджыд хоралөн сюръясыс вөліны төдчымөн паськыдджыкөсь Дзолук серти, сы вөсна найө тангысисны кымөс на кымөс; би кольчаяс кисисны Дзолуклөн синъяссыс, но эз пөр, сөмын водз кокъя-

сыс лыбисны мусянныс дѳза нин вылѳ, а ѳртыс век лѳптѳ и лѳптѳ сійѳс. Со нин пѳвсалѳны ѳта-мѳднысѳ кѳрт кодъ чорыд гыжъясѳн. Дзолук ѳти здукѳ гѳгѳрвоис, колѳ уськѳдчыны боквыв, вермас суны омѳльтор. Но вѳлі сѳр нин. Сійѳ здукас вына хора йѳткыштїс сійѳс бѳрвыв. Дзолук усис мыш вылас, ѳсь сюръясис вуж дорѳдзыс сатшкысисны васѳд момгаѳ<sup>1</sup> — небыд нюрѳ. Вѳсьшѳрѳ Дзолук чужъясис лыбѳм кокъяснас, найѳ эз инмыны муѳдз. Кысъ нин нетшыштан сибдѳм сюръястѳ! Дзолук аддзис ѳні сѳмын енѳжсѳ, кодї кажитчис ѳти пѳрйѳ то сьѳдѳн, то вижѳн, то гѳрдѳн. Повзис Дзолук: не нимкодъясълыны сѳсся сылы тундра мыгѳрнас, тадзи гатшѳн куйлїг сѳмын дзоргыны тыртѳм енѳжас. А важенкаыс, сылѳн мусукуыс, кѳнкѳ, ѳні сералѳ сы вылын, со тай кутшѳм капканѳ вѳськаліс, топыда зѳлѳдѳма сылысь юрсѳ, бѳрѳ ни водзѳ он вѳшйы. Эз ков тшукѳдчыны гудыр синма хораяскѳд плешнас, ѳсь сюрсѳ колѳ вѳлі вѳськѳдны сылы нырбукас.

Дзолукѳс ѳнакодъ нин шогѳдїс гатшѳн куйлѳмсыыс, юрас лѳччис вирыс, горшас локтїс асья сѳйѳм турунъясис, кор сы дорѳ матыстчис ѳнїя кѳзьяиныс. Виктор, кыдзи коркѳ шонтлыліс небыд кепысьяснас, ѳні кулѳмысь мездїс — перйис сибдѳм сюръяссѳ. Дзолук эз вермы дзик пыр чеччыны кок йылас, быттѳѳкѳн лайкъяліс-гыалїс муыс. А кор кыліс ас увсьыс зумыд мусѳ, казьяліс: кѳрталѳмаѳсь нѳльнан коксѳ. Домалысьыс эз вѳв Виктор, кодкѳ мѳд, кодкѳ лым кодъ еджыд кышѳда ноксис сы дорын, панъ кодъ паськыд клеци кутїс киас. Сійѳ здукас сѳтшѳм чорыд дой кыліс бѳр кокъяс костсьыс, тѳкѳтѳѳ эз вошты садъсѳ. Сѳсся дойыс дыр на кыліс.

Мый вѳчис сѳки сыкѳд сійѳ лѳк мортыс — Дзолук эз гѳгѳрво. Эз тѳд, мый сїдзикѳн кусѳдїсны ай кѳрлысь вынсѳ, кѳсйѳмтъяссѳ. Та вѳсна и ѳні кажитчѳ Дзолуклы воддза олѳмыс сѳмын вѳтѳн, йѳйталѳмѳн. Эз ло окота ризъявны тундра пасьтала. Важенкаяслѳн дукуыс эз шызьѳд воддза моз, весиг вукѳдѳ наысь, ѳна кѳ матынѳсь. Гашкѳ, нырысыс торксис? Эз, тундрасѳ воддза моз жѳ кылѳ, сійѳ медся на чѳскыда ѳвтѳ, сылѳн паськыд пызан вылын быд сикас сѳяныс тыр: тулысын ѳти пѳлѳс, лым улысь мыччысьтѳм медводдза дзоридзьяс — вутшъяс вылын дѳлалысь гѳнаюръяс, гѳжѳмнас мыйта юм кѳра бадъ йылыс, и тѳвнас чѳсмасянтѳрйыс сюрѳ, он кѳ дышѳдчы. И ставсѳ тайѳс сійѳ воштыліс кутшѳмкѳ важенка вѳсна. Збылысь ѳмѳй тадзи вермѳ лоны? Кыдзи нѳ татшѳмторсѳ он шу вѳтѳн. Дзолук тѳв кежлас воддза серти ѳнмис. А хораясыс, кодъяскѳд сійѳ нуѳдліс вир кисьтана косьсѳ, дзикѳдз вѳсьѳпѳрисны, сюръясныс гылалїсны, вылысаныс, стѳчджыка кѳ, чурвидзысь лыяс выланыс сѳмын омѳлик кучикныс быгалѳ. А кодсюрѳ и кысьяснысѳ нюжѳдїсны, сюръясныс нюжалїсны

<sup>1</sup> М о м г а — (диал.) васѳд нюр.

да ранаыс эз куась, шоммыны заводитіс, юр висьомысь пезьдалісны. Татшом туй пом, гашкө, виччысис и Дзолюкөс? Но Морт мөдар туй вожө кежөдіс. Дзолюк лоис стадаын том менурейон — медся ён да статя көрөн. А шуда-ө сійө вөлі? И мыйон? Дерт, статя мыгөрсө да ёнлунсө казаявлісны стадаса көръяс да нимкодясьлісны, көнкө, сыон. Но Дзолюклөн пытшкөсыс вөлі руш: быгалісны сэтысь быд сикас көсийомъясыс — стадаын став көрыс сылы вөлі откодьон, пöрысь ли, том ли, важенка ли, бык ли, — некодөс эз торйөд на пиысь, некод дінө эз гөрддзась ни муслун, ни жалитөм, весиг эз ло некод вылө ни завидьтөм, ни лөглун. Дзолюк сөмын някляліс еджыд тугъя нитшсө да, чөскыда вугралігтыр, рөмидзтіс кокъяссө шоньд кынөм улас сюркнялөмөн.

Дзонь во тадзи Дзолюк рөмидзтіс да сөксяліс. Стадаын мич вылө оліс. Сэсся лямкаалісны дадь кыскавны, вөжживыв көрөн лои, мөд ногөн кө — юрнуодысьон. Кор первойыс кышалісны вылысас кучик заводсө, зэв ёна нөйтчис, пеласис, но сэсся велаліс, быттьө сідзи и колө, весиг нимкодь шойччөмвывсьыс дадьсө чажгөдны-кыскыны чарөм вывті ли, веретя кузя ли, мудзсө көвтны, сэсся азыма сөйны да бура чөскыда ойбыртлыны.

Дзолюк быдтор кывзысьө көзяиныслысь, но аслас вежөрыс эз жө косьмы, кор Морт вөлясө сылы сетө, дзикөдз личөдө вөжжисө, уна верст сайысь стадасө коряс и зэв ылысь чомса тшынсө кылас, кытчөдз бур час на рөдтыны.

Дзолюкөс некор эз мөритлы кузь туйыс. Сутки чөж пөшти некутшөм шойччитөг зелөдывліс саламкасө. Кывнысө өшөдывлісны ёртъясыс, бокса пелейясыс, сійө и кылан, кыдзи гөгрөс лы пома харейыс чеплялө налысь лядвейяссө, а сылы — вөжживыв көрлы — оз инмывлы некор, весиг заводитіс вунөдны Дзолюк, збыль-ө дойдысь сылөн отарсянь көрта, а мөдарсяныс лы пома кузь беддыс — көзяиныслөн харейыс. Збыль өмөй мукөдыс нөйтігөн сөмын чепөссөоны? Сылы тай зэв любө век пановтны кодөскө, лоны водзын. Дзолюк аслас ичөт вежөрөн эз вермы гөгөрвоны отитор: вөліны кө пелейясыс сы кодь жө ярөсь, то сійө зьскөн эз и туй вөжживыв көр вылас, песовтісны мукөдъяс, өтнөгыльтчисны ставон. Коді код бөрся зьскө сэки вөтчис? И котөртісны-ө кытчөкө? Эм кө пелей, колө вөжживывсалы тшөтш лоны.

Думъяс гартісны и Дзолюклысь көзяинсө, коді өні куйліс сы бокө вольсыштөм воль вонйын, вөжживывсалы лөпатка вылас юрсө нөровтөмөн. Шебраліс көзяинсө и сылысь да-дювсө васөд лым. Ывла лов шыыс кодь жө гажтөмөсь вөліны Виктор Каневлөн мөвпъясыс. Шуштөм серпас сійө виччысис водзсьыс.

Да, лөк төв пукяс, йизяс муыс, көръяслы өмөля кутас шедны сөяныс, кузь каднас дзикөдз жебмасны. И тулыснас,

кор киён нюжодчан ылнаын лоо сёяна пёраыс, заводитасны гылавны арся кор моз стадаса коръяс, медым бөр муо пырны... Дерт, гижасны актъяс, отвылысь мыждасны енэжса канцеляриясё. А сылы пёсь ни кодзыд... Мый тэ вийсян, Виктор?! Овлө жө сідзи!.. Овлө. Шуам, көнкө лунвылын кодзасны зэв паськыд ыбъяс вылө шобді. Тусь оз во. Косьмас либө шер жугодас. Балябөжтө сэсся коть кызди гыжъяв бёрыннас, грамм пызь сысысь оз изсы. Большеземельской тундраын кө чиныштас коръяслөн лыдыс, мый сәні шогсянаыс? Өд оз сөмын Каневлы, ставлы отмоза инмас лёкыс. Ставлы... Сыын и омольыс, мый ставлы. Өтилөн шогыс ыджыд шуд пиад лым чир моз сылө. Кор отувъя, сэк дыр оз ям, шорбокса кыз тола моз кутчысё.

Виктор выныштчөмөн дзоргө сап пемыд енэжө, быттё мыйкө көсйө аддзыны либө казаявны сэтысь, сэсся бур здук кывзө, кызди шуйга лопатка улас вынаа көрт мөлөтөн гыпөдө Дзолюклөн збой сёлөмыс. Чайтсё Викторлы: сийө вийсё жө мыйыськө. Гашкө, сылы неладнө жө поводдяyslөн лёк ногөн дурөмыс?

— Но мый, Дзолюк, кутам югыдсө тані виччысьны либө мөдөдчам водзлань?— Виктор тшөкыда сёрнитө ськөд, юксё медся гуся думъясөн, төдө — оз вузав некор ёртыс, оз дойд лёк кывйөн.

— Да, юра көр тэ вөлөмыд, Дзолюк. Ми тэкөд ладмылім и пыр кутам. И некор некод оз торйөд миянөс. Тэ кывзан менө? А төдан он, кызди ме тэнө аддзи? Дерт, он, некор на эг висьтавлы да. Сырича мамыд тэнө энөвтис чужөм бөрад, эз нюв мукөд важенкаяс моз, весиг эз исышт, сэтшөма тэ сылы и колін. Тэнад мамыд ачыс на кага кодь вөлі, ачыс мам бөрсяыс вөтлысис, весиг ичөт чойсө кедзөвтліс, коді сийө жө тулыснас чужліс. Яндысьтөм синмыд өд някавліс пёрысь мамсө. «Тшыксьөм» көр сийө тэнад мамыд вөвлі, Дзолюк. Тэ на, гашкө, тшуптөм вөлін, арнас айко, менам бать, Вань дядь, кызди ыдждөдлісны сийөс йөзыс, тшөктыліс: кут пө эсийө сьөд сыричасө забойө, ассьыс мамсө пө «видзө», чөвтас пө сэтшөмыд телясө тулыснас. Шеныштчылі нин ме сәки нярталанас, но быттё кодкө сойө өшйис, сылліас эз веськав кытшыс, мыш вылас шлопкысис. А мөдысь вуззыны нярталасө эз нин кийө лыб, сэтшөм статя да тэрыб кока вөлі сийө сыричаыс. Мича зэв. Век коть любуйтчы. Бур, мый абу кутсьөма сәки. Кызди нө, Дзолюк, тэтөг тундратіыс ме ветлі эськөн. Тэтөг эськөн ёна сьөкыд вөлі меным. А вермим и не паныдасьны өд. Вермим. Помнитан, гашкө, кор сюръяснад небыд момгаас сатшкысьлін, верстьө өд нин сәки вөлін. Эг кө сәки вылысад веськав, и бара янсалім. Да, паськыд морөса, зэв кыз сылліа яр хораён тэ сөвмин... Он

жō лōг кут сэкъя кодзōмсье? Быть о̄д, Дзолук. Быть. Айко жō бара чуйдōдис, зев пō охоч тайō важенькаяс дорас, помōдз асьсō бонзьōдас, сэссия тōв пуксигас и чергыяся юр висьōм вōсна либō копытка нажōвитас. Менам жаль петис, мися, мед нин, кодлы мый урчитōма, воштас кō юрсō, гашкō, сы пыдди ас бōрас ен кōрпиясōс коляс. А бать асланьис нырō, паськыд морōса пō, бур вōжживыв лоō. И венис сэки пōрысьыд. А мый, Дзолук, гашкō, эн кōсьы тэ татшōм олōмсō? Тōв и гожōм со лямка кыскан. А? Чōв олан. Он гōгōрво, мый омōльыс и мый бурыс. Сийōн и кыскан. Гашкō, бурджык вōли, ыпнитин кō кос чаг моз, кос спирт моз кō оти здукōн нылыштин тэныд индōм сроксō, а эн отарō кизьōрт сийōс да помтōг нюжōд. Ме зев ена мыжа тэ водзын, Дзолук. Меным мукōддырйиис овлō вывтi яндзим, быттьōкō зев донатор гусяли тэнсьыд. Тэ, друг, эн ошōд ныртō, воштан отитор, аддзан мōдтор, олōмад тай пыр сидзи. Сы пыдди тундрайслысь став серсō аддзылан. Гашкō, ми тэкōд и пыди пармаясōдз на нюжōдчылам. Карса пыльыд уличаяс кузя войлыштам. А? Полан машинаысысь? Да, найō повзьōдчысь кодьōсь ми вокыдлы. А век жō миянлы ладмōдчыны накōд колō. Мōд ногтō ми асьным сгинитам. А кодъясōн ми сэки лоам кōрта «зверьяскōд» отув олīgōн? Сōстōм тундралōн быдтасъясōн-ō сэки ми лоам?

Виктор ланьтис, пōттōдз вичмис кыв песōмыс. Бōръя кадас, кор Каневōс дōсадитис жугыль висьōм, кыдзи батысь шулис, шог гаг пō тайō вуджōдō, сибдылō пō сэтшōмыс том дырйиыд, о̄кмас арлыдыд да дзикōдз мынан, сэки, сэтшōм здукъясас, пастук сёрнитлис Дзолуккōд, либō, кор другыс эз вōв матын, мōд кōркōд, кодōс енджыка пыдди пуктылис. Торъя нин Дзолуккōд сьōлōм востьōмыс личōддывлис Викторлысь ловсō. Сидзи лои и тайō пōрйō, ланьтис да здукōн Викторōс заводитис вугрōдлыны, кыдзи и век, ывлавывса морт динō унмыс сибōдчис кокныда да шымыртис аслас крепыд сывъясō.

Канев садьмис кадō, кōть некод, некутшōм ковтōм шы эз торк чōскыд унсō, прōстō востьтис синъяссō и аддзис асьыс еджыд тундрасō. Дугдōма улис турōбыс, сэзьдōма, кам кынмōма гōгōр. Киас часi сертиыс, оз кō сōр, Виктор шкоргōма квайт час, а быттьōкō здук кежлō и куньлис синъяссō. Вежōрыс шондиa тувсов лун кодъ ясыд и сōстōм. «Абу на тайō керка жыръяд йōршитчōмыд», — нимкодъпырысь думыштитис пастук. Тōкōтьō кодзалыштōмаōсь кокъясыс, нымōн вōрōдыштитис найōс и пым ру лэччис увлань, а сэссия и ставыс ымравны мōдис. Викторлы любō вōли кывны тайō асья здукас аслас том вир-яйлысь завидьтана дзоньвидзалунсō. Пастук кокниa энотис узянинсō. Дзолук пыр жō чеччис (пелейяс

йӱжгылясисны нин, сѣйны нетшкысисны) да заводитіс нюдз-  
ласьны, быттьӱкӱн ӱна нин виччысьӱма кӱзьяинлысь садьмӱмсӱ.  
Виктор туйӱ лӱсьӱдӱс дадьсӱ, пыркнитіс лымсӱ да дадь вылас  
крепыда кӱрталіс амдӱрсӱ<sup>1</sup>, код вылын узис ачыс.

Шойччӱм кӱръяс лым чирйӱс моз нӱбӱдыштісны шыльыд  
веретя кузя Викторлысь чача кодъ пелькиник дадьсӱ. Ка-  
невлы окота вӱлі сьывны да дадювса кӱръяс моз аслыс ризь-  
явны кам дорӱм да таысь сӱдзалӱм тундраті. И збыль эськӱ  
Виктор лывкйӱдліс кутшӱмкӱ тӱдса мотив дзик чом дорӱдз,  
кыдзи сяммис, некодысь яндысьны, мый кӱть гӱлӱсыд жер-  
гыштӱ сімыштӱм брунган моз йиа ваяснас тшӱкыда горшсӱ  
веськӱдӱмысь. Да бара тӱрытъя мӱвпъясыс, йизьӱм тундра  
йылысь мӱвпъясыс нопъясисны сы вылӱ.

Мыйысь сійӱ зӱв ӱна поліс, со суӱдӱс.

Быть коліс мыйкӱ вӱчны.

## 2

Виктор аслас чумйӱ воис рытсӱрӱн. Бригадир ветлігкости  
вӱрзьӱмаӱс чомнас, не кӱ Дзолук, эз на и дзик пыр веськав,  
доза на эськӱн корсьысис. Рӱмдігас Дзолук чушнитіс нырнас  
да шыбитчис крута веськыдыв, быттьӱ вугралӱмысь садь-  
мис, ӱддзӱдӱс вӱськовъяссӱ. «Тыдалӱ, кӱр стадаыс либӱ чомйыс  
тӱв вылас веськаліс», — нимкодъпырысь думыштіс Канев.  
Бригадир тӱдӱс: сӱні, кодарӱ ӱні чепӱсйис Дзолук, абу йӱз  
кӱралӱн йирьянінъяс, кӱть эськӱн стӱч маршрутъяссӱ быд  
торъя стадалы некод эз индив. «Югыдлань» совхозысь пер-  
вой номера стада бокӱвӱй йӱрӱ оз кежавлы, век ӱти ордымъ-  
ясӱд пырӱ: тулысын — тундраӱ, аръясын — вӱръясӱ писькӱдчӱ.

Дзолук эз сорсы. Вылъ местаын кӱръяс дзик на чом  
гӱгӱрсӱ трӱпитісны, сы вӱсна Виктор матыстчигас ыджыд  
сюра кӱръяс костысь аддзис сӱмын чом юрысь кытчӱсюрӱ  
чурвидзысь бедъ помъяссӱ, кодъясӱс шуӱны ывъясӱн. Сӱдзты-  
сис кизьӱриник тшын, буракӱ, оз на узьны. Виктор писькӱд-  
чис кӱръяс костӱд нӱӱжйӱ, медым не повзьӱдны. Кор нин  
сувтӱдӱс дадювсӱ да чеччис дадь вывсьыс, ӱти йӱй руа кычан  
сӱмын дышпырысь никӱстіс, сӱсся казьяліс, некод оз пыдди  
босьт сылысь шыасьӱмсӱ да, бӱжсӱ легӱдӱгтыр, бӱр дадь улӱ  
дзѳбсис. Мукӱд понъяс тӱдӱсны ас мортӱс, эз шыасьны.

Виктор мынтӱдаліс дадювса кӱръяслысь лямкаяссӱ, лӱ-  
дзалис найӱс да вӱлисти нин пырис чомйӱ.

Чом шӱрын ломтысис ыджыд кӱрт пач, гӱгӱр ыльгис не-  
быдик кос шонид. Чом шӱрас жӱ кымын сальзьӱдӱм бедъ  
дӱнӱ крепитӱма карасин лампа, сійӱс урчитӱма стӱч сӱдзи,

<sup>1</sup> А м д е р — (диал.) ку, нарта вылын пукавны.

медым дукуыс эз паськав, а кайис вывлань, мокота<sup>1</sup> розьлань, чом дорлань. Пельёссиянь горалис «Спидола». Сыктывкарсянь ворсісны коми кыв вылын, кызди тані шулісны — «зырянскöйөн», спектакль. Пастукъяс пажнайтöм бöрын куйлісны көр вольяс вылын да сюся кывзісны радиосö. Кутшöмкö Макар Васька öтарö шмонитіс да ылöдліс ас войтырсö.

— Миян Саньö Даньö кодъ жö кодкö, тусь ни пызь, — любöпырысь зыраліс еджыд тошсö Вань дядь да син пöвнас зыркнитліс чом бокö, ывъяс дінö маличанас шыбитчöм том зон ылö. Саньö Даньö көр дорын ветлö мөдöд во нин, велöдчö пастукавны, но ёна водзöсö оз мун, век на быттьö ученикалö. Тöрыт дежуритіс стадаын, дерт, эз öтнас, Вань дядь син улын, но омöля дözьбитö ассыс көм-пасьсö, буракö, косьтытöм вөлöма тöбökыс, кынмыштöма да талун нёрпалö. «Сötана пиос кымынысь велöді да нюкыль сюртö он веськөд, кытікö бара ас ногыс керас», — думайтіс öні сы йылысь Вань дядь. Көр видзысьлы быдтор колö ас кадö вöчны, не сöмын стада бöрся, но и ас бöрсяыс сюся видзöдны.

Ставөн адзöны пырысь Викторöс да кокниа лолыштöны, со пö и көзяинным воис. Марфида пыр жö энöвтчис уджсьыс (сійö ныж көртөн вирскöдіс кыс, небзьöдіс кучиксö, вуштіс лым еджыдöдз яй рöма эжсö, буракö, кодлыкö лöсьöдчис вурны тöбök) да тэрыба лэптіс пач ылö чайник да гöгрös пыдöса съод пöрт, содтіс пессö. Сöмын Пеклэнняя оліс ещö спектакль йылысь думъясөн. Малича ылö теля воль шылёдіг-небзьöдіг, сійö лабутнöя сёрнитіс.

— Сыктывкарас тай беспути лёкаа... кудзсюрö олöны, гöтыръясаныс да мужиканыс пыр матайтчöмабсь. Загреки жö нин öнія йöзыслөн модаыс.

Пеклэнняялөн верöсыс Лыуров Степан, коді сідз жö пукаліс небыд вольяс вылын да кадысь кадö зырыштлывліс чукъя кынöмсö, чом пасьта былсь серöктіс:

— Вöрса баба тэ, сійö спектакль, абу на ачыс олöмыс.

— Ин, ин висьтоо, радионыс оз врит. Ме ог тöлько тонъя сертиыс шу.

— Кудз тэ тайöс он вежöрт, лешачиха, олöмыс — абу спектакль! — став сьölöмсянныс висьталö верöсыс. Степанлы ветымын сайö, тшöгыштöм мужичöй. Вөлöма фронт вылын, быдторсö адззылöма, стрöка кө сюрас, пыр велöдыштö гöтырсö.

— Эн чашкөдлы дурмөм хора моз бракалааястö! Кык син костад лöсышта тайөн, сэки ас садяд воан, — Пеклэнняя ырыштчö крука бедьён, мыйөн сöмын на зыртіс көр вольсö.

Степан чеччис да, вомгорулас броткигтыр, вуджис чом мöдар бокö, лэдзчысис Вань старик дінö:

<sup>1</sup> М о к о т а — (диал.) чумлөн вылысыс.

— Куритод, Вань дядь, тэнад чоскыдджык, — шогпырысь корис сылысь.

— Табакыс ставнымлөн оти доддысь, — сероктис старик, но окотапырысь мыччис кошельсö.

— Эсийö, — каллян гартігмозыс, гусьон моз, сöмын стариклы кывмөн заводитис норасьны Степан, — инька<sup>1</sup> руыс бара кватитис.

— Кысь сылы ненканас лонысö, ме Пеклэнняядлысь мамсö бура тöдлі, лунладорысь зырянка сійö вöвлі, — ньöжйөнник жö сёрнитис Вань дядь.

— Айсяньыс чаллыс вермис вожавны, — эз сетчы Степан. — Öд тундраас öтлаын яраньяс пöвстын гудрасисны. Дыр-ö вырыдлы сорсынысö...

— Степан! — гораа шуис старик. — Кыдзи тэ верман тадзи слöтитны мöдар югыдын олысьяс вылас. Грек вöд сэтшöм-торйыс. Сэсся инькаыд ми вокыдлы медся на лöсялö гöтырпу вылад!

— Вывті öдйö пузьöны найö, — нурбыльтис Степан.

— Лым вылö пуктылöм чайник моз жö öдйö и кöдзалöны, лöгавны оз кужны. А кутшöм мастерöсь, пимитö и маличатö быттö вылысад вурыштасны. Миянлы на колö велöдчыны налысь, — лөньюдис шызьöм Степанос старик.

— Сідз эськөн, — бурасыштіс Степан. — Ме öд нинöм лёксö ог эськö вурзав, мися. Эсийö... менам кокни киаыс, лöсыштас да оз и чуқыртчы, быттö физзарядка вöчö, — бара öвтыштіс юрнас гöтырланьыс.

— Ачыл тэ, Степан, нитш кодь небыд, сэсся кудз оз нямрав Пеклэнняяд...

Степан тшöкмунис, быттö табак тшыныс сатшасис горшас — Вань дядьыд быдтор ас местаö иналас и помас зэлыд гөрөдөн шыркнитас сёрнисö, нинöмөн нин сэсся он разь. Чöv усины. Степан бөр вуджис аслас чом бокö.

Марфида вайис пызан вылö тасьтыын черөн тшытшйöдлөм кын пелядь. Йи пыр нин оти тыысь кыйисны. Видзöдліс öні Виктор еджыд яя дзирдалысь сьöма пелядь вылас и казяліс: весиг чусыд лампа улас, рудоват пызан выланыс чери тасьтыыс моз югзьö, сы мында кöвтöма чериыс сöдз ваыслысь дзирдсö. Викторлөн ёна сьумалöма кынöмыс, весиг юр кучикыс вөрны мөдис — сэтшöм окота вöлі öдйөджык ньылыштны вайöм черисö. Сійö төдис: Марфида ваяс на та бöрын ыджыд бекарөн пуөм яй, и сук чайсö на юас, мыйта колö, но мыйлакö чайтсис Викторлы, оз пöt ставнас тайөн. Оз тай артмы көр видзысьлөн век ас кадö пажыныс, да и велалöма ыджыд костнас овнысö, пötөса сёянсö öтчыл лючки лөдсалас да, öдъя пачын моз шоныдыс дыр кутчысьö. Виктор вöсньыдика

<sup>1</sup> И н ь к а — ненка.

вөлалө пелядьсө, төкөтё солыштө да лөдө кыв вылас, лым моз и сылө выя чериыс, весиг няклявны оз ков.

Первойя вытьсө лөнһөдыштөм бөрын Виктор петавліс ывлаө да дадь бөрсыйс перыйс кык «Экстра» доз. Чуймөмөн видзөдлісны пастукъяс, кор шлопкис сулеяяссө пызан вылө.

— Айко, веськөдчывлы, — тшөктіс пöрядитчыны куйлысь батыыслы.

Вань дядь чуймыштіскодь, быттьөкөн мыйкө көсыйс юавны пиыслысь, но эз. Виктор өні сөмын вежөртіс: тайө гөснечнас сійө эрдөдіс асьсө. Гөгөрвоисны, абу вошөм көръясөс корсьны ветлөма, кызди төлкуйтіс войдөр, а кутшөмкө посөлокөдз мыськовтлөма. Викторлөн нюмыс быдсөн петіс, со мыйта и мудерлуныс сылөн, нинөм дзевны оз сяммы, пыр и эрдыяс. Татшөм жө модаыс стадаысь ылалөм көрлөн, кор өткөн кольө: өртъяс вөсна вийсьөмыс, шуштөмлуныс век йөткө шыльыд веретя вылө, венө весиг аслас лов вөсна нөмөвөйся полөмсө.

Өні пастукъяс пиысь некод янөдан кыв эз шу, эз мөдны юасыны көні да мый ветліс вежон чөжсө, сөмын нюмъялігтыр сибөдчалісны пызан дорө, кокъяснысө ас уланыс зіля сюркнялісны, висьталісны став вөраснаныс: гөгөрвоам пө, быдтор өд он горзы, вөвлім жө асьным томнас. Викторлы любө таысь, и аттьөавны дась, да кызди гораа шуан, кор ставөн чөв олөны. Дерт, эз кө вай гөснечсө, некод эз и төдлы. Но Виктор тадзикөн сайөдчыны эз и думыштлы.

Вань дядь кисьталіс стөканъясө водкасө, тост шуис, дзоньвидзаөн воөмысь пө, дона пи. Садьмис сэтчө и Саньө Даньө:

— Чай юанныд да он и чуксалө.

— Неважөн на чаясин тай, — вөйпө Марфида.

— Тэнад чайыд сьөлөмөс оз бурмөд, — сюся видзөдө Даньө тыра стөканъяс вылө. Вань старик мыччө и сылы:

— На, мед оз көдзав, босьт. Тэнад, Даньө, нырисыд көинлөн кодь жө «яран вир» вылас.

— Яран вирыс өд сыа коньяк лоө, сыасө кок пыдөсөдзыд сразу вөйөдө, — вашъялө Саньө Даньө. — А таясө еджыд, изьватаслөн, буракө, вирыс. Юан да кынөмтө бура жө гильөдө-а...

— И синъястө гудыртлө, — содтө Марфида.

— Менам найө пыр каньлөн моз кодзлалөны, — песласьө на Саньө Даньө.

— Кор ныр улад выйим, — ышловзис Марфида.

Сэссия Саньө Даньө вочасөн лаймө, некод эз лөдсав сылысь панөм сёрнисө да. Тыдалө, пастукъяслы не кывнысө песөмөдз.

— Таво тай му эжсө беспути лөка кынтіс-а, — заводитө Вань дядь. — Водзланьтыыс нө кутшөмджык? — юалө Викторлысь.

— Бурджыкыс абу жө.

— Вөръясыс кутшөмджыкось таво-а,— ассьыс моз юалё Степан.

— Видлыны эськөн,— друг юрас воё Викторлы, коть тешкодён на кажитчө нюжөдчывлыны уна сё верст сайё дадюла кокөн, ещө йирсянінъяс корсявны.

— Гашкө, Митин сэні Сыктывкарас ставыслы бур төвъянінъяс дасьтис нин, а ті сэні мыйкө шогсянныд,— шыасьё Пеклэння.— Гожөмнас сьөлөм сетис, эн пö печалитчы, Пеклуша, ме пö тиян вöсна крепыда думайта.

— Көсйысян кывйыс сьлөн лытөм,— вочавидзё Вань старик.— Сійö уль шлякаыс, коді вевттис тундрасө, сылысь муссö оз зырт, татшөмыс гежөда овлө, Митин сы дінö велавтөм на. Ми кө кутам водзысь нем төдтөг көръясөс вөтлыны — лэчкө сьям юрнымös.

— А кызди ті, айко, водзсö мынтөдчылінныд татшөм нальксьыс?— юалис Виктор.

— Кодлөн мый вылө путьыс тырмыліс, сідзи и мынтөдчылісны. Быдторйыс вөвлі. Дышджыкъясыд кызсюрö лёк воас төвйөдасны, видзөдан да, тулыснас мукөд көраыслөн сөмын куш чумйыс кутшөмкө мыльк вылын дөлалө.— Вань старик видзөдліс веськыда синъясас пиыслы. Виктор сьлөн видзөдласысь эз сөмын майшасьөм да төжд казав, но и тшөктөм зільджыка нырччыны делө бердас, медым сійö ускөттёбыс, мый йылысь висьталіс батысь, эз тшапки найös.

— Дерт, төв пуксигас тундраыс и вөръясыс,— водзö нуөдіс мөвпсö старик,— эз өтмоза пөжасьны, эз өтмоза быдлаө шлапкы лымйыс, и шондыс эз өтмоза вичмы, кытікө лунвыв пөкатъяс дзикөдз сывлісны, кытчөкө войвыв морөсьясө, шуам, эз йизьөм выйөдз во ульдылөмыс, сідзкө, кутшөмкө мусюръясын му эжыс өтарас и мөдарас туяна.

— Сідзкө, сэтшөминъяссö и колө корсьны,— гораа шуис Виктор.

Бригадирлы збыльысь зэв нимкодь лои, мый и батысь сы моз жö мөвпалө. Сійö ёнакодь нин бергөдліс татшөм думсö, коть гораа и эз пьсьт шуны, зэв нин кызкө повзьөдчысь вөлі ачыс көсйөмыс — петны өткөн ылыс туйö, корсьны стадалы йирсьөданінъяс. Öні, кор батысь ышөдіс та вылө, Викторлы быттё вынаджык лов пөльыштисны пытшкас:

— Пока абу джуджыд лымйыс, колө ылыс вөръясö пыравлыны, дельнөйтор висьталан, айко.

— Коді нö ыштас сэтчө... дельнөйтор вылас. Ме пöрысь, позьö шуны,— синтөм, ки-кокысь выныс воши, мудзöны,— ньөжйö сёрнитіс батысь.

— Ме, айко, мөдөдча,— юөртис Виктор. Ставөн чөв усины. Быдөн ас ног вежөртис шуөмторсö: Виктор оз сөмын асьсö кедзовт, сьөкылдунъяс ликмөдö и бригадаса мукөд өртъяслы.

— Өтнад? — юалис батыс.

— Өтнам, дерт. Стадаас өд кодлыкө колө кольччыны.

— Но өд тэ он вежон кежлө, көнкө, мун?.. — шыасис Степан.

— Оз на, Даньё другө, сийө быдөнлөн нельзы, — ньөжыслы ковмас.

— У-у-у-у, — шутөвтис Даньё. — Маличаыд нельзяс, век ывлаын узылгас.

— Оз на, Даньё другө, сийө быдөнлөн нельзы, — ньөмйөник вочавидзис бригадир, но пастукъяс мөд ногджык гөгөрвоисны сылысь шуөмсө: «Эн ас сертиыд сөмын донъяв мукөдсө». Артмис, вомалис Даньёос Виктор.

— Көръяс колө начкыны бөрйыны. Колва тыын виччысьөны. Та йылысь эн вунөд? — кыпөдис быгалөм синкымъяссө батыс. — Менам нярталаыс киам оз нин шамыртчы. Даньё племенник эськөн том да сылөн, кор вувзяс нярталасө, везджык көрыслы зад вылас усьө кытшыс. А войөдысьсө репейөдыс оз кутлыны, дженъыда вөрсалөн быдмылөма бөжыс. Куимсө көрсө Степан оз жө вермы өтнас кутны, сойтөмсяс. Кыдзи нө тэ решитін татшөм пөраас миянөс энөвтны?

— Тадзисө ми джөмдам, — нора шуис Степан. Саньё Даньёос виччысьтөг мөдис кызөдны:

— Ёсь лыөн виньди.

— Пыр тэрмасын кытөн оз ков, — вомалис Марфида.

— Меным туйө петавны быть ковмас, — водзө нуөдис мөвпсө бригадир. — А кыдзи торйөдны забой вылас көрсө, асьныд думыштлөй. Медым оз ло тиянөс кедзөвтөма, отпуск тшөт весьтө ветлөдла.

— А мый? — шыасис Даньё. — Стадасыс өти рөч ородны да и вөтлыны кораляс, яйыс өд өткодь, мый сәни бөрйысьнысө.

Пастукъяс гораа серөктисны. Сөмын Викторлөн эз пет нюмыс:

— Збыль өд, ми кутам бөрйысьны, вунөдам медшөр төждсө — төвъяннъяс йывсьыс. А локтан тулысыс ас вөлянас «бөрйысяс» стадаас. Мый сәсь коляс, миянлысь оз юав.

— А Даньё ногөн вөчөмсыйд юрөдыд оз жө малыштны, — век на нюмъялис Степан. — Йөз серамыс сәки и лоас. А мыйла отпускыс? Тэ өд делө вылө мунан?..

— А ми неуна мөд ногджык вөчам, — пөся висьталис Виктор. — Веськөдам стадасө векньыд ордымөд и бөжсө ородам, мыйта миянлы колө, өд бөжас висьлөс көрыс кольччө. А? А бурджык шойччам мөд во нин.

— Тадзитө, гашкө и, позяс, — шуис Вань старик, — көнешнө, ичөтикасө кутасыны ковзяс на, но тайө ёна кокньөдас делөсө, тадзитө ми, пөжалуй, справитчам.

— Тадзисө өд некод жө эз на карлы, — венласис Степан. —

Мый бара начальствоыс шуас-а, меным эськөн татшөм водзмөстчөмыс, колөкө, коскам оз лыйлы да. Татшөм отпускыд сыа, Виктор, оз ло зэв гажа.

— Но вай чөөв нин тэ,— дивитіс Пеклэння.— Абу висьөмнад век нёрпалан, пинялөмыс өд абу чом тшыныс, бугыль-ястө оз сөй.

— Мися, мортыс жаль,— гөтыр видөмсөыс йөжгылясис Степан.— Ме думайті, таво кытчөкө гөтыр кутны нин ветлас отпуск дырйиыс.

Чомйын ставөн гораа серөктісны.

— Сідзкө, лоис сёрнитчөма,— кыв көрталіс Виктор.— Лыддьөй — ме отпускын. Төлысысь дырджык ог ветлы. Виччысьөй менө Сандивей дорын, Плешка мусюр вылас.

### 3

Вежон мысти, гөгөрбок ставсө артыштөм да дасьтысьөм бөрын, Виктор Канев петіс туйө. Нырвизьсө кутіс лунвылө, пармалөн небыд да ымралысь (йиа тундракөд кө вочаавны) питшөгө. Но татысянь, тундра шөрсяныс ок на ылын ськөд сывъясьлытөдзис.

Виктор көрталіс дадь бөрас мешөк джын сукар, кын яй да чери, дерт, найөс өна этшаджык нянь сертиыс. Дадь бокас кучик чехолын кык пищаль, мелкокалиберной да дрөбөвик. Найөс кө уджөдан, яйыс пыр нин сюрө, байдөгыс быд раскын жбырьялө, көчыс шор бокъяссө өна юждө. Сэссия, чай-сакар кучик мешөкын, көтасьөм бөрын вежсьөм вылө паськөм. Медбөрын амдөр улас лэчыд чер суйыштіс, коркө ковмылас шалаш вөчлыны, лючки косьтысьны да шойччыны. Эз вунөд видлыны ки улас дорышсө рашпиль напильникысь вөчөм пуртлысь пастукъяс ног — чукрилысь, коді өшалө паськыд серөдлөм тасма бокас лыысь лөсалөм пуртөсын.

Дадювса көръяссө бөрйис. Вөжживывсө, Дзолюкөс, падъявтөг лямкааліс, мудз төдтөм көр, но пелейяссө унаөс кутліс да бөр лэдзис. Медбөрын куим ялөвөй вылө сувтіс, мөд ногөн кө, вайсьытөм важенкаяс вылө, кодъяс гожся сөян вылас сэтшөма шыльыдмөмаөсь, дзик гөгрөс кантук кодьөс. Өні со доддялөм бөрас йөй нога водзвыв чөпөссөоны, вир-яйныс гиллялө да оз и төдны кызди дурнысө.

Шыльыд лапта вывті (посни мылькъяса веретяті) кокниа тюрөдө Викторлөн нель көра дадюв. Луныс кымөртөм, весиг шонді мыччысьлывлө. Ноябрь помланьыд татшөм поводдяыслы көр видзысь зэв нин рад. Со веськыдвылө кольөны Ошка тыяс. Уна ты өта-мөдыскөд киасьөмаөсь, паськыдөсь и джуджыдөсь, майбырьяс,— волялөны өні кынмөм плешъяснаныс, стынитөны нин йи шебрас улын. Ылөдз нималөны

тайо ваясыс, озырөсө व्या пелядьясөн да чирьясөн — со и судзодчылөны сы дорөдз Нарьян-Марсянь и Воркутасянь.

Көтө ошьясыд вөрса олысьяс, тані найо паныдасьлөны жө, на вөсна и нимыс сэтшөм — Ошка ты. Мый татчө ошьяссө кыскө? Буракө, чериыс жө, вискөдыс пырысь-петысьсө өктөны. Вискыс мый водзө, сымын джудждаммө, юө пөрө, Съод ним сетлөмаөсь, Печорскөй мореө петө. Ваыс вискас збыльысь гудыр. Гашкө, рөмыс зыбуч нюрьяслөн, оз өтиөс вомөнав аслас туй вылын, оз этша сэтысь кыскы васө. Гашкө, мупытшса вирыс кытисюрө сөдзтысьсө. Бөрья воясө уна бурөвөй тувьялісны тундраса йиа муө. И оз весьшөрө. Эм тундра гыркын нефть ломтасыс. И газ эм. Ичөтик чомьяс нэмьяс чөж тшынасьлісны лымья эрдьяс вылын. Жебиник ру пычиктысьліс мокота розьод, кызди Вань стариклөн мундштук помөд. И со джуджыд көрт вышкаяс лыбисны енэжлань. И тундраыс оз нин вермы дзебны найөс. Овлө, сылөн биыс пемыд войясө тыдалө нелямын-ветымын верст сайсянь. Радліс көр видзысь, колө-ө таысь надёжнөйджык компасыс? Шонді да төлысь дзебсясьөны, кодзувьяс вошласьөны, төв ныр тшөтш видзөдө дзугны. Вышкаыд некор оз. Уна и сёрни вөлі нефть корсьысьяс йывсьыд. Дадювьяскөд орччөн поезд войөдас. Виль кар аслас югыд биясөн полярнөй войсө чашнитас. Машинаыс тырыс жуны кутас, йөй телаяс моз, кор тай мамнысө стадасыс воштылөны. Уличьяс вылас помся пи-и, пи-и чуксасыны мөдасын, өта-мөдныслысь туй корны. Медсясө пастукьяс радлісны мөдторйысь: йөз гажөн ойдас тундраыс. Мортлы морт колө. Лымья эрд вылын олысьяслөн, кодьяс тшөкыда варовитлісны көрьяскөд да дөзмөмысла нерлісны байдөгьясөс, сьөлөмныс восьса быд локтысь мортлы. «Кутшөм төв ныр и вайө та ыджа шудсө?» — некодысь эз дзебны пензьөмнысө.

Виктор на моз жө чайтис.

Но кор тшөкыджыка Канев мөдіс аддзысьлыны геологьяскөд, воывлыны бурөвөйяс вылө, торья нин гожеся кадө, гөгөрвоис мөдтор: оз байдөг кельөб моз цивилизацияыс шлапкысь тундралөн нэриник мыш вылө, оз зверьяслөн пашкыр лапаыс тапкөд кизьөр момгаа мылькьяссө, оз көрьяс зыравны гөна парьяснаныс кын муө жебиник вужьясөн төкөтө пысасьөм керчьяссө, а морт вежөрөн чужтөм көрт багатыр, коді аслас помтөм вынйөрысь тіралө став тушанас, быттөкөн збыльысь сійө мыйыськө скөрмөма, уялө тундраті, гыжьяс-нас парсалө небыдик му эжсө. Ок, пеж тай «багатырьяслөн» гыжйыс вөлөма. Кызди копытка сисьтө көрлысь жугалөм гыжсө, сідзи жө нэзьдөдө тайө гыжйыс тундрасө. Тулыснас сійө вурысөдыс, кодөс артмөдісны тундраө воөм көрт зверьяс, сьяльөбтөны пөкатаинө ичөтик шорьяс да гудйыштөны ыджыдкодь гураньяс. Сяммас-ө коркө тундраыс бурдөдны

некодлы ковтом нуйт потассо? Коланась-о сийо гураньясы тундралон сотом кучик вылын,— эз этша мовпавлы кузь пемыд войясо кор стада дорын дежуритигон Виктор. Сийо съолөмяньыс косийс ладмодчыны локтысь техникаыскод, но вежорыс шопкис и шопкис: абу шаньось тундралы съод корт зверьясы; ок ена жугодасны тундрасо, мырддясны йиряниньяссө...

Воліс Виктор Колва бокин оти бурөвөй вылө. Ыджыд корт вышка да вагон-керкаяс шляпвидзисны еджыд нитшка паськыд веретя вылын. Эрдсө кызсюрө гижлалөмаось корт гусеницаяс. «Этша вылө дас трактор котралөма»,— думыштіс Виктор. Сийо эз вермы дзевны шензьомсө. «Мыйла нө налы ставыс веськодь?» Со бурөвөйвывса няйтсө лэдзлөмаось матысса тыө. Сийо письтома, и они сатысь гудыр ваыс лэччө веськыда юө. Эз өмөй позь бурджыка потшнысө? Виктор шыясис сэки шонді водзын вугралысь дядьо дорө.

— Лөк тайө делөясыс,— шуис Виктор, довкнитіс юрнас тылань, код бокин пукаліс съод фуфайкаа мортыс. Тылөн быздөм вискод бузгис юө бензин да мазут сора гудыр ва.

— Эн нин сёрнит,— дядьо жугыля видзөдліс Виктор вылө.— Талун на вертолётон вои базаысь, дас лун сәні олі. Юрө потө, синмө чуть эз войтышт местасыс. Көть сө грамма... Кылан? Старик...

— Да, тэ эн менө лючки гөгөрво,— курыда корыштіс плешсө пастук.— Мися, оз ков няйтөсьтны! Юсө! Чериа сийө.

Дядьо синьяссө паськодөмон дыр видзөдіс Виктор вылө, сәсся нюм өзйис чужөм вылас, а недыр мысти мөдіс лөкысь нюклясьөмон серавны. Сәсся коркө веськодчис да шлапкис Викторлы мышкас:

— Молодеч!

— Мыйла?— чуймис Виктор.

— Сы вөсна, мый дурак. Пыдди пукта прөстөй мортсө. Тундраас тэ коддьөмыс уна? Но они кывзы менө — ветлы чумъяд, вай оти доз. Ме сы кості тайө дзоньнас дуньга-юа да кыкысь воса,— дядьо бара кынөм пытшкөссыс сөптөс моз мөдіс чуктөдны серамсө.

Виктор чөла веськодчис аслас дадь дорө. Съод фуфайка дядьо эз жө вөтчы сы бөрся, буракө, збыльысь чайтіс, кор видзысь сылысь корөмсө могмөдны косийө. Виктор перйис дадь подйысь вөжжи помсө, гарыштіс веськыд киас, лэптіс шуйганас муысь харейсө, косийис войөдны, но матыстчысь шум тшөктіс виччысьштлыны на. Чулькъя момга вывті сунласигтыр өдөба тюрөдіс ыджыд вездеход, шыльыд веретя вылө кайөм бөрын здукөн шывкнитіс вагонкаяс дорөдз, өдывысьыс крутөя, салдат моз, бергөдчыштіс, поводнөя кульыштіс му эжсө, тшөкмуніс-сувтіс, кусөдіс моторсө. Вездеходыс эз важ туйсө таяв, кызди чайтіс Виктор, а

выльлаті нырөдіс. Өні Каневлы вөлі гөгөрвоана, мыйла тайо мича тугъя көр нитшка еджыд веретяыс сьод гыасон визйөдлөма. Тадзи лёк төв ныр муткыльтлө лөнь тылысь бансө. Викторлы синва петтөдз вөлі жаль тшыкөдөм эрдыс.

Вездеходысь петіс лөз курткаа зон, ыджыд тушаа, паськыд пельпомъяса, смоль сьод юрсиа, том чужомыс кызіник, позьо весиг шуны, булки кодь пушыд, вөсньыдика гождьялөма, быттё банйом шаньга, и яя паръясыс кисьмөмаоьс, нывкалөн кодь алөйоьс.

— Мефоды! Куштысь,— шыбитіс зон фуфайкаа дядьолы кок улас кык утка. Мөдыс весиг эз видзөдлы прөмыс вылас. Вездеходса том зон көть шуис кывъяссө скөрысь, но, кор Виктор видзөдліс чужомас, гөгөрвоис, сьөлөм вылас сылы талун зэв нимкодь. Гашкө, долыд мортыслы бура кыйсьомсьыс, гашкө, мыйыськө мөдторйысь.

— Чолөм!— киасис ськөд бригадир.— Виктор Канев.

— Здорово, он кө спорө во,— вашмуніс водитель.— Косков.

— Өти сёрни эм,— кызди вермис лөня шуис Виктор. Косков видзөдліс бригадирлөн ыпъялысь чужом вылө, весиг быттё мыйкө вөрзыштіс пытшкас, повзыштіскодь, но кыпидлуныс эз вош, вашъялөмөн шуис:

— Ме өтпырйө радейта кыктор вөчны, мөдарникө,— ворсыштіс синъяснас,— мыйла и та ылнаас вөлі локнысө. Сідз? Пырам вагонас, чай юигмоз и висьталан.

Виктор ышловзис да вөтчис зон бөрся.

Аслас жырйын, көні сулалісны пызан да нель койка, Косков электроплитка вылө пуктіс чайник да восьтіс яя консерв.

— Угощайтчы,— корис гөстьос.

— Аттё, сөмын на сөйи.

— Ме талун сөрми нин котлопунктас да быть косөн нурьясьны. А могыд ме дорө кутшөм? Төдан тэ менө?

— Ог. Первойысь аддза,— быттё көдзыдысь чабраліс асьыс кияссө Виктор.— Ме со мыйысь көсья тэнө, Косков ёрт, вомавны — вывті ёна жугөдан тундрасө! Позьо шуны, көр волльос моз кулян сійос. Начкысян тэ, Косков!

— Ме некодос на эг вилы. Сөран тэ?!— мича зонлөн кысьыс уси консерв банкаас лукйысян пуртыс, вомыс курыда вежыньтчис.— Тэ... тэ... сле-ду... ватель...— өдва шөпкөдісны едждөдөм паръясыс.

Виктор падмыштіс жө, эз виччысь татшөм шызьөмсө, буракө, тайо зонмыс збыль новлөдлө лов вылас кутшөмкө мыж.

— Дерт, вездеходыд сынөдтіыс лэбавны оз вермы,— лабутнөя заводитіс Канев,— но тэ кө век өти туйөд ветлін, ёна этшаджык жугөдін-няйтөсьтін. Гөгөрвоан?

— Нинөм ог гөгөрво,— выльысь вирсявны заводитіс чу-

жомыс Косковлөн.— А-а-а... Тэ эсйё чери пастукыс... Рыбинспектор! Друг!— Косков нюжодіс кисё Викторлы.— Видзодны ог вермы тэнад быдтасъяс вылө, вукөдө менө печорскөй засолсьыс. Ен кодъ сөстөм тэнад чериас водзын.

— Көр видзысь ме, йирсянінъяс вөсны вийся. Дзескөдан тэ тундрасө, ичөтмөдан. Кызди тэ, Косков, он гөгөрво тайөс.

— А-а-а... Көръяс видзан?— том зон кузя серөктіс.— Видз, друг, видз. Кысыс налөн крепыд, мича пимияс позьө ворны. Нывъяс менсьым юасьлісны нин.

— Кынмасны нывъясыллөн кокъясыс, тадзи кө водзө кутан пакөститны тундрасө.

— Кок шонтысь вылад, шуам, ме ачим на сгөдитча,— лышкыда нюмдіс Косков.— Меным дзик веськодъ, кыті прөйдита, тані асфальт ни светофор абу. Кывзы... Виктор, кажитчө, тэнө шуоны. Быд морт олөмас кольө кутшөмкө пас. Ме вот гижа, стөчджыка кө, рисуйта. Ме художник. Эсйё көбылаыслөн ёсь гыжъясөн рисуйта,— Косков индіс ичөтик өшинь пыр ыджыд вездеход вылө.— Зэв крепыд пас сйё пуктө тундраыслы чужөмбанас, дыр кежлө. Көркө во вит либө дас мысти таті мунасны мөдъяс и казътасны. Косков таті прөйдитіс. Кутшөм характерыс, сэтшөмөс и кольөма туйсө. А тэ, Виктор, көр видзысь, байдөг кокөн лымсө лякан. Сылас лымйыс — и абу. Тэнад дедъяс да батъяс тадзи жө кырымпасавлісны тундрасө. И мый коліс на йылысь? Нинөм. Тундра дзескалас... Сөран! Öтарө мунан — пом абу, и мөдарө — сідзи жө. Еджыд ватман сйё, гижны да гижны сэтчө колө. Вежөртан, көр видзысь...— Косков ветлөдліс комнататі, зурасьлывліс пидзөснас койка рөчъясө, но быттё эз казаяв, пөся нөшаліс Каневөс. Викторлы кажитчис тайө лөсьыдіник зонмыс дурмөм ай байдөгөн. Овлө, тулыснас сьод мыльк вылө уль мымйысь вөчыштан чучела роскысь да лымйысь, модаыс сөмын байдөгыслөн. Но «кабер-каберыд» сэтшөма заводитас видчыны да косясьны ськөд. Мыйкө сэтшөмтор жө аддзис Виктор. Первой кыпаліс лөглун, а сэсса шензьөм, весиг Викторлы эз ло окота сйёс сувтөдны ни вомавны кутшөмкө ногөн. Збыль, мый эськө сйё өні вермис вөчны? Чеччыны да лөсыштны пель бокас? Сыысь нинөм оз вежсьы. Оз вермы Виктор книгаясысь лыддьөм өткымын геройяс моз мускульяс өтсөгөн помавны венсө.

Виктор чөв пукаліс аслас думъясөн, весиг дугдіс кывзыны Косковөс, но торъя кывъяс емалісны вежөрсө. Тані пө абуөсь светофоръяс... и асфальтыс на вольсавтөм. А сөвестыд? Эз на чуж сйё? Эз кө — сйёс он водзөсав, со тай весиг инструкторияыс абу. Косков ногөн — светофорыс. «Синма мортыс, весиг өчки оз новлы, а нинөм оз аддзы, стөч велөдтөм пелей кодъ», — шоналіс Виктор сотчысь ярлунсьыс, коді пессис өні морөс пытшкас.

Косков шлапнитчис аслас местао, мудзис, буракo, чышкыштіс кымoссo, шылькнитіс лoсталысь сук юрсисo, водзo мoдіс ошыысьны аслас oлoм-вылoмoн, кoні ставыс зывoктoдіс Викторoс, му вылас найo дзик мoд сикас йoз вoлoм ветлoны.

Канев пукаліс доза дыр, медбoрын быттo садьмис, йирмoгысь моз пыркнитіс пельпомьяснас. Викторлы oкота лoи матыстчыны и виччысьтoг чепoльтны тайo ышнясьысь мортсo, но пoдтіс асьыс кoсьoмсo, тeрыба чеччис да петіс бывлаo.

Дадюв дорын бергаліс oнтая сьoд фуфайкаа дядьoыс, малаліс вoжживыв кoрлысь — Дзoлюклысь — еджыд кокьяссo, со пo кoні добраыс. «Кутшoм нo сійo добра, тувсовья кoрыдлoн гoныс oмoля нин кутчысьo, дурак, тeнад плешкыд моз жo oдйo нярмo», — кoсьис сылы вoчавидзны Виктор, но эз вермы сійo сeрнийo пырны. Сoмын асьo лoньoдiгмоз думыштіс: «Кыс сылы та йылысь тoдны...»

...Виктор oні бара видзoдіс сійo ыджыд кoрт вышка вылас, кoні вичмыліс сылы «шуд» паныдасьлыны кольoм тулыс Косковкoд да сылoн друг Мефoдыкoд, но важ тoдсаяс дoрo эз кeж. Кольoм вoся аддзылoмтoр йывсьыс Виктор газетo гижліс. Печорасьянь вoлoма рыбинспектoр, выльысь пoтшoмаoсь няйтoсь тысo. А Косковлoн туйыс, дерт, эз эжсьы. Сoмын лымйыс вевттис. Рыбинспектoрыс шуoма: тундра эж оз пыр сылoн инструкцияo, васа oлысь кoсын оз уяв, еджыд нитш оз сeй.

Рыбинспекциялoн сьoкыд да опаснoй уджыс, мед кoть сійoс вoчoны пыдди пуктана йoз и сьoлoмсянь, Викторлы кажитчo пустoй нoксьoмoн, стoчджыка кo, челядлoн вoрсoмoн. Ичoт и ыджыд юяс кузя ва вoсьoм бoрын заводитoны журйoдлыны мoтoра пыжьяс, oтияс дoна чери бoрся вoтлысьoны, мoдьяс прoстo нимкoдьясьoны юнас да сылoн мича кырьясoн. Налoн лыдыс oдйo содo. Войвылo овмoдчoны выль йoз. Вeськыда кo шуны, oтилаo сорсьoма и туристыс, и браконьeрыс, збыль вылас зeв абу кокни найoс oтa-мoдсьыс торйoдны. Сидзкoн, унджык и колo рыбинспектoрыс? Да. Но oд сылысь штатсo помтoг он вермы паськoдны. Сeсья oд быдoн, кoдьяс ю кузя ветлoны, кoсьoны свежoй юква сeйны. Рыбинспектoрыд oд морт жo. Браконьeр содтo мoтoрыслысь вынсo, рыбинспектoрлы оз жo пoзь кольччыны. Oти пызйo-пышйo, кoсьo дзeбсьыны, мoдыс оз кoсьы сійoс лeдзны. Кытчo нo вайoдас татшoм oрдйысьoмыс? Чери юясын чинo и зeв oдйo. Чинo не сoмын васo няйтoсьтoмысь да кыдзисюрo кыйoмысь, но и шумсьыс, зыксьыс. Мукoд юыслoн вepкoсыс oні кажитчo карса улича кoдьoн, сы мында морт сeтi живкьялo. Сeсья кыдзи тайoс он шу дуркoса вoрсoмoн? Гашкo, кад нин дугoдны мoтoрнoй пыжьясoн котралoмсo? Кoсьям кo водзo вылo чoскыд чери

сэйны да сөстөм ва юны. Мөдарсянь кө видзөдлыны, моторной пыжөн котралөмыс некодлы оз содты дзоньвидзалунсө. Сідзикөн, сійө некутшөм абу и туризм...

Виктор көть мөвпаліс сөдз ваа юяс йылысь, мөвпыс век бергөдчыліс тундралань, көра ордымъяслань. Со и өні синъясыс нимкодясисны сійөн. Шонді югөр улын лөзаліс тундра, клён дорөма да шебралөма сійөс сөстөм-сөстөм лымйөн. Узь, тундра, локтан тулысөдз, узь. Шойччөй пурт дорыша ёсь мусюръяс, небыд нитшка алькөс мылькъяс, сьод синкым кодь векныдик расъяс, кодъясөс быттьө дөмас моз шляпкышта-лөма шыльквидзысь тыяс да гурана шоръяс бокө. Шойччөй. Гашкө, тэ, тундра, кутшөмкө дойяс кылан аслад еджыд морөс вылысь? Гашкө, тэнө видзысь жө колө? Эм көр стадаясын пастук, эм черияслөн пастук — рыбинспектор. Пастук! Кутшөм ыджыд вежөртаса кыв. А тэнад, тундра, коді пасту-кыс? Көні сійө?!

#### 4

Туйын первойя войсө Виктор колляліс тундра шөрын на, суис сійөс пемыдыс Сандивейө вотөдз паськыд лапта вылө. Викторлы тайө местаясыс зэв бура төдсаөсь. Өні, лунвывлань нырчигөн, шуйга боксө пыкис сылысь дорыша мылькъяса кузькодь мусюр, веськыдвылөдыс визувтө Колва ю, сы сайын шыльквидзө татшөм жө пөв кодь шыльыд момгаа лапта, водзвылас — ачыс Сандивей ю. Сійөс кө вуджан, сэсся дор вөр заводитчө — сук пармалөн да няр тундралөн костыс. Тані нин мусюр лунвыв пөкатъясас кизьөриник тош моз сьодасьыштөны вөр діяс. И век жө тайө тундра сюрөсыс на: сійө вөрсьыс, коді тыдалө, непөштө дадь либө харей он путьмы мастеритны, но и пескыд чомса көрт пачө омөлик ликмө.

Виктор бөрйис паськыдджык шыльыдін да сувтөдіс сэтчө мудзөм көръясөс, дадь подйө көртыштіс вөжжисө, домөдсө вөчис кузьджыка, медым пелейяс вермисны бергөдлыны дадьсө да сідзикөн йирсьыны. Ачыс көзяиныс малича вылас кышаліс ещө на парка да нюжөдчис тундраса паськыд вольпась вылө: юрсө пуктіс турдөм ичөтик вутш вылө, кокъяссө суйис лым пиө. Көр видзысьөс шебраліс джуджыд енэж, көні дзирыд синъяс моз вильшасисны кодзувъяс. Сэзь. Кызди тшөкыда овлө арся пөраас, өти өдөн жвучөдө төв ныр — ёсь, бытшласьысь. Но Каневлы оз мөрччы.

Виктор аддзис водзвывсьыс, Колва ю боқысь, югыд бияса бурөвөй. Пемыдас сійө кажитчө зэв матын, көть эськөн збыль вылассө километра дас кокниа өкмас. Виктор вермис и шоныдінын узьмөдчыны, дас верстө ляпкыд лымнас көр кокъясыс часысь өдйөджык лыддясны. Виктор тадзисө эз вөч.

Не сѡмын сы вѡсна, мый эз вѡв око́та паныдасьны Косковкѡд, нинѡм омѡльсѡ Виктор сылы эз вѡч, медым врагъясѡн лоны. Да и юр сюяніныс сытѡг эм, Иванов мастерыс сѡні, вѡлѡмкѡ, эзв шань сьѡлѡма морт. Кор норасис Косков вылѡ, эз дѡзмы ни эз пыксы — да мыжаѡсь пѡ, водзѡ вылѡ пѡ урчитам. Эн пѡ пов, дзоньвидза кольѡ тундрайд, и кѡръястѡ некод оз вѡрѡд. Асланым тѡждыс пѡ корадодь тыр, со и огѡ сразу казялѡй лѡксѡ. Виктор вольвліс сы ордѡ. Газетас гижѡмысь эз жѡ лѡгась, кѡть и штраф мынтѡма. Пукалыштны эськѡ ѡні мастерлѡн югыд жырыын, видзѡдны телевизор (бурѡвѡй вылын сійѡ эм), варовитыштны ѡттор-мѡдтор йылысь, но Виктор тайѡс эз вѡч. Ланьтѡдчас сійѡ экран водзас, сы кості кодъяслыкѡ око́та лѡѡ гывъялыштны кѡра дадюлѡн — быдсяма мортыс тай уна йѡз костас сюрѡ. Кужтѡгыс жугѡдасны дадьсѡ либѡ лѡдзасны кѡръяссѡ. Татшѡм притчаыс Викторѡс эз на сулы, но и нинѡмла сійѡс корсьнысѡ. Тані жѡ, паськыд лапта вылас, сійѡ быттѡ сѡ томан сайын, нинѡмысь виччысьны ни повны, кѡть эськѡн водігас ачыс пунктіс жѡ бокас мелкокалибернѡй винтовкасѡ. Ёнджыка, дерт, мода вылас. Узыны ывла вылас пастуклы керка сертыс любѡдджык: сынѡдыс сѡстѡм, кын, сук, айбарч кодь чѡскыд.

Виктор оз тѡрмась куньны синъяссѡ. Кылѡ, мышкас дадюлыс вѡчис некымын кытш да сувтіс жѡ. Кѡръяс водалісны шойчыны. Виктор гѡгѡрвоис: му бердыс йиа, омѡля шедѡ кѡръяслы нитшкыс, сы вѡсна и водз дугдісны йирсьынысѡ. Ок, дзескалісны йирсянінъясыс. Дерт, чизыр тѡвъясыс жульѡдасны кузь кад чѡжыс, косьтасны му эжсѡ. Торъя нин февраляс да мартас вынаѡсь найѡ, непѡштѡ мыльк юрсѡ, боксьыс багульник да керч увсѡ шупѡдас. Нинѡмла и тѡвйыны татшѡм лаптаяс вылас. Тулыснас найѡ ковмасны. Важысянь тувсаланінъясѡн найѡ шусьѡны. Но ѡткымынъяс вунѡдісны та йылысь. Вунѡдісны аскиа лун йывсьыс.

А вѡрыс кѡ таво лѡк жѡ, йизьѡм жѡ му бердыс? Тайѡ ѡалѡмыс йѡткис Викторѡс туяс, мед ас синмѡн видзѡдлыны, корсьны бур йирсянінъяс.

Виктор ѡти здукѡ личѡдлѡ вежѡрсѡ и казялѡ, кыдзи дзумысьѡ пыдѡстѡм йирѡ, кѡсйѡ кавшасьны на сѡзы енѡж улас, но абу нин эбѡсыс водзсасьнысѡ... Некымын час кежлѡ пастук эновтлѡ асьыс тундрасѡ, тѡждъяссѡ. Воддза моз дзирдалѡ кодзула енѡж, ѡти вынѡн жвучйѡдлѡ чизыр тѡв да вольсалѡ пастуклѡн гѡна парка вылѡ небыд лым, кыдзи тані шуѡны — нѡѡнялѡ, му бердтіыс нѡбѡдѡ лымсѡ.

Виктор садьмис сѡтшѡм жѡ ѡдйѡ, кыдзи и унмовсьліс. Видзѡдліс енѡжѡ — асья югыдѡдзыс ылын на, кѡръяс сувтѡмаѡсь нин, бара колскѡны-перйѡны сѡян. А енѡжѡ видзѡдысь Викторлы син улас веськалі кодзув, кодысь некыдз оз вермы эновтчыны, быттѡ дѡльѡдчис кодзулыс Викторлы. А сѡсся

друг сійо нюмдіс Светлана нюмөн, коді олө Харуты посёло-кын да өтнас быдтө нылөс. Виктор неважөн вөлі сы ордын... Кодзулыс вильшасис Светлана нюмөн, кодкөд аддзысис Виктор нель во сайын...

Сійо сөстөминик тулыснас, кор Виктор пыр кежлө торъяліс Аннакөд, пемдыліс зонлөн сьөлөмыс, весиг тувсовъя шондыс эз сяммы югзьөдны. Сідзи тай вөлөм оломас: сьөлөм вылад кө югид — и арся ывлаыс югзяс, тэкөд тшөтш серавны, радлыны мөдас. Пемыд сьөлөма Виктор уна сэки вензис Аннакөд. Сійо думнас корсис нывлөн оласногысь мыйкө сэтшөмтор, кытчө эськөн позис крукасьны да дивитны сійөс. Омольсө нинөмла и радейтны. Но Анналөн оласногысь сьөд чут эз сюр, шор ва кодь сөдзөн да харей кодь веськыдөн чайтсис. Дивитны вөлі нинөмысь. Таысь и деливөыс лов вылас, асьсө увтыртөмыс. Артмө, ачыс Виктор мыжа, эз сяммы чуйдны, шензьөдны нывсө, кызди вертолёт вылас войлысьыс.

Сійо гажтөм тулыснас Виктор уна шывкъяліс чумйысь чумйө, быттё стадаысь вошөм көръясөс корсис. Весиг бурөвөйяс вылын манитчис, геологъяскөд төдмасис. Өти бурөвөй вылын сьлөн дадюв дінө матыстчис сьөдіник нывка да гөгөрвоысь синъясөн донъяліс васөд кынөм увъяса (локтигас визув шор вуджис) пелейясөс, дадьсө тшөтш мелі видзөдласөн малыштис (дерт, нинөм сәні Викторлы ошйысьны, батыслөн мастеритөмыс), кажитчис, буракө, вөчысьылөн киподтуйыс. Сэки виччысьтөг Виктор шуис:

— Көсьян, войлыштам тундратыс. Ой визулөсь пелейясыс...

— Аддза, абу синтөм, — ныв восьтыліс пув дзоридзьяс моз сяркнитчөм еджыд пиньяссө. — Верма и асьтө на войлөдлыны.

— Но! — чуймис Виктор. — Көр видзысьлөн өмөй кодлөнкө татшөм збойыс?

— Думайтін, гашкө, ыж видзысьлөн? — асьыс пай юалис ныв.

— Позьө и сідзи чайтны, казашка либө узбечка... Быдлаысь тай татчө локтөны өні йөзыс, — шуис Виктор, көть пыр жө гөгөрвоис, мый изьваса диалект вылын сы водзын сёрнитысь инькаыс тундраса, чомйын чужлөма. Зэв на томиник, муртса кө на кык дассө тыртөма. Но пастук нарешнө төдтөм улө лэдзчис, медым здукөн не лаймөдны панөм сёрнисө.

— Төбөк да малича вурысь ме вөлі. Өні тан бур йөз костас тай бергала-а, — петкөдліс ныв синнас кык радөн сулалысь балокъяс вылө, кодъяс сьөкыд додьяс моз вөлі лемасьөмаөсь муас кыз керйысь лөсөм сювьяснаныс. Бурөвичка өні ме.

А сәсся кокныдик сёрни гылыда нин кывтіс бөрйөм визь-

өдыс. Светаён нылыс шусис. Виктор быдсён ыркмунліс, кыліс нимсө да. Збыльысь, сылы татшөм нимыс стөч лөсяліс — югыд да, сөстөминик ачыс зэв, чумйын эськөн шуисны сы йылысь, югыд лун кодь пө тайө ичмоньыс, быттё верөссө кө тундрасаөс коркө бөрийс. Еджыд чужөма да синъясыс абу векньыдөсь, тундрасалөн моз тувсовъя дзирдсьыс абу яндысьысьөсь, көть эськөн юрсиыс кодь жө сьөдіникөсь и щөка лысө абу тшөтшөдөма, сэтчө жө веськыд ныра. Та вөсна кажитчө чужөмыс кузьмөсөн. Виктор эськөн некор эз чайт сійөс ненкаён, эз кө асьсө өнтай вузав изьватаса кыв-ворнас. Век жө сюсьджыка кө видзөдлан, казялан и, кызди асьныс шуоны, яран пөрөдасө, векньыдик синкымъясыс лыбыштөмаөсь плешланьыс да сералігас син потасъясыс ёнджыка нюжалөны. Буракө, лөсасыс комилөн и ненечлөн өтувъя. Кызди бөрынджык Виктор төдмаліс, Светалөн мамыс вөлөма коми нывбабаён.

Света во сайын помалөма дас класс. Архангельскө ветлөма. Медицинскөй институтө торкөдчөма, но өти «двойка» потшөма туйсө. Шуөма аслыс бурджыка дасьтысьны локтан во кежлө да ставсө нин «триөдз» кыскыны. Дерт, кивыджык вөлі мам-бать дорас учебникъяссө йирны, но ыджыд институтлысь паськыд өдзөсьяссө дзуркйөдлөм бөрын яндысьыштөма нин өдзөстөм чумъяс юрсө суйны. И со, геологъяс ордын, балокъяс пелькөдө. Каневлы, дерт, парскис нывлөн чужан позсө кедзөвтөмыс, но эз вомав — быдөнлөн аслас олөм да ещө өти, сідзкөн, ачыс и медвойдөр главнөй начальнигыс, кутшөм наряд кырымалөма том дырйиыс, сійөс и муркөдас-песас нэм чөжыс.

— Абу өмөй окота лэчыд дадювнас гылыд эрдъяс вывтгыс шывкъявнысө? — бара юаліс Виктор, кодыр сёрниыс лаймыны кутіс.

— А дадь боксыд он тойышт, кор ылын лоам? — вильыша юаліс Светлана.

— Но! Татшөм мичасө, эг на өд дикмы, — виччысьтөг артмис Викторлөн, ыпнитіс быдсөн аслас бандзибыс, челяд руөн чайтсис тадзикөн шуасьөмыс.

Светлана гылыда серөктіс да мөдіс малавны пелейяслысь йөг кодь дженъыдик гөна сюръяссө.

— Вундалөмыд тай нин йывъяссө, а меным сэтшөм окота мора сөйны.

— Стадаас тай, майбыр, сюра көрыс көть мыйта. Кутін да и вундав сюръяссө, вот и мора лоө.

— Ылын?

— Да, со! — Виктор индіс енежтасас, сәні ыліас гут кодь ичөтик чутъяс вөрисны.

— Матын тай. Ме юала төтя Зоялысь, — Светлана тарк-

нитіс матысса балок ошиньö. Петіс клеёнка партука арлыда нин кыз нывбаба.

— Зоя Васильевна, — шысис сы дінö Светлана. — Ме морала муна.

— Мореас пыран, пöдан вöд, — гөгөрвотöма дзоръяліс ныв вылö пöвариха, — йöй руыд öмöй кватитіс?

— Мора — сійö көр сюр, кор небыд на, гөч кодь, — кинас öвтчөмөн тölкуйтіс пöварихалы Светлана. — Сійöс жаритыштөмөн сөйöны, зэв чөскыд. Но... кызди тэн висьтавыны, калбас кодь жö, сөмын шом көрыс да сов көрыс абу, сөмын чөскыд көрыс сылөн, сэсса некутшөм сорөсьяс абуөсь.

— А-а, — нюжөдіс Зоя Васильевна, — тэныд калбас ковзис, мед сідзи и шуин эськө.

— Мораыс, тётя Зоя, зэв пöлезной быдөнлы, гормонъяс сетö, нэмтö нюжөдö.

— Мый, мый?

— Кык нэм кутан овны.

Шөйөвошөм пöвариха кыйкнитліс Викторлань. Көр видзысь мудера нюмъяліс. «Кимөститчөны», — скөрысь думштіс томъяс йылысь Зоя Васильевна, здукөн вежсис чужөм вылас.

— Дзик збыль, тётя Зоя, — кевмысис ныв. — Ме журналысь сы йылысь лыддьывлі, лунвыв гөраяс дорын специальной совхоз эм, маралъясөс видзөны — найö öд көр пөрөдаысь жö. Налөн мораысь лекарство вөчөны — пантокрин.

— Мыйся нө лекарство?

— Томмөдö мортсö и бурдөдö.

— Кутшөм висьөмъяс?

— Мустö лечитö, вөркьястö, кынөмтö...

— Но-но, — тэрмөдліс пöвариха. — Сьөлөмтö лечитö оз?

— Буракö, лөсялө жö сылы...

— Буракö-буракö, — жугыла видзөдліс ныв вылö Зоя Васильевна. — Тадзикөн, ныланöй, кутан кө төдны, мөд во бара он веськав институтад.

— Бурдөдö, Зоя Васильевна! — кыпыда горөдіс Светлана, быттö вошөмтор сюрис. — Помниті, бурдөдö сійö сьөлөмтö!

— Но сідзкө, ветлы, меным вайышт, — небзис пöвариха.

— Тётя Зоя, вайлы сумкатö.

— Сумка тэныд вирөсьтны сета, кызди ог. Киад вай. Ой! — горөдіс пöвариха да уськөдчис балок пытшкө.

— Сьөлөмыс лыйис? — юалис Виктор.

— Пөртыйис, көнкө, пузис, — шпыньмуніс Светлана. — Мам пыдди сійö меным, век бур вылö велөдö.

Стада дорö воөм мысти Виктор кутіс некымын варгөсджык быкөс. Варгөсьясөн пастукъяс нимтөны пелейясөс, кодъяс озджык сетчыны морт ки улö, мөд ногөн кө, сюсялөны, медым гежөдджыка веськавлыны лямка улас. Сэтшөмъясыс

и доддьялігас нойтчоны, отарни виччысь, медым ёсь сюрнас эз перйыны синъясто. Мыйла сэтшомъясыслы сюрис? Бурджык наысь мездьсыны гожомнас, кор найо небыдось, гонаоьс на. Арнас чорыд лысо ок съоқыд лоо пилитнысо.

Июнь пом. Календарь серти ко — гожом, но тундраын тулыс на. Посныдик веж корьясон серассьома керч — водом жебиник кызьяс, кажитчо мусыс торьялома сылон сомын чаллыс, ачыс жо дзедьсома. Шондя моросьясо пискодчис быд сикас небыд туруныс. Корьяслон чорыд парьяслы лючки нин суро октысьнысо. Ном да геб абуось на. Татшом туан-совман пороас медся сока мораыс — корлон вына турун моз ыткобтысь-быдмысь сюрис. Матисяныс мораыс мичаа лознитышто, быттьо оти ыджыд вир сон.

Виктор пелька лэчыд пуртон тшотшодалис сурьяссо, рана вылас пуктышталис йодон котодом вататорьяс, а кытысь енджыка содзтысис вирыс, весиг корталис шортон. Доймисо корьяслон сюрис? Бурако, эз енасо. Найо веськодя видзодисны пастуклон «удж» выло, а лэдзом мысти пыр жо нырбукнаныс самасьлисны муо да заводитисны водзо някавны тундра-мамныслысь сеянсо.

Светлана сэк кості пыравлис матысса раско да вайис кос росьяс. Ломзёдисны бипур да лодисны сэтчо мораяссо. Моравыд эсько и яя сеян, но мортыдлы сыысь ыджыд потос оз чукты, коть мыйта оз чосмась, век быттьо коло на.

Ныла-зонма ныр водзысо бипур дорын шонтисны, а мышнысо пожис шонди! Но ена жарыс эз ликмы отисыс ни модьсыс, жебиник биторсо подтисны ота-мод вылас тэчом мораяс, а енежсаыс уйис улити да сомын резис югорьяссо.

Со и вылісяныс сотчыштөм руд коркаасисны мораясыс. Виктор лэптіс отиос, нель пельо кузьмос огуречос моз чашкодис пуртнас, эз дзик помодзыс, ичотика нылыштіс киас кутөм могысь, солыштіс да мыччис нывлы. Сийо огуреч моз и варскөдис пель моз летьялысь гоча шоромьяссо. Виктор тэрыба сидзи жо вочыштіс и аслыс, ертыс выло видзөдигон заводитіс петны дуллыс. Сейисны чола. «Гашко, тайо и эм тундраын быдтом огуречыс да помидорыс», — думайтіс Виктор. Лунвывса быдтасьяссо, кодьясөс зэв пыдди пуктоны сэтчос войтырыс, армияын служитигон первойя кадас Канев эз вермы сейнысо, вукөдис, борнас велалис жо да ковны на кутіс. И век жо Виктор эськөн они нинөм бурыйсь эз откодяв лунвывса козиньяссо со тайо тундраса чосмасянторйыскөд: мораыс свежой яй кора и быттьо тшотш медся чоскыд турун дукьяс йиджтома сы пио. Гашко, ыджыд да мича му вылас эмось ена шензёданаджыкторьяс, но кор видзысьлы нимкодь, мый и сылон йиа чужаніныс эз пайтог коль. Мыйон но омоль сылон тундраыс! Йозос вердысь, комодысь и пасьтодысь, весиг бурдодысь!..

Со би вылын сылөн медбөръя банйом мораяс. Светлана еджыд тугъя нитш бердө чышкалө саоссьом кисө, көр кок туйө сөдзтысьом ваон мыськө чужомсө.

— Витя, мыля тэ нинөм ас йывсьыд он висьтась, — шыасьө ныв. — Куш менө юасян, карса жөникъясыс дзик мөд кодьөс, наперво ас йывсьыныс, сэсся тэнсьыд юаласны бара.

— Нянь-солөн моз водзөсасьоны?..

— Аха, — серөктис Светлана.

— Тэ, Света, унаөс нин... найөс төдан?

— Ог на, — быттьө жалитантор йылысь шуис ныв. Виктор быдсөн чөв усьлис, но эз ёна пыдди пукты челядь руа кодь ёртыслысь сёрнисө, лабутнөя юөртис мыйлакө аслас баты йылысь.

— Ой, — Светлана шлапкис кияссө бокас, — код нө Вань дядьөс тундраын оз төд, да быд понмыс сылөн морөс вылас чеччыштас!.. Менам дедлөн медбур другыс. Отарни кылан и кылан сылысь чушкөмсө: «Вань вок волас», «Вань вок дорө ветла».

— Кызди нө дедтө шуоны?

— Ярө Микул.

— Но! — серөктис өни Виктор. — Яр Микулөс нө коді оз төд, зэв шмонитысь!

— А помнитан, кудз нья отпыр гөститөдчөмаөсь? — чиктыломөн да отилаысь мөдлаө чеччалөмөн кык друглөн во-лысьөмгъяс көсийө мойдны Светлана.

Виктор видзөдліс нывлөн ыпгялысь лөсьыдіник чужөмө, нимкодясис и тшөтш сералис. Светлана кыв-мөд мысти семдылас да чышкыштас килутшнас шуда синвасө, сэсся водзө өддзө и өддзө, помся гизгьө, быттьө кодкө гусьон гильөдө. Виктор эськөн немтор эз и гөгөрво нывлөн висьталөмысь, эз кө ачыс төд сійө историясө. Виктор син водзын өни сулалисны еджыд да сьод старик — батыс да ненец Яр Микул, кодьяс кыкнанныс зэв радейтлісны том дырйиныс шмонитан ёсь кыв. Сыысь, мый сэтшөм сьөлөмсянь да любөпырысь гизис-сералис Светлана, Викторлы сійө ылө кольөм серпасыс өни кажитчис торъя нин тешкодьон. И Канев тшөтш заводитис быглясьөмөн серавны.

Уна дас во сайын нин, кор Викторлөн батыс абу новлөд-лөма на «дядь» да «старик» нимгьяссө, кызкө лөсъявлөмаөсь да нэмыс кежлө ёртасьлөмаөсь изьваса көр видзысь Ивангьян Вань да Большеземельскөй тундраса ненец Яр Микул. Найө и тундратыс ветлігөн тшөкыда бөрийлісны өти ордым. Шуам, Яр Микуллөн стадаыс гожйыліс дзик йиа саридз дорын. Дерт, сәні сөяныс жебджык, но ыркыджык, оз дөзмөдны көрьясөс гебгьяс ни лөдзгьяс. Ивангьян Вань тувчаліс сылы бөж вылас. Шуам, жар дырйиыс кө стадасыс кодкө торйөдчас да

ыркыд морелань уськөдчас (а мөдлао сийо кадас көрыд оз мун), быть нин Яр Микуллы стадаас веськалас. А сы ордысь корсьны оз ков, Микуллөн сюсь синъясыс пыр и казьяласны йоз көртө. А веськыдлунсө ненецлы некодлысь жө водзөсавны оз ков, ачыс волас да юөртас: «Вань вок, теляя важенка ме ордө тэнад сюрөма, волы да нуөд». «Вань вок» медыджыд гөстыс Микул чумйын. Оз на удит Иванъян Вань лючки пестыны кузь трубкасө, а «Микул вок» кутөма аслас стадаысь медгоса телясө да айбарч нин вөчөма. Небыд да чөскыд куим-нөл төлысья көрпийдлөн яйыс. Медся радейтана «блюдоыс» көр видзысьяслөн — свежөй айбарч. Торъя дозийө Микул өна солалөма вирсө, быттьө крепыд рөсол вөчөма. Сэсся тушасьыс, кытї кажитчөджык тэныд, вундышт лэчыд пуртөн да көтөдышт сола вирас, өтчыд видлан, мөдысь да коймөдысь. Сэсся айбарч дінсьыс тэно пельөдыд оз вермыны некод кыскыны.

Иванъян Вань көть оз өна пыдди пукты уль сөянсө, но сөрни костыс өти боксьыс ордлысө (килограмм кымын яйыс лоө жө) кокниа няклялас. Көзяин өтитор асьыс дольө: «Вань вок, дыша сөян». Ачыс туша джынсө дзимбыртас, малыштас кынөмсө да ышловзяс, тэнад вылө видзөдигөн пө меным оз жө пыр, пинь помнам и видлыштї со. Сэсся чумйө пырасны да ыджыд чайник сук чай кисьтасны пытшканьыс. Водза серти пө өна лөсьыдджык лои, бара малыштас кынөмсө көзяин, өнї пө сэсся лун-мөдсө позьө устөитны.

Төвнас артмө мөдарө, сук пармаын төвийө стадаыс Иванъян Ваньлөн, вөр дорын, позьө шуны, тундраын — Яр Микуллөн. Чизыр турөбъяс дырйи көръяс корсьөны бурджык сайөд. Яр Микуллөн кө ордчас стада рөчыс, быть нин төдса ордымөдыс гөститны Иванъян Вань стадаө воасны. Микуллы повны дзик нинөмысь, коми ёртыс оз вошты, оз дзеб сылысь көръяссө.

Төвса кадө тшөкыдджыка петкөдчывлө Иванъян Вань чумйын Яр Микул. Чумса көзяин гөститөдчынысө лют жө. Яйсө ыджыд пөртйын пуас, ыджыд тасьтыын мөс вый сывдас. «Микул вок» өна радейтө мөс выйсө. Пуксясны пызан сайө да көзяин яйсө вый пиө чуткалө, чөскыда тяпөдчө. Микул паньон вөдитчө, тэ ногыдтө пө, «Вань вок», чөскыд көрсө ог кыв.

Өтчыд тадзи гөститөдчигас лоас зэв виччысьтөмтор, кодысь Иванъян Вань кынөм висьмытөдз шөгө усьлис. Викторлөн батыс лэччылас сиктө да велөдасны сәни сийөс яйсө сөйны горчицаон, а не сывдөм мөс выйөн көтөдны. Кор пуксясны чумйын пызан сайө, сәки и ошйыяс: «Со, Микул вок, ме сиктсьыд вайи мөд сикас вый». Эз на удит кызди колө инструктируйтны өртсө Иванъян Вань, кызди тай Яр Микул

лөсыштас горчицасо ыджыд пань тыр да и... дзыкөдз джөмдас. Лолыс некыдзи оз сюр мортыдлы, видзөдө Иван другыс вылө, а сийө кыв ни джын оз шу, синваыс сомын тюрө. Ёртыс шай-паймунөма жө, бледөдөма быдсөн, со кызди артмис непутьөвөя, некутшөм лёк дум эз кут, а капканө муса другсө йөткыштіс. Бур здук тшөкъяліс да несъяліс Микул, сәсся коркө нин кывйыс шедіс:

— Кутшөм вый тае, Вань вок?

— Лешакыслөн выйыс тайө,— скөрысь шуис Вань да көсйис койыштны горчицасө ломтысьысь көрт пачө, но жалыс петіс, сьөм мынтөма.

— Оз позь татшөм сөянсө панявны, Микул вок, сомын чутөдны колө.

— Лёк зверыдлөн и выйыс некытчө туйтөм,— выльысь пызан сайө пуксигөн шуис Яр Микул.— Меным мөс выйысь өтдор, Вань вок, сәсся некутшөм зверлысь выйсө эн пукты ныр улам, меным велалөмвывсьыд сөрно паньыштяс.

Отчыд Иванъян Вань шуис ёртыслы, лэччылам пө сиктө ми тэкөд пывсьыны. Зумыштчис Яр Микул, юрсө өшөдөмөн гудйысьө табак көшеляс, думайтө ачыс, өні пө ог нин сорсьы, капканө шедлөм зверыд өна варгөсмө. Тэ пө, Вань вок, водзвыв меным төлкуйт, кутшөм вый сийө да позьө оз панявны. Шонтысьөм да мысьөм пө сийө, вежөртөдіс Ваньө, зэв буртор, лысьөмтө небзьөдө, ме пө быд субөтаө сы вөсна сиктө вола. Видлам пө, Вань вок, видлам, кайтө Яр Микул, панявлам да вөлисти ошйысям бур йөзыслы.

Лэччисны кык друг сиктө. Көзяинлөн, рыжөй коми дядьөлөн, пывсян дась руалө. Первой пө пывсьыштам, а сы бөрын стопкаөн балуйтчам, велөдө көзяиныс. Яр Микул кыліс стопка йывсьыд да бара падъявны кутіс, мыйла пө водзвылас оз позь даръясьнысө. Сэтшөм пө закон, вочавидзөны сылы. Лёк закон тай эськөн пө да нем он кер, законыд сийө чорыд гез пө, майшасьө Яр Микул.

Пөрччысисны пывсян колаө, көзяиныд тшөктө кык друглы нюжөдчыны пөлки вылас. Зэлөдчисны вокъяс, еджыд яйныс рысь моз дөввидзө сьөд пывсян пытшкас. Ок, шоныд пө, шуө Яр Микул, сомын пө чорыд куйлынысө, көсйысьө мөдысь көзяинлы көр воль козьнавны, медым водзө сәсся эз нин дойдав асьыс кос лыяссө. Көзяин нюмъялө, но оз веськөд Микулөс, асланьыс зэв жө мудер, чайтө, сгөдитчас овмөсад көр вольыс.

Пөсявны заводитісны көр видзысьяс. Лысва войтъяс чеччалөны кучик выланыс. Яр Микул юалө, кысянь пө татшөма жарыс ыльгө. Ваньө другыс гор вылас индө, со пө кысянь. Микул тшөктө көзяиныслы көдзөдыштны горсө.

— Ог гөгөрво,— шуө көзяин.

— Васо, кӧдзыд васо койышт изъяс вылас!

— Ӧні гӧгӧрвои, — ас ногыс вежӧртіс кӧзяин, пельсаӧ дзумгис кос корӧсьяс, чайтіс, корӧсясьны тэрмасьӧ сійӧ.

— Ӧддьӧджык! — тэрмӧдлӧ Яр Микул.

— Тэрмасьны колӧ коръяс дінад, — лабутнӧя вочавидзӧ кӧзяин. — А миянлы, керка пельӧс сісьтысьяслы, сӧмын тӧрӧканъяскӧд тышкасигӧн оз ков нюжмасьнысӧ. На! — ыджыда койыштӧ гор вылӧ. Клопнитӧны доналӧм изъяс.

— Охо! — шензьӧ Иванъян Вань.

— Ещӧ! — горзӧ Микул. — Ещӧ!

Кӧзяин коялӧ гор вылӧ да ас пытшкас шензьӧ, но и кучик тайӧ кӧр видзысьыслӧн, некутшӧм жар оз мӧрччы, час, думайтӧ, корӧсьыс лысьӧмтӧ небзьӧдас да сьӧлӧмтӧ бурмӧдас. Иванъян Вань ӧдва терпитӧ жарсӧ, но оз шыась, оз кӧсйы лоны лябӧн ёртыс водзын. «Микулыд, другӧ, ёнджык пывсьынысӧ», — думайтӧ ачыс.

— Ещӧ! Ещӧ! — помся горзӧ Яр Микул.

— Тырмылас, — медбӧрын лэччысьӧ кӧзяин, — корӧсясьыштам сэсса.

Сійӧ неумынысь швачнитӧ мыш кузяыс Микуллы, талысь пӧ корсӧ видлы.

— Ой, палитчи! Тшынася! — горӧдіс Яр Микул да уськӧдчис ыркыд пывсян колаӧ. Кӧзяиныс ӧні сӧмын вежӧртіс, мыйын делӧыс, гораа серӧктіс. Иванъян Вань матькигтыр петіс жӧ другыс дорӧ.

— Тае, навернӧ, Вань вок, пӧрйӧдліс миянӧс эсійӧ тӧрӧкан кодъ гӧрд мужикыс, — сьӧкыда упкис Микул, юрнас докнитіс пывсян пытшкын гораа швачӧдчысь кӧзяин вылӧ. — Ачыс, буракӧ, ӧзйис жӧ... Кусӧдны оз ков?

— Оз, — нора шуис ёртыс.

— Кылан, дзик би... Ва пыдди, буракӧ, кояліс этійӧ, помнитан, но, лешак выйсӧ? Кудз думайтан, Вань вок, сійӧс?

— Эз...

Кузь кадӧн и Яр Микул мӧдіс радейтны би кодъ пӧсь пывсянсӧ да ачыс тшӧкыда серавліс первойя корӧсясьӧм вылас...

Дыр ваксисны да быгласисны шыльыд веретявывса еджыд нитш пиын гилялысь лысьӧма ныла-зонма. Налысь дурӧмсӧ видзӧдісны рӧмидзтысь коръяс да вашъялысь ыркыд шонді. Кывзис лӧнь тундраыс. Матысса коръяс корскюрӧ чошнитлісны пельнысӧ, вугралысь гудыр синъясаныс здук кежлӧ ыпнитліс битор, быттӧ мыйкӧ чуйдантор найӧ казьявлісны ас дінсьыныс. Пемӧсьяслы мортлӧн ворсӧмыс вӧлі гӧгӧрвотӧм, коръяс мутшкисны небыд турун, чӧжисны вын-эбӧс, налӧн дуран пӧраӧдзыс — арӧдзыс — ок ёнӧн колӧ лоны.

Кодыр Виктор матыстчис кусысь бипур дорӧ да содтыштіс

росъяссө, казяліс паныда пукалысь Светлана лөн мичаник чужом вылысь букуштчодысь кымөр чиръяс.

— Микул дедө од кольом во куліс,— юөртис ныв.— Абу лөсьыд поконикуяс вылад серавны, да? Тэ пондайд...

— Ми од тай ог лёкысь казътылө. Мичаа олөма дедыд, Света. Пияныслы да внукъясылы паметяс колис. Кулом бөрас на со олө. Ми, гашкө, сы ногсө ог и сяммө. Кымын арөн куліс?

— Көкъямысдас тыртөм бөрас. А мыля ми ог вермө менам дед мозсө? Сэтшөм прөстөя олис да.

— Ог төд, прөстөя-ө. Ыджыд кыв кутис ёртъяс водзас. Тайө главнөйыс.

— Но мыля?

— Сійөн, буракө, мый крепыда вөлі вужъясьөма аслас тундраө.

Яра ыпнитисны кос росъяс, гөгөр лоис воддза серти гажаджык да кыпыдджык. Дедсө ошкөмысь либө мыйыськө мөдторйысь воддза моз нимкодълунөн пөртмасисны-ворсисны Светлана лөн вильыш сьод синъясыс:

— Витя, куль маличатө, палитан.

— Менам татшөм добраыс,— Виктор летыштіс няр малича пөласө,— тэнад платтө мында жө.

— Кыськө,— Светлана сибөдчис мышсяныыс да тэрыба кыскыштис юр пырыс сылысь маличасө, өвтыштіс би весьті.— Сота!

— Эн!— горөдіс Виктор да чеччис места вывсьыс.

— Колө кө, вөтөд! А то тыас шыбита...— няр маличаөн шпорөдчигтыр котөртис Светлана.

Ставыс виччысьтөг да пелька артмис нывкалөн, весиг Виктор вомсө эз удит восьтыны, медым такөдны торъя дурөмсьыс, шуам, збыль кө Светланаыслы сэтшөм нин зывөктана сылөн кышаныс да мөвпалө изведитны сійөс, то тавой, пөжалуй, Виктор сытөг помөдзыс гегдас. Но Виктор эз водзась, сөмын тешкодя нюмъяліс. А кодыр гөгөрвоис, мый абу маличаыс мыжа, сьөлөмыс топавліс, ясыда кыліс, кызди зэлмуніс сійө шуйга бокас. Код юра моз зон кыпөдчис местасыс, первойя здукас весиг эз кывзысьны кокъясыс. А Светлана пелькиника тіркъяліс-котөртис пружина кодь нитш вывті, гонняліс тшапитчысь сырича моз.

Сійө вөлі ылынокдь нин, но Виктор суөдіс. Сэсса войбыд шөйтисны өти шор бокті, йиа ваөн мыссисны, медым ыркөдыштны ыпъялысь сьөлөмнысө...

Канев джуджыда апыштіс ас пытшкас төвса көдзыд сынөдсө. Весиг өні, нель во кольом бөрын, эз вермы лөня казътивны сійө ышловзьөм кодь дженъыдик тувсовъя өти вежонсө. Сы кузьта и вөліны аддзысьлөмъясыс. Став мелі-

лунсö, кодi öкмöма кузь кад чöжөн зонлөн майшасьысь лов вылын, медбөръя войтöдз козьналіс Светланаы. Сійö сирöд шогыс, кодi сөникасьлöма вир-яяс, шоныд зэр улын моз небзис, рудзалис. Öнi на, турдöм лым пиын туплясигөн, кылö нывлысь сійö пöсь лов шысö.

Асывнас Светлана век тэрмасьліс бурöвöй вылö. Öтчид зон паныд сувтіс. Мыйла быть бурöвöй вылö, а не Каневъяс чумö, мöдiс сэки тöлкуйтны пастук невестаыслы. Чум тшыннас пö ме важөн пöтлі, пыксис Светлана. «Эк, Витёк, корин кө эськö мöдлаö...» А мöдлаас, кытөн Светлана ногөн ёна гажаджык, Канев эз ышты корны. Сöмын мурч курччис льöбсö. Кодi нö сійö көръястөгыс? Гар йирысь байдөг, кодöс лым чирйöс моз нöбöдö тöv, кодарö пöльтö, сэтчö и лэбö. Кытысь сюрас сылы татшöминыс? Кыдзи тайöс гөгөрвоöдан Светланаы? Мöдарсянь кө, мыйла сылы колö тöv йылын чеччалысьыс? Быть öмöй сэсся сэтшöма кедзovтны бать-мам мусö сöмын сы вöсна, мый тшына чумйын курзьыліс синмыс?

Светлана казяліс, буракö, сылысь нормöмсö, небзьыштiс сьöлöмнас, зэв пö тай тэрыб, гашкö и, вежа на думöс, эн пö пырзьöд бурöвöй вылас туйсö. Виктор көсьысис южмöдны сэтчö туйсö, но сöмын сы ног тай эз артмы...

Пуксис гожöм. Медым ном-лöддзыс эз суöд татчöс лайкöс улис местаясас, ковмис лун и вой кыссыны-уйны ыджыд көр стадаөн йиа саридзлань.

Сöмын сёр арнас, лым вывті нин, Канев веськаліс бөр сійö бурöвöй вылас. Светлана дадюлалы паныд эз уськöдчы. Дыр видзöдiс Виктор вылö пöрысь нывбаба Зоя Васильевна, сьöкыдпырысь тöдмалис. Гöснечыд пö зэв ёна кажитчис, вайыштiн эн пö. Виктор вочавидзис, мый мораыс овлö сöмын тулыснас. Любöй пиö пö, син доръяссö чышкаліс Светланалөн «тьöтыс», эг пö вермы кутны сійöс, лэбзис шоныд муясö. Мыйла нö пö тэ, зонмö, лэдзин сэтшöм мича гулюсö? Викторлөн юалöм вылö «Кöнi адресыс?» нывбаба öвтыштліс кинас: кутшöм пö адрес, югыд светас вийыштiс-лэбзис, вертолёт вылö пуксис.

Бöрынджык Зоя Васильевна висьталис, мый Светлана ёна виччысьöма сійöс, шогсьöма. А мян пö молодечьясыд öдйö казялöны ныв шогтö да сяммöны сійöс öтвылысь юкны. Öти молодеч пö смилитiс, нуис, эз висьтась кытчö.

Кык во мысти Светлана Лаптандер бөр югдiс тундраын. Викторкöд аддзысисны Харуты посёлокын, магазинын. Канев аслас бригадалы ньöбис сёян-юан. Важ тöдсаяс моз эз уськöдчыны öта-мöдныслы паныд. Чаг моз кельдöдiс Светлана, кор вöйтчыліс Викторлы синъясö, лыддис, буракö, сылөн видзöдласысь коркöя юалöмсö, мый вылö сэки, югыд тувсовъя войнас, эз ышты ачыс стöча вочавидзны. Кутшöм вын нö тшöктiс Светланаыслы кельдöдны, а сэсся мöдарö бергöд-

ны чужомсö? Светлана воома посёлокö кагаон. Гашкö, таысь бергöдö чужомсö?..

И со, Светлана дорö выльысь войöдлывлö Виктор. Медводдзаон вомалис таысь Анна. Сійö öнi агитбригадаон веськöдлис, концертъяс чумъяс дорын вöчавлисны, вертолётон лэбалисны. Кызди нö пö тэ, Виктор, медся бур бригадир, кутшöмкö эновтöм бабакöд ноксян?.. Кöсьян пö, зэв авъя нывкöд тöдмöда, аслам пöдругакöд.

Анна кокныдика сойбордас инмöдчыштöма Каневлы, кызди тай кутлöны инвалидöс, жалпырысь. Виктор нешпыштчö сы бердысь.

— Ме ог вермы тэ моз!— лёкысь горзис Виктор.— Тэ ставсö гөгөрвоан. Зэв бура гөгөрвоан менö. Тэ эн на вермы вунöдны сійöс...— Виктор первойысь ыштіс скöравны Анна вылö, кодöс сэтшöма радейтліс, век пыдди пуктыліс, кызди медбур ёртöс. Виль банон воссис ставыс, мый лои вит во сайын, öти дженъяд гожöмö, Викторлөн да карса томиник культработничалөн. Öнi, чайтсьö, Виктор кö вöлі сэки Анна пыдди, эз эськö вермы вöчны сы мозсö. Зэв чорыд сёлöма, вөлөм, сылөн радейтана нылыс. Öд Виктор кулöмысь сійöс мездіс, тундралөн йиа гыркысь нетшыштіс. Öтка вошöм мортöс тундра шöрысь аддзис, быттö югыдысь бергöдіс. А Анна эз сяммы шуны сійöс радейтысь зонлы, Викторлы, ньöти мелі кыв. «Ме верöс сайын, Виктор»,— шуис сійö, кор зон воис төвнас Сыктывкарö экзаменъяс техникумö сдайтавны.

## 5

Асъя югыд тöдчигас Виктор эновтіс узянінсö, петіс туйö. Бурөвйöлы паныдөн (кытчö эз пыр төрыт көр видзысь) лöзалис джуджыдкодь мускор.

Сійö веськöдіс көръяссö мылькъяслань, медым видлыны, мыйся сэнi йирсянінъяс. Шойччөм дадюлыс лэбöдыштіс мускор вылөдз. Кызди и чайтіс Виктор, мылькъясыс абу лаптаыс моз йизьом му эжöсаöсь. Но мыльк подулыс, көні унджык веж турун вужйыс да нитшкыс тугъяджык, йиа жö. Ёнасö тані он жö вердчы.

Виктор öти мыльк вылын бара на йирсьöдыштіс дадюв көръяссö. Тырвийö нин югдіс, весиг шонді мыччысис. Регыд Канев казяліс, сылы паныд, йирсигмоз, ньöжйö быгыльтчис көр стада. «Сідзикөн, матын и чом эм, позьö кежавны пöсь чай юны»,— вежöртіс Виктор. Көръясысь неуна бокланьті, медым не чуйдны найöс, сійö веськöдчис стада помланьыс. Öти мыльк вылысь син улас сюри домалөм öтка дадюв. Дерт, көнкö, стадаса пастукыс, но ачыс некөн эз тыдав. Кор матыстчис сы дорö, лоис ставыс гөгөрвоана, пастук дадь

вылас шкоргөмөн узис. Сійö вöлі код, весиг Виктор эз вермы садьмөдны сійöс. Викторлы öнi эз нин вöв окота мунны матысса чомъяс, татшöм «голикъясыд», кыдзи найöс серавлісны Каневъяс чомйын, некор оз путьмыны туй выв морттö чайöн шонтыны, песныс вайтöм да оланіныс кодзыд. Виктор тöдіс узысьсöс, «Дружба» совхозысь пастук, том морт на. Канев перйис узысьслөн юр улысь джынъялöм «Экстра», кисьтіс стöканö водкасö да юис. Сійö асывнас чöсмасис кын яйöн да гурчкис сукар торъяс. Көдзыд сёянсьыс йирмөг босьтіс, сы вöсна öнi водкаыс зэв ас местаас. «Аттö гөститөдөмсьыд, Лөптөр!» Татшöм прözвищөыс вöлі дадь вылын шкоргысьлөн. Ай-мамлөн сетöм нимыс эськөн Терентий, дженъыда кө Тер. Но сійö нимыс сөмын паспортас кольöма. Аслас сиктын Тер некутшöм удж бердö лючки эз көртась, быдтор курас-карас вöчышталіс. Дöзмисны да ытісны тундраö, ичöt коллективас пö сылы яндзим лоö сайöдчынысö, бытнин мыйкö отсыштас. Сорсисны ыстысьясыс: Терлөн «отсасьöмысь» некодлы кокнилуныс эз ликмы. Но пон моз сапкысис тундраö: ас ногыс «мусмис» сылы сійö. Медвойдөр сійөн, мый көр видзысьяс оз лыддысьны нянь-солөн, пызан саяс оз удзöдны курыдторнас, кор овлö сійö. А вот асьыс најötкасö Тер (мый чуктыліс) пызйыліс торйөн. Ёсь кыла дядьöяс шуисны сійöс Лөпторйөн. Овлö тай, чеччыштас синмад кутшöмкö ёгтор, сөсся некыдзи сыысь он вермы мездысьны.

Виктор кутіс киас дозсö да падъяліс, эз тöд, кытчö инавыны: юны сійöс либö кольны узысь пастуклы. Öд садьмас сійö, содтас и рытөдз шкоргас, дзикөдз вунөдас көръяссö. Сьорсьыс Виктор эз жö вермы босьтны — сэтшöм модаыс көр видзысьяслөн абу, медем йöзлысь мыйкö питшөгавны. Кисьтны кыис эз жö лыб — йöзлөн удж пунктöма сы вылö, абу сійöс минеральной сов моз мусö вынсьöдөм вылö вöчöма.

Мукөддырйиыс юысь верöс выланыс дöзмөм нывбабаяс быд ногыс видчöны, мыйла пö и вöчöны зараза-водкасö. Быттö сійö кө эз вöв, и ставыс ладмис му вылас. Öд мортыс эз жö сійöс лөк вылö думышт — медем кынмөм бöрын шонтысьны либö гөстьöс гажөдны, нимкодълун сылы козьнавны. Канев лыддывліс книгаысысь да газетъясысысь, кодыр öткымын сюсь авторъяс көсйöны петкөдлыны геройнысö вина юысьясöс зывөктысьөн. Татшöм геройыс век мырддьö дозсö вина юысьлысь да пазөдö кок улас либö кисьтö форточка пыр. Со пö кодi геройыс! А гөгөрбок кө артыштны, абу-ö юысьясыскөд татшöм ногөн венласьысьыс пикö воөм нывбабаыс кодъ? Тышкасьны кө нин, то не дозйыскөд, а сійö ловъя лолыскөд, кодi век тшыг курыд зеллясьыс. Мыйла нö сэтшöм «тшыглуныс» öтияслөн пыр водзö öддзö, а мөдъяслөн — оз? Öти кывйөн он вочавидз, кымын «голик»,

сы мында и воча кыв. Быдёнлөн аслас помка, торъя «висьём». Кымын тшөкыджыка Канев паныдасьліс Лөптор коддёмъяскөд, сымын тырвуйёдзык гөгөрволіс со татшөмтор — юан помкаыс «голикъясыдлөн» быдёнлөн торъя, аслас, а вот чужөмбанъясныс отувъясь: наянось, вежавидзтөмось. Чайтан, вушйөма медшөр рөмыс, коді кыскө оти мортос мөд дінө, коді сибөдө кык откодь ловсө.

— На,— Канев бөр суйыштіс джынъялөм «Экстрасө» узысь пастуклы юр улас,— сөт... И пеж кывйыс тэ вылө менам оз сюр...

Канев вешйис аслас дадь дорө, амдөр увсьыс перйис кын яй да мөдіс вөсныдыка лөсавны, но айбарчасьны тайө пөрийө эз нин сюр: матысь кыліс кыкысь дорвыв лыйөм шы. Стада джынйыс чуйдчис, кырийө зурасьлөм гы моз сетчис шөрланьыс, лөня йирсьысь ёртъясыс дінын шызьөм көръяс регыд бара усыпаньвыв пуксисны.

Виктор аддзис, оти көр кольччө ёртъяссьыс, кокъясыс виньджилясьоны, а недыр мысти тішмыльтчис кузь кокъяс вывсьыс боквыв, суніс лөк ногөн.

Мыйкө неладнө керсис тані. Виктор дзебис дадювьяссө мыльк горулө, пөрчис сьод кышөда маличасө, сы пыдди пасьталіс том көр куясысь вурөм выльөн усьөм лым кодь жө пушyd еджыд парка, дадь бөрсьыс перйис бинокльсө, бөр каийс выліас да вутш юр бокө лэдзчысис.

Дыр виччысьны эз ковмы. Регыд усьөм көр дорө матыстчисны кыкөн. Канев син сертиыс лөсьөдіс бинокльсө да лючки өні аддзис найөс. Сьод кучик курткааөсь, лэдзөм пеля кролик шапкааөсь, чужөмъясныс дон гөрдөсь, лыжитөгыд, дерт, абу кокни уявнысө кокчөрийөдз лымйөдыс. Отиыс мынтөдіс мышсьыс нопсө, мөдыс бокланьө пунктіс пицальсө. Со найө веськөдісны мышъяснысө, видзөдлісны Викторлань. Канев лолалөмсьыс весиг дугдіс, сійө «кыйсьысьясыс» — эсійө Колва бокин сулалысь бурөвөй вылысь Косков аслас Мефодь другкөд. Со көні туйясныс падвежасисны. Көр видзысь на бөрся водзө видзөдіс бинокль пыр. Виктор чайтіс, өні найө кутасны кульны лыйөм көрсө, но эз, справитчисны ёна өдийөджык, мыйөн дзыкөдз шемөсмөдісны Каневөс: найө сөмын кералісны көрыслысь кокъяссө да сөвтісны вещьмешөкө. Сэсся веськөдчисны выль прөмысла. Викторлы норасьывлісны өткымын бригадиръяс, өні пө выль пөлөс «зверьяс» чужисны, көрыслысь пө сөмын кокъяссө йирөны, тушаыс дзонь кольө. Канев чайтліс, мудеритөны бригадирьясыд, медым вевттыны асьыныс лишнөй воштөмьяссө. Но, буракө, норасьөмыс абу вөлөма дзык весьшөрө. Кыдзи нө позьө тадзисө, сөмын кыс вөснаыс муө кольны та мында добра! Кыдзи нө татшөмтор вылас ыштө мортыелөн лолыс? Тайө весиг абу гусясьөм, мыйкө зывөктанаджыктор

на. Сэтшөмөсь өмөй нин ми озырөсь, медым шыбласьны дзонь туша яйөн?

Канев веськөдчис дадь дорас, перйис совхозлөн бригада вылө сетөм мелкокалиберной винтовкасө, бур, ылысь судзөдө да стөча инмө, Виктор оз норась тайө «чача» вылас. Сөмын гежөда сийөс бригадир перйылө чехолсьыс, коланлуныс абу, көинъясөс вертолёт вывсянь гындоны. И со өни ковмис босьтны киас...

Канев сувтис көр кысөн кышөм лызьяс вылө — кокниөсь, паськыдөсь, оз вöйны лымъяс небөсь, да содтөд, руч лапаяс кодь шытөмөсь.

Виктор лөсьөдчис найөс паныдавын, но думыштис да шуис матыстчыны мышсяньныс. Водзвылас, кодарө кыссисны кык «окотникыс», бара кылис шковгөм. Канев мыльк сайө гаровтөмөн стөч вылысаныс петис кык друглы. Аддзөм серпасыс бара на шемөсмөдис көр видзысьсөс. Косков кутис коксө, Мефодь ичөтик черөн варкөдис кытчөсюрө, некыдзи эз инмав өти местаө, чорыд лыыс эз сетчы сылы, гөн сора вирөсь яйыс өтарө-мөдарө резсис. Нинөм эз казаявын ни кывны. Пурсисны, быттө тшыг көинъяс. Косков тэрмөдлис ёртсө, киап пө варкөдө, өдйөджык нин орөд, он кө пө инмы стөча, лөсышта пель бокад. Мефодь чөла кералис. Виктор дас вөськов сайын сулалис мышканыс винтовкасө водзлань чургөдөмөн.

— Вста-ть! — нарошнө рочасис Виктор, медым мөрчча-наджык вөли. Мефодьлөн водзлань лэбис черыс, быттө кодкө гыррдза помас тувкис, Косков сідзи и турдис көр кокас кутчысьөмөн, элөдчөма бөрвыв, быттө выныштчөма сийөс не-тшыштны местасыс.

— Вста-ать!

Бок ногөн пукалысь Мефодь кыйкнитлис винтовка вомас да ньөжйөнник кыпөдчис, сы вылө видзөдөмөн сувтис и ёртыс.

— Руки вверх! Не поворачиваться, — выль команда сетис Виктор.

«Окотникъяс» дышпырысь, но лэптисны кияснысө, сөмын та бөрын Виктор пөрччис лызьяссө, кыскыштис винтовка йывнас Косковлысь лым вылын куйлысь двустволкасө, перйис патронъяссө, пасьвартис лөжасө кын вутш бердө, вуззис кыр горулө, бокланьө шеныштис и Мефодьлысь черторсө. Виктор ставсө тайөс вөчис сэтшөм өдйө, мый кык друглөн ньөти на эз удит разавны повзьөмыс, некыдзи на эз вермыны воны ас садьө, сулалисны кын мыр моз.

— Но, дона другъяс, — шыасис Виктор, — мый сэсся водзө кутам керны?

— А-а, Витөк, — быттө унйылысь садьмис Косков, паськөдис потшөс кузьта сывъяссө. — Друг! Шутник тожө... Да менө төкөтө инфаркт эз кучкы, дурак. Думайтан он мыйкө, бөлбан!

— Со, Косков,— Виктор чургөдiс винтовкасö,— ковмас кö, ме верма кыкнаннытö мөдöдны мөдар югыдас. Со кыдзи тайö пöрийö ми кутам тэкöд другасьны. Аддзан, менам кийс оз тiрав, он кö эскы, шапка пельтö чургöдыштлы...

Косков мурчкöбтiс пиньяснас, му рöма лои чужöмыс. Мефодь век на зымвидзис полокалö моз енэжлань кияссö чургöдöмөн.

— Да лэдз нин кöстыльястö! Ы-ы...,— ырыштчис сы вылö ёртыс.

— Командаыс эз вöв,— курыда вежыньтлiс паръяссö мöдыс.

— Дугды, Мефодь, пыксыны енэжас,— тшöктiс Виктор.— Кынтаан чуньястö. Со мый колö вöчны,— водзö висьталiс Канев,— öнi ми тöд вылö уськöдам кыйсьысьяслысь öти важся обычай. Водзвыв нырад тшупö öтитор, ставсö кö кутанныд вöчны, мый тшöкта,— колянныд ловйөн. Сэссия мөдтор вöзйыны ог вермы.

— Мыйся обычай?— скöрпырысь вирдыштiс синъяснас Косков.

— Медпервой тiянлы колö кульны «прöмыстö». А сэссия водзö аддзам.

«Прöмыслöвикъяс» перйисны зепсьыныс кляпикъяс да босьтчисны уджö. Виктор пукалiс воськов кызь сайын да велöдiс найöс, кыдзи колö пöрччöдны көрсö сылөн гöна пасьысь. Кульсьысьяс уджалiсны урöса, кучик дiнас кыза колялiсны яйсö да госсö, вирнас резiсны асьыныс паськöмсö.

Другъяс мырсисны, зэлöдлiсны кучиксö, чöла, гусьөн йирисны асьыныс думъяснысö. «Кулям көрсö да и пезьдöдалас мянöс... мудер самоедыд,— мөвпалiс Виктор йылысь Мефодь.— Кыссö и яйсö аслыс курыштас». «Оз, оз чергöд сийö мянöс,— быттö ёртыслы вочавидзис Косков.— Көр видзысьясыдлөн оз лыб киныс морт вылас, ловныс ляб». Но Косковöс падмöдыштiс мөдтор, Виктор абу сийö көр видзысьяс кодь, кодъяскöд вичмылiс паныдасьлыны сылы, винаөн оз ышмы, быдторйöдз сылы мог, кыдзи прокурорлы, весиг со тундрасö жугöдлöмысь вомалiсны, дзескöдан пö сылысь йирсянiнъяссö. Певсö со оз и лэдзлы личканiнсьыс... дыр-ö лөк вылад...

Коркö-некоркö эштöдiсны жö другъяс көртö. Пытшкөссö прöстмöдiсны и.

— Сэссия мый?— юалiс Косков.

— Тi, быттö вöралысьяс, лун чöж вöтчинныд асланыд добыча бöрся,— заводитiс Виктор.— Со, шудныд ныр улад, мөданныд сёлöмсянь айбарчасьны. Но торйöдöй кило кыка тор пай вылö, и ме видзöдла, кыдзи тi тайöс сямманныд вöчны.

— КВН-өн ворсан, телевизорыс синъяснытö восьтіс... көр ситанö юрбитысьяслы,— печласис Косков.

Мефодь торйöдіс аслыс ыджыдқодь кусөк да заводитіс няк-лявны, сөмын норасыштіс, мый солыс абу, сідзисö татшөм КВН-ыс пö сылы тшаква кодь.

— Да менö сідзи нин вукөдö!— горзігтыр жөдзис яй туша гөгөр Косков.— Тайö пон сёяныс сөмын тіянлы...— Косков скöрысла курччыліс паръяссö.

— Сёян,— лөня висьталіс Виктор.— Сёйөмысь некод на эз пропадитлы.

Канев көть шуис тадзи, но ачыс думыштіс мөдтор: сійö зэв ёна радейтö тундраын олысьяслысь, батьяслысь да дедъ-яслысь нэмөвөйся блюдосö — айбарчсö, но öні Мефодь другъ-яслөн зывөктана курас-карас вөчөмторсö эськөн эз жö ышты лолыс сёйнысö. Но öд вөчисны асьныс, коді мыжа. Öти здукö сійö весиг юалис асьыс, оз-ö вывті чорыдась, мый мырдö-налö велавтөм йөзөс сёйны уль яйсö. Сэки жö мөд гөлөс ышөдіс:— Он! Шуам, Косков эз на удит велавны тундраса сёян дінас. Но төдтөгыс мыйла кедзовтнысö? Мыйла сьöлавны көр видзысьлы медся восьсаинас, дойманінас? Косков зывөктö нарошнö, медым кокниджык вөлі керны асьыс пез уджсö. Со пö ме ог ставлы колана добра шыблав, а пон сёян. Сөмын понъяслы вөлөгa!

Косковлөн мудеритөмысь некор на кывлытөм лөглун лыбис Викторлөн морөсын. Сійö матыстчис на дорö:

— Сёй! Вирнаджык көтөд...— Виктор пöшти зургис винтовка помнас Косковлы калькмуном вомас...— Жöрит! Он кө, кутан йирны тайö көртсö.

Косков шлап пуксис туша дорö, лэдзис синъяссö увлань. Виктор бөр вешйис, колис некымын воськов местаөдзис, кор пель боктіыс водзлань швичнитіс пурт. Виктор тэрыба бергөдчис, Косков сулаліс кельыд, буракö, виччысис лыйөм. Мефодь дугдіс сёйны. Но Канев эз тэрмась чургөдны сылань винтовкасö, лэптис лымйысь пуртсö, видлаліс, быттö көсйис вежөртны, ёна-ö эськө мөрчис сійö сук гөна парка пырыс. Косковыс кө быттö öні инмис сылы. Кляпикыс ёсь и веса, лючки кө веськаліс, мөрчис, дерт. Ёнакодь мөрчис. Виктор сайкмунис быдсөн, быттö йиа ваысь петіс. Со кутшөм кокниа вермис мездысьны сыысь Косков. Кызди нö сійö татшөмторсö эз урчит? Виктор бөр шыбитіс пуртсö, коді сатшыкысис яй тушаö Косковлы паныдөн.

— Лэпты пурттö,— тшөктіс сылы.— Кут йывнас вылын пельпом весьтад. Вот сідзи.

Трачкысьөм шы кыліс, быттö кодкө коса кызөктіс. Виктор лыйөмысь пуртыслөн лезвие джынйыс пелькнитчис.

— Öні сэся он кут шыбласьны сійөн,— шуис Виктор.— Пуксы, айбарчась! Ме кывйөс ог веж...

Косков кокныдика ышловзис, гөгөрвоис, прөйдитіс Викторлөн грёзыс, сійө сөмын көсйө тешитчыны на вылын, концертасьны, медбөрын сувтөдны пидзөсчань вылө. Оз ло сы моз!

— А тэ меным морөсө лый!— горөдіс Косков.— Мый базмин? Унджык аслыд эсйө пон вөлөгаыс кольө. Лый!

— Меным өти пуляыс абу жаль тэ вылө,— лабутнөя вочавидзис Виктор.— Но тэ вунөдін өтитор — ёрт йывсьыд, торйөн тиянос олөмсыйс киритны некыдзи ог вермы, оз позь: судті ветлөдлыны ог көсйы. Юалін тэ, Косков, та йылысь ёртыдлысь? Либө водзвыв нин сёрнитчөма тиян, век тэнад коклябөрө тальчыны? Сідзикөн кө, позьө дугөдны айбарчасьөмсө...

Бөрья кывьясыс өгыра каллян помөн чуткисны Мефодь-лы өти местаө, звирк чеччис:

— Сволоч!— вира дульнас съөвзис чужөмас ёртыслы.— Тэ вөсна сгинитны. Гад!— Мефодь кватитіс көр коксө да лөсыштіс Косковлы сылідзирьяс. Косков суніс айбарчасьөм могысь лөсьөдөм вир пиө.

— Лак, лак!— горзис Мефодь да дурмөм хора моз съөкыд көр көкөн гыпөдіс Косковлы, — менсьым и асьыд пайтө... Менам гөтыр, челядь виччысьөны. Со кытчө кыскин, гад... шоныд да мича көм семьяыдлы пө лөсьөдан. На! Менам челядь эм, тэнад пеж лолыд куш. На!

— Тырмас!— лөньөдіс Виктор, сійө эз виччысь татшөма шызьөмсө. Көр гыжьясыс көрт кодь ёнөсь, сійөн позьө и ловсө Косковлысь пытшкөссьыс пыркнитны. Мефодь дугдіс кучкавнысө, но көр коксө кысьыс эз лөдз.

— Сөран, Мефодь,— Косков чышкасис соснас.— Менам көть шлюхаяс эмөсь, тэнад и сійө абу, сы вөсна мый тэ Мефодь...

Косковлөн ори гөлөсыс, Мефодь вылысь сөтыштіс сылы баялбөжас.

— Дугды!— горөдіс Виктор.

— Ша. Команда эм команда,— ёртыслы скөрысь шуис Мефодь.

Кык друг айбарчасисны. Мефодь тэрмөдліс Косковөс, өдйөджык тшөктіс ньылавны, уль яйнас пө он виньды.

— Ёти номер лои помалөма,— аслас пайысь медбөрья кусөксө ньылыштөм бөрын шыасис Косков.— Сэсся водзө мый?

— Быд кыйсьысьлөн медшөр могыс — не воштыны прөмыссө,— юөртис Канев.— Тиян ещө өти культөм көр эм. Чайта, пөт кынөмнаныд сійөс өдйөджык нин помаланнды. Коді кыскас тайө яй тушасө сэтчөдз?

— Мефодь,— серөктіс Косков,— сылөн челядыс уна, мед вердас.

— Тайос аддзылін?— Мефодь вайөдліс ныр улас ёртыслы көрлысь паськыд гыжъя лапасө.— Чапнита кө кымөсад, йөй домө нуасны.

Виктор Канев вайөдіс кык другөс бурөвөй вылө. Яйсө да кучиксө найө кыскисны ас выланыс. Мастер Иванов скөра видзөдліс аслас уджалысьяс вылө да шуис, разберитчам пө. Виктор юөртис и стадаса бригаирлы, кодлөн стадаын «кый-сисны» Косков да Мефодь. Кор нин сөліс даддьө Виктор Канев, кыліс горөдөм:

— Нянь-солыс водзөса!..— горзис даджолөн вөйөдысьлы Косков.

## 6

Көть Канев ёнакодь манитчис бурөвөйыввса «окотникъ-яскөд», мөд луннас югыдөн на вуджис Сандивей юсө. Со и матыстчис, кыдзи көр видзысьяс шуоны, дор вөръясө, чизыр төвъяса лысьөмтө жулльөдысь тундраыс колис мыш саяс. Ляпкыдик козъя вөр дяс сярвидзисны гөгөр, быттьө еджыд воль вылын кызсюрө тэчөм руд дөмасъяс. Тайө йиря-нинъясыс медся лөсялөны арся да тувсовъя кадө. Но бөръя воясө ёна кутисны жугөдны и төвся кадө. Та вөсна, торъя нин вылыс местаясыс, кодъяс кушөсь төлын да водз мездысьөны лымсьяс тулысын, ёна жебмисны, көръяслөн чорыд паръясыс сьод муөдзыс «окалөмаөсь» татшөминъяссө. А водзө на йирсьөдөны, яндысьтөг да сьөлөм висьтөг. Кытчөдз нө тадзисө позьө? И мыйөдз татшөм веськодлуныс вайөдас? Гашкө, таво тулыс нин тундраыс крапкас асьяс чорыд кывсө. И югзяс сэки быдөнлы, ставлы лоө гөгөрвоана, мый кокньөдчөмнас овны да уджавны оз шогмы.

Виктор унаысь панліс та йылысь сёрнисө опытной көр видзысьяскөд. Да, лёка пө вөчам, водзө думайттөг, өти кывйө волісны найө. Но ставыс кольліс важ ног. Мыйла нө артмө тадзисө? Да, дор вөръясад кокниджык төвйынытө, паськыд вөръясын моз лызь вылын стада трөпатө кытшовтны оз ков, век дадь вылын и көръясыд пыр син улынөсь. Мудзыс и туйыс этшаджык вичмө, тувсовъя йирянинас кор төвсө видзөны, сэтчө и суөны югыд войясыс. Кольөм во өтнас Митрей эз пыр парма питшөгө, мөд онас выль сэтшөм чужөма, ме нө пө мыйөн омөльджык. Тадзи и өкмөны сюсялысьясид, кодъяс зэв мудерөн лыддьөны асьнысө. А веськыда кө шуны, уна-ө и мудерлун колө, медем вильөдны асьыд коктө. Збыль вылас сідзи и артмө: йирөны сійө пуыслысь вужсө, мый вылын водзө сөвмө көр видзөмыс. И нем оз вермы керны накод видз-му овмөсса министерствоысь зоотехник Митин, оз өд сійө быдөнөс ки полөдыс нуөд пыді вөръясас. Дерт, оз. И

штрапуйтавны оз лысьт, сідзи оз тырмы пастукыс, көр видзысьтө ППТУ-ын он велөд. Көр видзысьлы колө чужны да быдмыны тундраын, чукөртны пöрысьяслысь опытсө. И Митин лючки гөгөрвоө, кытчө вермас вайөдны тувсовъя йирсянінъяс жебмөдөмыс. Сійө кисө пидзөс вылас шлапкөмөн оз жө пукав. Ыджыд начальстволы Митин зэв кузя гижө «записка», көні сійө жальпырысь индө учёнойясөн чукөртөм фактыяс вылө, мый жебмисны, сідзикөн и ичөтмисны көр видзан пастбищеяс. Петан туйыс өти — чинтыны көръяслысь юр лыдсө. Кыдзи пө, чуймө начальство, дзескөдны сэтшөма колана производство. Корсьөй пө выль резервъяс. А резервъясыс эмось, төвся йирсянінъяссө колө корсьны паськыд парма пытшкысь.

Кык во сайын Виктор Канев, сельхозтехникум помалысь, гижис дипломной удж «Комиын көр видзөм сөвмөдан туйяс», көні шөр мөвпнас автор нуөдіс, мый тувсовъя йирсянінъяслы колө сетны шойччөг, мый найөс позьө выльысь нитшсьөдны сөмын сэк, кор ни өти стада оз кут төвйыны дор вөръясын. Кутшөм ногөн автор вөзйис ассьыс планъяссө пөртны олөмө? Писькөдны вөръясті веськыд ордымъяс, мөд ногөн кө, вөчны зимникъяс, техника отсөгөн талявны пушyd лымсө, кыті эськөн дженьыд кадөн пыді пармаө, пөтөса йирсянінъяссө, вермисны пырны уна стада, кодъяслы, шуам, индөма төвйыны кутшөмкө өти ю вожын. Татшөм жө ногөн тулыснас өдйө петны тундраө, көні сэк кежлө кушмөны төв йыв местаясыс. Зэв прөстөй мөвп, но медым збыльмис сійө, колө водзвыв унатор урчитны. Дзугны тані нинөм оз позь.

Кык во сайын, кодыр Канев шлопкис ассьыс дипломной уджсө Эдуард Иванович Митинлы пызан вылас, шонді бана жырйысь көзяиныс зэв радпырысь, пөся кутліс сылысь кисө, пуксьөдіс небыд креслөө аслыс паныдөн, лышкыда нюмъяліс, весиг нимкодъысла кунъліс веськыд син пөвсө. Медводзаысь на татшөм кыпыднас Виктор аддзис Митинөс, көть тундраө волігъясө (сэні найө паныдасьлывлісны жө) оз жө вөлі позь шуны, мый сылы овсьө омөля, йирөны мортсө курыд думъяс либө везъясьөма сьөлөм бердас шоглун. Но тайө здукө Эдуард Иванович лөсталіс вывсянныс и ломзис пытшкөссянныс. Виктор думыштіс сэки, мый Эдикысь шудаыс, буракө, сэсся свет вылас некод нин мөд абу. Тыдалө, аддзис сійө олөмсьыс, мый корсис, и водзө вылө төдө, зэв бура төдө, некор нин шуда лызы туй вывсьыс оз кеж.

А Митин быттө яндысьыштіс гөстьсьыс, шылькнитіс бөрвыв сук рудов юрсисө. Лөсьыда сійө пушвидзө көзяинлөн ыджыд юр вылын. Но өд и пызансайсалөн пельпомъясыс паськыдөсь да сьыліыс кыз. Содтан кө ещө, мый сьлөн кузьмөс чужөм вылас джуджыд сук синкымъяс да ён веськыд ныр, сярвидзысь еджыд пиньяссө гежөдика нюлөны ба-

рышнялөн кодъ яя паръяс,— сэки ставнас дась портретыс Эдуард Митинлөн, коді ёна кажитчө нывбабаяслы, кутшөмөн на тӧдліс сійӧс Канев тундраын медводдза аддзысигӧн.

— Пызыйштам «Эжваын» дипломтӧ, Витя, татшөмторйыс нэмнад ӧтчюд овлӧ,— тэрыба чеччис пызан сайысь Митин.

— Ог,— бӧр пуксьӧдіс Эдуард Ивановичӧс Виктор,— меным тані кивывджык.

Сэсса найӧ серам сорӧн казътылісны ӧтувъя олӧмнысӧ, кызди некымын во сайын дзонь сутки чӧж тірзисны кӧдзыд зэр улын, кодыр корсисны тундра шӧрӧ вошӧм культработница Аннаӧс. Лябмис сэки ловнас Митин, вӧйтчыны кӧсйис ӧти няйт тыӧ, киритны ассьыс олӧмсӧ. Но Виктор эз лэдз омӧльторсӧ, тасма кӧртнас вайӧдіс ас садяс весьӧпӧрӧм зоотехникӧс. «Эз-ӧ прӧста сэки нем вӧчӧмысь мудерит?..— мӧвпаліс ӧні сы йылысь Канев.

Митинлы эз нин вӧв ставыс выльторйӧн Каневлӧн дипломнӧйын, сӧмын петан туйыс аслас, весиг пӧ зэв оригинальнӧй. Тадзи и шуис сэки Викторлы. Тайӧн и дона пӧ тэнад уджыд. Митинӧс эз веськодъӧн коль Каневлӧн мӧвпыштӧмторйыс, плеш вылас сукмылісны чукуръясыс, зэлавліс вежӧрыс. Мортыс эз кор тундраса зэрысь дзевсыны специальнӧй плац либӧ сирваа тӧбӧкъяс. Думыштӧма вуж вийӧныс вежны ӧнія кӧр видзанногсӧ. Кутчысьны кӧ быттьӧ, ок и муркӧдны-уджавны ковмас министерствоса главнӧй зоотехниклы.

«А мыйла кутчысьнысӧ? Мый бурыйс, Митин, тэныд пырны жарас, медым бонзьӧдны сьӧлӧмтӧ, ветьӧкӧ пӧртны волялысь чужӧмбантӧ. Ӧд тэныд, дураклы, мӧд оклад оз сетны. А джӧмдан кӧ, кӧть и ӧти оклада, тырвийӧ юаласны. Сэні, йӧза пармаас, кутшӧм на виччысьтӧмтор вермас суны. И пельпом вылад юрыс ӧти...»

Усян кӧ, мӧдысь ӧдвакӧ веськалан вылӧ кыптан пос вылӧ. Ӧні кежлӧ вот веськалӧма лои, сідзкӧ, кутчысьны колӧ. Тундраын первой гожӧм ветлӧм бӧрын чорыда керыштіс аслыс, сэсса воськов оз вӧч сыланьӧ. Локтіс Сыктывкарӧ, пырис министерствоӧ, эз на дзик пыр ассьыс могсӧ висьтав, исасьыштіс и колана туй вылӧ веськаліс. Ӧти олыштӧм дядьӧ сибӧдчис Митин дорӧ. Митин воссис сылы аслас думъясӧн. «Э-э,— шуис сэки дядьӧ,— эн тэрмась, сиктад мӧсьяслысь бӧжсӧ гартны некор абу сёр. Кык во мысти кӧр видзӧмын главнӧй зоотехникным пенсия вылӧ лӧсьӧдчӧ, Митин йылысь пӧ гараліс, ӧти пӧ высшӧй образованиеаыс ветлӧ жӧ тундраас, оз кӧ торксы, вежысь лоас». Кык во ещӧ мӧритчис Митин тундраын. И веськаліс вылӧ катӧдан пос вылӧ. Сідзкӧ, колӧ кутчысьны.

Но Митин немтор тайӧс эз петкӧдлы.

— Со өти мөвп меным воис,— ылысянь заводитис Митин.— Гижан, стадаяс бөръя воясö тшөкыдджыка мөдисны төвйыны тувсовъя пастбищеяс вылын. Ми сійөс тани төдам жö. А мыйла? Коді тшөктö сәти йирөднысö, мыйла онö кывзöй менсым индöдьяссö?

— Эдуард Иванович, тэныд та йылысь медводз колö тöдны.

— Ме збыль, Витя, ог вермы гөгөрвоны налысь мудеритöмсö.

— Көинъясöс вертолёт вывсянь бырөдин?

— Меöдз нин сійөс решитлисны.

— Тундраас, Митин, көні кок улыс пызан пөвйис кодь топыд, вöля көинъясыдлы, ветымын километра сайысь судзöдчыласны. Лөдзясысь ёнджыка дөзмөдоны стадасö. Кутшөм нö сәни пастукукыслы и көрыслы шойччөм? Ме ог нин шу, мыйта вошö. А вöрас пушyd лым вылас көиныс коктөммö, ягас пöшти оз пыр. Көинъяс, Митин, важөн вөтлисны стадаяссö пармаö, найö вөліны ёна пиняджыкөсь тэнад приказьяс серти. Көр видзысысыд век кывзысьлисны природаыслысь... Найö некор эз паныд сувтлыны сылөн гижтөм, но чорыд законъяслы.

— Он-ö тэ вөзйи бөр көинъяс лөсьөдны?— чуймис Митин.

— Ог. Мөдтор вөзья. Торкны кө нин природасö, то колö гөгөрбок артыштөмөн. Колö вөчны, Митин, сідзи, медым эз көинъяс йөткыны, а көр видзысысь ачыс окотапырысь котөртис пармалөн пөтөса да шоныд питшөгö. Медым вöрас пастуклөн уджыс вөлі кокниджык тундраын серти. Со мый колö. Со коді вөрзөдас көр видзөмсö водзö. Öнi маті вөрьяссö сөйөдома жö нин. Сәтөн төвйөм серти тундраад пөтөсөджык лөбны көрьясыд, а пыдиас пырнысö лымйис кутö. Та вöсна и колö көр көкъясыслы отсыштны техниканас. Газетьясын öнi уна гижöны видз-му овмөсын комплекснöй механизация йылысь. Гашкө, и тайö кутшөмкө ногөн инмö жö көр видзөмас. А?

— Инмытөг оз ов,— лабутнöя мөдөдчис Митин.— Öнi уналөн нин чомъяс электричество öзйö, передвижнöй генератор кыскалöны, телевизор көть видзөд. Тэнад оз на öзйи?

— Меным сійö оз ков,— öвтыштіс кинас Канев.— Солярканас ноксынысö дыш. Көрьясыс полöны дуксыс, прөмысыс киад дугдö локнысö, паськөмад йиджас да сійö дугдö шонтынысö.

— Сійö тэнад делö, öзтав сисьяс. Но ме, Витя, со мый көсья тэныд шуны, он тэ öтнад думайт көр видзөмсö водзö сөвмөдөм йылысь. Эм специальнöй институт, көні меысь да тэысь төлкаджык дядьöяс пукалöны. Прөстит, мөвпалöны. Сыысь кындзи, эмөсь опытной станцияяс, көні сідзи жö видзөдоны тэнад муса тундра бөрся,— Митин вашъялис и сьöкыд вөлі гөгөрвоны, Каневöс крукыштөм ради либö

збыльысь восьса съёләмсянь петё сылөн шмонитана сёрниыс. — Нарьян-Марса опытной станцияын уджалё оти учёной. Дзодзёгов фамилиеыс, лосьёдчө дорйыны докторской диссертация. Ме доза дыр варовиті ськөд, дерт и лыдди, кыз папка шняркөдөма. Да, Дзодзёгов нинөм оз дзөб, веськыда гижө, кутшөм серпасыс тувсовъя пастбищеяс вылас, бөръя кызь вит во чөжөн вит, а көнсюрө весиг дас пөв чинөма көр нитшкыслөн быдманіныс. Но — сюсь мортсьыд нинөм он дзөб — казялөма сы пыдди: ёнджыка заводитөны петны турунъяс. Природаыд, другө, оз радейт весьтө овны. Сійө кызди мортлөн лолыс. Узьө кө сійө — моль моз шоглун сөйө. Отияс пестөны ловнысө радейтана уджөн, мөдъяс шонтөны мусукасьөмөн, коймөдъяс челядь быдтөны...

— А кодъяслы оз югды тэнад лыддьөдлөмторъясыд?

— Водка юоны, — серөктіс Митин. — Тэ менө торкин. Сідз, значит, турунсялө тундраыс. Көръяс ёнджыка велалөны сы дінө. Вот сэтчө и пысаяс Дзодзёговыд, өддзөдны пө колө, йөткыны сійө процессө, турун быдмөмсө.

— Кызди?

— Көдзны самолёт вывсянь, кыскавны минеральной совьяс.

— Кысь сы мында көйдыссө босьтан?

— Дерт, сійө регыдөн оз артмы.

— Сэсса өд туруныс быдмас сөмын увтасінъясас, кытысь джуджыд лым вөснаыс водз тулыснас оз вермыны шөдөдны көръясыс сөянсө. Кодлы сійө ковзяс? Гөжөмнас көдзтөгыс тырмө туруныс.

— Гөран кө да минеральной удобрениеясөн кыскалан, быдмас и мылькъяс вылас.

— Гөрны тундрасө? — выльысь юалис Канев.

— Да, Витя, гөрны и химизация...

— Дурак тэнад Дзодзёговыд...

— Мый тэ, Витя, но кызди тадзи поэбө шуны, — тайө пөрийө Митинлөн веськыд син пөлыс лөк нога тупкысис, быттө син пөла сійө лои, чужөмыс букыштчис. — Кандидат, регыд доктор... Сэсса мөд кыв эз сюр? Словарной составыд тай вывті гөль. Лыддысян он көть сәні? Сійө жө наука...

— Дурак! Колө кө, выльысь шуа. Медыджыд наукаыс — ачыс олөмыс, — скөралис Канев. — Дурак сы вөсна, мый ыршасьө жугөдны тундрасө. Быдмас ли оз ли сылөн туруныс, ог төд, и дона-ө сэтшөм көрымыс сувтас, ог жө вермы нинөм шуны, но зверь-пөткаыд да чериыд бырас, пужйөн чискаласны химикатъясыд — тайөс ме бура төда.

— Сійө думайтө, вөзйө, но өд некод на сы ног оз лосьөдчы вөчны, мый сідзи повзин? — кыв көрталіс венсө Митин. — Тэ тай выльтор жө со вөзьян...

Збыль-ö сьёлөмсö вөрзьöдiс да ышöдiс водзмöстчöм вылö Митинöс Каневлөн дипломнöйыс, сiдз и бригадир стöча шуöмсö эз кыв. Дерт, панасыд колана, быд пöрйö вежöртöдлiс Митин, но сйö пö зэв абу прöстöйтöр, колö кывзыны овмöсса веськöдлысьясöс, артавны выльысь, маршрутъяс корсьны, медбöрын, ресурсъяс аддзыны сйöс олөмö пöртöм могысь.

Онi, йизьöм дор вөръясö воөм бöрын, Канев став вир-ййнас кылiс, кутшöма эськөн лöсялiсны таво пыдi пармаö водзвыв писькöдöм маршрутъясыс, öд сэни, лунвыв вөръясас, первойя усьöм лымйыс, тöдöмысь, помöдз сывлiс и му эжыс сэни кос. Но парма питшöгöдзыс Виктор воöдчас ачыс. Ачыс тöдмалас.

Кöть Виктор ёна чепсöдлiс харейнас дадювса пелейясöс, пемыдыс суис сьлөн урчитöминö вотöдз: водзын латшкöс козъяса сук вөр. Вомöналö эськö сйöс көр видзысьясөн писькöдöм ордым. Но татшöм пемыднас сы вылö он веськав, вөр пырыс жö воргатöгыс дадювнас прöйдитöм йылысь и мöвпавны нинöм.

Виктор сувтöдiс дадювсö. Колiс эськö чукöртны пес да пузь-öдны чай, но пастук эз тэрмась чеччыны дадь вывсьыс, сйö век тшöкыдджыка кыйкнитлывлiс Сандивей кывтыдланьыс, көнi километра дас вит сайын пöртмасис аслас манитысь би-ясөн Харуты посёлок. Сэни олö-вылö Светлана. Мыйла нö абу сьлөн туй вылын посёлокыс, сэки эськөн Виктор эз тадзи падъяв. Викторлы кажитчис позьтöмөн каттывылыны кежö-дысь верстъяссö, оз позь манитчыны. Но юрас öтарö бергалö югьд бияса посёлокыс. Кымын дырджык тадзи весь вөрзьытöг куткырвидзö аслас дадь вылын, сымын сьöкыдджык лöö сылы, медым ордчыны местасыс, чукöртны пес, пузьöдны чайсö. И заводитö гөгөрвоны, талун оз нин, буракö, татчö пестысь — гажтöмлун заводитö чепльöдлыны сьёлөмсö. Сэтшöм шуштöм и кöдзыд лов вылас. Татшöм жö кöдзыд лолiс, кор чайтiс, дзикöдз торъялiс Светланакод, кодыр сйö вöли мунома бурövöй вылысь «некутшöм адрестöг». Сэки Виктор кыпöдчас вöли дадювнас медся джуджыд мыльк вылас и гөгөр видзöдалö, син ортöдз дзоргö, быгтьö корсьö тундрасыс вошöм мортöс, кьдзи коркö зоотехник Митинкөд корсьлiсны Аннаос. Öд Аннаыс збыльысь вöли ылалöма тундраас öтнас, и найö дзик збыльысь корсьысисны. Но Светланаыс некутчö эз вош, абу сйö тундраас. Мыйла нö сйöс Виктор корсьö? Тöдö, абу, и корсьö. Кодыр доймыны заводитлiсны синъясыс, Виктор кымыньтчылiс чорыд кос керч вылö да мöдлiс никсыны кынь моз. Найö зэв вöсни гөлөсаось, торъя нин кыньпияныс, дзик кага моз бöрдöны, кор сямалö кынöмныс, чуксалöны мамнысö. Викторлөн сыысь синва сöдзтысьтöдз петлiс ас вылас жалыс.

Сэсся бергöдчис енэжлань чужöмөн да виччысьтöг вур-

зовтіс. Буракö, сылөн вурзалöмыс артмис кöинъясысь страш-  
нöйджык: лёкысь нетшкысисны дадювса кöръяс, Лыско пон-  
йыс чепöсйис мöд мыльк вылö да сэтысянь заводитіс воча  
омлявны.

Ачыс Виктор повзис жö. «Мый нö мекöд керсьö?» — юалис  
ассыс, быттö коркö да кодкö вермис вочавидзны сы вылö.

Шулöны, кадыс пö медбур врачыс, быд пöлос шогсö  
нöжйöник песас. Но тайö пöрйö и кадыс эз уджав Виктор  
дор. Светлана эз вешйив син водзсыс, кызди водзвылад бы-  
гыльтчысь мираж, тэ нюждчан сы дінö, а сійö ылыстчö-  
йötкысьö. Арся зэв пемыд войясö, кодыр сэтшöм лөнъ, зы-  
буч нюръяс вылысь Виктор казьявліс вуджөр кодъ би, ку-  
тшöмкö газ пö югзö, тэ матыстчан, а сійö пышйö. Кöдзыд  
биыс морт вуджөрөн котöртö водзвылад. Тадзи кымын жö  
артмис Светланакöд, сійö эз кыв Викторлысь чуксалöмсö. А  
гашкö, кöдзыдöсь Викторлөн кывъясыс? Оз мөрччыны ныв  
сьöлöмöдз. Сэки Виктор мöдiс бөрйыны медся мичаяссö. Дыр  
песіс вежöрсö. Тайö уджыс вöлі кыньпиян моз никсöм сер-  
тиыс ёна любöджык. Сійö судзöдiс йöзлөн кывйөн ворсан  
кудйысь медся мичаторсö, сьöлөмсьыс нетшыштіс алмазөн  
дзирдалысь чача. Серав кöть бöрд, Канев тэчис сыланкыв.  
Лöсалис да мольöдiс, кызди ассыс пелькиник дадьсö. Гашкö,  
эз чуж сійö йöзлы коланаөн, кудйö пуктанаөн, но ассыс  
тай сьöлөмсö небзьöдiс.

Кайлы, шондiй, джуджыд мыльк вылас,  
Нимъясь серöдлөм мальча пандынад<sup>1</sup>.  
Войыв кодзулыс сутш кöть аддзылас,  
Зэв на мелiа нюмөн пандалас.  
Век мем пöртмасын визяордаөн,  
Чатөр морöса гордöй важенка.  
Кутшöм трöпаö, кытчö воштысин,  
Мыйысь чөв олан сэтшöм важөнсö?  
Код нö шыльöдö руч бöж кöсатö,  
Мелі авколөн дзоргö синъясад?  
Тöv ныр вурзалö, кодзув гылалö  
Лымъя эрдъяса оланінъясад.  
Шог кö изъясяс юсьлөн морöсад,  
Норась тувсовъя ызгысь шор валы.  
Визув коськас кор кела пидзöсöдз,  
Кывза тэнсьыд сэсь кисьтöм норлунтö.  
А кор мудзöмла кыз ун пöрöдас,  
Вола тэ дорö, чышка синватö.  
Чизыр йирмөгысь кодыр паляла,  
Тэлань таяла кöдзыд лысвасö.

<sup>1</sup> П а н д ы — маличалөн серöдлөм дорыс.

Эз кӱ тайӱ сьылӱмыс чуж Виктор сьӱлӱмын, гашкӱ и дзикӱдз вӱймис.

Водзын Виктор кывлывлӱс, мый быд кӱр видзыеьлӱн эм торъя сьыланкыв, кыдзи аслас дадюв да харей. Сьтӱг некыдзи. Батыс том дырйиыс нюркӱддывлӱма «Черный ворон...» Ӳтияс чужтӱны асьныс, мӱдъяс бӱрйӱны, кыдзи, шуам, магазиньыс костюм. Тадзи и олӱмас. Позьӱ выль лӱсас кравны, позьӱ и кодлыськӱ коклябӱрсӱ таявны.

Виктор некодлы эз эрдӱд чужтӱмторсӱ, Ен мед видзас сэтшӱм ышнясьӱмысь. Сьывлывлӱс, стӱчджыка кӱ, норасьлӱс сӱмын лӱзалысь тундраыслы. А сийӱ чӱла-чӱла кывзылӱс, кыдзи сийӱс гӱгӱрвоысь медся матысса друг. Артмис, абу сӱмын мусурывьса джуджыд мылькъясыс кывзылӱмаӱсь, вӱсньыдик йӱлӱгаӱн тангӱма сьылӱмыс Светланагы инасьтӱм сьӱлӱмас, ныв бергӱдчис тӱдса трӱпаяс вылӱ.

Но Светлана воис мӱд мортӱн. Збыль-ӱ сийӱ йӱлӱгаыс бергӱдис чужанӱнас?

И со Виктор Каневлӱн нӱль кӱра дадюлыс рӱдтӱ посӱлок бияслань, кажитчӱ, лунся сертиыс сийӱ пызийӱ тӱрыбджыка.

Стандартнӱй керкаяса посӱлокын увтчысь пон чукӱр ызгысис вылас, харейнас и дорйысис. Понйыс посӱлокас йӱзсыыс унджык, пес кыскалӱны да ва ваялӱны наӱн. Майбыр, во гӱгӱр сӱяныс тырмӱ, неылын колхозлӱн забойнӱй пункт, колясьяссӱ ывла вылӱ шыблалӱны.

Светланалӱн посводзыс эз вӱв калича.

— Вӱлӱсь на волӱн, а бара нин локтан,— шуалӱ кӱзьякаыс порогсӱ воськовтысьлы.

Светлана ветлӱма пывсянӱ, ӱнӱ тазйын купайтӱс кагасӱ, тыдалӱ, абу ыштӱма ичӱтсӱ кӱдзыд вывтӱыс нулыны. Виктор чуть гатшӱн эз усь тадзикӱн «чолӱмалӱмсьыс», но кор паныдасьлӱс Светланалӱн синъяскӱд, сӱтысь лыддис мӱдтор: нимкодъ аслыс. Личалис бӱр, ставыс на важ ног.

Светлана ӱтарӱ дзебӱ синъяссӱ Викторьысь, аслас быд вӱрасӱн талун сийӱ кӱсийӱ тӱдчӱдны, мый сылы дзик веськодъ Викторлӱн воӱмыс, эз кор, эз виччысь. Мед сӱмын жалддзаысла оз волив татчӱ, сьтӱг на овсьӱ.

Виктор нимкодьясьӱ, кыдзи Светлана ворсӱдчӱ кагаыскӱд, тӱкӱтӱ бергӱдчыштӱма бокӱн да еджыд быг пытшкӱ йӱршитӱ ичӱт мортсӱ. Кагаыс авзӱ, гашкӱ, ваыс пӱсьджык, гашкӱ, синъясыс курзисны. Но медъя шонавлӱ, медъя курзьывлӱ. Викторлы тыдалӱ мамыслӱн гӱгрӱсӱник ломзыйысь пельыс, лентаӱн кӱрталӱм сьӱд кӱсаыс. Викторлы зӱв окота матыстчыны да тшӱтш ворсӱдчыны мама-нылакӱд, но во малӱмысь полӱ.

— Но мый сӱсся? — бергӱдчылӱ Светлана. — Ӳд яндысьны кутан приданнӱя гӱтырсьыс. Босьт дадювтӱ да войӱд чомъяд.

Викторлы дзик пырсö эз сюр воча кывйыс, эз вермы шуны, мый сылы татшöмторйыс веськодь. Но сылön шуанторйыс важöн нин дась оліс, сöмын шуны коліс. И Виктор пöся, тэрмасьомöн шуис:

— Дзоля мортыс — менам. Ме ог вермы тэтöг, Света. Ме тэнö зэв пöся радейта. Пыравла пармаö, йирсьöдчанінгьяс корсьны, а бөр петігөн куимөн мунам асланым чомйöдз. Марфида пöрысьмө... Кодлыкө öд колö чайсö пузьöдны, менö, пастукөс, рөбөта вылысь виччысьны. Менам сыланкыв гижöма тэ йылысь, Света...

Век мен пöртмасын визяордаөн,  
Чатөр морөса гордöй важенка.  
Кутшöм трөпаö, кытчö воштысин,  
Мыйысь чöv олан сэтшöм важöнсö?..

Виктор виччысис, мый шуас та вылö Света.

— Босьт кагасö да койка вылас пукты,— рама шуис Света.— Кутшöм тэ гөгөрвотөм. Кыдз нö челядьтö быдтыны мөдан?

— Тэ нö мый вылö,— Виктор топöдіс небыд рузумö гартөм дзоля мортсö морөс бердас, быттö поліс сылön чепөс-йöмысь, усьöмысь. Мыйлакө дум вылас уси, кызди тулыснас босьтліс да шонтывліс морөс бердас чарөм вылö энөвтөм гегдысь көрпиянөс. Сöмын сэки асьыс шоныдсö юкліс, öні артмис мөдарө, ачыс шонтысис тайö пöсь рузумторнас. Сэсся Викторлы лои яндзим Светланагысь аддзöмторсö көрпикөд öткодьялөмысь.

Виктор ки вылын кага некымынысь кыскыштіс йöла сюрсö и сырсмуніс, дзикөдз лябмөдіс пöсь ваыс ичöt мортсö.

Асывнас Виктор шензис сыысь, кутшöм виччысьтөг да прөстöя артмис сійö кывйыс, мый вöсна сэтшöм дыр пессис лолыс. Но сьөлөм вылас вöлі и нелөсьыд. Öд сійö сыланкывсö коркөя Светланагыслы лөсьöдліс.

## 7

Сандивей вуджөм бöрын некымын лун мысти Виктор Канев веськаліс геологгьяслөн зимник вылö, кыті, тыдалö, бурөвöйяс вылö кыскалөмаөсь грузгьяс, трактор гусеницагясөн таялөм туйыс чуксалис көр видзысьөс асыв-лунвылө. Виктор босьтчис пырны техникаөн пыськөдөм ордымөд, ышöдіс веськыд да южмөм туйыс. Татшöм туйöдыс весиг йирсянінгьяс видлалігмоз позьö рөдгыны луннас километра ветымын-квайтымын.

Шлывгö öтка дадюла зимник кузя. Оз нин öти лун. Нель көр кокниа лэбöдöны сійöс паськыд туй кузя. Корсюрö гир-нитлö волялöм дадь сьуйыс, кор инмö гусеницаöн парснитöм няйт корöгö, либö гаджмунö клянича йи, увсьыс ваыс кытчöкö исковтöма да абу удитöма кызнысö. Колян лунъясас, көть костьясөн, но поводнöя лымъялис, торъя нин сійö тöдчö тані, дор вөръясас, кодöс збыль вөрнас шуны сьöкыд на, но и абу нин тундралөн шыльöдöм эрдъясыс. Пуясыс ичöтикöсь, чайтан, вöрыс зэв на том, но матыстчан да найö ставныс нин ройсялöмаöсь, дзор пöль-пöч кодьöсь. Мусяньыс и заводитчöны пашкыр лапъясыс, быттö полöны пöрöмысь, збыль öд кын муас омöля вужъясьöмаöсь найö. Нюръясыс, кодъяс тшöкыда на паныдасьлöны, абу нин тундраын кодь сöстöмöсь, еджыд рач вылын моз вөр дяс сьöдасьöны. Но ёна на тані жвичöдöны чизыр төвъясыс, куштöны мускор плешъяссö, чажöдöны нюръяссö да шор бокъяссö, сэк жö дөбельки тыртöны вöраинъяссö да быд сикас гöпъяссö. Сы вöсна тайö вылі местаясыс, шондлөн тулысö бергöдчöм бöрын, водз мездысьöны лымсьыс. Көръяслөн тувсаланінъяс. Тайöс тöд вылын кутöмөн Виктор гежöдика кежлывліс тракторнöй туй вылысь да кытсюрö койбедьнас гудйышталіс лымсö. «И тайö мыльöсторъясыс сэтчö жö йизьöмаöсь таво»,— скöрысь мөвпаліс пастук да рöдтіс водзö, джуджыд да сук вöра пармалань.

Ноябрь пом. Сулалісны, буракö, медбөръя шондіа лунъяс. Та йылысь лючки висьталіс ачыс шондіыс, ыджыд и мырдгöрд, быттö биа висьöм пузьöдöма сійöс. Дерт, турöб водзын. Но Викторлы эз парскы шондлөн лөксö туналöмыс. Көр видзысь надейтчис, мый татшöм туй кузяыс и турöбыс оз дзуг сійöс. Талун со мыйта шаркөдіс, козъясыс лоисны ёна кузьджыкöсь да пашкырджыкöсь.

Вой кежлас Виктор бөрйис лунвылö морöса шор пöкат. Дадювсьыс көръяссö лэдзаліс йирсьыны. Куим хапторкасö, кодъяс зэв на вöйöсь, чоталіс, öти водз коксö да öти бөр коксö гезторйөн йитіс, мөд ногөн кө, чинтіс воськовсö налысь. Та дзинад найö некытчö нин оз вермыны пышйыны, а сёянсö ылысь оз ков корсьны, шор пölöныс кузь эжöрыс веж на, төкөтö сайöдöма выль лымйыс йывсö налысь, сöмын нырнысö колö скойшптны көръяслы. А Дзолюксö лэдзис чотавтөг — сійö ылö оз мун.

Көръясöс иналöм бöрын ачыс Виктор сувтіс паськыд лызьяс вылö. Сöмын на пицальсö чөвтіс пельпом вылас, пыр жö чошкөдіс пельяссö да юалана видзöдліс көзяин вылас коз улын куйлысь Лыско, а көзяиныслысь могсö гөгөрвоом бöрын пелька чепöсйис шор горулö.

Канев веськөдчис шор йывланьыс. Кызди и век, öти-мөдлаысь койбедьнас гудйыштлис лымсö, тöдмаліс, ёна-ö йизьöма

му эжыс. Регыд сетіс гөлөссө Лыско. «Эз-ө нин дозмөр кысыкко аддзы», — радлыштис Виктор. Со өд шор бокас весиг по-жомъяс овмөдчөмаось. А налөн вужъясыс пыдынось козъяс серти, сідзкөн муыс дөвөль нин сывлө. А со көнсюрө и ичөтик нияас эмось. Гашкө, и збыльыс татчө дозмөръясыс овмөдчисны, өд ыджыд вөръяссө мортыс ёна нин бырөдіс.

Кольөм во Печора бердса Дібөж сиктын өти кыйсысыс паныдасълөма арнас кабанкөд. Пөрысыс оз помнитны ни абу кывлөмаось пөчөяссиянь татшөм дивөсө. Мыйла нө лунвыв пемөсыс локтөма сэтшөм ылө войвылас?

Специалистыяс гижөны, зэв пө уна сійө рөдмөма лунвылас. Сідзкө, корсьөны выль пастбищеяс? Дерт, арнас кабаныслы эм мыйөн чөсмасыны, ты доръясас эжөрыс морт судта, вужйыс юмов, весиг мөскыслөн йөлыс содө сыысы. Но өд төвнас сійө кык метра судта лым улө дзесбьө! Гашкө, өти йөй кабан и смелмөдчис? Гашкө, эз войвывса чөскыд туруныс сійөс кыскы, а мөдтор. Кабаныдлы яя сөяныс колыштө жө. А кольөм во, и водзынджык на, Печора вылө кысыкко саранча мында усыкөдчисны шыръяс, видзяссө мудйөны, гөрөмөн гөрөны. А гашкө, и ладмөдчас кабаныс көдзыд войвылас. Войнаөдз пө Печора бердса вөръясын абу вөлөмаось йөраяс, а өні олөны сэні. А мыйөн нө эсыкө дозмөръясыслы омөль тани? Но тайө пөрийө Виктор сорсис, понйыс вөтлысис көч бөрся. Со и ачыс шондібаныс, еджыд ёкмыль тирөдө паныд, сөмын пель йылыс да ныр помыс сьөд. Коз улө сувтыштліс, йөйыд, быттө лыйөмсө и виччысы.

Эз радлун шымырт Викторөс прөмыссө лэптигөн. Бара ковмас сійөс кульны көдзыд вылас! Көр видзысылөн дадяс эм на дзонь көч туша, байдөгъяс. Луннас байдөгъяс, рос вылысыс лэдзис, радейтөны өд найө шонді водзас нимъясынысө. А көчсө Лыско атөдіс өти ты вылө, вильыд йи вылас веськаліс табъя кокаыд да чепөсйыны оз вермы, шливъялө сөмын. А Лыско абу йөй, йи вылас оз кай, ты дорсө гөгрөдлө.

А збыль вылас таво көчыс вывті уна, тайө шор боксыс быд куст гөгөр быттө көр стада трөпитөма. Со Лыско бара нин чеччөдөма көчөс да сылань увтөдө. Виктор чукөстис понсө, и сійө эновтис көчсө. Лыско зэв кывзысысыс пон. Бөжнас өвтчигтыр матыстчис да бөрөн лэчысис лым вылө, мыжапырысыс видзөдліс көзяин вылас, мый нө пө неладнөсө вөчи?

— Тырмас мянлы сөяныс вежон кежлө, а лишной грузсө нинөмла кыскавны, — Виктор кепысынас шыльөдыштигмоз инмөдчывліс Лысколы кык пель костас, мөдыс радпырысыс ворыштис бөжнас, гөгөрвои пө.

Гораа трачкөдчис кос кондаясыс вөчөм бипур. Кыдз вож вылө кык бөр көкөдыс өшөдөмөн Виктор мешөк моз пөрчис көчлысыс еджыд пасьсө. «Мыйта на прөста вошө мян татшөм прөмысыс, — веськодпырысыс думыштис ачыс, но сэки жө

вомаліс асьсө:— Буди, сідзи и колө». Унджык кө көчыс, пөтөсджыка олөны ручьяс да кыньяс. И көинлы эм мый вомас тшапкыны, этшаджык кутасны усьласьны көрьяс вылө. Со на кызди ставыс йитчөма! И Каневлы дум вылас усис серпас, коді чужтіс өні сы сьолөмын лөглун. Кольөм во сійө веськаліс Харей посёлокө. Тшөкыда сэтчө волевлө, ненець-яслөн да комияслөн сиктө, ордысьөны налөн көр видзан бригадаяс, опыт өта-мөдлысь босьтөны. Челядь ворсөм кодь эськөн сійө, опыт паськөдөмыс. Но мед. Шуөны тай, колө. Стөч вөлі нуөдоны общөй колхозной собрание. Виктор тшөтш пукаліс залас. Быд овмөсын ашпөр могьяс да норасьөмьяс. Ставсө сійөс Канев пель пөлөн кывзис, но өтитор самасис сьолөмас. Көр стадаяс кындзи, сиктас комын гөгөр мөс видзөны, медым сэтчөс войтырсө свежөй йөлөн вердны. Ферма пө бара ыджыд убытка вайис, юөртис төвся тундра кодь шыльыд юра председатель. Тані пө медся мыжаөсь көчьяс. Гожөмбыд пө крукыля косяясөн өвтчам, номьясөс вердам, рожаясным тувсовья чарөм моз сарөгөссьөны, тундра ном-йыд, көть зэв дженьыд нэма, ок скөр да наян. Со кызди пө тундрасө старайтам. А, видзөдам да, тулыснас зорөдьясным кушөсь, көчьяс руз-развөчөмаөсь. Көчьястө пө лудікьясөс моз колө травитны.

— Охотникьясыд мый кутасны вөчны?— кывлысис сэки Виктор.

— Көчыдлөн куыс донтөм, а яйыс юмов, олам натөг,— эз йөрмы председатель.

Виктор сэки водзө эз нуөд венсө. Мый весьшөрө кыв песны? Сійө оз гөгөрво, мый вөр-ваын абу ковтөмторйыс, ставыс йитчөма өта-мөдыскөд, виан химикатьясөн көчьяс-өс — жугөдан и көр видзөмсө, сыкөд йитөдын и мукөдтор. Но председатель дөбельки скөрмөдіс сэки...

Виктор неыджыд сьодасьөм пөртйын пуис көчлысь чигьяссө, а кос сюрөссө Лысколы чөвтіс. Сэсся коз улө мастеритіс лыс чом да пажнайтіс.

Сэзь. Төлысьтөм. Пемыд енэжас шөтөма сы мында кодзув! Бытьө гожөмнас сьөд момга вылын сярвидзө кисьмөм гөрд мырпом. «Ой, ой, кутшөм ыджыд мусайса олөмыс». Виктор оз нин первойысь мөвпав та йылысь, ёнакодь ылавлө, ылөдз-ылөдз вежөрнас ветлө. Водзө, водзө котөртө мөвпыс и бытьтө кытчөкө өдвывсьыс тангысьө. Мый нө сэні? И повзьө. Садьмө кызди гөгөрвотөм вөтысь и бөр тувччө аслас кын тундра вылө. Тані ставыс ас и гөгөрвоана. Уна миллион вояс чөж лымья эрдьяс вылө дзоргисны кодзувьяс, төлысь, шонді, вильшасьыштисны рыгья да асья кыаяс. Со и ставыс. Со тэнад нэмөвөйся став рөдняыд, йиа тундра! Со кодьяс чизыр төвьяскөд өтвылысь банйөдісны ас ногөн мелі чужөмбантө. А өні, Виктор Каневлөн том кадө, локтіс выль рөдня... му

вылө лэччисны кодзувъяс... Весиг коз увсяныс Виктор аддзё, кызди Колва бокын сулалысь бурөвөйяссиянь дугдывтөт саякйө кельыдгөрд югөр. Тайө ломзёны газлөн факельяс. Войся пемыдас паськыд эрд вылас найө югзёны быттё кодзувъяс. Пемыд вөръяссиянь йиа саридзөдз тундра вомөн нюжөдчисны джуджыд көрт вышкаяс... Морт аддзис тундралөн морөс кудйысь кельыдлөз ломтас — газ. Коді, вөлөмкө, зэв радпырысь чолөмасьё морткөд, судзөдчан кө сылань, ыджыд зыкөн чепөсийө ортсө. Мукөддырйиыс сэтшөм «радпырысь» выныштчө таладор югыдас, төкөтё оз лыбөд көрт вышкасө. Буракө, сійө вывті нин ёна дөзмөма весьсө овны му гыркас. Медшөр аддзөмторйыс, дерт, кизьөр ломтас — нефть. Сійө лөнджык «характера», но и сыкөд пакөстъяс овлөны, эз нин этша сійөн юктөдны Печорасө, весиг чериыс бензин көра.

Көдзид йиа тундра, кызди ышнясигмоз ыджөдлөны романтика корсьысь войтыр, ылөдз өні шыалө. Да и кутшөм нө сійө йиа, сы мында пөсылун кө дзёбөма морөс кудъяс. Со кутшөм вынйөра техника вөрзис тэлань, тундра, со кутшөм вын тэ нетшыштін асланьыд. Ыджыд фронт моз гузьөбтис ставыс. Виль гыөн өдөбтис олөмыс. Тані Канев быттё дойысь ымөстө да чепөсийө коз улысь, ырзөдө кусысь бипурсө. Оз, оз мыйкө ладмы сылөн визьын, көр видзөмас, ыджыд өда олөмас, буракө, тшөтш. Сылөн «фронтыс», көр видзан «фронтыс», бөрынтьчө. Көр стадаяс быттё падмисны мыйыськө, өтарө чинтисны и чинтисны маршрутнысө, энөвтисны вөрса төвьянінъяс. Мөд ногөн кө, көръяс жмитчисны тундра да вөраинъяс заводитчан дорышө. Мыйысь найө повзисны? Коді таыс мыжа? Гашкө, весьшөрө собө-уйө Виктор вөръясті, пушыд лым пиөд кыссьө Митин дорө? Мый нө сійө вермас вөчны?

## 8

Виктор матыстчис ыджыд посёлокө, Мусинө, сы йылысь паськыда сёрнитисны и быдөн лыддисны, мый сійө регыд быдмас карөдз. И Виктор тырвийө эскис талы, кывсис, нюжөдөны нин сыланьө көрт туй. Мусин — геологъяслөн ыджыд плацдарм, кысянь шуөма выныштчыны йиа саридзөдз, шымыртны ставнас тундрасө. Мусинсянь визувтө нин кыз трубаяс кузя кизьөр ломтас ылө-ылө, стөчджыка кө, сэтчө, көні сійө медъёна өні колө. Сійө «зарни» шорыс, а гашкө, и юыс век котөртө водзө и водзө, өтарө нюжалө, востьө аслыс виль туй.

Виктор та йылысь не сөмын кывліс төдса геологъяссиянь, но и лыддылыс газетъясысь. Йиа пө тундраыс, а со кутшөм пөсь вира гырк пытшкөсыс вөлөма. Кор и кысь сійө сэтчө

өкмүлөмө? И мыйла быть сылөн тундрао? Медым шызьөдны, дзескөдны көръясөс? Мөд шаньджык местаыс өмөй сәсся эз сюр? Сәки эськөн и геологъяслы любөджык вөлі. Налөн уджыс, кызди Виктор гөгөрвоо, абу жө дзоридз өктөм. Пөттөдз төлыс и турөбыс нөшкалө. И полярнөй войыс велавтөм морттө ветьок моз песө. Но көр-видзысылөн мөвпыс тшөкыда пагыртчыліс и мөдарө: оз-ө буртор вай став тайө панасыс, техника дінас сибөдчөмыс, оз-ө вуж вуйөныс веж көр видзысыяслыс уджсө, оласногсө. Со и өні Виктор матыстчө Мусинө өти надеяөн. Сэтчө өні локтө шыльыд зимник, кыті сійө өдйө вермас пырны водзө, пармаө, воөдчыны Эжва вожъясө.

Вөлі и мөд помка, мыйла кыскис сярвидзыс бияса посөлокыс. Пөшти төлыс сійө туйын, өтнас. Медым не воштыны кыв-ворсө, сёрнитлывлө вөжживывса көркөд, Дзолюккөд, да выдыштө либө ышөдыштө корсюрө Лыско понсө. Быттө сы пытшкын олө кык морт, өтиыс коалө, мөдыс вочавидзө. Кымын водзө, сымын ёнджыка кутіс дөзмыны мөдсыс, коліс коймөд, коді эськөн выль ног вочавидзліс сылөн коалөмъяс вылө. Тадзи жө кымын овлө көркөд, мыйлакө торъялө кө стадаыс, заводитө нормыны, корсыны ёртъяссө.

Канев дасьтысис йөз дорө петігкежлө ыджыд празник вылө моз, дзонь лун лызь вылын ветлөдліс, том пожөм сора ниа вөрыс кык дозмөрөс уськөдіс. Рөмдігас нин веськаліс таръяслөн репас вылө, өтиөс вещьмешөкас иналіс.

Дадюв дорас воис да чоталіс пелейяссө, Дзолюкөс ас вөля вылө лэдзис, сійө, кызди и Лыско, оз эновт көзьяиныслыс дадьсө. Виктор любөпырыс видзөдлывліс яр биясөн ыпъялыс посөлок вылө, стөчджыка кө, пемыд енэжын ворсыс югөръяс вылө; нефтяникъяслөн посөлок весьтын ыпъяліс морт киөн чужтөм кыа, кажитчис, сійө йөктө, сы весьтті исковтісны лымъя кымөръяс. Кыа павъяліс еджыд сарапаннас, копрасис, лаймавліс, юковтліс енэжсө, сутш сувтовкерліс, быттө вөлі дзескыд, гөграліс, бергаліс. Кыа азыма йөктіс, быттө выныштчис ещө паськыдджыка чашнитны войся енэжсө, быттө ошйысис аслас помтөм-дортөм вын-эбөсөн, юөртіс мортлөн вежөрөн да киөн чужтөм серпас йылыс. Сәні, сы улын, ас ногыс шыалыс олөм йылыс.

Медбөрын Виктор пөрччис маличасө, выль пинжакасис да вылас ыж ку пась кышаліс. Сувтіс лызьяс вылө и веськөдчис посөлоклань. Сійөс өні позис чайтны геологөн, не кө кокас кузь гөленя пашкыр гөна төбөкыс.

Туй вылө петөм мысти Виктор лызьяссө дзебис лым пиө. И со сійө восьлалө южмөм туй кузя. Туй пөлөн, посни пожөма вөр костын, кыздисюрө пуктөм керкаяс. Öтиясөс ён керйыс тшупөмаөс, орччөн пөвъясыс вөчөм оланін, кодсюрөяс весиг кышөмаөс керканысө югъялыс жествөн, бу-

ракө, медым пөв костодыс төлыс эз жульд. Чайтан, кодлөнкө гараж, но вевт вылас телевизионной антенна чурвидзө. А со и яр биясөн дзирдалысь ыджыд вит судта керкаяса посёлок, ачыс Мусиныс.

Виктор восьлаліс посёлок шөр уличаөд. Боктыс вына төв ныр моз жвичйөдлісны гырысь грузөвөй машинаяс, быдөн лыасө дзонь мыльк вылысас нөбйыштөма. Сэтшөм чук вылас, гузыгыны кө му вылас, Виктор эськөн меститчис чомнас. И бөрө-водзө, бөрө-водзө, резина гөгыльясөн ургөны, чепөсйөмаөсь шондіводзса кодзувкотьяс моз. Кытчө та мында лыаыс да муыс ковмөма? Виль керкаяс сайын чурвидзисны краньяс, коперьяс, гипөдісны железобетонной сваяяс, көть кын муыс, тувйыс бөрө оз чеччы, ымзө, ойөстө (кодыр швачкө газөвөй мөлөтыс), но век водзлань йөткө көрт нырсө. А водзынджык краньяс сайын утюжитісны посныдик понөльясөс көрт амыся гөрд краскаөн лөсталысь капотьяса бульдозерьяс. Найө вөліны нель-ө-витөн, быттьө атакаө уськөдчөмны танкьяс, сөмын на водзын эз вөв враг, а войвывса нэриник козьяс, кодьясөс скөрысь вольсаліс тайө вөвлытөм выныс. Неылын кодйисны виль керка улө котлован, кранөн сөвтисны торпыригалөм кын мусө машина кузовьясө. Машинаяс, машинаяс... Кытчө оз видзөдлы көр видзысь, быдлаын муркөдчөны көрт сьөлөма дизельяс, дзижгөны электромоторьяс. Викторөс чуймөдіс и өттшөтш падмөдіс тайө виччысьтөм серпасыс. Öти здукө Викторлы машинаясыс мөдлісны кажитчыны аслас көрьясөн. Öтияс руксігтыр ризөдөны асфальт туй кузя бөрө-водзө, быттьө шөйөвошөмаөсь, полөны кежны пушыд лым пиас, со и котралөны, корсьөны петанін. Мөдьяс камөдөны нин кын муас көрт лапаяснаныс либө нырнаныс, быттьө лөк тулысын чорыд чарөм улысь көрым перйөны; коймөдьяс, стадаын медся вынаясыс — менурейяс, ружтігтыр нырөны, налы ставыс веськодь, найөс немтор оз кут, ок азымөсь, сьөдөдз путкыльтөны йирсянінъяссө, весиг нылалөны пуяссө. Со кутшөм көрьяс «йирсьөны» пармаын. Сэсся кызди нө оз бертны сійөс. Викторлы жаль водзын тыдалысь пашкыр нияяса вөр діторйыс, буракө, лыа сәті, со кутшөм кузьөсь пуясыс. Кыкладорсянь сыланьө писькөдчисны бульдозерьяс, лөсьөдчисны чышкыштны и сійөс. Мыйла эськөн не кольны сійө вөрторсө виль карыслы? Вель ыджыда нин паськалөма посёлокыс, ни öти пу на некөн оз тыдав. Чышкөмөн чышкөны. Сувтөд öні Виктор эсійө механизаторьяссө и шу, жалитөй пө нияяссө, кольөй виль карыслы мич вылө, серам выв лэптасны. Татшөм пө ён зон пуяс вөсна нёрпалан, миян пө мөд мог: дасьтыны шыльыд площадка! Мыйла мукөдьяслы абу деливө, кодыр аддзөны мисьтөмтор, мыйла абу деливө видзөдны, кор бурөвөйсянь пез ва киссьө югыд шорө, кор ичөтик юлөн мыш вылө петөны лыд ни тшөт

мотора пыжа, медым тешитны ас теш, ыркөдчыштны ва вылын. Мотортогыс өмөй оз позь бурджыка шойччынысө? Юыс өд абу сөмын налөн. Мый нө кольо мукөдъяслы, кодъяс вежасны миянөс?! Мыйла тадзи артмө? Гашкө, сы вөсна, мый ми тшөкыда на нимкодъпырысь горзам, вежам пө войвылысь чужөмбансө. Сэтшөм өмөй нин сийө лёк, быть колө вежнысө? Сылөн сюрс воясөн чөжөм шыльдөм-пелькөдөм чужөмбаныс оз өмөй тырвыйө лөсяв миян ловлы? Вөр-васө жалиттөг таргайтигөн ог өмөй нө тшыкөдөй асьнымөс?..

Посёлокті ветлөдлігөн, почта керкаөд вочаасьөм мысти, Викторлы юрас воис мөвп звөнитлыны Митинлы Сыктывкарө. Почтаыс вөлі нейджыд пу керкаын, тырыс бергалісны йөз. Висьталісны, звөнитчыны сылы позяс сөмын удж помасьөм бөрын, заказыс пө карыскөд уна. Но Митин уджалө сөмын лунын и сылысь гортса телефонсө Канев оз төд. Лунмөд мысти шыльд зимник кузя Виктор воас Печора карө, кытісянь быть нин йитчылас главнөй зоотехниккөд.

Гостиницаын, кытчө муніс Виктор почта вылысь петөм бөрын, местаясыс эз вөвны, а пастук шуис пыравны корөся пывсянө, ньөбис вежсыны улыс дөрөм-гач.

Корөсяніныс, көр видзысьяс ногөн кө, вөлі «пым». Збыль вылассө гөвкъяліс улис пөсь ру. Веськыда кө шуны, климатыс тропической, сөмын сийө тропикыс эз дзоридзөн өвт, чапкис нырө майтөгөн да сісьмысь кызд корйөн. Чизыр төвъяс вылын да кос көдзыдъяс дырйи быгалөм Виктор, шоньд ваө быгыльтчөм кер моз, заводитіс нильзыны. Ты пыдөсса нюйт моз шлапкысис руыс көдзыд кучик вылас, а сэсса регыд и пытшкөсас мөрччис, төдчымөн сьөкыд лоис. Вылыс джоджын кынөм вылас нюжвидзис кузь дядьө, кыкөн швачөдісны сийөс корөсьясөн.

Викторлы өти швачөдысьлөн гөлөсыс кажитчис төдсакөдөн, а кор видзөдліс сылы чужөмас, төкөтьө эз гирилюки усь пөлки вывсьыс — ышмөм Косков мый вынсьыс швачөдіс жарысла нөпмунөм дядьөөс. Сийө Косковыс, кодкөд таво арнас паньдасьліс тундраын, кодөс «велөдіс» пыдди пуктыны вөралысьяслысь гижтөм законъяссө. Первойя здукас Викторлөн вөлі мөвп усйысьны. Но кызди пывсьытөгыс! Сэсса Косковыс пасьтөгыс, гашкө, оз и төд сийөс. Либө оз жө өд кут пывсянас косясьны.

Но Косков казяліс Викторөс, джөм воча сувтіс:

— Тэ?!

— Буракө, ме — кызди вермис, веськодя вочавидзис Канев.

— Төдін менө! — лёк ногысь серөктіс Косков да нюжөдіс кисө. — Здорово, братан! Ок, рад тэнө аддзыны... — Косков векыштліс вомсө. — Пывсьыны көсьян — пывсьөда! Лысьөмтө небзьөда... Кылан!

— Мефодь другид көні?— Виктор чайтис мөдарө бергөдны сёрнисө.

— А-а... Мефодьёй... Сволоч сийө вөлөма! Повзис гад, зэв тэрыба тапияссө мавтыштіс. Тю-тю Мефодь. Ме сы пыдди өтнам мынтыся, өні на...

— Мый нө, курыда горзёдлө,— Виктор гөгөрвоис, бурөн не мынны сылы Косковысь.

— Горзёдлө... талун кодсюрёос горзёдас на, чайта... Ыр-көдчыштам, өти сайын тшынасьыштам,— пөрччысянінө кыскис Косков. Виктор чөла петіс бөрсяньыс. Скамья вылө пуксисны орччөн верзилө кодь Косков да ичөтик Виктор. Косков видзөдіс Канев вылө вылісянь, кызди кань шыр вылө. Но гыжъяссө лэдзны эз тэрмась. Виктор вөлі ставнас шыёма чорыд мускульясысь, еджыд кучик улас найө төкөтё быд вөрзыштөмысь гөвкъялісны-ворсісны. Косков шога бергөдіс чужөмсө.

— Регыд бурөвөй вылө бара, кыз шуласны, шойччышті, бура пыркниті, бус чир зептө эз коль. Куритөд!

Виктор чөла перйис пинжак зепсыс витаөс:

— Ог куритчы. Пиво аддзылі буфетсыс. Вай тшөтш...

— Пасьтөгыс,— көрліс чужөмсө Косков, но эз пикө во, чукөстіс вугралысь пөрысь банщикөс.— Дас бутылка, сдача ыс оз ков.

Банщик вайис пиво. Косков өти бөрся мөдөс булькөдіс пытшкас, гораа ойкайтис.

— Чайті пөкмелльөсө пывсянөн песны, кык пөлөс лекарствонас өйдөджык бурда. Көні олан?— тувкыштіс бокас падьялысь Викторлы Косков.— Ю. Свежөй пивоыс.

Виктор бергөдліс киас дозсө и чөв оліс.

— Көні, мися, олан?! Саасьөма өмөй пельыд.

— Тундраын.

— Кутшөм тундраын ещө?

— Большеземельскөйын. Мый, он төд.

— Мися, тані көні бергөдчан?

— Пока тані.

— Войсө көні чайтан кольны?

— Ме войяссө ог узьлыв,— Виктор эз көсйы сибөдны Косковөс.

— Но сюзь!— сьөвзис кок улас Косков.— Аттьө, пивосьыд. Лок, корөсяла мыштө. Уджйөзөн ог коль.

Парилкаын Косков кык корөсьысь вөчис өтиөс:

— Нюжөдчы, тундра, полки вылас. Дыр кутан помнитны,— Косков кояліс доналөм көрт бөчка вылө, пось руыс сэтшөм вына кайис, кажитчис Викторлы, быттё сийөс варкыйсь пөртйө суйисны, но эз кут норасьны. Косков швачөдіс мый вынсыс ыджыд корөсьөн, матькис, чепльөдлө пө пельсө

и кисö. Викторöс сотöмөн сотис, но чöв олис, оз кө кучикыс потлась, мөвпалис ас кежас, бара на мортөн лоас, сöмын не петкөдлыны лябмөмсö Косковлы. Сэки Косков бертас, сэки сийö сылы вылас вожасяс. А Косков старайтчö! Буракö, му-деритö нин, корöсь нуднас öвтчö, быттö нöшкөн кучкалö мыш кузяыс. Сволоч век жö...

— Видлы тайö айбарчсö, тундра. Мый чöв олан? Ловтö эн на пöлышт?

— Пыдын сийö менам, Косков.

— Висьтав, кор чуктас.

— Ладнö, уджав.

— Чу, Вöрсаыд, корöсьыс пазалис. Вöлöма на шудыд. Фу! Эбöсысь ори. Чеччы, тундра.

Виктор öдва лэччис полка вылысь, сэнi раздевалкаас сöмын казялис, кутшöма сийö мудзöма, син водзас пемдалö, сьölöмыс гудрасьö, окота нюжöдчыны бетонной джоджас и куйлыны, куйлыны... Но со бокас, мудзöм пелей моз, пошиктö Косков, мөрчöма жö сылы, весиг пивосö оз ю, весиг кывйыс оз артмы. Сидзкөн вермис, бертис Косковöс.

— Этша лоис,— норасис Виктор.— Мöдысь пыравлам.

Косков сэсся эз нин пыравлы парилкаö ни мыссянинас, быгзи пö и сьölöмөс топöдö. Виктор нарошнö нюжмасис, да-сысь, гашкö, майтöгавлис юрсö, чайтис, öтдортчас сыысь Кос-ков, но весьшөрö вöлöма. Пасьтасьöм бöрас, кор нин вещ-мешöксö вылысас кышалис, кыськö былсь петис Косков, вай пö ноптö лэптышта.

— Огö, кутшöм сьöкыд,— быттö радлыштитс йöз ноп вы-лас Косков.— Кытчö мөдöдчин?

— Лунвылö.

— Ветлам либö ме ордö — лючки шойччан.

Канев дыр падъялис-артасис да ышловзис, медбöрын, ладнö пö. Буракö, сылы Косковысь ловъя юрөн не мынны нин, пывсьöм бöрас ывла вылас тирзьыны оз жö шогмы.

Тайö здукö матыстчис на дорö банщик, мыччис Викторлы урнаö шыбитлём улыс паськөмсö, со пö вунöдöмыд, пиö. Оз нин пö сийö ков, дедö, öвтчис Виктор. Босьт пö и ставыс, долис асьыс старик, ичöt пö урнаыс да, гырысь ёгсö оз при-мит.

— Босьт, Витёк,— вашъялис Косков.— Пемыдгорулас код-лыкö донтём доньсь вузалан.

Канев шамыртис киняулас банщиклысь вöзъянторсö да медводдза тола пиас и суйыштитс сийöс.

Некымын воськов бöрын Косков выльысь юалис, мый эм Викторлөн мешöкас.

— Дозмөр.

— Дзонь дозмөр?!

— Джынъялöмаыс оз лэбав.

— Манька динө пыравлам. Самөварыс век руалө. Көть джоджас, да узьтөдас, ывлаө оз вөтлы.

— Мөд дозмөр на өд эм,— юөртис Канев.

— Мөд?! Сидзкөн, Колька динө веськөдчам. Лышкыд дядьө, свежөй закускаыдлы рад лоө. Сөмын гөтырыс... чирей мед өти местаө овмөдчас кобралы!

— Тар на өд эм.

— Тар! Тэкөд он пропадит. Гөгрөс Манька динө мунам. Тэрмась. Сэссия нинөм абу?

— Абу.

— Ладнө. Ныртө эн өшөд. Содты воськовтө.

Викторлөн пывсян жарыс пытшкөссьыс эз на руав, восьлалис лабутнөя, тэрмасьтөг, но Косков нетшкысис чеп йыв пон моз, сэссия кутшөмкө латшкөс стрөйба динти прөйдитигөн зутш сувтөдис:

— Дадьыд тай дзуртө. Мазь оз ков?

— Даддяс подшипникьясыс абуөсь, некыти сылы дзуртнысө, сийө абу тракторыд.

— Пывсян бөрын косөн?! Тэ абу кө тундраса-а.

Канев өни сөмын гөгөрвоис, кутшөм «мазь» ковсьөма Косковлы, мыччис сьөм, ачыд пө пыравлы. Косков здук педзыштис юж туй вылын, мыйкө падьялис, сэссия быттьө лөдз курччис, ньөв моз лыйыштис гастрономө.

Каневлы бара поздысис юрас мөвп усйысьны татысь, мынтөдчыны Косковысь. Сэк жө мыйкө быттьө кутис, окота вөли помөдз төдмавны, мыйся морт тайө Косковыс, кодi сылөн өртьясыс. Но оз-ө Косковыс сийөс кыскы водзвыв октөм налькйө? Сэссия тайө төдтөм посөлокас өдвакө верман сысысь дзэбсьыны. Сөмын Канев көсйис саймовтчыны, кызди мышсянныс сийөс чукөстис Косков, пельөдзыс вашмунөма, зепьясас и киясас синва кодь югыд дозьяс.

Косков вайөдис брусысь тэчөм кык судта керка дорө, кутшөмьясөс векджык лэптывлөны райцентрьясын. Керкаыс выль, магазинса еджыд тупөсь моз быгмунөма.

— Коктө бура чышкы,— мыйлакө вөралысь пон моз сынөдас исасис Косков.— Пөжасьөма көзьяйкаыс.

Кок чышкыны вөли нинөмла и некөн, Виктор вачкышталис төбөкьяссө өта-мөд бердас, сэссия веськыда тротуар вывсьыс йөткыштчисны пружинаа өдзөсө, кодi бөрсяныс ачыс тэрыба клопкысис. Коридорсянь некымын номеруйтөм жыр. Косков таркөдчис өтиө. Восьтис томиник нывбаба. Буракө, эз вөв рад сийө гөстыслы, көрлис гөрд парьяссө, йинөнь моз сатшкысьлис синьяснас Косков вылө.

— Со төдмась, Маня, Виктор Канев — көр видзысь. Сы йылысь ме тэныд гаравли нин,— тэрыба сяркөдис Косков, быттьө полис өдзөссө ныр улас клопнитөмысь.

— Мыйсө тэ он сөрлы да,— мыйкө ас кежсьыс мөвпалиг-

тыр шуис Маня, но юрсянныс кок улөдзис видзөдласөн козь-  
наліс Викторос. Канев зелөдчис стрөг старшина водзө моз.  
Мича аньлөн синъясыс шоналісны, өтка югөр кодь нюмтор  
чужис вомкөтшас.

— Пырөй! Рад тиянкөд төдмасьны,— көзяйкалөн гөлөс  
вөлі небыдик, кыдзи и киис, кодөс кампет моз мыччис  
Викторлы. «Со мыйла гөгрөснас нимтис Косков, збыльыс тай  
вий тупыль кодь»,— донъяліс сійөс Виктор.

— Йиис вөрзис,— пөрччысиганыс Косков шөпнитис Вик-  
торлы пеляс.— Виччыс ытва.

Квартираыс вөлі кык жыръя, өти комнатаын олісны Маня  
квайт арөса нывкаыскөд, мөдас нывъяс, воасны пө да аддзы-  
лан, сьөлөм сетис көзяйка. Маня торъя рад лоис ноппыс  
дозмөръяс перйөм бөрын, помся шуркъяліс кухнясянь ком-  
натаө, көні шахматөн ворсісны Виктор да Косков.

А сьөд синъяса вильыш Инка сувтөдіс вөрса пөткаясөс  
комната пельөсө да некыдзи эз көсий сетны куштынысө:

— Ог сет вөр-васө сөйны! Ад горш!— шуалис мамыслы.

Мамыс, дерт, ньөръялыштис. Инка ливзыны мөдіс. Вик-  
торлы ковмис коридорыс пыртны гөна төбөкъяссө, со пө  
кутшөм мичаөсь, ворс. Инка дыр видзөдіс Викторлөн ас-  
лыспөлөс көм вылө, сөсся мөдіс кокас лөсьөдны:

— Зэв тай ыджыдөсь, өтиас өмөй кыкнан коктө колө  
суйны. Дядя, көмала да тундраад менө босьтан?

— Босьта,— шахмат дінсыс юрсө лэптывтөг шуис Вик-  
тор.

Инка ас ногыс гөгөрвоис Викторлыс кывъяссө, котөртис  
кухняө да көсаөдыс нетшыштис мамсө:

— Сөсся ме тэкөд овны ог кут. Вот!— Дерт, Инкалы бара  
на вичмис, но сөсся бурөдны эз нин мөд, шурк кайис Виктор-  
лы водзас:

— Дядя...

— Мый?

— Тэ бур?

— Бур.

— Төбөктө мамлы юрас суй. Но?

— Сідзи оз позь, юрид абу кок.

— Гырысьяслы быдтор позьө, сійө ичөтъяслы сөмын оз  
позь.

— Шах!— горөдіс Косков.

— Кыдзи шах,— чуймис Канев.— Тані жө менам тура  
сулаліс.

— Сулаліс, сулаліс да усис, кыдзи война вылын. Шахма-  
тыд — сійө сраженньө. Водзө! Эн думайт.

— Тэныд жө өти ход мысти мат. Гусялін өмөй турасө?  
Бөр пукты! Кылан?

— Ладнө,— өвтыштис кинас Косков.— Лыдды: нитшъя!

— Нитшъя?

— Дядя Женя турасо дядя Витялысь кокарнитис, — юөртис Инка мамыслы.

— Сідзкөн, накажитам сійөс. Лок картошка весавны.

Ужын дасьтігкості Инка да Виктор видзөдісны телевизор. Вөлі челядылы передача, экран вылын дурисны пластмассаысь понъяс. Регыд локтісны ещө кык ныв, мөд комнатаас олысьяс. Вежсьыштисны да тэрыба телевизор дорө жө самасисны. Инка шөпкөдіс Викторлы пеляс, тётя Лида да Таня пө, мамыскөд стрөйка вылын уджалысьяс. Воысь «тётясыслы», буракө, муртса вөлі кызь саяс. Яндысьоны — тшукөдчөмны телеэкранө и быттё оз казавны бокөвөй мортсө. Либө велалөмаөсь нин татшөм кортөм гөстьяс дінас? Пызан сайө — кор чукөстис Маня — зэв жө вежавидзөмөн сибөдчисны. Сөмын көзьяка аслас мелі кыв-ворөн да нюмсера чужөмбанөн, тувсовъя шонді моз, азыма төлөдіс ковтөм полөмлунсө, небыд вөнён кыис-йитис пызан сайын пукалысьясөс. Торъя кыпъяліс Косков. Виктор эськөн шуис, шапъялө пө майтөг быг моз. Косков ногөн артмис, Викторкөд сійө зэв нин важся другъяс, эз нин өтчыдысь мездывлыны өта-мөдсө пикө воөмысь. Канев мырдысьөн пөдтіс пычиктысь серамсө. Медбөрын, кор Косков юөртис, мый Каневлөн тундраті шавъялө кымөр кодь көр стада, нывбабаяс ставөн шызисны, пызан увті Викторлань чургөдісны кокъяснысө, со пө кутшөм көмаөсь ми, көть моднөйөсь сапөжкиясыным, но көдзыдыс чепльөдлө, омөля и төвнас петавлам ывлаас. Быдөнлы окота лои тайө здукас аддзыны аслас кокысь көр кысысь вурөм шоныдик да кокныдик мича пимияс, код пыр оз мөрччы войвывса чызырыс. Виктор нимкодясис томиник важенка-яслөн зэлыд кокъясөн... и здукөн эз сюр кывйыс. Найө ызгисны водзө өта-мөдсө панийөмөн.

— Ваян кө, ми тэнө...

— Бура видзөд, размерсө эн вунөд.

Виктор шөйөвошис. Дерт, позьө и көсйысьны тайө мича аньясыслы. Косков эськөн сідзи и вөчис, со тай син пөвнас лапйөдлө, ышөдө. Сэки эськө ставлы любө лоө и водзө содас гажыс. Но Виктор оз вермы көсйысьны и не вөчны, көть зэв окота сылы сьөлөм выланыс воны пызан сайын пукалысь аньяслы, мыжа моз юрсө копыртөмөн сійө юөртө:

— Ми кыссө и яйсө сдайтам совхозө, асьным ог вузасьө.

— А тэ пелькышт миянлы, — вапъяліс Маня. — Бөртинас он каитчы.

Бергаліс магнитофон, нетшкис-ворсіс «кокни руа» джаз, сөмын ньөжйөджык сы серти, кутшөма косявлөны ресторанъясын. Велавтөгыд да лөнь пармалысь медся кокни шыяссө кылысь Викторлы тайө музыкаыс, веськыда кө шуны, зыркөдіс сьылдзирьясас. Сійө кыліс, быттё дзык дінас көрта

лысьсьомнас муркөдчис-тракйысы Косковлөн керка кодъ вездеходыс. Но Виктор нинөм кедзовтанаос эз шу, лөсялө кө, любө кө сийө татшөм авъя аньяслы, кодъяс мича кыа моз ымралөны пызан сайын, сідзкө, мыйкө аслас юрас неладнө. А гашкө, тайө цивилизация потанын лелькуйтөм быдмөгъясыс дзик нин модось сы серти? Уна вуж нин налөн нетшкөма земля-мати бердсьыс, ылыс пөляслөн оласногысь... Но Викторос кутшөмакө кыскис на дорө, сийө зыка гаж дорас.

Канев отвылысь азыма гажөдчис, йөктис-бергаліс шоньд сывъя небыдик көзайкакөд, чеччаліс. Стөчджыка кө, вежнясисны кызди сяммисны вөсныдык коска Танякөд. Кымын водзө, сымын ыззис гажлуныс. Волісны ещө гөстьяс. Оти ыджыд дядьө весиг төдмасис Викторкөд, Изварин фамилиеыс, зэв зіля йөктіс, помся аслыс бекъясас клопөдіс, быттьө вөлөс ньөръяліс.

И кодыр пызан сайө колисны кыкөн Танякөд — чуймис. Кытчө вошины мукөдыс? Мыйла татшөм гажсө пазөдісны? Абу кө тыр сюсьөсь тані йөзыс-а!

— Көні нө войтырыс?!— медбөрын юалис.

— Кадыс төдан уна-ө?— шпыньмуніс Таня.

Вөлі куим час вой. Кыкнанныс чөв олісны, быттьө разалөм көръясөс кыскө зэв ылысь сибөдісны сёрнисө.

— Витя, тэныд кымын арөс?— шыасис ныв.

— Сө да комын, — серөктіс Виктор.

— Меным кызь кык, — чөскыда нюлыштис ичөт вом дорсө Таня. — Куим арөса ныв быдмө. Мый нө? Тэ моз өмөй ройсьявны колө.

— Ме нинөм ог шу.

— Аддза син сертиыд — дивитан!

— Нывкаыдлөн бать эм?

— Юусь да тышкасьысь вөлі, судитлісны.

Викторлы вөлі гөгөрвотөмторйөн, кызди татшөм шань нывбабасө вермис нөшавлыны верөсыс, но веськыда юавны эз лысьт, юалөмыс артмис ылөсас:

— Кодкөд вөлі тышкасьө?

— Хи, — серөктіс Таня, — көть кодкөд. Веськалан кө и — тэкөд на...

— А нылыд көні?

— Мамө дорын быдмө.

— Сэтысь, гортсьыд, и уджыс эз ликмы? — жалитөмпырысь юалис Канев.

— Уджыдтө эськөн ликмис да, колана мортыс оз сюр-а, — ышловзис Таня.

— Тані найө тшак моз өмөй быдмөны?

— Сідзи кө эськөн вөлі... Витя, тундраас өтнад и шөйтан век?

— Кызди өтнам? Миян чомйын дзонь бригада!

— Сідзи и чайті. Мыйла он гётрась? Полан, уна кага лоас, да?

— Сыысь месö ог пов.

— Мыйын нö делöйс?

— Ме виччыси öти мортöс, сэсся мөдöс. Воясыс тай öкмöны. Комын нин со.

— Виччысь, виччысь,— ышловзис Таня.— Сідзи и пöрысь-ман. Плештö со кöрасьяс нин поткөдлöмаöсь. Ме тэныд ог туй? Но кыті лөк?— Таня кок пөв йылас бергөдчис Виктор водзын.

Кöр видзысь дыр видзөдiс сы вылö, тайö важенкаыслөн вöлі ставыс шыльыд-мольыд да ладнö, ышловзис:

— Гөгөр бур да сöмын не менам чин серти... татшөм погонис.

— А тэ эн пов,— Таня серöктiс зонлы да уськөдчис аслас комнатаö, бöрсяньыс чорыда клопкис öдзöссö.

Виктор вольсалис кухня джоджö ыж ку пасьсö, юр улас пунктiс гөна тöбөксö да регыд гораа корснитiс чизыр тövьяс йылын калитчөм ныр пырыс.

Виктор садьмис пань-дозмукөн гольөдчöмысь — Маня ид-ралис тöрытъя пызансö.

— Бобö, татчö и усин öмöй,— жалитыштiс Викторöс кöзьяй-ка.

— Нинөм,— шыасис Канев.— Менам велалöма нин, кытчö уся, сэни и узя.

Сэсся вöрны заводитiсны и мукөдъяс.

— Лөк делöясыс, Витя,— шыасис Косков.— Юрöй свинеч кодь, муас дась пырны. Тэныд кызди?

— Век öткодь.

— Мый водзöсö думайтан?

Канев эз удит шыасьны, тöv ныр моз уськөдчис на вылö Маня.

— Ме думайта тiянлы. Сідзи лöсышта скөвөрöданас, син бугыльясныд чеччалас.

Пызан сайын чай юигөн ставөн воисны öти кывйö: колö пальөдчыны ывла вылын. Тани Косков бара петкөдлiс водзмöстчөм, чукостам пö Изваринöс, сылөн пö вездеходыс öшинь улас сулалö, да мыськовтлам вöравны.

Шуöма — вöчöма. Регыд Косков вайөдiс Изваринöс, сийö вöлі нин пасьтасьöма туйö, лөтчикъяслөн тövся кöма, сальзыны заводитөм мехөвöй сьод курткаа, гөрд руч ку шапкаа; беринöсь чужöма ыджыд мыгөра рыжöй дядьö шумөн-зыкөн пырис квартираö:

— Окотникъяслы чолөм! Шырым-бырым! Мыйкө пыр нин вөр-васьыд тшапкам. Адью! Машинаөс видла,— сэсся нюж-масьтөг петiс. Исласьөм вылö моз пасьтасисны Маня да Таня, ми пö тшөтш вездеходнас ветлам. И со кöрт дадь пытшкынöсь.

Канев корис нырвизьсö кутны Колвалань, кытісянь төрыт локтіс, коліс дзебөм лызьсö босьтны. Изварин шуис, сыланьö пö и думайтiм, ягыс пö сәні бур. Вöрас пырöм бöрын везде-ходыс регыд и сувтіс. Сәсся лызьяс вылö сувталісны. Изварин да Косков вошисны пуяс костö. Канев на бöрся жö чепöс-сьыліс, медым водзвыланьыс петны, но нывбабаяс чукöстісны, эн пö лысьт кольны, ылалам пö, төдтöм лыжня вылö ке-жам да. Найö збыль вермисны вошны, и Виктор надзмöдіс öдсö. Лызьяс исковтісны кокниа, вöлі нейджыд көдзыдтор.

Канев таляліс Изваринлысь да Косковлысь лызь туйсö. Корсюрö найö торъявлісны, но ёнджыкасö вöтлысисны öта-мöд бöрся. Регыд нырщикалысьяс веськалісны Викторлөн төрытъя лызь туй вылö да веськөдчисны туясьны, көр видзысьлы эз сьölөм вылас во татшөмторйыс. Мыйла налы йöз чөс туйыс любö? Виктор выныштчыліс вөтöдны найös, но бöрсяныыс такöдісны, эн пö коль, полам. Виктор бөр надзмöдіс öдсö. Оз жö мыйкö омöльтор ло? Водзын ягас йирсьöны сылөн дадюлысь пелейясыс, чоталөм көръяс, сөмын Дзолук ас вöля вылын.

Öти шор пöкат венөм бöрын бöрсянь вөтчысь нывбабаяс чукöстісны Викторös сувтлыштны, лолыштны колö.

— Кытчö сідзи лэбан?— норасис Маня.— Ора тадзисö, пöда, уф.

— Дадюлыс менам сәні, водзын,— öвтыштіс кинас Вик-тор.

— Но, гажыд быри,— кывлысис Таня.

— Абу гажын делöыс,— нурбыльтіс Виктор.

— Сідзкөн, и пукав,— кыв көрталіс Маня.— Көсьян кам-пет нёнявны?

Пукалöны куимөн пушыд лым вылын да öттор-мөдтор йылысь баитöны. Викторлы эськөн и аслыс абу окота торйöд-чыны тайö шань аньясыскөд, да сьölөм вылас деливö көръяс вöсна. Яг нöрысас юковтіс кыкысь помся пищальысь шковгөм, стöч сәні, көні, пастуклөн арталөм серти, колö вöлі йирсьыны пелейясылы. Виктор звирк чеччис, быттьö пуля-ыс шутөвтiс сы дiнтi.

— Всё!— горöдіс ачыс. Шур-шар лэбыштiс водзлань.

— Витя! Тэ кытчö?

— Эн коль миянös!

Но Каневös эз нин кутны налөн горзөмъясыс, сөмын тшын-бус пуркйис гөна лызь бөрöдыс. Регыд и суöдіс «вöралысь-ясös», сөмын шор нырдсö вундіс. Сулалöны öти пожөм до-рын Косков да Изварин, нимкодясьöны озыр прөмысөн, ви-рөссьыштөм нин лым вылын нюжвидзис Викторлөн пелейыс, гөгрös мышкуа тшөг хапторка. Косков да Изварин кык-нанныыс лымйын чуключьсöмаөсь, лызьтөмөсь буракö, уйөмөн сибөдчөмаөсь, чужөмъясныыс банйөмаөсь, сьылі костныыс

руасьо. Викторлөн, найос аддзём бөрүн, пычиктысис лөг нюм. «Домём көчсө бураа кыйөдінныд!»

— Менсьым пелейсө нө мыйла лыйинныд?— гораа шуис матыстчысь Виктор.

— Памилльөсө тай эз висьтав,— көсйис шмонитны Косков.— Мыйөн ми тодам.

— Он аддзө, домөда көрыс?!— индiс Канев. Öнi сөмын, буракө, «окотникъяс» казялісны, көрыслөн бөръя кык кокыс гезъя, дженьдөдөма сылысь воськовсө, медым эз вермы котөртны.

— Сюрас кө гөрд тряпйө өшин, гашкө и, аддзис,— нурбыльтiс Изварин.— Коксыс нө кызди... гөгөрво, мужик, мианөс, кокыс лым пиын.

— А дикөйсө быттьө тiянлы позьө лыйлыны!— вөр пасьтаыс горзiс Канев.— Черисө взрывчаткаөн позьө... Позьө?! Нефтьсө юас позьө лэдзны!

— Но мыжаөсь,— бара шог гөлөсөн нускыштiс Изварин,— штрапуйт закон серти, мынтам сө шайтсө.

— Көрыс — менам кокыс,— сьөлөмсянь төлкуйтiс налы Канев.— Меным колө наөн мунны ещө ылөдз, видлавны пармасө, делө керны.

— Прөста шогсян, пуксы самолөтө — и көть кытчө воан. Автобус ветлө и.

— Оз лөсяв меным тiян техникаыс, ас киөн көсья малыштны пармаыслысь мышсө.

— Но сiдзи кө... ме тэнө ог гөгөрво.

— Со!— горөдiс Косков да пу бокусь лэптiс пищальсө. Буракө, Викторлысь гөлөссө кыліс да на дорө котөртiс Дзолук.

— Лыян кө — асьтө чергөда!— горөдiс Косковлы Канев.

— Ме кызди тшөктан,— шпыньмунiс Косков.

Дзолук нырнас чуткаліс Викторлы пельпомас, быттьө юасис, корин пө тай, а нинөмөн он көйы чөсмөдны.

— Көть пемөс, а гөгөрвоө,— шуис Дзолук йылысь Изварин.— Гашкө, майшасьө лыйөм өрт вөснаыс.

— Кысыс кутшөм мича,— индiс Косков Дзолуклөн лым еджыд кокъяс вылө.— Лөсьыд пими петас.

Канев пукаліс лызьяс вылас пожөм дiнө жмитчөмөн и эз суйсы кык өртлөн сёрниө. Сийө падъяліс, збыль-ө шыөдчывны милицияө. Тайө кык другсө медым чырыштны закон серти. Викторлы та вылө бара колө кад. Буракө, законнас найос ёнасө он и повзьөд, со тай Изварин шуө, мед пө штрапуйтөны. Сэсся Каневлөн дадювса көръясыс асласөсь, абу совхозлөн. Совхозлөн кө вөлі, быть кытчөкө шыөдчы, акт өд ковмас контораас, но өнi ставыс көр видзыслөн сөвесь вылын. Каневлөн дадюлас колис на куим көр, дась туйөдыс, зимник кузяыс найө кокниа на гурөдасны. «Сiдзкөн, бурөн

лэдзны?» — бытгё лёсявтём мөвп восьтис аслыс. Мөдарсянь кё, зэв жё нин вельмөмаось, такөдыштны век абу лишнөй, сэки мукөдъяслы озджык ло пөваднө. Тані пастуклөн падъялөмыс орис.

Виктор казяліс, сылөн лызь туйөд тыдовтчисны нывбабаяс — Маня да Таня. Коліс быть мыйкө керны, тадзикөн куим мужичөйлы пукавны эз вөв лөсьыд. Мый найө думыштасны Виктор йылысь?

— Коді нө ті пыдди кучиксө мөдас пөрччыны, — шыасис Канев. — Гашкө, көрыслысь бөр чеччөм виччысянныд?

Косков да Изварин видзөдлісны өта-мөд вылө, бытгё шуисны синъясананыс, со пө и сыліс тундраыс. Зіля кутчысисны уджө.

— Абу сідзи! — велөдіс «окотникъясөс» Виктор. Найө медводз кутчысисны кокъяс дінас, көйисны пөрччыны кыссө. — Кульнысө юрсяныс колө заводитны. Да сөстөмджыка вөчөй, энө вирас гудрасьөй. Сөян өд, буракө, вөчанныд.

Манялөн да Танялөн шензьөм-радрлөмлы помыс эз вөв, со пө ті кутшөм молодечьяс вөлөмаось.

— Энө ті ёнасө радрлөй, — өлөдіс Изварин. — Виктор со штрапуйтны лөсьөдчө мянөс.

— Мыйла?! — өттшөтш артмис юалөмыс нывбабаяслөн.

— Викторлөн вөлөма көрыс вөрас, аслас.

— Да... Мый нө сэссия керны...

Виктор пукаліс чөла, веськыда дзоргис вөртас вылын өшалысь кельдөдны нин лөсьөдчөм кыа вылө, бытгё сылы ставыс вөлі веськодь, мый өні вөчсис сы гөгөрын, сійө чорыда нин шуис аслыс, прөста козьналас налы тайө көрсө, мед сөйөны, мед казътылөны сійөс. Ачыс мыжа, ачыс төдөмөн тайө налькъяс юрсө суйис.

— Витя, збыль өмөй судитчыны көсьян? — небыда лэдзис Каневлы пельпом вылө шоныд кисө Маня, өвтіс сысянь чорыд дукиөн. — А, Вить?

— Сэссия некызди ситөг оз позь? — мөдар боксяныс Виктор дінө сибөдчис Таня.

«Ок, мудерөсь!» — ас кежас шпынняяліс Канев, но ни өти сөн эз вөрзъы чужөм вывсыс, көть зэв эз вөв кокни тадзикөн асьсө кутны. Эз тшапитчөм ни лөглун тшөктыны сылы чөв овны, — прөстө көр видзысь нюжөдіс тайө вир-яйсө шызьөдысь здукъяссө. Нывбабаяс, буракө, гөгөрвоисны зонлысь небзьөмсө да ещө зільджыка пөртисны олөмө ас водзаныс пуктөм могсө.

— Татысь позьө шапка вурны, — малаліс көр вольсө Маня.

— Вить, тайө тырмас пими вылө? — Таня мурталіс кыссө аслас кок серти.

Изваринлөн да Косковлөн ноксигкості Виктор чукөртис асьыс пелейяссө да лямкааліс даддьө, вездеход дорөдз яйсө

петкөдлісны дадь вылын. Сөмын сәні, кор нин мөдөдчис туйо, Канев шуис бөръя кывсө.

— Кучиксө и яйсө козьнала нывъяслы, мед эз вөв кедзөвтөма,— стрөга видзөдліс Изварин да Косков вылө.

— Кутшөм сёрни,— шевкнитис сывсө Изварин.— Кодөн тэ мянөс чайтан!

— Витөк, сьөлөмшөр!— топыда сывъяліс да чуп окыштіс Маня.

— Ад горш,— нетшкис куртка бөжөдыс пөдругасө Тая.— Эн пөдты зонсө!

— Эн вунөд мянлысь адрессө,— коркө-некоркө лэдзис жө сывсыс Маня.

— Прөстит, Витя, төрытъя шуасьөмсыс,— пөся шөпнитис пель бокас Тая.— Ме дзик йөй! Да?

— Пөшти сідзи,— нюмдіс Виктор, сылөн гөлөсысь кыліс и жалитөм, и висьтавны позьтөм төжд.

Регыд Канев төвзис аслас даддын зимник кузя, коді нуөдө пө Печора карөдз. Нель шойччыштөм көр кокниа, панъясыгтыр лэбөдісны вильыд сьувъя даддьөс. Канев пыр жө нимкодпырысь вежөртис: водзө не собавны сылы дадюлөн сук расьясті да пушыд лым пиөд — сійө веськаліс Войвылын сөвмысь промышленностьлөн ыджыд вир сөн вылө, дерт нин, көнкө, сійө йитчөма страналөн медгырысь артерияскөд. И няртала кытшысь мынөм көрлөн моз водзө чепөсйис Викторлөн мөвпыс — веськөдны кө тайө воргаөдыс сылысь стадасө, позьө регыдъя кадөн пырны пармаө, кытчө, гашкө, уна дас во чөж нин эз инмывлы көр кок. Сідз жө өдйө таті шурөдас и аргышыс, көні додьяс вылө тубралөма көр видзысьлөн чомйыс, кутшөмскөрө эмбурыс. А мыйла татшөм шыльыд туйөдыс уйны аргышөн? Ставнас аргышса көлуйыс лючки төрас өти кузовө. Лючки кө думыштны, мыйла татшөм вөраинас овны тшына чомйын, мыйла оланінтө черепахалы моз кыскавны вылысад? Позьө жө водзвыв вөчны керкатор. Бура кө артыштны, төвбыднад өти бригадаыслы кык керка и тырмас, кыклаө вешйылөмөн и позьө дөзьөритны стадасө. Сәсся өд оз өти во сөмын керкаыс сгөдитчы, оз өти чомлысь юрсө вешты кузь кад чөжыс. Да донын өмөй сөмын делөыс!

Но регыд Каневлөн югыд мөвпъясыс чусмисны, паныдасис аргыш кодь машина, гашкө, ветымын метра кузьта зэв кыз труба кыскө, көръяслы, дерт, ыджыд дивө, мыйся зверь эргигтыр паныд төвзьө, тшөктөм эз ковмы, лөкысь чепөсйисны шуйгавыв, төкөтьө дадьсө эз пөрөдны. Викторлөн аддзылөмторсыс лыбыштіс малича юрыс. Сійө ясыда сувтөдіс син водзас, мый вермас лоны, татшөм «зверыс» кө вочаасяс туй кузя нюжөдчөм көр стадакөд, туй отар-мөдарас свисыйөдласны пуля моз, лунбыд ковмас лызь вылын чукөртны — абу көр

стадаяслы пармао кокниа пырём выло писькодёма тайо зимниксё. Весиг Каневлы лоис яндзим, мый татшом кокниа ылалис да ызьёдис асьсё ковтом серпасъясон. А век жё кымынкё лун кежлө кё дугодласны машинаяслысь ветломсё? Сэк жё вочавидзис аслыс: одвакё. Тайо туйыслон могуь, буракё, ёна ыджыдджык кёр видзём сертиыс. Виктор гөгөрвоис и мөдтор: талун оз кё сэтшом ёна шотны машинаясыс, сөмын сы вёсна, мый веськалис туяс вёскресенньоын.

Бур, мый төвзё-муно аслас даддын, эз ылав Мусин посёлокса выль төдсаяскөд. Накөд абу долыд Викторлы, көть и гажөдчис быттё тшөтш, весиг йөктис, эз ладмы некодкөд долыс. Та вёсна жё, буракё, кажитчис сылы, быттё мынтөдчис налькйысь, кызди тай овлө, кор лючки дадювнас петывлө сук раскысь либө укшаль нюрысь. Вермис и омөльджыктор лоны. Но сийө лючки петис и позьө нимкодясьны. Сөмын кодыр кодзальштис, быттё бокөвөй мортлысь, юалис асьыс: «Мыйла нө тэ, Канев, тайо светас век өтнад? Мыйла тэ тундра шөрын дөввидзысь өтка понөль кодь? Ачыд тэ сэтшом инасьтом лов кодь либө тэнө кытшалысь йөзыс некытчө шогмытөмөсь? Кодөс нө тэ виччысян? И мый на водзас лоө?»

И казьгыссис тайо здукас Каневлы Митин, кодкөд веськалис кыскыны кёр видзём сөвмөдомын өти дадь. Но Митин, буракё, личөдис лямкасё, сы вёсна сьөкыд лоис Каневлы. Не сөмын сьөкыд, но ёна сьөкыд: өти лямка вылө кё зэвтан став грузсё, сийө вермө и орны.

## 9

Шылыд да веськыд туй кузя Канев өти суткиөн воөдчис Печора карөдз. Час мысти сийө сёрнитис нин телефон пыр видз-му овмөсса министерствоын кёр видзём кузя главнөй специалист Митинкөд.

— Чолөм, Эдуард Иванович! Төдін эн?— шыасис бригадир.

— Зэв төдса гөлөс,— кылис трубкаын Митинлөн нюж-йөдлана сёрниыс.— Витя, тэ... Канев? Көні тэ?

— Печора карын. Переговорнөй пунктын.

— Мый керан? Отпускө веськөдчин?

— Отпускын. Зэв лёк делөясыс, Митин.

— Кодлөн?

— Ставлөн. Тэнад и менам өтлаын. Кёр видзан делөясыс чотны кутисны.

— Тэ верман нөдъястөг висътавыны. Мый лоис?

— Тэ он төд?! Тэ нинөм он төд...— Виктор заводитис чабравны телефоннөй трубкасё, быттё көсьис сэгысь кыскыны Митинөс.— Меным кывъясыс оз сюрны... пөда.

— Лөньөдчы, Витя, лөньөдчы. Ме кывза.

— Төвъянiнъясыс йизьомаось, му эжыс йи коркаасьома. Та йылысь он омой тод?

— Ох,— ышловзис трубкаын Митин.— Кутшoма повзьoдiн, чайтi, мыйкo бригааыдкoд лоoма.

— Тайo мой этша?!

— Тырмымoн. Ставлы вичмас тoждыс. Но мыйла малича гoнтo прoста пуркьян.

— Ме ог вермы телефон пырыс ставсo висьтавны, менам эм зэв ыджыд сeрни тэкoд, сы вoсна ме тундрасянь мoдoдчи карoдз дадюлoн.

— Мыйла дадюлoн? Мый тэ вoчан?

— Вертолeтыс менам абу на. Ме корся бур йирсянiнъяс, корся налькйысь петан туй. Гoгoрвоин?

— Кывзы, Виктор. Кывзы менo бура — аски жo ме лэбзя Печораo самолeтoн, аддзысям гoстиничаын.

Почта вылысь петoм бoрын Каневлы коvmис думыштчыны, кытчo инавны кoрьяссo карын oлiгкoстi. Oти-кык лунoн Митинкoд оз ладмoдны мoгсo. Гашкo, вертолeтoн на видласны пармаыслысь питшoгсo, йирсянiнъяс корсьтoг бригадир бoр оз кос. Тундрасянь мoдoдчигoн Виктор чайтис, иналас кoрьяссo кутшoмкo ылыс ягo — и прoст ачыс лoo. Но кыдзи тыдовтчис туяс, тайo кoинъяслы вoлoга шыбитoм кодь жo. Кардорса вoрсьыс, кoть кытчo оз дзeб кoрьяссo, «окотникьяслы» пинь улo найo веськаласны, няmляласны небыд лыяссo и Викторлы аттo оз шуны. Канев юасис да веськoдчис дадювнас кардорса медаь матыс сиктo.

Сельсoветын косiник мужичoй, арлыд сертиыс абу нин том, зэв сюся кывзис Викторoс, ус улас шпыннialis, корсьюрo oйыштлiсны руасьoм синъясыс. Канев час джын тoлкуйтис сылы, кысянь и кутшoм мoгoн сийo лoктo. Мый сы водзын eщo сулалo ыджыд мoг — волыны пармалoн ыли пельoсьясo. Сельсoветсалoн ньoжйoник пoльтчисны кoсичаас чукуля вир сoнъяс, кызис сьылыс, скoр петуклoн моз лыбис кошукуыс. Медбoрын сийo тэрыба чеччис пызан сайысь да Викторлань наганoс моз чургoдiс кисo:

— Документы!

Виктор здук кeжлo шoйoвошлiс, но сeссия вeжoртiс: тыдалo, сылы эз эскыны, пинжак зeпсьыс перийс паспортсo. Сельсoветса гoгoрбок бергoдлiс документсo, сeссия кыдзкo виччысьтoг писькoдoм шoмoс моз бoр рoпмуниc, дышиника бергoдiс чужoмсo oшиньo, мыччис паспортсo:

— Нинoмoн ог вермы отсавны. Йoрмин кo — сдaйт сельпo столoвoйo кoрьястo да и.

Магазин дoрын Канев уна дiнo на шыoдчылiс. Oти бабo быттo сoглас нин вoлi дoзьoритнысo, но медбoрья здукас, кор нин Виктор веськoдчис сьлoн йoрлань, заводитис пыксыны, мичаoсь пo зверьясыд, да сюрьясныс eсьoсь — пола.

Быд зільомысь мыйкө да пөжасьлө. Сідз жө артмис Каневлөн. Аддзысис небыд сьолөма нывбаба, нюмыд чужөмба-на, кизь кодь чангыль ныра.

— Кывлі, дадуютө кодлыкө вөзьян?

— Дөзьорит, кадыд кө эм. Туруналышт корсюрө и ладнө.

— Ин менө велөд, коркө тундраті жө лэбавлі, өні көть бордьясным нярмисны-а.

— Сідзкө, таө бур. Донсө мый коран — сідз и мынта.

— Кутшөм дон колө! — өвтыштис кинас нывбаба. — Гажөй нин бырөма көрьяссыс. Турунтор вайыштан, пестор — сійө и доныс лоө. Со-о, ме эсійө керкаас ола.

Сійө жө луннас Виктор автобусөн воөдчис карө, овмөдчис гөстиницаө. Асывнас Митин суис Каневөс койка вылас на. Нель морта номерын код юра дядьөяс вой шөрөдз бызгисны да тшынасисны. Канев водіс сөрөн жө.

— Дыр узян, көрыд пышьяс, — шпынняяліс Митин.

— Дзик өні озджык на, — нора артмис Каневлөн. — Гашкө, коркө...

— Мый сэтшөм жугыль? — инмөдчис пастуклы пельпомас Митин. — Пасьтась да лок менам номерө.

Виктор пасьтасис, мыссис да веськөдчис корсьны Митинөс.

Канев казяліс Митинөс коридорсянь на. Сылөн жырйысь өдзөсыс вөлі ки пасьта восьса. Пыртөдзыс Виктор здук кежлө сувтліс, Эдуард Иванович гонняяліс бергалысь небыд улөс вылын, чужөм вылас муткылясисны төждысяна мөвпьяс. Көр видзысьлы син водзас сувтіс гожся өти серпас — зөридза нюрөд собис дадюлөн, метра дас сайын вутш вылын сьылісө нюжйөдліс лысөм дзодзөг, буракө, тшөктис пияныслы пьдөджык дзесьыны. Виктор сэки паныдасис энъ дзодзөглөн дрөб тусь кодь сьөд синьяскөд и парквайис, койисны найө сы ыджда шог да төжд, весиг Виктор мөдарлань бергөдіс дадюлыслысь нырвизьсө. Мыйкө татшөмтор жө өні пєслаліс главнөй зоотехникөс. И Виктор падмис. Гашкө, Митинөс мам дзодзөгыс моз жө пьдзралө тавося йизьөд вөрьясын мөритчысь көр стадаяс вөсна төжд? Канев шытөг вуджөртис Митинлөн югыд комнатаө. Найө здук видзөдісны өта-мөд вылас чөла. Эдуард Иванович быттө ру пыр аддзис пырысьөс, видзөдласыс мыйкө төдчанаджыктор гудйис сылөн мыш сайысь, Викторлөн весиг воис дум бергөдчывны, но кутчысис.

Но Митин казяліс, индіс воча улөс вылө.

— Пуксьы, шойччы. Отпускалан, шуан. Бур. Ме вөлі жө төлысь сайын, шоньд море дорын гожьялышті, — тэрыба сяркөдіс Эдуард Иванович, мыйлакө син пөвнас век кыйкьяліс чашкалөм өдзөс вылө. Тайө пөрйө кыліс коридорысь есь каблукөн тотшсьөдөм.

— Öти здук! — горөдіс Митин да уськөдчис коридорө. «Со

кутшөм шог йирөма сійөс», — вежөртис Канев, лым пиө моз дзоньнас вөйтчис небыд улос пытшкө.

Канев виччысис дыркодь, весиг дөзмыны кутис. Митин пырөмөн тшөтш висьтасис:

— Самолётын өти төдса нывбабакөд веськалі, зэв интересной морт вөлөма. Но, вай сёрнитам делөсө, Виктор.

— Тэнад сьорсьыд эм карта? — юалис Канев.

— Тэ кызди чайтан?

— Ме чайта, тэ вунөдин сійөс гортад!

Митин чөла перйис чемодансьыс карта да паськөдис пызан вылө. Картаыс көр видзысьлы зэв ёна воис сьөлөм вылө, сәни вөлі пасйөма быд ичөтик шор и нюртор. Канев петкөдліс, кыті сійө прөйдитис.

— Но и мый казялін? — юалис Митин.

— Тундраас, дор вөрас и пармаас, кыті ме прөйдиті, му эжыс йи коркаасьөма.

— Но көні бурджык йирсянінъясыс таво?

— Тундраыс туянаджык на быттьө, но бара жө «но» эм.

— Да-а... — ышловзис Митин.

— Мый сідзи?

— Воддза индөм маршрутъяс серти өткымын стада пырисны вөръясө, асланыс сиктъяс дорө.

— Найө жө капканө шедисны, — горөдис Канев. — Кызди нө тэ тайөс эн урчит водзджык?

— Сетөма нин индөд — не кутчысьны воддза маршрутъяс бердө. Тэ ногөн, көні петан туйыс талун?

Канев матыстчис карта дорө, петкөдліс, кытчөдз, сылөн чайтөм серти, нюжалөма лөк полосаыс.

— Ме думысь, сійө вөнялөма рытиввыввсянь асывлань кыксө километраа лентаөн. Вот тайө лентасө и колө вуджны, медым веськавны пөтөса төвъянінъясө. Ме казялі со мый: кымын лунвылө сетчан, сымын вөснялө йи коркаыс. Чайта, Ухта юлөн вожъясын сійө помасьө.

— Ме чайта, корсьны йирсянінъясө матысьджык тундра дорысь, — шуис Митин.

— Абусө нинөмла корсьны.

— Төда ме тайөс, кывлі, — думыштчис Митин. — Но век жө ог гөгөрво мөдтор: мыйла тэ тундрасяньыс кыссин подөн. Эн жө өд сөмын мекөд аддзысьлөм понда?

— Эг подөн, а дадюлөн!

— Абу өмөй өткодь?

— Ме ногөн, абу. А локті со мый вөсна: миянөс, Эдуард Иванович, водзын виччысьө ыджыд ускөттьө. Оні ми сысыс мынны вермам сөмын сәки, лоас кө водз тулыс, оз кө чарөмавлы. И то джын важенкаыслөн теляыс пөгибнитас. Но та вылө ичөт надеяыс — дедъяслөн примета серти, сөрөн кө пуксис төв, нюжалас и тулысыс.

— Бек жө ме ог стөча вежөрт, мыйла тундрасяньыс коліс кыссынысө, воштыны сы мында кадсө.

— Меным коліс адзывны аслам синмөн, мый керсө ылыс пармаас. Өд юаласны, мыйла сійө ускөттөыс таяліс? Тэ аслад кузь «запискаын» кутан ыстысьны лёк ар да тулыс вылө. Но ставыс сійө тэнад ылөг! Сыысь позис мынтөдчыны, уджавны кө водзө думайтөмөн. Ме та йылысь ог мөд чөв овны. Тайөс колө шуны веськыда, медым не ылавны мөдысь.

Канев казяліс, главной зоотехниклы сьлөн кывъясыс мөрччисны. Тадзи кымын жө сійө весьөпөрліс, кодыр найө, кык дадюла, корсьысисны тундра шөрө вошөм Аннаөс, кодыр найө, сунисөдз көтасьөмаөсь, чизыр төв йылын лөсьөдчисны коллявны вой. Сэки Митин лябмыліс юрсө воштөмысь. Өні нө мыйысь? Кыдзи и сэки, Викторлөн бара жалыс петіс:

— Эдик, эг тэныд инфаркт көвъялөм могусь ме татчө веськөдчы, — ньөжйө заводитіс Канев. — Өтвылысь сөмын позьө адзыны петан туйсө. Кыдзи зоотехник, тэ гөгөрвоан, мый өні вөчсьө пемөсьяскөд йиа пастбищеяс вылын?

— Да, кутшөмакө...

— Пастукъяс ногөн кө, көрыс өні мөрритчө, стөчджыка кө, пемөсыс вынсө воштө унджык сы серти, мыйта босьтө кызмырдөн перйөм көрымсьыс. Кымын водзө мөдас кызны лым эшкыныс, сымын сійө костыс нюжалө, көрыд өнджыка омөльтчө.

— Мый, тэ ногөн, колө вөчны?

— Мудзи өтиторсө дольны. Көть кыдзи, а вуджны колө сійө йиа полосасө. Сэки лоас гарантия — оз таяв лёк тулысыс.

— Но и козьналіт тэ меным задача. А кытчө и кыдзи вуджнысө, тэ төдан он? — Митин тырвуйө вежөртіс, өні сы мында стада вөрзөдны местасьыс сылы не вын серти, но өд колө не сөмын вөрзөдны, но и вайөдны местаө да бөр лючки петкөдны. Дзуган кө мыйкө?

— Кык во сайын тэнад пызан вылө пуктылі ассьым дипломной удж. Көні сійө? Мыйла некутшөм воча кыв абу?

— Эн тэрмась, абу шыбитөма, мыйскөрө вөчсьө. Өтитор көсья юавны, ёна тэ тундраад лыддысян?

— Тулыснас миян югыд, кор мича поводдяяс, стада дінын дежуритігөн позьө лыддысьны и лыддысьны. Ме дадь бөжын ящик тыр книгасө новлөдла.

— Правильнө. Эн лэдз вежөрыдлы нитшсявны. Но, другө, делөыс өд сыын, мый лыддян. Көнкө унджыкыс эсійө... өтамөд вөсна кузя ышлолалөм... эмоция...

— Веськавлөны и сэтшөмъяс, — төкөтө нюмдыштіс Виктор. — Но и мый?

— Наукаө колө пырөдчыны! Вот көні олөмыслөн выныс.

Өні практически позьё стрöитны сэтшöм дирижабль! Сийö лэптас сынöдö дзонь состав. Тайö керкасö, көнi ми пукалам тэкöд, вермас нöбöдны кытчö колö. Но думайт,— Митин кыдзи дирижёр шенасис кинас, Викторöс збыльысь чуймöдiс сылөн висьтыс. Көр видзысь сюся кыйис Митинлысь непöштö быд кыв, но и быд вөрзьöм, тайö торъя нин ыззьöдiс ораторöс.— Сувтöд син водзад сэтшöм серпас: миян минсельхозö сэтшöм машинасö убöлитiсны öтиöс ли кыкöс. Тайö жö вуж выйöныс вежö көр видзöмсö!— Виктор көсйис мыйкö вочавидзны, но Митин эз лэдз.— Эн тэрмась, эн тэрмась. Шуам, тэ стадатö, кыдзи öнi, суйин каральö. И он тöд, мый сийö стартöвöй площадка (танi Канев букыша видзöдлiс главнöй зоотехник вылö). И сийö площадканыс дзоньнас кыпöдчас енэжö и кымөр моз руньгас водзвыв бөрйöм йирсянiнö. А тэнö сэнi, Виктор, вичысьö керка, кытчö ставсö дасьтöма мый колö, весиг чомтö ни аргыштö оз ков кыскавны сьöрсьыд, кыдзи öнi. А тулыснас, кор кушмас тундраыд, бара жö сiдзи петкöдасны, тшöгöд көръястö öти местаын арöдз. Лöсялö тэныд татшöмторйис?

— Он-ö тэ мойд меным?— ышловзис Канев.

— Ог, Витёк, ог. Ми öнi велалiм тэрыба лэбавны сынöдöд, нетшыштсим космосö, быд сикас машинаөн котралам му кузя, гывъялам ва кузя. Но кор ставыс лючки гөгөрвоасны, мый зэв ёна колö видзны мича планетанымöс, сэки окотапырысь мöдасны уявны сынöдöд, кыдзи черияс ватi. Со мый вермö вöчны наукаыд! Аддзан, öти здукөн став проблемасö лои решитöма. А тэ полан наысь.

— Но öд тайö кор на!— пöся шыасис Канев.

— Да, Витёк, абу аски, ог мöд вензыны,— Митин носöвикөн чышкалис сьылисö, пуксис бөр аслас бергалысь улöс вылö.— Мукöддырйиыс мөвпалан тадзи и синва петтöдз жаль лоан ачыд аслыд. Мөритчам ми тэкöд, Виктор, а миян бöрын... ма панялöм. Со тэнад помся чизыр тövъяс вылас быгалöмаöсь весигтö синкымъясыд, а чайтан, менам службаыс сакар тор — öтилаян заседание, мöдлаын собрание, летучка, местком и сiдзи водзö, заводитчис и мöдöдчис. Кор нö сэсся тэнад дипломнöйөн занимайтчынысö!.. Гортад телевизор, синнад и пельнад апалан став юöрсö, улич вылö петан и сэнi шойччөг абу — шума, зыка карын олам, бензин дук ньылалам. И ставыс тайö öти пöртйö воö,— Митин чорыдакодь, весиг скöрысь, котшкис аслас кымöсö.— Ыджыд-ö сийö?!

— Веситны кө быттьö тэнсьыд, ме думысь, килограмм витсö кыскас,— нюмдiс Виктор, ачыс весиг шензис, кыдзи сийö та ыджда пöртсö удитiс нин тыртны, ай да Эдик.

— Но сийö абу дирижабль, медым ставсö лэптыны. А ми сэтчö тувъялам и тувъялам, водз асывсянь да сёр рытöдз клёнöдам, көть грамм мында нин оз төр ни оз öшйы.

— Да, Эдик, — жалитыштіс сійос Виктор. — Кымынътлыны да выль шыдосөн кө тыртны...

— Та вөсна и нервъясным зэлалом няртала кодьось, кор тай модар помсянныс нетшкысьо сы кытшө шедом йой корыс. Тэ тодан тайос. Овлө, брун орас нярталасьыс кутшөмкө прать. Овлө?

— Сісь кө нярталаяд — да.

— Нярталасьыд пратьсө поэь бөр йитны, нервтө — он. Вот. Ветлам обедайтны.

Сейисны кутшөмкө кафеын, аддзысьом могысь винаон чөсмасисны. Викторлы ичөт градуса винаыд чай юом кодь лои, некытчө эз и донзьыв. Митинос варовмөдіс и ышмөдіс, бара норасис, кутшөма мудзө карас олігөн.

— Кыззы, Эдуард Иванович, — нора шуис Виктор улич кузя восьлалігөн нин. — Ме ог тод, кор лоасны тэнад дирижаблясыд, но меным кажитчө, модам кө ми сійос виччысьны кияс кресталөмөн, көр стадаясыс сэтшөма ичөтмасны, поэьны кутас сійос кытчө колө лэбөдны весиг вертолөтөн.

— Огө лэдзө сэтшөмторсө, — чорыда шуис Митин. — Экстренной мераяс примитам.

— Кор?

— Кор ковмас. Тэ думайтан, нинөм оз вөчсы — таво индөма планын унджык начкыны телясө, кольөм тулыснас коді чужис. Посни көрыс өд тулыснас медводз слабмө?

— Сійөтө сідзи, — мөвпалігтыр вочавидзис бригадир. — Но поснисьыд и пөльзаыс посни. Гырысьыслөн абу жө помтөм эбөсыс. Важенкаыс на вермас гылавыны.

— Эн пов. Лөк пөраас, суас кө сэтшөм рөкыс, комбикормөн, кос турунөн ловнысө кутам.

— Абу сійө көр сөян, тукьясын пөдом туруныд да комбикормыд, свежөй сөян вылө найө велалөмаось, көрыд абу мөс.

— Вай эн на ловъявылысь гуась, — номйысь моз шеныштчис Митин. — Аски кежлө кора вертолөт, лэбзылам кытчө көсьян. Мед эськө поводдяыс оз торксы...

Поводдяыс быттьө көсийс отсавны Митинлы бур төвъянінъяссө корсьны, градус кызя кодзыд, некөн ру ни кымөр чир эз тыдав, весиг шонді көсийө петны, но, буракө, сөмын выныштчылөмыс и лоө. Декабрь шөр. Бур югыдөн нин юрсигусь кодь вертолөт кыпөдіс сынөдө Митинос да Каневос, лэбисны кыпөдчысь шонділы паныд, кажитчис — сійө кок увтіныс көсийө кытчөкө уйкнитны, сэтшөм уліті уйө. Митин тшөкыда матыстчыліс лөтчик дорө, индіс туйсө, Виктор нимкодьясис воча котөртись серпасьясөн, корсис найос карта вылысь, со посни пожөма вөр вуджөны, сы бөрын шор колө лоны. Сідзи и эм! Сэсья козьяс, кыддза расьяс да нюрьяс. Татысь, буракө, неважөн на пөрөдлөмаось вөрсө, лючки төдчисны туйяс, паськыд да

веськыд визиркаяс, талялыштны кӧ техникаӧн пушыд лымсӧ, лӧсьыд ордым воссяс кӧр видзысьяслы.

Со и сувтлыны шуисны ӧти нюр вылӧ, пожӧма яг дорӧ лӧччис вертолӧтыс. Виктор босьтис моздорас лызьсӧ, крукыля койбедьсӧ да чеччис пуркнитчысь небыд лым вылӧ, пидзӧсӧдз вӧйис. Уйӧмӧн петис бергалысь бордьяс улысь, кӧть эськӧ найӧ вӧліны доза вылынӧсь мусяныс. Батыс на челядь дырйиис такӧдліс: виччысьысьтӧ пӧ весиг Ен видзӧ. Сувтис лызь вылӧ, веськӧдчис ягас, ылӧдз эз и ветлы, йизьӧма на му эжыс, кӧть эськӧ абу нин тундрадорса вӧръясын кодъ.

Бара лӧбисны.

Воисны джуджыд керӧсьяса Таб ю вылӧ (Печоралӧн луныввса вож), паськыд пожӧма ягьяс вертолӧт борд улын шыльквидзӧны. Вертолӧт бара лажмыньтчис нейджыд кушинӧ. Виктор лӧччис шор ньылыдыс, сьлӧн пожӧма, лунӧ бана джуджыд керӧсьясыс вӧлі мездзысьӧмаӧсь арся йисыс. Му бердыс пыш кодъ кос! Ӧні, койбедьнас кокыштан да, му дорас изӧрмӧм лым увсьыс радпырысь чеччыштӧ воча ки вомлӧс кызта еджыд булки кодъ нитш. «Со кӧні тӧвъяніныс», — тӧкӧтьӧ эз горӧд Канев. Сійӧ век водзӧ и водзӧ пырӧдчис ягас, окота вӧлі тӧдны, ыджыд-ӧ татшӧм буриныс. Мунис тӧрыба, ур моз чеччышталіс нейджыд гураньяс вомӧн, бедъ вылӧ мыджсьӧмӧн, медся крутой кыр йылас ньӧв моз лыйыштліс-кыпӧдчыліс. Кӧр видзысьлӧн ыпъяліс лолыс. Викторӧс чуймӧдіс и шензьӧдіс аддзӧмторйис, татшӧм йирсянінъясас тундрабердса вӧръясын важӧн нин эз веськавлы. Кӧр видзысь радліс, быттьӧ сылы сюрис зӧв ыджыд озырлун. И збыльысь, тавося лӧк воад тайӧ клад. И Канев тӧрма-сис, кӧсйис стӧча тӧдны, быдлаті-ӧ ӧткодь, абу-ӧ кутшӧмкӧ пӧрйӧг.

«Татшӧм озыр йирсянінъяс вылас, — мӧвпаліс Канев, — кӧръяс не сӧмын кутасны гожӧмын да арын кӧвтӧм госсӧ, но и водзӧ на сӧксяласны. Тані тӧвйӧм бӧрын инмас ӧмӧй кутшӧмкӧ «лӧк» тулыс. Госа кӧрыд кык тӧлысь чӧж чарӧм вывтӧ котралас, козьяс вывсьыс ройсӧ нетшкас — и мор сійӧс оз ви. Со кысянь, Митин, колӧ заводитны «лӧк» аръяссӧ да «лӧк» тулысьяссӧ бырӧдны», — грӧзитис Канев кабырнас вертолӧтын виччысьысь главной зоотехниклы.

Вертолӧт динӧ матыстчигӧн Виктор ӧвтчис кепыяс чабыртӧм тугья еджыд нитшкӧн, горзис Митинлы:

— Со кутшӧм озырлун ныр улад и он казав!

Пемыдӧдз немынысь пуксьылісны. Таб ю йылӧдз волісны, карта вылӧ пасьялісны, кыті лӧсьыдджык выль йирсянінъясӧдз писькӧдны кӧраяслы ордымсӧ. Видлалӧминас, стӧчджыка кӧ Таб ю гӧгӧрын, Викторлӧн арталӧм серти, вермис тӧвйыны нель-ӧ-вит стада.

Мөд луннас көсйисны водзё корсысыны, но гудыртчис поводдяыс, сапкис лым, непөштө мыйкө позис казавны мусьыс, коліс виччысыны ылалөмысь. Войнас эськө и вощылыс енэжыс, но юдгкежлас бара кымөртчис. Тадзи помся дэльөдчис поводдяыс. Митин да Канев пөжисны бокъяснысө гөстиницаын, виччысисны, жуглясисны.

Кадсө весь колигас Канев век тшөкыдджыка мөдіс мөвпавны асланыс чомсаяс йылысь. Кытчө төвйынысө сюртчасны? Кутшөм петан туй ликтас Вань стариклөн дзор опытыс? Виктор чайтөм серти, шудаөсджык лооны, кольччисны кө тундраө. Таво вөрас колө зэв пыдө пырны, өтка стадалы не венны сы кузьта туйсө.

Сійө йирсянінъясыс, кодөс аддзисны Таб ю дорысь, кытчө Митин лөсьөдчө писькөдны туй вездеходөн, сөмын некымын стадалы. Викторлөн оз лыб кыс мырддыны налысь, кодъяс өні синтөм кутюяс моз пырөмаөсь йизьөм вөръясө, шөйөвошөмаөсь — водзө некытчө мунны и бөрө косны, тундраланьө вешйыны нюжмасьөны. Мед нин көть налы Митиныс отсалас мыйта вермас. Ассьыс мөвпъяссө көр видзысь вощытис зоотехниклы.

— Ог гөгөрво ме тэнө, Виктор, — шуис койка вылын нюжвидзысь Митин. — То вөрө нетшкысин, өні бөр тундраө.

— Ме кө ог пыр Таб ю дорө, ме местаө локтас мөд, кодлы өні некытчө воштысыны, дзоньвидзаөн кольө кык стада. Дерт, миянлы тундраас лоө ёна сьөкыдджык төвйынысө, но мый керан. Мый тані гөгөрвотөмыс?

— Кыдзи бөрсө мунан? — недыр мысти юалис Митин.

— Ме чайта, тэ отсалан.

— Кыдзи?

— Миян сиктөдз, Селиванөдз, лэбөдан вертолётөн. Сэні матын геологъяслөн база, төвнас тундрасянь вездеходъясөн волөны грузла. На туйөд и пета.

— А мыйла тундраөдзыс не лэбны вертолётнас?

— Совхозса веськөдлысьяскөд колө аддзысьлыны. Аски эськө ме көсйи лэбнысө.

— Сёрнитчам. Вайөд дадуютө. Эн воштысь тундраас, Виктор. Выхь воас нин карын лоас медбур көр видзысьяслөн собрание. Тэныд тшөтш ковмас волены.

— Мый нин сэтшөмыс?

— Таво көр видзысьяс шедөдісны, колө шуны, эз омөль результатъяс. Медся водзмөстчысьяссө көсьям наградитны. На лыдын ме пасйи тэнө.

— Кыдзи колө тайөс гөгөрвоны, Эдуард Иванович?

— Орден сетасны.

— Кыдзи гөгөрвоны тайөс! Гашкө, ньөбны думыштін? Медым чөв олі...

— Мый тэ, Витя?! Кодысь омольджык тэнад бригадалон лыдпасъясыс? Тадзикон тэ мено кедзовтан...

— Ог награда вoсна уджав. Нимкодъ меным сийос вoчны. Кыла йoзсянныс — колo менам уджыс быдoнлы. И аслам сьoлoм бурмылo... Со кoни, Эдик, медаджыд наградаыс!

Асывнас Митин колльoдiс Викторoс тундраo. Вертолeтo пыртiсны дадьсo, а сeссия йoткисны сьлoн гырк пытшкo кoръясoс да Лыскоoс.

— Бур туй! — кутлис Каневлысь кисo Митин.

— Эн вунoд, Митин, тулысыс лoo сьoлoмтoм прокурорoн, — вочавидзис Виктор.

## 10

Селиван сикт горулo oшйис ыджыд кынoма да вoснъидик сойбордъяса вертолeт. Сиктыс абу ыджыд, но ичoтгнас шуны он жo лысьт, сeни «Югыдлань» совхозлoн быдса отделение.

Сиктсаяс шензисны, мыйла бригадир локтiс вертолeтoн да дадюлoн, но кор тoдмалiсны, мыйын помкаыс, шoгo усины, сiдзикoн таво стадаяс оз сибoдчыны матo сикт дорo, не чoсмасьны налы свежoй айбарчoн.

Совхознoй контораын ассьыс бригадирскoй делoяссo мoгмoдoм бoрын водз асывнас Канев петiс туйo. Первой мунiс охотникъяслoн «буранъясoн» талялoм туй кузя, а сeссия, Лая ю вылo кeжoм бoрын, веськалiс геологъяслoн зимник вылo. Кoймoд луннас и веськалiс асланыс чoмйo, кыдзи и сeрнитчылисны, бригадирoс виччысьoмаoсь Плешка мусюр вылын. Виктор oшйисис, кутшoм пoтoса йирсянiнъяс сийo аддзылис ылi пармаысь.

— Том дырйи воывлi сэтчаняс, — веськодпырысь шуис батысь.

— Oни нo мый? Кoпытка висьoм oмoй тшапкис? — дoзмoмoн юалис Виктор.

— Здоровьеыс мoдджык, пиo, эг лo воддза кодъ удал! — дoзмис, тыдалo, и батысь. Виктор лючки гoгoрвоис, мый тайoн кoсйис висьтавны батысь. Oниa том войтырыслoн пo, кодъяс локтoны тундраас, кoръяссo дoзьoритны кыдзи колo дыш.

Тoлыс, кыдзи мукoд вoясo, эз нима в чорыд кoс кoдзыдьясoн, кодыр повзъытoдз гьoртчылoны пуяс, кышалoны ас ногыс меда шoныд еджыд паркасo, но и сы улын тiрзьoны. Сэтшoм трoпoк лoo козлoн да пoжoмлoн лыскыс, инмoдчыны полан, вoснъидик стеклo моз пасьмунo. Зeв кoдзыд дырйиыс и байдoгъяс оз пукавны кыдзяс вылын — усян да дойман, йoжгылясьoны репасын, таво eнджыкасo сапкис коръялым либo, кыдзи и Виктор Каневлoн лов вылын, гудрасис турoб. Фeвральын мыччысьлис шoндi, но сийo вoли кыдзи

көдзавны нин заводитөм морт. И збыльысь, енэжтасын ре-  
гыд кусліс.

Март помын рытыввывсянь пöльыштіс шоныд ру, весиг зэрыштіс, а сэсся пуксисны ясыд лунъяс, быттьö выльысь, сёрмыштöмөн, воис төлыс. Весьт кызта чарөмөн дорис быд-латі. Некымын лун мысти стада дзикөдз кыпöдчис төвся трөпасыс, öтитöг гөгөрвоисны, налы сэсся немтор оз чукты лым улысь. Көчъяс моз мөдїсны бергавны пуяс костöд, ро-ясьны, козъяс выльысь нитшсö няклявны, мөд сикас сёян сэс-ся көръяслы эз ликмы. Но ройыд абу нин сы мында, медым пөткөдчыны сійөн дзонь стадалы. Сэсся ройыс оз лётъяв быд пу вылын, кызвыннас сійö быдмö висьлөсджык, кондаö пöрысь пуяс вылын. Ройтö көрыс радейтö, сапкысьлöны пöрöм роя кондаяс вылад и арнас, кор лым увсьыс лючки шедö сёяныс, но ыджыд пөтöслун, буракö, сыысь оз жö öкмы.

Татшöм пöраад медся сьökыд пастукъяслы, вермас разав-ны стадаыд, тшыг көрыд пуля моз лыйыштö, роя путö аддзас да. Паськыд вөръясын татшöм пöраын овны — веськыд мат. Сэтшöм здукъясö кызди позьö öдйöджык чепöсйылöны тундраса эрдъяслань. Дерт, чарөма вöрын ас вöля вылын көр тшыг оз кув, гашкö, мыйтакö көинъяс травитасны, но вошö-маыд сійö абуөн жö лыддыссьö.

Тайö сьökыд пöраас Виктор Каневлөн чомйын вöліны сöмын кыкөн: ачыс да Саньö Даньö. Степан, Вань дядь, Марфида да Пеклэння ылі сиктынöсь, мыссьöны-пывсьöны, вын-эбös чөжöны. Кызди асьныс шуöны, кузь туй водзвылын «дукнысö вежöны». Дерт, найö öні сэні шызисны жö, рация пыр сёрнитіс управляющöйкөд, шуис, додьяснысö пö нин сөвтöны, бригадирлөн чайтöм серти, вежон мысти тані лоасны. Но öд сэтчөдз кыкөныслы колö куччысьны! Непöштö узьöм, йöз ногөн сөйöмыс оз вичмывлы: кын яйтор да сукартор гирскöдыштасны и водзö — рояджык пуяс пöрöдлöны, либö стадасö коланаинö веськөдöны. Ладнö, найö дор вөръясын. Вöрыс быдмö сöмын юяс да шоръяс пöлөн. Мөдарни кө, петіс кисыныс стадаыс.

Кык во нин пастукъяс эз куньлыны син. Канев гөгөрвоис, дзик узьтöгыс некызди оз позь, коркö-некоркö сунгысясны дадь вывсьыныс и төдлытöг шкорнитасны дзонь сутки чөж. Сы бöрын не аддзывлыны нин көръяснысö. Торъя нин усур-муніс Викторлөн ёртыс Саньö Даньö, весиг кыв-ворыс во-шис, сöмын гласнöй шыяс вежöрас колисны:

— Даньö, ветлы вала!

— А.

— Даньö, би песты!

— Ы.

— Даньö, сөй!

— О.

— Даньё, мыйкё шу!

— Му-у!

Медым тувсовъя чизыр төв йылас дзикөдз эз быгав кык-нанныслөн вежорыс, Виктор думыштіс аслыссикас «узыланін». Стөчджыка кө, ывлавывса «будильник» лөсьөдіс. Пөрөдіс роя пу, увйис. Увьяссө тэчис кык чукөрө. Ещө корсис вывлань вожа бедь. Виктор дадювсө тшукөдіс торйөдөм рой чукөрө, ачыс мышкөн нюжөдчыліс чарөм вылө, юрсө пуктыліс вожа бедь вылас, артмыліс мыйкё юрлөс кодь. Но бедьсө көрталөма дадь подъяс гезторйөн. Дадювса көръяс вильөдасны налы индөм увъяссө и веськөдчасны мөд чукөрө, сэк кості и садьман, дадюлыс нетшыштө вожа бедьсө и узьысь гышкысьө чорыд чарөм вылө балябөжнас. «Непөштө тадзинад узьысь покони́к чеччас», — думайтіс Канев. «Будильник» артмис бур. Уна-ө поэьө шойччыны (час ли, час джын), сы серти Виктор и вөчө көръяслы первойя чукөрсө. Колө шуны, медводдза опытыс эз ёна вөв любө. Викторлы балябөжас йөг кайис, сійө ёна поліс садьмытөмысь, юр улас нальксө пысавліс метраён-джынийөн кымын. Водзө вылө сөмын весьт кузьта кутіс кольны, и делөыс ладмис.

Велөдіс тайө ремеслоас өти сайын Саньё Даньёөс. Даньё зэв рад лоис, весиг шмонитыштіс, бурджык пө не көртасьны дадь подъяс. Бригадир зэв скөрысь видзөдліс сы вылө. Даньё тшөкмуніс.

Вой кежлас Канев тшукөдліс стадасө кутшөмкө вөр діно и быть луныввлань нырвизьөн: көръяслы көрымөн дзескалом бөрын нэмөвөйся инстинкт тшөктө өдйөджык петны тундралөн шылыд эрдъяс вылө, нюжөдчыны войыввланьө, век найө водз тулысын сәні паныдавлісны лымйысь мездысьөм мыльк чукъяс. Төвся турөбыс найөс гөликөн моз чышкө, пыр и нетшыштө вөсньыдик эшкынсө, первойя ульдыломас муыс эрдалө. Пемөсьяс вунөдісны өтитор: сійө мылькъяссө важөн нин помөдз йирөдөма, көръяслөн ёсь гыжъясөн да сарөгөсь чорыд паръясөн жугөдөма не сөмын ягельсө, кульөма му эжсө, торвидзө еджыд лым пиысь өні рудов торфыс. Оз прөстаысь найөс шуны «вира» мылькъясөн. А кутшөма эськө сійө йирсянінъясыс өні лөсялісны. Матын куйлө, да стадаяс арйисны и төвйисны сәні. Со өні сыысь колө мынтысьны!

Кызди век, стадаөс дөзьөритісны кык боксянь, войыввсяньыс пыкис ачыс бригадир, сәні син да син колө, медым көръяс эз зэлөдчыны налы төдса ордымөд, лунладорас сулалө Саньё Даньё, тані сөмын колө видзөдны, медым стада юрыс эз вожав, кытшолөн эз пескыльтчы бөрвыв.

Нельөд войнас асья лөз вылас на Канев казяліс: вөр ді пытшкас, кытчө инавлісны стадасө, көрыс гежөдмөма. Ді помөдыс төдчис, көрыс чукөрөн лэччөма нейджыд шор пыдөсө,

ёсь гыжъяс ичөтика парсалыштöмаось чарöмсö, быттьö чуткалöмаось шöриалöм стöкан дорышön. Виктор вöтöдiс ордчöм кöръяссö стöч сийö здукö, кор важенкаяс чатрöдлисны юрнысö йиа саридзлань, öвтчисны паськыд сюръясөн, чуксалiсны вөр дорын роясьысь ёртъяснысö петны кузь туйö. Виктор пöрччис дадь бокö домыштöм Лыскоос да усьöдiс наянитысь кöръяс вылö. Стада чукöртöм бöрын Виктор мöдiс корсьны пастук ёртсö, но Даньö некөн эз тыдав. Кыдзи и чайтiс, Даньö зэв чöскыда шкорнитлöмөн узис коз бокин. Дадюлыс дiнас эз вöv. Бригадир садьмöдiс Даньöос:

— Чеччы! Кöрыд пышйöма!

— О!— Даньö пуксис лым вылö.

— Көнi дадюлыд?— выльысь юалис Виктор.

— У-у!— пыркöдiс юрсö Даньö.

— Даньö, мый сэсся кутам вöчны?— медся чорыд матьсö гаровтiс бригадир.— Көр кийысь петiс, дадюв абу. Сгинитам ми татчö тэкöд. Чöскыда узин?!

Даньö заводитiс тiльны синъяссö. «Мый сэсся и юалан татшöмыслысь»,— жалпырысь нин шöйöвошöм пастук йылысь думыштiс бригадир.

— Лок, дадювтö туялам.

Даньöлөн дадюлыс неылысь и сюри, пуö гартчöма, куим кöрысь кыкыс джагалöма.

— Со тэныд и удж,— веськодпырысь шуис Виктор.— Куяссö кöть пöрччы.

— Дзик кынöсь да,— радлiгмоз юөртiс Даньö. Дерт, кынтö он куль. А көнi татшöм кодзыд вылас сывдчан? Со мыйысь радлыштiс Даньö. Викторöс сiдзи и лыбöдiс выльөн ыпнитысь лöгыс, ярскöба юалис:

— Дыр узьöмыд. Эн кынмы?

— Иг.

«Со кутшöм öдйö ас выяс воис»,— думыштiс Канев. Виктор гөгөрвоис, синва лэдзöмыс Даньöлөн вөлöма прöста, пычиктiс сийöс ёнджыкасö асья чизырыс. Даньö узигас чужöмсö вöли вевттьöма көр вольөн, шонавлöма, буракö, сэни. Быттьö сiдзи нин тшупöма, Саньö Даньöлөн делöыс тшöкыда артмылö гугөн, кöть мортыс армияын служитлöма и быдтор. Öти во весиг уджалöма мöс пастукөн. Уна мöслысь вöрасö тшыкöдöма, сюрукъяс бадь улын да зорöдъяс бокин узьлöмаось. Стоп шуöмаось. Трактористö велöдчöма. Кымöса щелля вылö катны заводитлöма тракторсö, гатшасьöма. Бара стоп. Быдлаын стоп. Сэки шуасны, видлы пö, Даньö, тундрасö, кöрыд абу тракторыд кодь йöй, сийöс быд щелльö он суй. Даньöлы гөгөр мольыд, кодзыд тундра кöть жар пустыня, кытчö пö руньган, сэтысь и бергöдчан, шуöма сöмын. Канев зэв чукрасьöмөн сиктысь катöдiс сийöс чөмйö. Но öд быть кодöскö

бригадаад босът, некод кө оз ышты тундраас. И со кызди медся сьёкыд кадас көмөдiс. Бөрүннас Даньё норасис Викторлы, слөйтөм «будильник» пө мөвпыштөмөд, швачкыси пө чарөм вылас, ойөстнысө вөли некор, садьой дзык пыр жө вопис, сiдзи пө эг и паляв, кытчөдз эн чеччөд.

Бригадир эз төд, мый ськөд вөчны, но стада дiнө эз нин сибөд. Суйыштіс киас лэчыд чер да тшукөдiс роя пуяс пөрөдлыны. Клөнгө югыдсянь пемыдөдз Даньё, думнас бригадир водзын мыжсө вештө. Өтчыд дугдiс кывны черыс, быттө мортыс бара унмовсис, оз шыась — и ставыс. Локтіс бригадир, Даньё пукалө джынвийө йирөм пу дiнын да кыкнан кинас кутө кок пөвсө. «Кералөма коксө...» — ойөстiс Каневлөн сьөлөмыс. Көть лысө абу жугөдөма, вирыс өна ылькiйс, Виктор зэлыд жгут пунктiс, аслас коскысь вөнсьө пөрччис да, сэссия ёдалiс да бинтуйтіс, чомйө нуөдiс.

— Өні, Даньё, пөттөдзыд нин шойччан, — шога шуис бригадир.

— Эг нарошнө, черыс кийсь вильскөбiс, — вочавидзис Даньё.

— Код кийн нө сийө вөли...

— Йизьөма кепысьыс...

— Войыс эз тырмы тэныд косьтысьнытө, — скөралiс Виктор. — Чомьяс көть эн кынмы, ломты пачсө. — И бара мунiс көрьяс дорө. И со колис чунь өтнас ыджыд стада дөзьөритны. А көрьяс чеп йив пон моз нетшкысьөны паськыд тундраө оз нин морт гөлөссьыд повны, сөмын Лыско ещө атөдлө. Неважөн рация пыр сёрнитiс Митинкөд, Сыктывкарысь Печораө вешйөма, котыртап пө стадаясө кос турун, нянь да комбикорм шыблалөм. Кутчысь пө, Канев. Но вертолёт оз жө тэрмась... Буракө, мукөдлаас делөыс ещө на омөльдзык, некор кө сы дiнө локны Митинлы. Гашкө, чайтө Митиныс, ас вынөн на вуджас лөк тулыссө Каневлөн бригадаыс? Талун Виктор гөгөрвоис — не вуджны дзескыд кадсө. Вежон-мөд мысти заводитчас пиөдчөм, а ывлаын дугдывтөг чажөдө вой төв. Стадаын, гашкө, джын көрыс нин «ва вема», специалiстьяс ногөн кө, жирөвөй клеткаясыс бырысны, «сотчисны» не сөмын яйсьыс, но и лы пытшкөсса вемсьыс. Виктор виччысис мыйкө татшөмөс, но збыль серпасыс вөлөма өна шуштөмджык вежөрын чужтөмаыс серти. Кыссисны өти сикас луньяс, стөчджыка кө, сорласис пемыдыс и югыдыс, быд пөрийө өтмоза колiс төждысьны тшыгьялысь көрьяс вөсна. Виктор весиг воштіс унсө, өні эз нин пов чорыда унмовсьөмысь, пессис сьёкыд вөтын моз. Весиг Каневлы мөдiс кажитчыны, мый сийөс суис татшөм притчаыс, тайө ачыс тундраыс тешитчө-ворсө ськөд. Ставыс быттө мойд, вөт! Өти

татшөм «вөт дырйи» рация пыр шыасис бригадир динө Митин. (Канев рациясө новлөдліс дадь бөжас, кызди и быдтор вөчліс ас кадө, асывнас кыис ачыс бергөдліс приёмной кнопкасө.)

— «Югыдлань» — один, «Югыдлань» — один, — ловзис рация. — Это я, Митин. Как слышите, приём!

— Отнам, Эдик, дзик отнам, — шыасис Канев. — Мый тэ-  
ныд колө? Волы чай юны.

— Виктор Иванович, как состояние стада?

— Зэв бур, Эдик, көръяс госысла ризъялөны, сывкйөны-  
войөдөны кытчөсюрө, вөтөдны ог вермы.

— Витя, мый лоис? Приём.

— Төдлін кө эськө, Эдик, кутшөм тані лөсьыд...

— Есть ли в стаде падеж? Приём.

— Арнас вөлі забой, өні ковмис падеж... Сідзинад өд  
дзикөдз көрыс бырас, Эдик.

— Кодалан али мый сэні?! Есть ли падеж?

— Лоас, Эдик, зэв ыджыд лоас. Волы, видзөдлы. Сандивей  
дорын ме. Дзик отнам. Некодкөд чай юны.

Та бөрын наушникъяс ланьтисны.

Гортө петавлөмаяс да вертолөтыс воисны пөшти өттшөтш.  
Аргышъяс матыстчисны чом дорө рытгорув. Быкъяслөн пө  
дзикөдз лекныс ори, норасис Вань дядь, сукарторсө, кодөс пө  
кыским гожөм кежлө аслыным, дзоньнас вердим көръяслы.  
Вертолөтыс пуксис локтан асывнас, но Виктор сылысь шысө  
эз нин кывлы. Виль пастукъяс вежисны сійөс, бригадир тэр-  
масьөмөн лэдзалис ассыс дадювсө, медым өдийөджык уськөд-  
чыны чомса вольпась вьлө.

— Сэссия лым сывтөдз тэнө ог нин лямкаавлы, — тапкөдіс  
мышкас Дзолуклы, — шойчөдышт пельпомтө, аттьө, мездін  
медся сьөкыд кадас.

Канев узис чечывтөг сутки, не лыддыны кө некымы-  
нысь пөсь шыд гуниктөмсө, кодыр сійө куньса синмөн и  
босьтліс Марфида кыис кружкасө.

Виктор узигкості вертолөтөн вайөмаөсь нянь, комбикорм.  
Өдийө тай и вевъялөмаөсь өнія войтырыд. Чом весьтті бергөд-  
чөма АН-2, шыблалөмаөсь турун туюкъяс. Век жө серпасыс  
эз вөв ышөдана, воддза моз сотіс вой төв, чарөм вылын куй-  
лісны көръяс, кодъяскө кокъяснысө нюжөдөмөн, кодъяскө  
кынөм уланыс сюркнялөмөн, кызди и овлө рөмидзтіганыс,  
ылысянь видзөдігөн кажитчө, стада шойччө, пөт кынөмъ-  
ясөн пошиктөны мудзөм пемөсьяс. Но тайө эзджык вөв сідзи:  
көръяс вөліны кынөсь, кызди ачыс тундраыс. Виктор  
ветлөдліс «узысь» көръяс көстөд и көсйис тырвийө вежөрт-  
ны лоөмторсө. Мыйла өтилаө и татшөм чукөрөн? Дерт, тані  
абу дзоньнас стадаыс, гашкө, сө-мөд. Кызвыннас вывті нин

жебмояс. Век жё юрас вирдыштіс повзёдана мёви: тыртём кынёмас пемёсьяслы унджык веськаліс нурьяторйис, пёльтис шомёсёс моз. Кёть и збыльысь тадзи, мыжыс некодлөн жё сыын абу, кёрыд абу дом йылын, нормаён ныр улас он пукты, наянджыкыс век унджык кватитас.

Та йылысь рация пыр бригадир юёртіс Митинлы. Воча кывйис вёлі дженьыдик: виччысь — волам. Анализьяс висьталісны мёдтор: кёрьяс йирёмаоьсь лым улысь кытчёсюрё петыштём съод момгасё. Овлё пё татшёмыс, кор тшыг пемёслён организмысь дзикодз бырёны совьясыс, найё сёйёны мусё. Со пё мыйысь ещё колё виччысьны!

Сьёкылдуньяс эз чинны, а лунысь-лун водзё содісны. Митин эз нин бёр лэбзы Печораё, кольчис Каневьяс чомйё, тасянь пё кивывджык кёрым ваялёмнас веськёдлыны. Вёрын төвйём стадаяс унджыкыс воисны тундраё. Тундраё воисны весиг Таб ю дорын төвйём стадаяс, налён пё некутшём падёж абу и оз ло, ошйысис Митин. Бытьё тайён зоотехник кёсийс вомавны Викторёс, ачыл пё тай шуда лотерейной билеттё мёдлы козыналін.

Каневьяслён бригада вылё бара на кёвьясис торья тёжд. Оти асылё Виктор видзёдліс аслас стада вылё и чуймис: «сьёдёбыс<sup>1</sup> тёдчымён ыдждёма. Эз-ё ловзыны бёр усьомаясыс? Матыстчис стада дорё да пыр жё синмас усинь бокёвой кёрьяс, пель пас сертиыс весиг мёд совхозлён, печорасаяслён. Буракё, кодлөнкё кысыс петёма стадаыс, шойтё кытсюрё, тундраё гёнитё. Со веськалісны Каневлён стада вылё, сорсисны. Ёні найёс позьё торйёдны сёмын нярталаён куталёмён либё караль пыр лэдзигён.

Каневлён бригада быд лун мыйтакё вешйис паськыд тундралань, но омёлтчём быкьяс вёсна мунёмыс, позьё шуны, эз сод. Отчыл Митин чомсё весиг шыбитліс вертолётё сөвтёмён. Стадаын вынаджык кёрьяс гожея жар дырйи моз йёжгылясисны, корсисны здук чепёсийны водзлань, нетшкысисны морт кыысь. Ыджыд стадасё некымын лун пастук поньясён атёдлісны тёлыся войын и шондіа лунын.

Вёлі тувсовья шондіа лун. Син ёрана дзирдён пёртмасис тундра. Чом сайын йёжгылясис стада, бытьё кёрьяслён

<sup>1</sup> С ь ё д ё б — (диал.) кёрьяслён мыгёрьясыс.

сьолём вылын эз вёв лосьыд, мый налы туйсё потшоны чом, йёз, понъяс, дадювъяс. Көр видзсысяс сёмын на юисны чай да ставён петисны ывла вылө. Вань дядь, кызди век татшөм мича лунъясё, тотшөдчис жугалём додь дорын, дерт, и сьод трубкасё вомас кутис. Виктор бергаліс аслас дадь дорын жё, отилаті көртыштас, мөдлаті тувъялас, туяд тай век кытікө да киссьө. Степан да Саньё Даньё, лунся шоныдторнас нимкодясигмоз, курутчисны. Митин чатрасис шонді вылө, быттьө көсйис шуны, со кутшөм яр да оз тай небось песьшт чарөмсө.

Стада виччысьтөг вөрзис, быттьө сійөс кодкө йөткис бөрсяньыс. Эз, кызди век овлө, оти бөрся мөдөдчыны, нюжвартчөмөн, а веськөдчисны шеренгаөн, кызди паськыд улича кузя. Медся ён важенкаяс восьлалісны водзын, быттьө мог сувтөдөмаөсь путкыльтны на водзын чурвидзысь чомсө, быттьө сійө мыйыскө мустөммис налы. Йи кылөн емыштіс пастукъяслысь сьолөмсө, найө пыр жө вежөртісны, стадаас мыйкө неладнө керсьө; пемөсьяслөн вөрасын, видзөдласын мыйкө зэв повзёдчанатор. Стадалы паныд зырөдісны усьөдөм понъяс, но көръяс эз падмыны, весиг эз чинтыштны өдсө, сөмын важенкаяс увлань лэдзисны юрнысө, водзө чургөдісны ёсь сюръяс (тулысын налөн медбөрын сюрис гылалө). Увтчигтыр да эралігтыр мышкөн, быттьө дирижёръяс, бөрынтьчисны шөйөвошөм понъяс. Пастукъяс заводитісны өвтчыны харейясөн, и сыысь эз повзыны, веськодь пө мянлы, позис лыддыны тшыг пемөсьяслөн гудыр синъясысь. Ставөн мыйкө горзісны, грөзитчисны кодкө вылө, шенасисны, котралісны, жөдзисны. А көръяслы веськодь, төдөны отитор, колө восьлавны тундраөд, тэрмасьтөг, лабутнөя, медым эз тыр лолыд, медым быть нин воны коланаинөдз. Кытчө вошиє налөн полөмлуныс, мортөс нэмөвөйя кывзысьөмыс? Понъяс выныштчылісны бөрийөм визьсыс стадаөс дзугны боксяньыс, но дурмөм важенкаяс сэтшөма ырыштчисны на вылө, лябджык кутюяс лякөсьтісны еджыд лымсө. Та бөрын понъяс эновтчисны увтчөмысь, пырисны дадьяс улө да гөгыльтчисны.

Сөмын Вань старик кивыль эз кер, пукаліс джынвөйё киссьөм додь вылын да тшынөдіс ыджыд сьод трубкасө. Буракө, сійө сөмын виччысьыштіс, медым кутшөмкө йөй көр эз крукышт сюрнас. Дзик чом дінті, додьяс костөд, поэь шуны пастукъяс вылісті, прөйдитіс дөзмөм стада, а пөрысь көр видзысь шы эз сетлы. Митинөс чуймөдіс стариклөн татшөм этшыс. Од көръяс дугдісны кывзысьны мортөс! Тайө омөй нин оз мөрччы выжывыслы?!

— Мый нө татшөмыс, Вань дядь? — шыасис Митин.

Старик ньөжйө перйис вомсыс курутөм трубкасө, пыркөдіс дорыша төбөк нырнас, суйис питшөгас. Сэсся здук шыльөдіс тошсө да вөлисти шыасис:

— Иванович, сыа лоо, мый йылысь лолыд оз ышты шуны,— старик бара ланьтис.

— А век жё... ті висьталой.

— Иванович,— бара шыасис старик Митин дорё,— со ачылд аддзылін, весиг пемөсьяс гөгөрвоисны, ми налы некытчө туйтөм көзяинъяс. Тайё картинасо ме видзөда первойысь, тэкөд отлаын. Интереснө?— скөрысь серөктис старик.

Митин кусыньтчис кынөм висигөн моз, ылыстчис старик дінысь, полис, сійө выльысь на мыйөнкө ёнджыка укөрайтас.

Пастукъяс уськөдчисны асланыс дадювъяс динө, көсийсны выльысь пановтны стадасө, но Вань старик өлөдіс, весьшөрө пө ноксянныд, тшыглуныс найос ньөръялө, быд ловъя лов пө овны көсийө, медбөръя здукөдзыс тышкасьө сы вөсна. Медъя. Тундраыс паськыд, но сійө асланым. Аддзам. Вертолётыс тэрыб кока.

Шуөма вөлі: аски кежлө Митин корас вертолёт и пастукъясөс вештас стада дорё. Өти сайын и чомсө. Бригадирлы некыдзи ин эз сюр, зыксис Митинкөд, аддзылін пө сійө прокурорсө, код йылысь гаравлі тэныд төвнас.

Век жө Виктор эз вермы ланьтөдчыны, быттё мыйкө корсысис, помся котрالیс чомйө да ывлаө. Медбөрын батыслөн жалыс петіс, вөтчыв пө стада бөрсяид. И бригадир веськөдчис суөдны көръясөс.

## 11

Косков прөст кадө радейтис кыйсыны, шөйтны дзирдалысь тувсовъя тундраөд. Көть арнас сылысь пищальсө мырддылыс да шыбитліс Виктор, вөралысь мортөс эз падмөд, заводитис лэчъяс тэчавны. Торъя нин кивыв лэчнас байдөгъясөс джагйөдлыны: кыпөдан неыджыд лым чукөр, шөрас сатшкыштан кык бедь, костас пысалан петлясө, отар-мөдарас чегъялан росъяс. Видлас кабер-кабер да мөдарас вуджө, петляс юрсө зэв окотапырысь суйө. Косков ветлас да дас кымынтө шойчигмоз ваяс. Сөмын отитор лёк: лэчкыс жилкаысь да көрталігас кыид кынмө, пөрччигас ещө дыр нокяс. Сійөн өні Косков оз дыр чеченитчы, чилснитас пуртөн и выльөс сиалө. Ещө новлөдлө сьөрсыйс шмоток гез, сійөн «трофейсө» вылысас кышөдө, сідзинас нимкодъджык и бурөвөй вылө локны, дзык пыр ставлы синмө шыбитчө.

Талун Косков асывсянь лэч туйяс кытшовтө. Шондіа да дивъя, ылалөмысь оз ков повны. Шонді вылө тшөкыда бергаліг, Косков казяліс, кыдзи шонді увтіыс ыджыд рас кодь сьөдөб сылань гөгыльтчө. Сө дивө! Абу-ө мираж? Но кысь

сійö тöвнас. Гашкö, вежöрыс дурö, тöрыт войбыд лёка вöтасис. Гоньйöдлыштис юрнас, сьылідзирйыс бур мавтаса дзир вылын моз шливъялö. Бур. Сідзкö, давлениеыс нормаын. Исыштис кын байдөгöс — гар дукуыс пезлөн чепльöдлö быдөн нырсо! Сідзкөн, насмука оз на көвъясь.

Косков кымыньөн водіс чарөм вылын шойччöдыштны синъяссö. Чеччис да ясыдджыка нин аддзö: сюра пемöсьяс шалсийöны сылань. Бөр кусыньтчис, кöинлөн моз быд сөн зэлалис. Со кöні добраыс, ас кокнас вылысас локтö. А сійö коньөр байдөгъясöс джагöдлö — и рад! Ок, эськөн пищальыс кö вöлі. Мед нин милициялы кö шедіс, öд кутшöмкö көр видзысь мырддис! Көръяс век матыстчöны и матыстчöны. Гашкö, некымын тысяча... Со кутшөм добра кывтö тундра пасътаыс! А тэ, Косков, сöмын синнад кутав. Коді мыжа? Кутшöмкö Канев. Мыйла сöмын сэки пывсянас эз сот сійöс. И зэв жаль лои Косковлы аслас коньöралан олöмыс.

Косков измис места вылас, чайтис, уна письыс кодкö матыстчас, сэки сійöс оз небось лэдз! Весиг пуртсö матö лөсьöдіс. Но пемöсьяс разі-пели шливгöны, быттö гөгөрвоöны, кытшовтöны некымын воськов сайті. Сöмын некымын воськов! Медбöрын Косков чепöссис... и тшапкис öтиöс бөр кокöдыс да (абу кö шуöма, он на босьт) ачыс нюжмуні, көр мый вынсьыс нетшкö сибдөм кок пөвсö, зяткөбтö Косковлы морöсас. Сэсса кызди он лэдз. Косковлөн паськаліс кабырыс. Та бöрын звермөм морт мөдіс шыбласьны пуртнас, öтилы эськö пысасис пургыс сьыліас, да тэрыбджыка на котöртис водзлань, нөбөдіс пуртсö. Та бöрын Косков сайкалыштис, со пурттöг коли, мудзпырысь лэдзчысис лым вылö, а көръяс визув ва моз шливгисны бокöдыс... Косков ымөстис да кунис синъяссö, забеднöысла заводитис шогöдны.

Косков восьтис синъяссö кодлөнкö пөсь лов шыысь, дзоргис сы вылö сюртөм көр, сьод пасьыс рудмыштöма, но еджыд кокъясыс лөсталисны выльөн усьөм лым моз. Көрлөн ыджыд мелі синъясыс быттö юалисны: «Кутшөм шог тэнö суис, морт?» Косков, дерт, эз тöд Дзолукöс, сылы, велавтöмыдлы, став көрыс öткодь, öти манера. Косков ньöжйö кыпöдчис, медым не чуйдны көрöс, öти здукö лөдз моз сатшкысис сьыліас. Дзолук көсийс нетшыштчыны, эз кажитчы сылы татшөм йöй нога тшапкөмыс, но миритчис, морт абу зверь, сійö пакöсьт оз вöч. Дзолук велалöма повны кöинысь, ошкысь, санысь, мортöс жö сійö век пыдди пуктыліс. Косков көрталіс Дзолуклы сьыліас крепыд гез да вöлисти ышловзис, — öти тай сюрис жö. Но мый вöчны тайö прöмысыскöд, Косков эз тöд, оз жö пиньяснас пөрччы көр кокысь мичаник лым еджыд кысьяссö. Косковлы яйыс оз и ков, байдөгнас и голяөдзыс пöt. Но кысьясыс сэтшöма эськөн кажитчисны Манялы! Гашкö, тöлысь

сы вылө курыднас гөститодас. Колі жө сылы пуртөн шенасьны! Кыдзи сэсся та бөрын асьтө ачыд он шу дуракөн. Косков Дзолюкөс содтөд домис роскө, өні оз пышйы, ачыс бергаліс көр гөгөр и байдөг моз ропкөдчис, сэсся заводитіс тэрыба гудрасьны зептас, ой, кытчөкө вундіс чуньсө, куртка зептас лезвие вөлөма, гыжъяссө сійөн тшөтшөдлывлө. «Но, брат, ме тайөн кыстө пөрччыла на», — шуис Косков да мый вынсьыс лөсыштіс көрлы пель вуж дінас, чайтіс тадзикөн чергөдны пемөсөс. Дзолюк сурсмуңліс, но регыд ас выяс воис, эз кажитчы сылы мортлөн тадзикөн «меліасьөмыс», водз лапанас сапкис Косковлы морөсас. Морт, көні сулаліс, сэтчө и жмоткысис чарөм вылө да дыр апаліс йиа ырош кодь чорыд сынөдсө. «Видзөдлам, кыдзи водзө чужъясьны...» — Косков домис рос дінъясө көрлысь нельнан коксө, зелөдліс Дзолюкөс палатка моз. Сійө өні эз вермы вөрзөдны некодарө. Косков лезвиеөн кырис Дзолюкылысь бөр коксө. Омөльтчөм көрлөн кучикыс шедіс кокниа. «Но, но, — өлөдіс пескылясьысь көрөс Косков, — гөна чулкитөг кутан котравны тундратыд...» Косков регыд помаліс бөр кокъяссө да вуджис водзас, сэки юрас жөвгис, кыдзи первойсө кажитчис, зэв тешкодь мөвп, төвнас Виктор дадюлысь адззыліс татшөм мича кока көрөс, ставөн нимкодясисны. Сэтшөм жө удача өні со вичмис сылы. Шуда кодзув улын на, буракө, чужлөма. «Гашкө, Каневлөн и көрыс...» Но Косковлы эз нин удайтчы водзө нуөдны мөвпсө...

И тайө здукас сійө кыліс бөрсьыс чарөмсө гирскөдысь шы. Косков лэптис юрсө: вылысас котөртө дадюла, метра сө сайын, абу ылынджык. Дадювнас веськөдлө Виктор! Шөйөвошөм Косков ныр улысь нин слөймис уйкнитны сук раскө. Дадюла, дерт, раскө пырны эз вермы, сувтіс ранитөм көр дорө. Косков лючки кыліс пастуклысь скөра горөдөмсө:

— Косков, сувт! Лыя!

Виктор видзөдіс вирөн ойдөм Дзолюк вылө. Мыйкө яр би моз сотыштис пытшкөссө и кучкис вежөрас. Сэки и горөдіс Косковлы. Канев өдва домис дадювсө, эз кывзысьны чуньясыс. Мелкокалиберной винтовкаыс, кодөс мыйлакө тшапкис дадь бокас вөтчигас, ловъя моз «ворсіс» киас.

Косков көч моз котөртис медся лөкинтыс. Регыд Виктор гөгөрвоис: не вөтөдны сылы пышйысьөс, төдчис колян луньясө мудзөмыс да унтөг оломыс. Юр вемсө сізьдіс өти мөвп: сійө, коді тешитчис Викторлөн тундраса өрт вылын, усйыяс, петас татысь косөн. Көр видзысьлы эз сюр сійө кывйыс, коді эськөн стөч восьтіс Косковлысь вөчөмторсө. «Мый нө тайө?» — помся юасис асьыс.

Со Косков петис Колва ю вылө, здук мысти вошас мөдар раскас. Виктор пу вож костө пуктіс винтовкасө, стөчмөдіс

прицелсö. Мушка помас, кыдзи бедь йылын нидзувъяс, вег-  
лясисны пышйысьлөн пидзöсьясыс. Инмис. Канев тайöс  
гöгөрвоис. Косковлөн горöдтöдз на. Косков йöй моз уськöд-  
чис Викторлы паныд, горзис:

— Виктор, Витёк! Друг! Эн ви...

— Сволоч тэ, Косков, — шуис дыр мысти Виктор. — Тэнад  
мöд гөн оз пет. Ругайтчин тэ менам тундраса друг вылын...  
На! Эштöд и менö... — Виктор шыбитис винтовкасö Косковлы  
кок улас. Шöйöвошöм и вежöр воштытöдз повзьöм Косковлөн  
чужöмыс заводитис кельдöдны, гач пидзöсыс съодасис вирөн...

Кыдзи сап пемыд жырыысь петöм бöрын виччысьтöг  
шондi дзирд сотыштитис синводзса серпасыс, вöчöмторйис.  
Лыйис мортлы... Виктор Каневлөн, кодi сэтшöма радейтлис,  
став съөлöмөн лелькуйтлис аслас йиа тундраын быд ловъя  
ловсö, шонтöдис лов шынас позйысь усьöм лэбачöс, мам моз  
морöс дiнас топöдлис кöдзыд тулысын кынмысь кöрпийöс, лыбис  
киис морт вылö. Мый нö сыкöд лоис? Лöглун веськöдлис  
Каневлөн киөн. Сийö лöглуныс, кодöс медъяна дивитлис  
мукöдъяслысь. Мыйся висьöм, кутшöм копытка кöвъясис  
сылы?! Чотны сылы, съöкыда ловнас чотны, кыдзи эбöссыс  
усысысь кöрлы...

Кöр видзысь кымыньөн уськöдчис сарöга чарöм вылö да  
гусьөн бöрддзис.

Кор Виктор воис дадь дорас, сылысь тундраса ёртсö, Дзо-  
люкöс, вöли нин босьтöма тiрзян висьöм, тундра кодь лöз синъ-  
яссыс войталис сöдзыд-сöдзыд ва, омöльтчöм жервидзысь  
ордлыяс костöдыс лючки тыдалис, кыдзи медбöръяысь нöйтчö  
сьөлöмыс.

Рытнас нин, Косковöс нуöдöм бöрын, öти съод момгаа  
мыльк вылын камöдис лэчюд чернас кын мусö Виктор Канев,  
сийö кодйис Дзолуклы гу, эз кöсйы, медым сылысь шойсö  
чашйисны кыньяс.

— Прöстит, Дзолук, эг сяммы тэнö кыдзи колö видзны, —  
вöлины медбöръя кивъясыс Каневлөн ёртыс гу вылын.

Косков эз мöд судитчыны. Ранаыс регыд бурдис, некытi  
лысö эз вöв пазöдöма. Век жö Викторлы ковмис сетны вель  
уна съöм, медым мынтöдчыны Косковысь.

Ылыстчис «лөк» тулыс. Тундра кышалис, ыджыд празд-  
ник вылö моз, еджыд дзоридзяса гожся веж платтьöсö. Ка-  
нев водзö дöзьöритис ассыс ичöтмöм стадасö. Öти асылö  
Каневъяслөн чом дорö пуксис вертолёт. Кöр видзысьяслы ва-  
йисны сёян-юан да почта. Лётчыкыс ас кисяньыс мыгчис Вик-  
торлы письмö. Сийö вöли Митинсянь.

«Сийö, мый вöсна тэ вийсин бöръя воясö, — гижис главнöй  
зоотехник, — матысса кадö лоö позянаөн пöртны олöмö. Не-  
важöң обкомлөн бюро вылын видлалисны кöр видзан вопрос,

вөлі шуома өнія торъя оленефермаяс пыдди котыртны специализируйтөм көр видзан совхозъяс. Дерт, ыджыд овмөслы лоо вын серти колана ногөн төждысьны тувсовъя да төвсө йирсянінъяс понда. Со, Витя, эз весьшөрө ло тэнад водзмөстчөмыд. Чайта, ыджыд нимкодълун ваяс тэныд тайө юөрыс...»

Бригадир некымынысь лыддис Митинлысь письмөсө, бергөдліс отарө-мөдарө, мөвпаліс. Ыджыд овмөс, стөчджыка, ыджыд контора... Со кытчөдз думыштчөма Митин. Но содас-ө таысь көръяслөн юр лыдыс? Бурмасны пө йирсянінъяс. Мыйла, кызди? Ми жө сійөс тшыкөдім асьным — вирным көдзалис делө дінас. Кызди нө миянөс вежас кабалатор, кутшөмкө выль контора? Мый нө вөчсьө тайө югыд свет вылас?

# ВИСЪТЪЯС





# «СӨМҮН МИЛИЦИЯӨ ЭН СҮРӨДЧЫ...»

## 1

Колхозной кассасы Федэрлы сетисны витсё шайт. Ставыс кызь вита да снитки выльөсь, нюкыльтіс карта колода моз да суйыштіс шуйга зептас. Калидорын казяліс Федэрлысь шпынныалысь чужөмсө колхозса юралысь да быттьө нарoшнө лөдсалыштіс көр видзысьлысь ыпъялысь радлунсө.

— Но, Федэр Михайлович, — топыда кутліс кисө председатель, — бура шойччы, медым сэсса во чөж эн гажтөмтчы тундраад. Ковзяс кө — шыөдчы, сьөмтө век ыстыштам.

«Дивъя өні овны, — гортланьыс восьлалігөн сьыліс сьөлөмыс Федэрлөн. — Сөмын рөбит бура, колхоз деньгасө оз жалит, ачыс председатель вөзйө, эн пө яндысь — кор».

Ас керка дорас воис да эз уськөдчы гортас, быттьө мыйыськө падмыштіс. Педзыштіс кильчө водзын, дыр пыркөдіс гөна көмсө, төбөксө, абу лымсьыс, поводдяыс көдзыд, лым-йыс ньөти оз сибды. Сійө кыпыдлуныс, кодөс апыштіс контораын, локтігас руаліс помөдз. Лючки пө шойччы, тшөктіс председатель. Но сійө, комын вит арөса мужик, мудзис өмөй нө мыйыськө? Федэр ногөн кө, сөмын өти пасө веськаліс председательыд. И збыль, көр видзысьлы овлө шуштөм төвса кузь войяснас стада дорын дежуритігөн. Сэки и чужис мөвпыс — ветлыны ылө-ылө, ыджыд-ыджыд карө, көні олөмыс варкйө-пуө, кызди налөн ыджыд сьөд пөртйын чөскыд яа шыдыс. Но кытчө мунан? Висис кө эськөн, колхоз курортө ыстыліс, нуөдіс на, гашкө, кодкө... «Мыйла нө, Канев, шойччан керкаө путөвка он кор?» — вөзйыліс өтчыд профсоюзса веськөдлысь. Пастук немтор эз вочавидз, быттьө эз и кывлы, ачыс думыштіс: «Тэ өмөй нө менө ки пөлөд нуөдан?»

Веськыда кө шуны, Федэр эз на петавлы паськыд мирас, стөчджыка кө, некытчө на эз ветлы. Лым вылын чужліс, и со тундраын верстьө кадсө коллялө. Весиг армияө эз босьтны ичөт туша вөснаыс. Сөмын кө ичөт туша вөснаыс, эз на и, гашкө, «еджыд билетавны», виччысьыштісны на. Но өд сылөн, войнадырся мөритчөмаылөн, и весыс эз судз. Военкоматө мунөм водзвылас бабыс (мед лөня узьө мөдар югыдас, дзодзөг пук кодь сьөлөма вөлі) төлысь чөж паччөр вылын куйлөдіс, мөс выйөн паньөдіс, здук кежлө ывлаө эз лэдзлывы, шлапкис пач костө ыджыд цинкөвөй ведра, со пө

тэныд, дона пи, кутан кө тыртны тайос луннас, армияад сточнин згөдитчан. Но Федэрлөн гос эз чөжсы, мөдарө, шогысла ли мый ли, неуна на быттьо омөльтчыштіс. «Ойя да ойя, — жалитіс бабыс. — Кутшөм бур сөян изведитін, а төлк эз босът».

— Ин на бракуйтө,— кевмысис сэки военкоматын дас көкъямыс арөса зонка.— Войвывса козыйд өд ньөжйө быдмө.

— А-а,— серөктіс кодкө комиссияса членъяс пөвстысь.— Тундраса багульникыд пожөмөдз оз нин во.

Мурч курччис льөбъяссө Федэр да аслас тундраө веськөдчис. А весьшөрө кедзөвтөмаось сійөс, кызь ар тырөм бөрас Федэр нюжалыштіс, ёнмыштіс, паськалісны пельпомъяс, ылісянь кө видзөдны, шөркодь тушаа кымын өні лоис моргыс. Некутшөма абу и ичөт тушаа. Сэки нө няньтөгыс, куш байдөг яй вылас да тундраса кизьөр сынөднас кызди вермис туны-быдмыны? Онитө мый, өні тай быдлаын өтмоза быдмөны йөзыс, харей пуяс моз енэжлань зэлөдчөны тундраын көть лунвылын.

Татшөм ногөн өні лөньөдіс асьсө Федэр том дырйиис чуткылөм дойсьыс, кодөс сійө зэв кузя пөжис ас пытшкас да өдва и ректіс морөс кудсьыс.

Мед көть өні Федэрлы лов вылас эз вөв долыд, өдзөссө восьтігөн чужөм вылас нюмтор на петыштіс. Кызди нө мөд ногыс, көзяин гортас лөктө, жугылявны кө кутас сійө, сэки мукөдыслы мый кольө вөчны. Федэр зэв пыдди пуктө асьыс семьясө, лөк русө налы некор оз мыгчөдлы.

— Мыйкө бара ликмөма,— вочааліс гөтырыс.— То-о, көр сюр моз чашкалөма вомыс.

— Кор да мый меным, Феклукө, эз ликмывлы. Отпускө лэдзисны.

— Коран кө, көнешнө.

— Бөрдтөмтө оз бурөдлыны.

— Код вөрса отпусксө тэныд думыштөма-а,— вежсис чужөмыс Феклалөн.— Горштө тыртны кутан? Али кынь кыйны мунан?

— Сыктывкарө лэбзыла, вок ордө,— ыджыда ышловзис верөсыс.

— Тэ?! — каньлөн моз гөгрөсмисны Феклалөн съөд синъясыс.— Самолөтас и юсян.

— Самолөтас водкасө оз вузавны. Пөра нин та йылысь көть төдны. Кутшөм местаөн тэ, сө зөлөта гөтырө, думайтан-а?

— Тэнад нө мый сы вөсна юрид висьсө,— дзикөдз пузис гөтырыс.— Кутшөмөн окотита, сійөн и думайта тэ йылысь, ыджыд тай начальник сэн лөөма. Помнитан, Еп Федот ыджыд местаясас петавліс да кык пөвста казенной бумага бөрсяныыс воис — милицияын, гашкө, куимысь некрещеннойыд узьлөма. Медбөрын бригадирсьыс прөстой пастукө вуджөдісны. Тэ өд абу жө сыысь бурджык.

— А коді ме, тōдан?

— Федэр.

— Вот и эн веськав. Мужик ме тэныд. Сідзкōн, ѳтлаын и мунам отпу́скавнысō. Вок тай ёна жō корō век.

— Тэкōд?!

Шуасис тадзи, но аслас кывъясысь парквайис пастук. Кы-  
дзи нō аддзас воксō? Адресыс эськōн эм. Но ѳд сійō сōмын  
бумага вылын шыпасьяс, кытыськō воом юѳртор. Абу сійō  
тōдса мусюр либō шор бок, кыті сійō аслас дадюлōн гывъ-  
ялō. Шуōны, кывйид пō медбур ясōвōйыс. Важ йѳз на ка-  
зъявлōмаѳсь, мый сы ѳтсōгōн позьō Киевōдз воѳдчыны. Но ѳд  
кодлōн кызди на, мукōдыслōн быттьō выйōн мавтōм дзир  
вылын бергалō, дерт, сэтшōмыслы — ясōвōй. А сылōн быттьō  
кос хасырей<sup>1</sup> вылō вужъясьōма — бѳрō ни водзō. Федэрлōн  
ясōвōйыс — синъясыс, сылы колō кōть ѳтчыд аддзывны, сяс-  
ся некор нин оз вун. Сэссия бара жō яндзим дзик бокōвōй  
морт дīнас шыѳдчынысō. Тундраын абу сійō модаыс, пōшти  
быдōн ѳта-мѳдсō тōдō, кык дадюла паныдасясны да доза дыр  
варовитасны, сэссия медбѳрын нин могныссō восьтасны. Арт-  
мас-ѳ сідзисō сылōн карас?

— Мунан он? — выльысь юалис Федэр гōтырыслысь.

— Тэкōдыд? Милицияын узьлыны ѳмōй коран...

— Он мекōд. Бускокōд, — заводитіс кусыс петны и Федэр.  
Сэссия гозъя ланьтисны. Кыкнанныс асланыс думъясō вѳйтчис-  
ны. Федэр шогпырысь мѳвпыштіс, буракō, таво бара на оз  
артмы вок дорас гѳститōмыс. Кымынѳд во нин век косō. Фекла  
нюмунліс пытшкас верōсыслōн карō корѳмсьыс, быттьō  
шондī югѳр малыштіс морѳс увсō. Да, том нывбабалы окота  
жō петавлыны паськыд мирас. Сійō ѳд Федэр моз жō чужліс  
да быдмыліс тундраын, позьō шуны, синмыс сьѳд кѳртōда  
жō, шырѳн-каньѳн ворсысь кодъ жō тōдтōм карас. Но  
нинѳмѳн эз петкōдлы Фекла ѳти здукō ыпнитлōм радлунсō,  
ышловзис сōмын да зільджыка кутчысис дзоньтавны  
верōсыслысь нярмѳм тѳбѳксō. Сэки Фекла син водзō сувтис  
зэв шуштōм серпас. Гѳжѳмнас верōсыскōд волісны моребердса  
ыджыдкодъ посѳлокō. Федэр кык лун люзгис-юис да шѳйтис.  
Фекла, Буско понныс моз, бѳрсянныс вѳтлысис, медым верōсыс  
кытчѳкō эз сгинит. Федэрѳс юысьѳн он шу, тундраас некымын  
тѳлысьѳн вомас курыдторсō оз босьтлы, но сиктад личѳдчѳ,  
быттьō кабакō локтѳ. Федэр ногѳн ичѳт сикт — дзоля кабак,  
ыджыд сикт — гажа кабак, а карыд сылы — аддзывлытѳм  
на кабак.

Тадзи кымын донъяліс Фекла ассьыс верѳссō.

— Мѳдѳдчынысō тэ думайтан он? — выльысь торкис  
чѳвлунсō Федэр.

<sup>1</sup> Х а с ы р е й — (ненец.) кос нюр.

— Тэкөдыд?! Карө? Иг на өд дикмы.

Федэр (окотитас кө быттьө) көть лакируйтөм пызан пөвъяс сизьдас ыджыд гөрба нырнас, сэтшөма нюкыльтчис сьылдзирыйс гөтырыслөн увтыртөмысь. Бара кынь кыйны? Дерт, пастук радейтө капканасьнысө. Но быд во өтитор, вир умөма. Сэсся өд өти төлысь чөжнас кыныс оз на кытчөкө лыс Морею дорсьыс. Видзөдлас кө тайө здукас Федэр вылө бокөвөй морт, нюмдас на, гашкө, көть эськөн сылөн лөнь чужөмбаныс ньөти абу серам петкөдлысьлөн. Федэр тувсовъя сера байдөг кодь, быттьөкө вурөмаөсь сийөс куим торйысь: сьылыс и чужөмыс, кыті зэлыда век сибөдөма малича юрыс, еджыд; ныр-вом гөгөрыс, кыті төв и гожөм век осьса, кыті помся кеслө чизыр вой төлыс, гөрд руч бөжөн ымралө; рудов юрсиыс төвся көр гөн кодь сук, но, кажитчө, быгалыштөма нин. Чужөм вылас пастуклөн медся төждысянторйыс — ён тшөгыр кодь нырыс. Колө сідзи вөвсьыны, куим во сайын кынтіс сийөс. Сэксаянь, быттьө пуз кагалы, век мыйкө инмө, гожөмын, дадюлөн сук расті писькөдчигөн, кос рос парсьштіс, төвнас спас абу — кынмалө. Федэр весиг пуртөс кодьөс тшөктыліс гөтырыслы вурны. Шоньд эськөн ичөт гөна мешөк пытшкас ныртө видзны, но ййзё, эновтчыны ковмис. Неважөн вөлі зэв чырыд турөб, йи кодь лым чирьясыс емөн моз бытшлалісны, нырыс кызыштіс и көрт пач моз доналіс. Ёні, карө мөдөдчигөн, быттьө тшөтш сылы паньд сувтө. Абу кутшөмкө сәні лиходей, аслас рөднөй нырыс паньд. Ёні Федэрлөн кыдзкө нем думайттөг матыстчис киыс ныр дінас, ямыштөма нин пыкөсыс, но дойыс кылө на. Гашкө, пытшкас, гөчас гырдыс лэччис. Колө и сәті видлыны. Федэрлысь майшасьөмсө казялө шөркост нылыс — Настук, батыслөн медся радейтанаторйыс. Нывка гусьөник, шыр моз, сибөдчө пызан дөрө.

— Ысь, няр пеля! Код тәнө корө? — Федэр көсийө скөрмыны нывка вылас, но оз вермы, сэтшөм нин сылөн этшыс. Корсюрө Федэр ыршасьлө гөтыр вылас, ок пө өд лёк, дурма кө, меліаджык пө гөграв ме бердті. Фекла сөмын дышпырысь лөвтыштілө, тәнсьыд пө скөрлунтө выя няньөн на сөям.

— Ачым локті,— водзө дөзмөдчө вильыш Настук.

— Ме тәнсьыд пельтө пасья көрпылысь моз,— грөзитчө бать.— Сәки казялан, да сөр лоө.

— Но-о, менсьым жө оз позь пасйынысө, менам няр, сәтысь вир петас,— Настук өбидитчөмөн муно мамыс дөрө.— Айко тай, мам, дзик йөй вөлөма, бара пельөс көсийө тшыкөдны.

Федэр гыжъялө гынмөм баялөжсө и чорыда мөвпалө. Збылысь, веськөдчыны-ө карас? Нырыс висьшті. Но и мед. Карас өмөй этша гөрд ныраясыс? Тырмымөн жө, шуоны.

Өтнөгыльтчас на костын, шуам, оз кө аддзы воксө, да на моз жө йиряс-пөткөдчас столөвөйясын. Медым помөдз пөдтыны падъялөмсө, медбөрын шкапысь Федэр кыскө водка доз да лөсыштө стөканөн. Со и став майшасьөмыс быгаліс. Карысь повзьөма, тундраыс со мый ыджда да оз джөмдыв. Карыд, буракө, мерайтны кө, өти паськыд нюр кодь кымын лөө, туруна кос хасырей кодь, коді өти вой кежлө и тырмө сылөн куим тысяча көр стадалы.

— Муна! — равөстіс Федэр да кышаліс маличасө. Сы бөрся вөтчис шөйөвошөм гөтырыс.

Харей посөлокысь некор уна мунысь эз вөвлыв, сы вөсна билетъяссө вузавлісны самолёт пуксигас нин. А аэропортыс ичөтик пу керкаын, радистыс и кассирыс өти морт — Самолёт Өлексанөн ыдждөдлөны, зэв нин дыр уджалө аэропортас да сійөн, буракө.

— Билет, — нюжөдіс Федэр сьөм.

— Кытчөдз? — мода вылас юаліс Өлексан, көть билетсө сійө век вузавліс сөмын Печораөдз.

— Помөдзыс.

— Кутшөм помөдз, му шар помөдзыс али матөджык?

— Мый юасян, век өтилаөдз тэнад дадюлыд вайөдө. Джын туяс эн жө коль менө, помөдзыс вай билетсө, — вашъяліс көр видзысь.

— Миян чом дорөдз сет билетсө, — велөдіс аэропортса начальникөс Фекла. — Мед кошукөдыс лэдзасны чом весьтас, сәки казялас, оз мөд өнія моз диклунсө песны.

— Ог төд ме тиянлысь чом местасө, — лөня вочавидзис Өлексан, буракө, повзьыштіс Феклалөн скөрысла ыпъялысь чужөмысь, эз пыр венө.

Самолёт шытөг пуксис сикт горулө, лыжиа АН-2, быттьө сывъяссө шевкнитөмөн дзодзөг, лажмыньтчис аслас поз вылө. Федэр медбөрын сюйис юрсө көрт лэбачлы нель рөча гыркас, кодкө нетшыштіс малича бөжөдыс, бергөдчис — мада Фекла, төлысьлөн кодь гөгрөс чужөма, еджыд малича юра, жалпырысь дзоргөны сьөд сэтөр синъясыс:

— Эн нин көть милицияас сюрөдчы...

— Давай, давай, йөзсө эн манит, — тэрмөдліс Федэрөс лөтчик, клопнитіс өн өдзөссө да крукаліс-игналіс. Буракө, медым пастук бөр эз чеччы. «Татысь он пет», — думыштіс көр видзысь, и өкмуніс сьөлөмыс. Мыйла и кытчө сійө мөдөдчис? Мыйла эновтө челядьсө да гөтырсө? Кутшөм нужда сійөс вөтлө? Серамыд петө, гаж корсьны мунө, карө. Абу өмөй шудыд да гажыд аслад чужанінын, ас киясөн шонөдөм да пелькөдөм позйын? Ох, Федэр... Кутшөм на бөб тэ вөлөмыд. Өні сылы сэтшөм жаль лои гөтырыс да Настук нылыс, көть эськөн бөр петас. Но самолёт вөрзис нин, со нетшыштчис

лым бердсьыс, качис енэжө, вөчө сикт весьтөд кытшов. Кол-ва юлөн векньыд нырд вылын шлапвидзө сылөн сиктыс. Кутшөм сійө ичөтик кажитчө помтөм-дортөм лымъя эрд вылас, коді воссис сылөн син водзө самолётсянь, керкаясыс лясмунөмны джуджыд лым толаяс пытшкө, быттьө съод быкъяс сүйөмны ныръяснысө, медым апыштны кынмөм му бердсьыс пыш кодь кос да юмов ягельсө. И со ю вылас, мед-бөрын мый аддзис Федэр, быттьө төв йылын кык ичөтик понөль, гөтырыс да нылыс...

## 2

Самолётысь петөм бөрын Федэр кыліс став вир-яйыслысь мудзөм. Туйыс вөлі кузь, лэбисны төв паныд, самолётыс матө кык час дорө зыркөдіс Печора карөдзис. Торъя нин мотор шыыс виис, лёк кивуз моз лыөдзис йиджис, пель вуж дінас швачөдіс, дзик йөй кодь лоис. «Дадюнад медся на лөсьыд войлынытө», — думыштіс көр видзысь да лэччис самолётсянь неылө лым вылас. Регыд сы дорө веськөдчис съод ыж ку пася кыз нывбаба, киас сійө кутіс кутшөмкө кабалатор. Сы серти, кутшөм зумыда сійө осьлаліс джуджыд морөссө водз-лань чургөдөмөн, веськыда, ёсь шыла моз, бытшкис видзөд-ласнас — Федэр гөгөрвоис, мыйкө зэв омөльтор сійө вөчис. Вермис кө эськө, Федэр тайө ёсь синъяссьыс байдөг моз лым пиас репис.

— Гражданин, тані пукавны оз позы!

— Ме шойччышта, — лөня шуис Федэр.

— Сы вылө эм гостиница. Марш татысь! Шөйтө сэн быд... вина гагыс.

— Тэ аслад мужик вылад командуйт, а ме тэныд лоа боковөй морт, — мөдіс пыксьыны пастук.

— Хам! Чукөста милицияөс, аддзасны тэныд местасө өдйө.

Федэр звирк чеччис, төв ныр моз кучкисны гөтырыслөн, самолётас пуксигөн, шуалөм кывъясыс, сөмын пө милицияө эн веськав. Со и шедіс! Из моз топавліс сьөлөмыс, вежынът-чыліс вомыс. Вынйөра нывбаба, буракө, казяліс Федэрлысь шөйөвошөмсө, лөньджыка нин шуис:

— Со гостиницаыс, — индіс вит судта ыджыд кирпичнөй здание вылө.

— Охо, — чуймис Федэр. — Сэтчөсө доза унаөн төрасны.

Федэр эз дзик пыр веськөдчы гостиницалань. Сөмын крепыда вурыштіс вежөрас: со веськыдвылас джуджыд кирпичнөй труба, мыйкө кизьөр ру кодь сөдзьтысьө сысянь, шуйгавылас — көрт труба, ок съод тшын пуркйө, быттьө гырк пытшкөсыс сісьмө. Кык труба костас и гостиницаыс, көть лунвывсянь, көть войвывсянь сы дорө матыстчы, — век нин

инман. Федэр медводз шуис шойтыштны карод, кыйкъяліс быдлао да ас ногыс донъяліс, медвойдор сійос чуймодіс отитор: быд паныдасысь сюся видзодло сы выло, мукодыслон весиг нюмыс петыштли. Федэр гогорбок лосьодіс асьсё, маличаыс выль и съод ной кышодыс, кодос павгома малича вылас, абу некыті лякосьсома. Недыр мысти сійо гогорвоис помкасё: сылон паськомыс ёна торъяло карсаясысь. Со ставыслон туша гогорныс лосьыда сибалысь пальтояс, лосталысь комаось, гачьяснысё утюжитомаось пурт дорыш моз. А сійо быттьо байдог кельобо веськалом съод рака. Самолетас на татшом мовпыс вирдыштлис. Но гыррдзатё тай он курччы. Торъя моднойось нывьясыс. «Эсійо авъя важенкаыс, — кор видзысь мовпаліс водзнырас восьлалысь съод шубаа томиник нывбаба йылысь, — буди пружина вылын сулало-а, пельпомьясыс быттьо кыммомаось, оз небось вөрзъывны. Кытчё бара тюрөдо-а». Федэр весиг оддзодіс воськовсё, видзодліс синьясас, быттьо визув юё войтчыліс, ыркмуніс, мыйонкё сотыштіс виччысьтог, а сэк жё зэв кокни да нимкодъ лои лов вылас. Но мыйлако кисьмом оз кодъ чужомаыс бергодчис модарё, полынтьіс вөнныдик сылысё, быттьо сійо, Федэр, чизыр вой төв, мыйысь быть коло сайодчыны. Федэрлы тшотш лои яндзим, мыйкё бара эз сідзи кер, кольчыштіс төкотьё борлань. Асьсё ылөдігмоз заводитіс донъявны мукодьясёс. Тапиктіс паныд олыштом нывбаба. «Татшом важенкаястё ми бракуйтам нин», — жальпырысь думыштіс пастук, кодыр чөвтліс видзодлассё сылон быгалом чужом выло. Лөзөдз бритом кос щокаляяса дзор мужичой прөйдитіс аслас думьясё войтчөмон. «Ыджыд эськөн мыгөрыс, но татшом быкыд омөля нин додсьё кыскө...» Юрсё муөдз өшөдомөн довгис шөр арлыда мужичой, сылон кос пельпомьяс вылын паськыд фуфайкаыс летьяліс вешалка вылын моз. Татшом дон сылы вичмис Федэрсянь. «Тайо весьөпорөм хорасё юр висьом личкө». Зілон кодъ том зон шаркөдіс асфальт кузя кыз пыдөса ботинкясөн — намнюку на, усьпаньвыв пуксьытом, йой русё песысь...

А со и гостиницалон биа стеклянной трубкаон гижом нимыс «Печора». Кыз стекло сайын дізьвидзис администраторшалон банйом ныр-вомыс, сы дорын некод эз гартчы. Федэрлы быдсөн нимкодъ лои, сідзкөн, здукөн и местао индас шонді кодъ чужома тайо нывбабаыс. Кор видзысь перйис питшөгсьыс да нюжөдіс розьторті паспортё.

— Тэ лыддысьнысё кужан али он? — стрөга юаліс гостиницаса көзяйка да зурөдіс чуньнас еджыд панера пөвійо, кытчө ясыда гырысь букваясөн вөлі гижөма: «Мест нет».

— Та ыджда көрөминаас өти мортлы места оз сюр? — чуймис Федэр.

— Да? Тэ өтнад и ветлысьыс. Ном мында йөзыс — гео-

логъяс, строительяс, нефтяникъяс, газѳвикъяс, быд сикас командировочнойыс. У-у-у... Газетъяс колѳ лыддыны, ключѳн пуѳ олѳмыс миян крайын. Туй бѳрѳ кольѳм морт...

Кѳр видзысь сѳмын лапѳѳдлѳ синъяснас збой кѳзьяйкалы, збыль этша лыддысьѳ, век ывла вылын, чомйын пемыд, гожѳмнас да тулыснас стѳч югыд пѳраас, почтасѳ вайѳны гежѳда, кык-ѳ-куимысь, оз унджыкысь. Сѳсся Федѳр пуксис паськыд диван вылѳ да заводитѳ ас кежас лѳня мѳвпавны. Артмѳ, бѳбйѳдлѳ сйѳс администраторшаыс, газетъяс пѳ колѳ лыддыны, сѳсся боктѳ гѳгѳрѳдлыны гостиницасѳ, медым не дѳзмѳдны сылы... «Мудер асланъыс, ок, мудер»,— лыддѳдлѳ Федѳр лѳсьыд чужѳма нывбабаѳс да аслыс чорыда шуис:— «Ме татысь некытчѳ ог мун!»

Регыд Федѳрѳс бертѳс мудзыс, тѳдчис асья юыштѳмыс да кузь туйыс, и уна сикас карса выль серпасъясыс. Кыдзи и век, кѳр видзысьѳс ѳдйѳ да чорыда сывъялѳс унмыс. Здук мысти Федѳр кузяа шкоркнитѳс. Сйѳѳ удитѳс на некымынысь няркнитны, кытчѳдз сы дорѳ шыш моз кок чунь йылас эз матыстчы шондѳ чужѳма нывбабаыс.

— Гражданин, танѳ абу спальня!

— Танѳ нѳ мый?— шѳйѳвошѳмѳн унзильпырысь юалис па-стук да выльысь кунис синъяссѳ.

— Кылан?— чорзис гѳлѳсыс нывбабалѳн.— Пукавны позьѳ, узыны — оз. Первойысь предупредита.

Федѳр мый вынсьыс чашкодѳс сибдалысь синлапъяссѳ, жальпырысь мѳвпыштѳс, мыйла сйѳѳ тундраас эз велѳдчы узыны восьса синмѳн, шуам, сюзьяс оз куньлыны синъяснысѳ войын ни лунын, кутшѳма эськѳн згѳдитчис ѳнѳ татшѳмторйыс. А мый сйѳѳ гежѳда шкоргыштас, лыддисны эськѳ прѳстѳ висьѳмѳн, кутшѳмкѳ шева пытшкас йѳршитчѳма пѳ. Налѳн сиктын эм ѳти пѳчѳ, лун шѳра луннас петук моз чуксасьны заводитлѳ, и некод сыысь оз вомав. Федѳрлы сьѳлѳм вылас вѳлѳ шуштѳм, да и лѳк уннас кедзѳвтѳс служитысь мортѳс, администраторшалысь шыльыд чужѳмсѳ визйѳдлѳсны сьѳд тѳв ныръяс, кыдзи лѳк поводдя водзын лѳнь тылысь веркѳссѳ, сйѳѳ дзоньнас серѳссис. Ок, буракѳ, службаын абу ѳмидз вотѳм, бонзъытѳдз песѳ нервъястѳ... Мыйла нѳ эськѳ тайѳ шань нывбабаыслы сѳтшѳм ѳдйѳ нем абусыс пузынысыѳ? Сѳмын сы вѳсна, мый кодкѳ узьѳ пуксѳн. Кыдзи нѳ танѳ он вугырт, татшѳм лѳнь да шоныдѳнас? Та мындасѳ ѳд колѳ жѳ вежѳртны! Кымын зильджыка кодйысис вежѳрас, сымын ѳнджыка кутѳс кедзѳвтны сылань видзѳдысь ыкша нывбабасѳ. Некутшѳм мичлун сылѳн и абу, скѳрысла ныр-парйыс мудзѳм кѳрлѳн моз чашмунлѳ. И Федѳрлы юрас воис вильыш мѳвп, «пѳръявны» тайѳ асныра кѳзьякасѳ. Нывбаба аддзис Федѳрлысь веськыд боксѳ, сѳдзкѳн, восьсѳн колѳ видзны сѳмын ѳти син пѳвсѳ, медым кѳзьяйка эз казав сылысь узьѳмсѳ. Та

могысь Федэр шөри чегис истөг тув да кыклаті пыкис синлапгьяссө, видзөдліс паныда рөмпөштан вылө и нюмдіс: синмыс лоома нель рөча. Омоль сөмын өтиторйысь, зэв җна доймө, но унмыс личкис ещө җнджыка и Федэр шуис аслыс миритчыны татшөмторнас. Сійө ещө артыштіс өтитор, дой дырйыс оз вермы чорыда унмовсьны, сідзкөн, оз мөд и шкоргыны, артмө гөгөр бур.

Но артмис сідзи, кызди пастук эз чайт, кутшөм нин узьөм, чуть эз ойзы дойысла. Көмөдіс кө — сөмын асьсө. И век жө өти пөрийө личөдыштіс, быттьө кодкө перйис истөг тувгьяссө, збыль вылас бездісны пыкөдьясыс, Федэр сунгысис джумйө моз, — сэтшөм өдйө шымыртіс көнкө зэв матын гөгралысь унмыс. Сэсся регыд, кызди өтчыд чуймөдліс нин, кузя шкоркнитіс ныр пырыс. Садьмис көр видзысь гора видчөмысь:

— Мутиясыс тайө вина гагсө ме вылө ыстисны. Чеччы, чучелө! Кылан! Звөнитла өд кытчө колө — сэки садьман.

Көть Федэр эз на тырвыйө садьмы, но сійө лючки гөгөрвоис, кутшөм «козин» сылы вөзийө тайө ыръянитысь нывбабасыс. Со талун мөдысь нин милицияөн повзьөдлөны, абу прөстасысь Феклаыс такөдөма самолёт дорас. Тадзинад збыльысь кытчөкө йөршитасны. Федэр весиг эз видзөдлы гөстиницаса көзьяйка вылө, петіс тэрыба ывлаө.

Улича вылас лунся серти (водзынджык Федэр буракодь кытшлаліс, кызди ачыс чайтіс) йөзыс төдчымөн сукмөма, быттьө кодкө вольнөя йирсьысь стадаөс понмалөма, чуктөдөма сөянінгьяссыныс — шонді бана шор пөкатгьясысь, зөридз туруна хасырейясысь, сибөдөма кутшөмкө пастук стадасө, дзескөдөма, векныд воргаясті кытчөкө веськөдөма. И визувтө йөзыс югыд биясөн пөртмасысь уличаяс кузя бөрө и водзө, быттьө вабергачө шедөмаөсь. Федэр видзөдліс киса часі вылас — квайт гөгөр. Ывла вылын Федэр палялыштіс, эз нин кыв сійө сьөкыдлунсө, коді личкыліс гостиница диван вылын. Көр видзысьлөн төкөтьө сямалыштіс кынөмыс, но сысысь шогыс эз вөв, карад моргыдлы йирсянінгьясыд тырмымөн да зэв пөтөсаөсь. Кымын магазин, столөвөй да кафе нин паныдасыліс, весиг өти ресторан адззыліс. Магазингьясас чериыс и яйыс нин пуөма, көрт банкаясө иналөма, восьты и паняв. Банкаясыд эськө и абу ыджыдөсь, но некымынөс кө помся ньылыштан, — он каитчы, из моз кынөмад шняпкысь — ды-ыр пөтөслунсө кылан. А юмовторйыс? Видзөдлан, да сингьясыд шармылөны. Лөсьыда карад олөны, ставсө водзвыв артыштөмөн. Сөмын өтитор эз во сьөлөм вылас Федэрлы: узяніныс оз сюр, весиг улич вылас оз лэдзлыны вугыртлынысө, быттьөкөн мортыс көртысь, быттьөкөн сылы оз йидж мудзыс, быттьөкөн сылы дурпоп моз век колө кок йылас бергавны. Мыйла? Федэр бара видзөдліс часі вылас, юрас вирдыштіс выль мөвп: став тайө пөтөса йирсянінгьясыс вой кеж-

лас пöдласьöны. Тулыснас тадзи жö чорыд чарöмыс томнавлö кöръяслы сёянсö. Кöр видзысь, кодi вунöдлö сийö пöра йывсьыс — коньöрö пöрлö. Ёна нюжмасьöм вылö кадус эз нин коль, Федэр збоя воськовтис дзирдалысь гастрономö. Медводз кык «Экстра» пинжак зептас пуктис, позис и унджык, запасыд мустö оз зырт, но сэссия некытчö, малича сосьясас консерв банкаяс тэчис, гираяс моз увлань личкöны. Но кöни и кодкöд ректыны дозьяссö? Öтнaслы? Федэрлы сийö медся зывöктана уджыс.

Но пастуклөн майшасьöмыс вöлöма весьшöрö, магазинусь петöм мысти пыр жö сийöс сувтöдис паськыд бушлата дядьö.

— Куритöд, друг, верман кö.

— Сийöнсö ог балуйтчы,— чатöртчöмөн видзöдлис Федэр кузь дядьöлы гырдемöм синьясас.— А юрид кö висьö, верма веськöдны.

— Верман?! Но кызди нö оз вись, век сийö менам висьö, асывсяньыс и заводитö поткöдны,— вашьялис дядьö.

— Помсьыс гуниктан?— Федэр мыччис дозсö.

— Помсьыс? Ме öд абу кутшöмкö гöлик, буракö, стöкан на аддза.— Дядьö ветлис кытчöкö, но регыд бөр локтис.

— Эз сюр. Закуситöны ли мый ли стöканнас.

Недыр мысти бушлата дядьö да Федэр восьлалисны орччөн важ тöдсаяс моз варовитiгтыр.

— Сийö менам сэтшöм друг,— ошйысис дядьö,— кöть кор ог пыр, абусö и эмсö пызан вылас лэптас. Вот ачыд аддзылан.

Дядьö туй чöжыс шмонитис, торья нин тешкодьөн кажитчис Федэрлы сылөн нимыс — Кузя. Туй кузя пö али лым кузя, чиктылис Федэр. Сэссия сувтисны öти судта лашмунöм зэв кузь керка дорö, татчö пö и пыравлам.

— Тöдмась, Ёша!— пемыд коридорысь öти жырийö пырöм бöрын кыпыда юөртис Кузя.— Со! Тундраса öти кутшöс вайöди — Федэр нима.

Кöрласьöм да сера чужöма Ёша зэв жугыля видзöдис гöстьяс вылö.

— Бар-р-ра сёр-рр-мис,— чолöмасьöм пыдди ёрис кодöскö Ёша.

— Кодi?

— Кур-р-р... кур-рр...

— Кодi?

— Кур-рр...

— А-а,— нюжöдис Кузя,— гöтырыд эз лок. Оз вош. Некод на некытчö абу вошлöма. Кылан, Ёша, пызан вывтö лöсьöд,— тшöктис Кузя.— Со кутшöм гöстьöс вайöди, позьö шуны, тундрасьыс медглавной кöинсö,— водзö шмонитис сийö.

Ёша чöла вевтис пызансö газетөн, бузнитис мешöкторысь сукарьяс:— Кö-öин кö, пиньыс ён — ги-и-рскöдас.

Федэрлы вöлі зэв яндзим, мый сійöс тадзи пöчитайтöны, но и бөр петны эз вöв лöсьыд, сэки эськөн дзикöдз скöрмöдас выль другъяссö. Коліс мыйкö вöчны, а сійö сöмын вашъялö, быттö сылы Кузялы моз жö нимкодъ татшöм кимöститчöмыс.

— Ещö мый эм?— кыпыда юаліс Кузя.

— Сэсса сö-öмын абуыс ко-о-льыштіс.

— Ладнö,— вежыньтліс чужöмсö Кузя.— Кöть нин сійöс ичöтика личöдышт.

— Да нинöм оз ков, менам ставыс выйим,— тэрыба шуис Федэр, быттö сійö повзис, мый зэв зывöктанатор öні лэптас пызан вылас кöзьяиныс. Көр видзысь малича соссыс заводитіс гылöдны консерв банкаяс. Медбöрын шлопкис пызан вылö водка дозъяссö. Сылön вөрöм бöрся зэв сюся видзöдісны ёртъясыс, налön синъясысь позис лыддыны шензöм и нимкодълун, татшöмыдкöд пö дивъя на другасьнытö.

— Но-о!— шлопнитіс кияснас Кузя.— Татшöм мотивыс меным любö. Пöрччысь, Федэр. Кызди отчествоыд?

— Михайлович.

— Менам дедрöн тай. Пуксы, Михайлович! Ло кызди гортад. Эн пов ни эн яндысь. Ёша менам медбур другыс, кызди шуласны, эмнас и абунас юксяс. Дерт, медсясö абунас, но öд кодлön кутшöм мода, нинöм он кер.

Первой стöкан кымыньтöм бöрын бур здук ставön ваксисны. Көр видзысьлön личалисны жö тöждъясыс, весиг думьштіс: «Со тай кытчö и колöма пырнысö...» Кузя водзö нуöдіс ассыс мойдсö.

— Тöдан, Михайлович, кутшöм менам олöмыс — быттö сермöдавтöм вöв вылын пукала, ог тöд, кодарö сійö и рöдтöдас, геологön вöвлі, кочегаркаын шонгысьлі, стройкаяс вылын тірзылі. Ог соссы, профсоюз чырыштлывліс, а мукöд сьөлöмаджык начальникыс и ачыс вöлі справитчас, корас кабинетас да лабутнöя кисö нюжöдас, прöщайтлы пö, Кузя, мед менам син водзысь весасин сэсса!

— Сермöдавын, сідзкö, колö вöвтö...— ньöжйöник шуис Федэр.

Кузя мудера видзöдліс пастуклы синъясас.

— А ме некытчö на эг йөрмывлы. А тöдан мыйла, сы вöсна мый менам эмöсь бур другъяс, Михайлович. Тэ кодъ ёртыдкöд он вош.

Лябмис көр видзысьлön быдтор жалитысь сьөлöмыс:

— А тэ ме дорö лок, тундраö.

— Мый сәні кута керны? Кодзувъяссö лыддыны?

Көр видзысьлы вöлі тешкодъөн татшöм юалöмыс. Со öд сылы, кутшöмкö торъя удж колö? Оз лöсяв налön пастукалöмыс. Кузялön ыкшалуныс парснитіс Федэрöс и сылы окоата лоис шмонитыштны тшапитчысь морт вылас.

— Ме тэнö сувтöда медся джуджыд мыльк вылас,— шуис Федэр.— Тэ кутан вурзавны, кöинъясöс чуксавны.

— Мыйла?

— Ме неылö дзебся да мöда лыйлыны найöс.

— Быд вой колö вурзавнысö?

— Быд вой.

— Узьнысö кор тшöктан?

— Кор и кöинъясыс — луннас.

— Оклад?

— Окладыс кöинлөн кодь жö.

— Нельсё, витсё...

— Сёй кöть пöттöдзыд. И ставыс.

— И ставыс?

Öтпырйö куимнанныс гөрöктисны. Недыр мысти Кузя жу-гыля видзöдлiс ректöм дозъяс вылö да нюжöдiс:

— Лаймыны тай мöдiс бипурным. Кодi лöдсалыштас?

Федэр кыскис зепсыс кызь вита, öвтыштіс сынöдас, ме пö гаж пестысыс, здукөн пö вайöдла.

— Пуксы, Михайлович,— небыда шуис Кузя,— тэ гөсть. Ёша ветлас. Ёша, гөгөрвоан обстановкасö.

— Ассыд челядтö велöд, а менам нин пи-и-ньясыс кис-сьöмаöсь, кур-р-р...

Федэр мыччис Ёшалы кызь витасö, но сійö эз босьт, пыркöдiс юрнас, öти кондасыс пö бипурыс оз ырзы. Охотниклы пö татшöмторсö тöдны колö, пырöдчис сёрниö и Кузя. Федэр яндыситыр (быттö тайö шань йöзыс кутiсны сійöс ки пöлöдыс мыйкö омöльтор вöчöмысь) мыччис мөдöс, дай коймөдöс.

Регыд гажыс выльысь ыпнитiс. Федэр казялiс, кыскö пы-зан сайын лоисны выль йöз, но эз мөд юасыны, кодъяс да кытысьсöсь, юоны да ызгöны тай-а. Первойөн ладсö торкис Ёша, заводитiс видчыны, колö пö мунны гөтырсö корсьны да лөк нуждаыс кутö, сьöмыс абу. Федэр мездiс пикö воём мортöс. Сы бöрын «удждысис» Кузя, пинджак соскыс сырзьöма пö, да быттö сылыштіс. Сэсся öта-мөд бөрся дзайгыны кутiсны мукöдъяс. Федэр скөрмис, кыскис став сьöмсö да шыбитiс пызан вылö:

— На, пурсö, поньяс!

— Нецензурной кывъясөн вöдитчан!— горöдiс паныдөн пукалысыс да лöсыштіс Федэрлы щöкалыас.

Та бöрын гажыс дзикöдз кусi, быттö эз и вöвлы.

### 3

Федэр садьмыштіс да чöскыда очсовтіс, сэсся кор тыр ве-жöрас воис, быттö войтöв кыскыштіс став тушасö, турдліс

здук кежлө. Мыйла сійө узьө шоныд шебрас улын да еджыд прөстыняяс костын? Водліс жө сійө, кызди помнитө, лым вылө, стөчджыка кө, туй вылас, кыті ветлөны йөзые. Коді нө сы вөсна тадзи төждысис? И бур водзын-ө татшөмыс? Бөрөдыштіс Федэр пыктыштөм щөкасө да ойөстіс, эз сэтшөма дойсые, кызди төрытыя мисытөм серпассые, коді өні бара син водзас сувтіс. Төрыт щөкалыас сетыштөм бөрын, кык мудилө тэрмөдлөмөн йөткисны комнатасые, өдва и слөймис маличасө юрас сюны. Колльөдыштісны да сылыі тшукалісны, тшөктисны вунөдны бөр туйсө. Федэр некор на сэтшөма эз пузыевлы, паськыд малича пытшкас лои дзескыд варкыйсы лөглуныслы. Окота вөлі изки костын песны сійө пеж позсө, көні неважөн на гажөдчис. Федэр ещө пызан саяс на ырыштчыліс кодлыкө судзөдчыны нырөдзыс, пон рөдыслөн медся ляб сәті. Сылы збыльысы найө кажитчисны урөс поньясөн! Но найө век ас кадө тшапкылісны шеныштчысы кисө. Коліс мыйкө вөчны, тадзикөн некор на сійөс эз кедзөвтылыны. Сьөлыштісны и тойыштісны, мөд ног он и шу. Федэр бергөдчис бөр, корсис кузь сьөд бараксө, кытшовтіс, кутіс дум өзтыны сійөс. Но мыйлакө кытшаліс, быттьө корсис, кытысянь кокныдджык тшын йыв лэдзны. Сувтіс өти өшинь улө, питшөгсые перйис истөгсө, чиркнитіс өти тув, кутыштіс здук, шыбитіс лымьяс, эз стенас. «Тані өд олөны зэв уна йөз... — быттьө ылісянь кодкө шөпкөдіс Федэрлы. — Инмас-ө биыд налы, кодлы дасьтан?» Көр видзысьлөн лөгөн ыпьялысы сьөлөмө йиджтысис норлун. Йиджтысис ньөжйө, но сайкөдіс, кызди пасытөм мортөс чизыр вой төв. Талыштіс истөг көрөбсө кок улас скөрысы, мый вынсыс таляліс лым пиас, медым збыльысы не вөчны кутшөмкө пакөсыт. Петіс туй вылө, ылыстчис зывөктана керка дорысы, довгис, кытчө нуө кокыс. Öнтая ярлуныс ваймис, кызди лөдсавны вунөдөм, эновтөм ноддя, сы пыдди самасис сьөлөмас сьөд шом кодь гажтөмлун. Татшөм шогыс өдвакө коркө сійөс личкыліс, весиг турөба воясө, кодыр стада дорысы кывліс тшыг көиньяслысы омлялөмсө, кодьяс вермисны ныр увсыс нетшыштны көр стадасө, пастуклы вөлі сө пөв кокныдджык — нэм-өвөйся гижтөм закон, эмөсы көрьяс, бергалөны на гөгөр и көиньяс. Федэр өні эз жалит воштөм сьөмсө, весиг эз думайт «другьяс» йывсыс, сьөлыштіс найөс вир сорөн, кызди вом пытшкөссыс чегөм пиньсө. Шогыс писькөдчис мөдлациянь, ляскысис көзөд няйтөн. Окота вөлі сылы горөдны тайө здукас: «Мыйла нө татшөм уна йөза карас ме өтнам? Мыйла нө сылөн уличаяс вылө сиавлөма сэтшөм хитрөй лэчьяссө да капканьяссө?»

Федэр сунгысис лымйө. Буракө, регыд унмовсис. Водзө нинөм эз помнит. И со кодкө вайөдөма, пөрччөдөма и вод-

төдөма кровать вылө. Сійө некидз эз вермы вежөртны, көні, кодъяс ордын өні гөститө. Видзөдліс гөгөрыс, койка вит-өквайт тыдалө, быдлаын узьоны-стынитөны, кодсюрөяс весиг ымзышталөны, буракө, мыйкө неладнө вөталөны. Сөмын өти койка вөрзөдлытөм, рөчас перинасө вештыштөмөн, медым не нокны, полігтыр пукалө косіник сьөд дядьө. Сійө вөлі Федэрсянь өти койка сайын. И Федэр лючки аддзис сылысь шог чужөмсө. Садьмис коркө и орчча койка вылын узьысь, кыз гөлөсөн шыасис пукалысь дядьө дорө:

— Семөн, тэ нө мый тірзян куш майка кежсьыд. Эшкын улас мый он пыр?

— Шмонит, — жугыла вочавидзис сьөд дядьө. — Видзөдлам, коді бөрнас мөдас серавнысө.

— Мый нө? Тэ войбыд эн и водлы?

— Зэв дона сувтө тайө койка вылас узьөмыс, — курыда нюмдіс майкаа дядьө.

— Гашкө, чайтан, штрафсө тэнсьыд милицияыс оз босьт? Ошкасны, мый койкаыд вөрзөдлытөм?

— А тэ кызди чайтан! Алкогольной рожанад дзик выль пөдушкасө... ог нин висьтав. И прөстыняыд някралөм промокашка кодь. Тэнсьыд... өти таысь колө сө шайт перйыны!

— Философ тэ, Семөн! И татшөмыскөд ме төрыт сырмытөдз бучки-юи.

— Видзөдлам на, кодным йөйыс. Тэ мынтысян, а ме — ог. Меным мыйысь, висьтав, мыйысь! Ставыс сөстөм, весиг тэнад койка рөчын коллялі войсө.

— Мынтан, Семөн. Закон серти мынтысян. Сійө быдөнлы өтмоза инмө.

— Ог! Меным дзик нинөмысь... Сійө тэныд инмө.

Кык друглөн зычитөмысь Федэр гөгөрвоис, веськалөма сійө вытрезвительө. Сюрис стөч сэтчө, кытысь медъёна тшөктісны виччысьны Фекла гөтырыс да ёртъясыс. Буракө, збыль, неминучаыд оз өткөн морт вылас сөв. Медыджыд төждыс Федэрлөн өні вөлі, мыйөн мынтысяс войсө узьтөдөмысь, өд сылөн көпейка сьөм абу. Телеграмма кө швачкас, дерт, пырысьтөм-пыр жө ыстасны. Но өд и телеграмматө уджйөзөн оз мөдөдны.

Кык друглөн вензьөмысь садьмисны палатаса мукөд войтыр, корисны ланьтны, но Семөн өні нин ставыслы мый вынсьыс тувъяліс асьыс мудер мөвпсө, мый сійө весьшөрө эз коль унтөм войсө, сійө төждысис семья вөснаыс. Öтияс бергөдчылісны мышкөн, мөдъяс ваксисны, коймөдъяс дакайтісны, ошкисны сылысь водзмөстчөмсө. Сөмын Семөнлөн ёртыс, кыз кынөма мужичөй, заводитіс ку письыс петны, майкаөдыс асланьыс кыскис ёртсө:

— Ещө өти кыв! И ме тэ вөсна мөд штраф кута мынтыны.

Асывнас Федэрөс милицияса дежурной дорө корисны мед-

водзын. Милицияса капитан Иван Сямтомов асылдзис на сюся видзодліс Канев Фёдорлысь паспортсö, көр видзысьлысь көм-пасьсö. Кутшöм могөн сійö кыссис татчö? Сямтомов ачыс чужліс да быдмыліс войвывса коми сиктын, тöдö, прöстасысь тундраса морт оз кут шöйтны карöд. Гөститны локтіс тöдсаяс ордö? Вермас лоны. Но мыйла сідзкөн узылö туй вылын? Сьöмыс сьöрас ньöти абу. Тані мыйкö неладнö. Быть кодъяскö кабыр улö веськавлöма. Капитан эз тэрмасысь садьмөдны туй выв мортсö, медым пöттöдз шойччö. Мыйлакö жаль лои тайö тундраса мырсьысьыс, весиг кыліс асьсö быттьö мыйöнкö мыжаөн сы водзын. Сійö тырвыйö вежөртіс, кутшöм налькйö веськавлöма төрыт.

Капитан пыравліс палатаö, көні узис Федэр: петыштöм бандзибъяса, төв йылын гожъялөм чужöма щöкаыс пыктыштöма да кажитчö öні сійö нель рöчаөн. Гашкö, пиньыс висьö? Но нырыс! Кыдзи видзодліс сы вылö Сямтомов, төкөттьö эз горöд — ыджыд да гөрд. Став мича думъясыс, кодъяс заводітлісны ырзыны капитанлөн сьөлөмын, öти здукөн вежсисны. Дерт, юöмысь бурдөдчыны көнкö локтіс карас. Но мыйла некод оз колльöд сійöс? Некутшöм кыв кутöм абу сельсöветса юралысьяслөн. Öні вöлі яндзим сысысь, мый сорсис, сьöдсö чайтіс еджыдөн. Оз позь сылөн удж вылын лоны нямөдөн. Сідзикөн сійö некодлы оз отсав, сöмын делöсö дзугас.

Сямтомовлөн ки пырыс быдсяма йöзыс прöйдитліс, но сійö век сяммыліс лючки торйөдны збыль уджалысь мортсö, прöстö лытайтысьысь. Ачыс рабочöй коллективысь петіс, токараліс армия бöрын Ухтаса öти заводын. Казялісны йöз дорö сибалысь том мортсö, ёртъясöс пыдди пуктысьöс, корисны öтчыд парткомö, вöзйисны водзö велөдчыны, дасытны асьсö милицияын уджалөм могысь. Думыштіс да довкнитіс юрнас, сөглас пö.

Сэсся «огсö» шуны сёр нин вöлі. Дерт, нимкодъ, мый сійöс ыджыд начальство чукөстіс, велөдчыны ыстöны ыджыд карö — ставыс тайö ышöдіс, но мөдарсянь кө, и польштіс, милицияд уджыд зэв кыв кутана — путьмас-ö. Оз-ö лөсявтöм сийöс кышав?

Буракö, выль формаыс лючки лөсяліс, дас во нин сэксаянь лэбыштіс, эз и казаявлы. Мый эз ас серти сэки туйсö бөрйы, сэтшöм думыс эз на бергавлы. Начальствосаянь ошкөмыс ликмылö. И аслас сьөлөмыс шонавлö, кодыр кутшөмкö ылалөм мортсö веськыд туй вылö слöймылö петкөдны. Сэки быттьö выль ёртсö аддзö аслыс, быттьö мыйöнкö озырмö сылөн олөмыс.

И öні видзөдö, тайö көр видзысьыскөд ёнакодъ ноксьыны ковмас, юөртны колхозас, инавны, кытчö колö.

Федэр пырис дежурной дорё пасьтасьомён нин, лэдзчысис индём стул вылё, водзас кутіс-лөсьыда тубыртыштём маличасо. Первойсяныыс, кызди Федэрлы кажитчис, начальник букыша видзөдліс сы вылё.

— Лечитчыны, шуан, мөдөдісны. Бур делө. Направлениед көні?

Федэр чөв оліс, сөмын мырдысьөн нюмдывліс, сійө эз гөгөрво, мый йылысь сёрнитө капитан.

— Көні направлениед? Справка, кодос тэныд сетісны сельсөветад, гөгөрвоан? — выльысь юалис Сямтомов.

— Менам некыті оз вись.

— Төда, меным оз ков кытшлөдлыны. Нырыд любөй справка серти бурджыка висьталө, коді тэ.

Федэр заводитіс вежөртны, мыйын делөыс.

— Менсьым нырсө пургаөн сотіс.

— Турөбыс өд абу шонді. Кызди сотіс?

— Миян сійө и шондыс төвнас, сідз лыдды, сэсса и гөгөрвоан.

— Но кызди вермис сотны? Кодос тэ бөбйөдлан!

— Лачкис, сідзкө, емөн моз бытшйөдлө йиа турөбыс, лун и вой пөвсалө, төлысь чөж.

— Оз өмөй позь кызкө сайөдыштны?

— Нырыд өд абу табак көшель, зептад он суй.

Сямтомов нөрөвтчис улос бөр вылё, Федэр эз казав, кызди вежсис сылөн чужөмыс. Көр видзысь вөлі тувъясьома синъяснас джоджө. Таган вылё өшөдөм пөрт моз мулань нетшкысис көр видзысьлөн сьөкыд думъясьөн сөвтөм юрыс. Сійө сэтшөм мыжаөн кыліс асьсө төрытъя лоөмторсьыс, дась вөлі кувны, тшөктіс кө эськөн тайө ыджыд начальниккыс. Но сійө та йылысь эз на гарав, и Федэр кутчысис.

Буракө, не адзывны сэсса сылы гөтырсө ни тундрасө. Со тай кутшөм тэрыба перөнас шаркөдө, дерт нин, чорыдинө йөртас. Но пастук тані сорсьыштіс, капитан видзөдліс сы вылё меліа, весиг вильшасигмоз, быттьө зэв тешкодьтор төдіс Федэр йылысь, но яндысис веськыда шунысө.

— Кутшөма узин? Юрыд оз вись? — небыда юалис Сямтомов.

Федэр виччысьтөмысла тшөкмуніс, сэсса кызөктіс, весалыштіс сімөм гөлөссө, нөрөвтчыліс өтарө-мөдарө, нинөм эз шу. Друг кыліс асьсө зэв мудзөмөн, быттьө кузь лун чөж лызь вылын пушкыр лымйөд собалис, тіралісны пидзөсьясыс — тэрыба вевттис малича пөланас. А капитан юасис, кытчө муно и кутшөм мөгөн. Федэр вочавидзалис дөзмөм ученик моз өтикык кывйөн.

— Сьөмтө кытчө воштін? — быттьө кысянькө ылісянь чунгис Федэрлы виччысьтөм юалөм, «со төдмалөма нин» —

вирдышті аслас юрын. Шуны, мый сійӧс бӧбйӧдлісны, стӧчджыка, мырддисны сьӧмсӧ, Федэр эз вермы. Ӧти-кӧ, эз кӧсйи коньӧрӧ уськӧдчыны ыджыд чина морт водзас, мӧд-кӧ, ачыс тырвйӧ эз аскы, мый сійӧс збыльысь грабитісны.

— Уджді тӧдсаяслы,— вашнитіс пастук.

— Щӧкатӧ малыштісны удждысиганыс?— нюмьӧвтіс Сямтомов.

— Уси.

— Мый вылӧ?

— Тӧрыт ме видзышті — и уси. Сійӧ ӧд позьӧ?

— Позьӧ,— веськодя шуис капитан, сылы эз кажитчы, мый кӧр видзысь оз веськыда сёрнит ськӧд. Ас ногыс гӧгӧрвоис сылысь зумыштчӧмсӧ Федэр:

— Меным ыстасны денъгасӧ, кора кӧ, мӧд сы мында мӧдӧдасны. Мынтыся.

— Телеграмма вылад эм?

Федэр чӧв оліс, капитан мыччис сьӧм:

— Переводыд воас да мынтысян. Сэссия, кытчӧ талун думайтан узьмӧдчыны?

— Ме бӧр татчӧ локта, меным кажитчис, вольпасыс шоньд и сӧстӧм. Некод оз мешайт,— кыпыда вочавидзис Федэр. Капитан гораа серӧктіс:

— Казенной койка вылӧ азартыд петӧ, та вылӧ, другӧ, мыж колӧ вӧчны. Ладнӧ,— серам сора синвасӧ чышкаліс капитан,— гостиницаӧ видла овмӧдны. Час дасын кымын ме прӧстма. Тэ ветлы почта вылас да бӧр лок сэк кежлӧ.

Сямтомов оліс гостиницасянь неылын, сылы вӧлі кивыв колльӧдны Федэрӧс. Прӧст местаыс эз вӧв, шуисны, рытнас пӧ, гашкӧ, прӧстмас да сӧки овмӧдасны вӧзъян клиентсӧ.

— Кыдзи нӧ, Канев ӧрт, тӧнӧ чомъяд величайтӧны,— гостиницаысь ывла вылӧ петӧм мысти юалис Сямтомов.

— Федэрӧн, а корсюрӧ и Федэръянӧн, сідзисӧ син сайын сӧмын. Шуам, Федэръянлӧн тайӧ дадюлыс либӧ кӧрыс.

Капитанлӧн бара гылыда серӧктыссис, зэв нин тешкодъӧн кажитчис кӧр видзысьяс ног бергӧдӧм коми нимыс. Сэссия сідзи и коліс нюмдӧм пасыс чужӧм вылас, эз тэрмась эновтны кӧзяинсӧ. Сямтомовлы лов вылас вӧлі кыпид, непӧштӧ лючки коллялӧм дежурствосыс либӧ сыысь, мый водзын сійӧс виччысис кык шойччан лун. Ещӧ, эз вӧв окота Сямтомовлы торйӧдчыны Федэркӧд. Ӧти-кӧ, коліс жӧ лючки тӧдмавны, кодъяскӧд тӧрыт коллялӧма сійӧ рытсӧ, мӧд-кӧ, мыйся олӧм сылӧн сәні тундраас? Мый сійӧс сәні кутӧ, код сылы тшӧктӧ нәм чӧжыс лым вылас тірзыны?

— Менӧ тэ, Федэръян, Григорьевичӧн шу, сідзисӧ ладнӧджык лоас,— бара вашмуніс капитан.— Кора ме тӧнӧ ас ордӧ чай юны. Гӧтыр, кӧнкӧ, пӧсь блинъяс воигкежлӧ пӧжаліс. Кыдз та вылӧ видзӧдан?

— Ся бур делө. Блиныс, выйыштан кө, кокниа кылалө, сөмын нылав,— Федэрлөн пыксьом мода эз вөвлы, көть коді эз чукөстлы гөститны, петитчыны эз радейтлы.

— Выялам,— шпынняяліс Сямтомов.

Капитан оліс куим жыръя патераын. Гөтырыс удж вылын, челядьыс, шуис, өти — школаын, мөд — яслиын. «Абу менам мында», — думыштіс Федэр, сылөн көдзыд чомйын вит челядь, а талөн и шоныдінас оз паськав рөдыс, но көзьяныслы та йылысь немтор эз шу. Збыльысь, найөс виччысьомаось еджыд тарелкаын чукйөн пось блиньяс. Тэрмасьтөг юисны чай. Федэр мөдөдчис да южмөм воргаөд моз рөдтіс, быдторсө сяркөдіс-висьталіс. Корсюрө капитан көрлывліс плешсө, сылы унатор эз вөв гөгөрвоана көр видзысьлөн оломысь. Федэр и сійө здукьясас эз пикө во, немтор пө, волы пө ачыл коркө тундраас да места вылас петкөдла. Сэсся коркө-некоркө, Федэр эз дзик пыр казаяв, кызди капитан веськөдіс сылысь вөжжиув көрсө мөд туйө. Пастук өдвывсьыс и сәті войөдіс-висьталіс немтор дзевтөг, төрытъя лытайтөмсө. Сійө здукас Федэр вунөдліс сы йылысь, коді сы водзын пукалө. Сөмын кодыр Сямтомов юалис, төдас-ө өні найөс, паныдасяс кө туй вылын, Федэр тшөкмуніс, ылөсас вочавидзис, гажа пө ёна вөлі, өдвакө. Федэрлы кажитчис, мый сійө вузаліс кодөскө, вөчис зэв мисьтөмтор. Од думыштны кө, Кузя да Ёша сьөмсө збыльысь сылысь удждісны, эз мырддыны, кызди первойсө чайтіс скөрйивсьыс, көть эськө энотны другтө, кызди найө вөчисны, абу жө мичатор. Эз полөм, а ёртъяс вөсна ас ногыс гөгөрвоөм төжд кутіс Федэрөс, тшөктіс кутшөмакө ылөдчыны капитан водзын, кодөс сылы зэв жө эз вөв кокни вөчнысө. Веськыда кө шуны, Федэр, дерт, некодкөд эз сорав Кузяөс ни Ёшаөс. Мукөдьяссө, гашкө, дзугис, паныдасис кө быттьө, сәки помланыс ёнакодь нин кодзис. Федэр вежөрас адзысьлөмьяссө крепыда көртавлө, мед кузь туйяс вылас эз разьсы да пазав. Сідзи велалөма челядьдырсяныс, көр видзысьлы мөд ног некызди оз позь. Шуам, кык тысяча стадасыс некымын көр пышйис мөд бригадаө. Он кө ачыл найөс сәтысь адззы, коді тэ пыдди ликтас. Дерт, кодсюрөяс и юөртасны, волөмтө оз виччысьны, но оз быдөн. А Федэрлысь он дзев, быд көрөс стадасыс вежөрас кутө. Сідзикөн, кызди сійө вермис вунөдны мортөс, кодкөд өти пызан сайын пукаліс? Йөзыд өд абу на көръяс, налөн торьялөмыс өта-мөдсьыс, кызди Федэр өні казаяліс, зэв ёна синмас шыбитчө. «Буракө, ёна мыждас менсьым другьясөс, веськаласны кө капитанлы ки улө», — мөвпаліс Федэр. Артасис көр видзысь, и эз ышты налы вөчны омөльторсө.

— Кылан, тэнад другьясыд кодөскө ещө мөдөс «көмөдасны», он кө тэ миянлы отсав,— пөся сёрнитіс Сямтомов, быттьө

лыддьома пастуклысь мөвпгъяссö. «Таысь он дзев», — пöсь вирыс кучкис Федэрлы чужöмас, жугыля вочавидзис:— Во-чаасы кö, сэки тöда жö да.

Капитан водзö эз мöд юасыны, мыйкö думайтис ас кежас, Федэр чöv жö олис, майшасис, мый Григорьевичлы козьналис ковтöм тöждлун, и аслыс тшöтш.

Сэссия öбед вылö воис Григорьевичлөн гöтырыс, выльысь нуръясисны. Зинаөн висьтасис, кодыр небыд кисö чургöдлис Федэрлы. «Мичаник нывбаба Зинаыс», — шуис аслыс көр видзись. Да и нимыс быттьö сьыланкыв, выя бордйөн малыштö сьölöм дортö. Сы вöсна, мый коркö Федэрлы кажитчылис Зина нима ныв. Синмö шыбитчö Зиналөн юр чукас гаровтöм ыджыд шмакыс, жаль весиг, бөрвыв песовтас көзъяйкалысь сьылдзирсö. Да и сингъяснас Зинаыс ворсöдчö, гöгрöсмöны син аканьясыс — сийö ёна шензьö, нюжмунлöны — повзьöм петкөдлö. А сідзисö Зинаыслөн быдлаті шыльыд-мольыд, ачыс дзоньнас, неблюй<sup>1</sup> малича моз, гортса шоныдлунөн ымралö. Неблюй маличаыд медтёна кодзидсьыс видзас, сийö медся колана туйвывса мортыдлы.

Öбед бöрын гөстинöй шөр комнатаын Федэр шлапвидзис-шойччис паськыд диван вылын. Паныда жырйö сайöдчисны гозъя, Федэр ясыда кылис налысь сёрнисö. Найö, карса войтыр, вунöдисны öтитор, Федэрлөн, кыдзи вөр-ваöd ветлысьлөн, вöлины зэв сюсь пельяс. Көр видзисьöс век чуймöдлис, мыйла карса йöзыс сэтшöм гораа сёрнитöны, быттьö дзик пельтöмöсь, öта-мöдыслы горзöны.

— Тэ нö кытысь татшöм бубулясö корсин?— верöсыслысь юалис Зина.

— Ме тэныд шулі нин, көр видзись сийö.

— Ваня, тэ вунöдан ас йывсьыд. Тэ — капитан! Ёртасян кодкөд... ог вермы висьтавыны. Коді сийö? Сітаннас лымсö сывдысь, — Зина долыда гигзис аслас сюсьлун вылö.

— Зина, көсьян кө тöдны, тэнад капитаныд сы водзын сöмын... помощник. Государствоыс ёна вылöджык донгялö сылысь уджсö — сылөн зарплатаыс министрысь ыджыдджык.

— Хи! Выйсö нянь вылас чуньнас пескылялис-мавтис. Диван вылас тырыс гөн чирйöма. Гöна министрыд меным оз ков.

Федэр водзö эз кывзы, мый сы йылысь сёрнитисны, ки пöлас босьтис маличасö да кок чунь йылас петис — сы мында и аддзылисны. Ывлаын дыр эз вермы воны ас выяс, быттьö дадь вывсьыс летöбсис да юкмöсö дзумгысьлис.

Шöйтис кар кузя и песлалис кывлөмторсö. Первойсö ставыс гудрасис турöб дырйи моз, нöйтчысь вежöрас дзенгысисны ыкша нывбабалөн кывгъясыс, кытысь пö татшöм бубу-

<sup>1</sup> Н е б л ю й — куим-нель тöлысья көрпиянлөн куяс.

лясö шедöдін. Доналöм көрт здукөн ыркалö жар пачысь кыскöм мысти. Татшöм жö этшыс и Федэрлөн, ывла вылыс век сылы вöвлі лөньюдысьөн. Мөвпъясыс вуджисны капитан вылö, министрысь пö сійöс, Федэрöс, вылөджык донъялöны. Сідзкөн сійö медколана мортыс государствоас. Пастуклөн некор на эз вöвлы татшöм здукыс. Кыдзкө зэв ясыда и шоныда мөвпавсис, мый эм сылөн чужанінын шыльыд тундра и гулыд ягъяс, көні поэьö рөдмөдны да видзны гырысь көр стадаяс. Медся любö сыысь, мый сылөн вöчөмторйыс эрдын, синмö шыбитчана — ставлы колана. Федэр видзөдліс тротуар кузя шлывгысь ныв вылö и выль гыөн койыштіс радлуныс: мунысьлөн пельпом вылын узис тундраса еджыд кынь, кокъяссö шонтö көр кысысь вурөм пими. Федэрлы окота ышнясыштны тайö ныв водзас, окота сувтөдны да чуткыны пельпомас, ме пö эсійö кыньсö кыйи, көръясöс пö дөзьөрита и, тундраыс ни вöрыс оз йөрт.

Нылыс ылö нин тюрөдіс, мед, ассыс көсйөмъяссö суөдö. А көр видзысьлөн жалыс петö. Кыдзи нö эськөн, не кө Федэр коддьөмъяс, татшöм ыджыд көдзыд төвсö оліс сійö, гөна көм-пасьтөгыс. Дерт, нөрпалөмөдз воис, больничаө веськаліс.

Эз, эз прöста, сідзкө, и шу Григорьевичыс, мый Федэр министрысь коланаджык. Председатель ошкывліс жö Федэрöс собраниеяс вылын, но мыйлакө сылөн шуалөмъясыс эз сэтшөма мөрччывлыны. Буракө, ми дубавтөдз нин велалөмаөсь сэтшөм нога «гөститөдөмъясас», кодыр өтиясөс век гөн ныв шыльөдöны, мөдъясөс паныда чажөдöны. Видзөдан да, өтиыслы и мөдыслы — веськодь. Григорьевичлөн кывъясыс сотыштісны, быттö выль лов пöльыштісны морөс пытшкас, быттö воддза серти винөвджыкөн да өнджыкөн мөдіс кывны асьсö. Федэрлы вөлі, кыдзи некор, кыпыд, мыйкө зэв мичатор пөжасис сьөлөмас, кодөс тырвийö гөгөрвоны да донъявны эз на вермы.

Рытъявылыс Федэр пыравліс почта вылö, кыдзи и чайтіс, сьөмыс виччысьөма нин сійöс. Зептас бөр төрытъя мында лоис, колхозса предныс гөгөрвоөма пастуклысь корөмсö.

Федэр тэрыба восьлаліс гостиницалань. Сійö лючки төдіс, мый колö вөчны сылы тайö здукас, сійö эз вөв төрытъя моз шөйөвошөма. Сійöс виччысис Григорьевич, кодкөд пастук кыліс асьсö зумыдджыкөн да вынаджыкөн. Григорьевичкөд өтлаын сылы вөлі гөгөрвоанаджык карыс и уна рөмөн пөртма-сьысь ыджыд олөмыс.

#### 4

Со и бара колис отпуск. Федэр бара самолётын. Öні нин лэбö мөдарö, гортас. Первойсö ыджыд көрт лэбачөн сынөдсö

поткөдiс, а медбөрүн ичөтикө сөлөдiсны, кодi стөч нин Харей дорөдзыс вайодас. Федэр мөдiс нин гажтөмтчыны гөтырысь, челядысь, көр видзысь ёртъясысь. Дерт, найо кутасны юасыны, көнi да мый вөли. Бурыс и омольыс вичмис. Ставсө кө помся висътавны, зэв дыр лоо, кывзысьясыс дөзмасны. Эз кө веськав милицияс да другасъ сэни капитан Сямтомовкөд, код төдас на, кызди отпускө коллялис. Гашкө, эз веськавлы и Сыктивкарас, эз паныдасълы вокыскөд. Корис ёна да Григорьевичыд шойччан лунъясө колльөдiс Сыктивкарөдз, вокыс дорөдз пыртiс. Көсйис эськөн Федэр сувтлыны Печораас, видлыны Григорьевичөс, но кадыс эз нин вичмы, гортас виччысьоны. Сыктивкарас лэбзытөдз уна рыт помся ветлөдлiсны Григорьевичкөд войся уличаясөд. Кыкнанныс вөли карсаяс моз пасътасьомаөсь. Федэр почта пыр ыстiс маличасө да төбөксө гортас, магазиньыс костюм да пальто ньобис, Григорьевич сiдзи тшөктiс. Но весьшөрө шөйтiсны, эз паныдасъны сылөн воддза «төдсаясыс». Кывсис, мөд посёлокын пакөститчөмаөсь да сюрөмаөсь. «Мый корсян, сийө и ликмө» — ышловзё Федэр да вежө думъяссө.

Вокускөд кыкысь драмтеатрө ветлис. Кыкнаннысьсө комиён ворсiсны, зэв гөгөрвоана вөли. Öтиас тошка дедө лөсьыда сылис да йөктiс, абу öти изки пeслөма, война вылас и гортас на дзескавлөма, а серамбана олан визьсө абу воштөма, дзор тошка нин, а помся корасьө. Тундраад сэтшөм дедъясыд эмөсь жө. Мөд спектакльын ыджыд да ён нывбаба ассьыс жөниксө мездорас новлөдлө, гөг ортөдзыд көть сералан налөн кимөститчөм вылө.

Танi Федэрлөн думъясыс орисны, ланьтөм пассажиръяс шызисны, сумкаяснысө кватлалiсны, самолёт жбыр пуксис Харей посёлок горулө. Федэрөс виччысисны гөтырыс да челядыс, öта-мөд бөрся кытчөкө сийөс нетшкисны-кыскисны, тэрмөдлiсны. Федэр нюмъялис да дакайтiс. Федэр гөгөрвоис, öнi оз артмы дасьтөм сёрниыс, коркө тундраын прөст кадө оз öти пөв «мойд».

Век жө чай юөм бөрүн, кодыр Феклакөд колисны кыкөн, эз вермы кутчысьны:

— Төдан, Фекла, медся бур мортыс карас кодi?

— Шоперъясыс.

— Абу.

— Лавошничаясыс либө, көнкө өчередьтөг винатө сетiсны да.

— Абу.

— Парикмахершаясыс, көнкө балябөжтө гильөдiсны шыригмозыс.

— Абу.

— А-а, төдi, мыйла водздзык юөр эз во. — Нывъясыс!

— Абу.

- Но! Сідзкөн бабаясыс, гөрд паръяоьс тай зэв.
- Абу!
- Но либө эн ворс мекөд... Карысь воөма сэни!
- Вот и эн төд. Милиционерьясыс!
- Сюрлин өмөй сэтчө?
- Кыдзи нө сытөг...
- И бөр лэдзисны?
- Мыжтөгьс нө коді менө сэни видзас. Ме дружитчи өти милиционеркөд, көсйис коркө тундраө волыны. Ме сылы палкан быкъяссө лямкаала.
- Федэр, тайө тэ-ө, эз-ө кодкө веж.
- Коді менө вежас, ме өд абу төбөк.
- Гашкө, пөдруга лөсьөдін? Зэв тай варов лоөмыд.
- Ок путьтөм ме сы вылө.
- Висьтав, висьтав!
- Көсйылі, но нинөм эз артмы, — сөрыштис Федэр, медым эсканаджык вөлі, медым збыльысь омөльтор эз думышт гөтырыс.
- Мыйла эз артмы?
- Дуракөн менө шуис, кор матыстчи.
- Правильнө вөчис.
- И тэ тшөтш сы дор?!
- А мый? Ме эськө бан боктө шонті, вөлі кө сэтөн...

\* \* \*

Чорыд лым эж вывті тюрөдіс дадюла, дадь вылын пукалісны кыкөн: мужичөй да нывбаба. Тайө вөліны Федэр да Фекла. Ылісянь кажитчис, быттьө найө сунөны море моз дзирдалысь да төвся шондіөн ойдөм тундралөн ыркыд питшөгө, коді вөлі налы мелі гортөн.

## КОРСЯ ПЕЛЬЕТОН

Аттё аслам мам-батьлы, налөн чуйдөдөм серти воссис менам син водзё тайё югыд светыс. Кор лои верстёөн, да и өні на, тшөкыда ыркмунла: өд тайё гажөдчан жыръяс, югыд енэж улас менам өдзёсыс вермис и не вощыны... А усис кё югыдыс — и ылөдз видзөдлы. Олөмад пырөдчөмыд тай быттё ваё келөм: мый водзё — сымын джудждаммө. Тайёс ме аслам олөм серти шуа.

Ас кадө помавлі шөр школа, ас кадө институтө веськалі да коставтөг жө велөдчи сэні. Кыдзи ёртъяс шуисны, весиг ас кадө гөтраси — нельөд курсын. Буракө, та вөсна, мый менам ставыс муніс оръявтөг, некытчө мытшласьтөг, лючки эрдалісны (стөчджыка кё, ачым сюсьми) ёртъяслөн тырмытөмторъясыс. Шуам, кодкө водз гозйөдчылөма да ичөт каганыс оз сет лючки велөдчынысө. А кодъяскө нин торйөдчөмаөсь да воддза сертиыс ёнджыка кыйкъялөны — выльөс корсьөны. Ог нин шу ичөтджык нелючкияссө, мукөдыс не местаын вөв моз гөрөктөны-серөктөны либө, мый ещө на мисьтөмджык, ёся несъялөны. Татшөм казялөмыс, колө шуны, пунктіс асьыс пас менам олан этшө: заводиті помся шпынпявны (нелючкисө век казяла да), быттё кутшөмкө кокныдык насмука сяма висьөм меным көвъясис. И ёртъяс пөвстын регыд кывсис, мый ме, Ульныров Петыр, зэв шмонитысь, серамбана морт. Ог соссы, таысь меным вөлі нимкодь.

Институт помалөм бөрын уджавны колисны карө. Весиг газетө босьтісны. Первойя луннас төдмаси уджаланінөн, ветлөдлі коридорөд, өтияс кажитчисны меным зумышөсь, мөдъяс — мый понда кё, торъя төждысьысьөсь. Ачым думайта, мыйла, мися, татшөминас, шоньд да лөнь жыръясас торъя вийсьынысө. Тадзи мыйсюрө вөчыштигмоз да коридорын тшынасигмоз төлысь коли. Оти асылө шпынпялігтыр пыри редактор ордө. Лакөн югъялысь пызан сайын пукаліс шөр арлыда еджыд чужөма мужичөй. Чөвтис өчкисө да козьналіс менө мудзөм видзөдласөн, пуксы пө, довкнитіс юрнас. Ме парквайи да сайөдышти чужөм вылысь шмоньлунөс.

— Но, мый, Ульныров ёрт, кутшөмджык жанрө тэнө медсьө кыскө? — юалис редактор.

— Сідзисё ме мортыс серамбана, — винджылясьышті казенной улёс вылын.

— Сідзкё, лючки кё тэнё гөгөрвои, бура казялан тырмытөмторъяссё йёзлысь и олёмсьыс.

— Челядьдырсянь сійё висьёмнас нёрпала.

— Пельетонсянь заводитам, — сьёкыдырысь жебиник нюмтор меным чуктёдіс редактор. — Босьт командировка. Ветлы сиктё, видзёдлы гөгөрбок. Гашкё, и серамнымёс петкөдлан миянлысь мыйёнкё.

Босьті командировкатё матысса сиктё, но эг на тэрмась петны туйё, мися, пельетонид меным сюрас и карысь. Кодьясёс медся ёна зуавлёны газетьясын? Дерт жё, коммунальщикьясёс. Коть юрсіёс неважён лосьёдіс гётырöй (гётрасьтөдз век шырліс мамө), пыри парикмахерскойё. Думайтa, виччысьны ковмас час-мөд, но мед, таысь локтё меным зарплата. Лун шөрнад парикмахерскойыд вөлі тыртөм, залын пукалісны лёзь юрсиа некымын дядьё. Пушыд сойяса, едждыд халата нывбаба регыд и чукөстіс менё. Меститчи шырсян улёс вылө. Видзөдлі нывбабаыслы чужөмас. Ме моз жё нюмсермунөма, таысь менё лёк ногөн кезнитөдіс. Да, тайё воём шеп рөма юрсиа нывбабаыс оз көйы пырны менам пельетонё. Эськө лёка кё рукөстіс да букушөн видзөдліс, сэки любөджык вөлі, а сійё бөрсянь шыльөдө юрсіёс да вашьялө:

— Кыдзи тэнё, том молодечөс, шырны тшөктан?

— Босьт шыран да и шаркөд, — мыйлакө менам чорзис гөлөсöй.

— Абу өд тэ, буракө, бальё. Лючки шу, кутшөм причёска вөчны? Медым бөрнас эн каитчы.

Ак, мый нө шуны? Ме некутшөм причёскалысь нимсө эг төдлы некор, менё век шырлісны мам либө гөтыр, найө вөчлісны сідзи, кыдзи аслыныс кажитчыліс. Заводиті чорыда думайтны, пыркөдны бусьём қөлуйөс моз ассьым том вежөрөс. Кывлі, мужичөйяс медсясө кутшөмкө гез нима причёска новлёны:

— Гез...

— Кутшөм? — серөктіс нывбаба.

— Капроновöй... — ме дзикөдз шөйөвоши.

— Пеньковöй оз ков, либө шнуравны тэнё оз ков. Ок, тэ, шнуравтөм ботинки. Канаткаөн шусьё сійё шырөмыс.

— Да, да...

«Весьшөрө сөмын сьёмсө видзи, некутшөм пельетон вылө абу вөлөм тані материалыс», — майшаси касса дорын.

Восьлала волялысь асфальт вывті, кыйкьяла арлань нөрөвтчөм лажмыд шонді вылө да лөньода ачымөс, мися, пельетонид кок улад оз туплясь, туплясис кё, командировкатө

сійос гижом понда эз сетны. Ньоби билет карбердса өти сиктө. Да и газетыс, кытчө пыри уджавнысө, ёнджыка гижис сиктса олөм йылысь, тырмытөмторъяссө эрдөдісны збоя, козьнавлісны лыддысьысыдылы сійө бурсө содз тырөн. Сідзкө и, меным нинөмла повнысө.

Сиктыс тыдаліс асфальт туйсянь бокланьын. Сылань кысис вижов лыа туй. Өтар-мөдар боксыс зарни кыддза расъяссө ылыстісны паськыдкодь сьод муяс.

Восьлала, видзөда ыбъяс вылө да зэвта вежөрөс, уджала өти сорысь и нырбордъяснам, думсыым апала чөскыд му көрсө, унаысь лыддывли, зумыдлун пө сійө мортыслы сетө, а лябджыкъяссө пө (коді первойысь на), весиг кольмөдө. Мый вынысь йөтка сімыштөм тыясам (карын ола да сы серти шуа) содз сынөдсө. Бур удждон эг на босытлы да кайта ачым, абу грек өтчюд кодзыны зептысь мынтытөг. Уна-ө юи чөскыд сынөдсө, стөча шуны ог лысыт. Көть эг кодззы бур йөзыс моз, но юрөй потны-висьны кутіс. Дугді горшасьнысө, мися, сійө бурөдз оз вайөд. Ичөтика сынөдсө лэдзыштала ас пытшкам, сы пыдди сюся видзөда му вылас, всиян юр вемөс зэвта. Муыс комокъяса, сідзкө, кодкө гөрөма. Мыйла комокъяса? Сідзкө, лёка гөрөмаөсь. «Тайө менам пельетонлы коланатор»,— радлышти ачым. Но мыйла гөрисны арнас? Мый быдтісны тани? Дерт жө, көнкө картупель, быдлаын тай сійөс вөдитөны. А кызди урожайсө идралісны? Дерт, көнкө, ёна колялісны, сійөн и гөрисны тэрмасьөмөн, медым син улас быдөнлы эз веськав. Но тайө нин дзонь пельетон. Кучки плешкам и тайө здукө дугдіс висьны юрөй. Радпырысь воськовті сьод му вылас да ёсь ботинки нырнам мөді гудйысьны сәні. Көть эськө картупельыд дзик пырсө эз сюрав, но сьөлөмөй долыда дількпуис, мися, юр вемтө кө он жалит, крепыда кө сійөн изан, век нин мыйтакө да нуртор артмас.

Гудйыса эськө сьод васөд муын ёсь ботинки нырнам да тшөкыда чужөмөй кутіс шомкөра шмоньөн вежыньтчывлыны. Сө дивө! Көть мыйта ог гудйысь, өти гөгыль оз сюр. Кывлан, век пө тай уна кольө картупельыс. Мудзышти весиг. Аддза, му пөлөныс кельдөдыштөм эжа кузяыс тапиктө крукыль беддя пөльө:

— Мый корсян? Нидзув?

— Картупель...

— Но, зон, анькытш сора зөр тани быдмис, ытшкисны да гөрисны нин со мусө.

— А ме чайті...— кежи му вывсьыс да эжаас мөді чышкыны көмөс.

— Мый нө картупельсыс тэныд?

— Тэ, пөльө, восьлав водзө аслад туйөд. Мед шыдыд пачад оз шоммы.

— Гусясысь али мый? Арнас мешөкөн сюсьджыкъясыс кыскалісны, а тэ коляссө өктан. Йой гусясысь али мый? Карса жө?

Ме скөрмөмысла вошти кыв-ворөс, ок, мися, кодкө кө кыв-лас тайө йой старикыслысь больгөмсө. Кок чунь йылын шөтясьөм мышкуа кань моз матыстчи сы дорө, быттё көсйи голяодыс тшпакыны пөрысь мортөс. Но эг тшпакы, ме сөмын көсйи чуйдны сійөс, но пөлыд мыйлакө нёти эз повзы, та вөсна содтөд, скөрысь пинь пыр сөдзөдышти:

— Некутшөм ме абу шыш! Пельетон корся, сэтшөм могыс менам. Гөгөрвоан тайөс, пөрысь вужля.

— Но зон! — гылыда серөктіс старик. — Тулыснас эз пельетонлысь көйдыссө татчө суйлыны да кысь нө скорас сійө. Пельетонсө кызди сөйөны, нянь вылө мавтыштөмөн али сідзи?

Стариклөн сирөд серамыс дзикөдз пузувтіс ляпкыдик том вежөрөс.

— Аддза! А ог кө — тэ йылысь гижп пельетонсө, — и төв ныр моз шутөвті еджыд тошка старик ныр увті.

Сиктө пыригкості лөнялышти, мися, быд выжывыслысь шуалөмсө кө сьөлөм кудъяд тэчны, кості пөрысьман. Видзө-да, рудөдөм керъяса керкаяссиянь бокланьын турвидзө кирпичысь тэчөм непөштө гараж, непөштө карта, көть өшиньястөм, но шипер улын нин. «То өд, — мөвпала ачым, — заводитасны стройкатө, а сэссия оз помавны». Гөгөрті энөвтөм стрөйбасө да вежөрті, гараж тай, буракө, өдзөсьясыс зэв гырысьөсь. Со, мися, пельетонид куйлө, бур шипер улын, оз сісьмы, дыр көнкө менө виччысис, шлапкөда кинам рудмыштөм стенас, долыдмышті. Көть туйыс вөчтөм, но кокөс эг няйтөсьт — коркө кульлөм эжаыс турунасьөма нин. Кыйкъяла гөгөр, чайта, кодөскө чукөстны да стөчмөдны асьсым вежөртасөс. Тайө здукас мыччысис неылыті прөйдитысь канавасысь, кодөс ме мыйлакө эг дзык пырсө казаяв, көрт зыръя, фуфайкаа дядьө.

— Ко-о-одөс корсян? Лок та-атчө!

Матыстчи. Шөр арлыда мужичөй көрт зыр йывнас гудйысис рудов сөй пиын, ичөтикаөн шыблаліс вывлань.

— Чолөм, зіль войтырлы, — шыаси ас пайысь.

— Здорово! Пу-уксы пөвтор вылас, — индіс меным канава дорышас. — Ö-ö-шөд мудзөм коктө, ныртө ча-атөрт да о-ошйысь, — дядьө лышкыда шмонитіс. Татшөм ногөн серам петкөдлөмыс сылы лөсяліс, төкөтё мөмъялыштө, ачыс рыжөй, стөч свежөй ёкыш кодь, кутшөмөс тай корсюрө вузавлөны «Океан» магазиньын, бур ногөн лөсталө чужөмыс, дзоньнас быттё пытшкөссияньыс югзё, мый висьталө көзяинлөн завидьтана дзоньвидзалун йылысь.

— Сі-идз,— ёкыш кодь мужичёй кокниа чеччыштіс сёй гуранысь да пуксис мекөд орччөн.— Кутшөм могыд? Кокни удж ко-орсян?

Ме мыйлакө довкниті юрнам.

— Бур делө-ө! Өти вөзйысис нин да иг при-имит. Вышшитчысь! Магазино до-озла эз мун. Ме тані ыджыдыс — звеньёвөйыс! Кылан?

Ме помся довкйөдлі юрөн.

— Та-йө гаражас шоньд ва нюжөдам. Куим во нин!— Ёкыш кодь рыжөй дядьө гылыда серөктіс.— Төвнас кодъям — тулыснас быздө, гожөмнас пыкам — арнас ваөн ойдө.

— Мыйла нө трубасө ас кадө онө суйө?— лабутнөя юалі, лючки өддзис висьтавыны моргыд да мед эськө не торкны.

— Абу тру-убаыс! Ө-өтчыд эськө вайлісны да лымсө весалігөн бульдозерыс нюклялөма. Тэ-э эн шогсы, по-озьө уджавны. Ремонт канавы... Но-о...— ёкыш дядьө лэптіс кисө.— Эн ө-өбидитчы, веськыда шуа, миян кантораын ыджыд раз-раз-рад оз сетны тэныд.

— Мыйла?

— Висьлөс чужөмыд. Миян начальствоыд та кузя, ок, стрөг. Чужөм — портянка,— вешйы бокө.

— Сідзкө, звеноад кыкөн и лоам, тэ кутан уджавны, ме, кызди ичөт разрада, магазинө котравны?— менам бара съөд кунваыс кутіс лыбны лов пыдөссьым.

— Ө-ө, дона друг, ме-е тані өні абу өтнам. Ми-иян трөх-сменка.

— Сідзкө, лун и вой уджаланныд?

— Эн гө-гө-гөрво. Ө-өти уджалө — кыкөн шойччөны,— довкнитіс юрнас неылын тыдалысь понөльяслань.— Сэні кыкөн гожъялөны, тэнө кө примитам, нө-оль смена котыр-там.

— Мыйла нө ставөн өтвылысь онө шойччөй, сідзисө өд гажаджык. Профсоюзысь позьө путёвка шедөдны...

— Ө-ө, пинь пырыд эн сө-өдзөд кывьястө. Тадзи кө, миянө он веська-ав... Тшу-уп ныр вылад! Про-про-изводство сувтөдны оз позы! Лю-юбөй здукө вермас гры-ымкнитны начальство. Руба эм?

— Сі-идз,— кыски пинджак зептысь гөрд записнөй книжка да лөз шарикөвөй ручка.— Памилиеясыд, коді мырсьө тані? Кутшөм учреждениеысь?

— Коді тэ?— чуймөмөн сувтөдіс ме вылө синъяссө ёкыш дядьө.

— Ме газетысь.

— Нем абусө эн сөр,— ёкыш дядьөлөн ышмуніс чужөмыс, весиг ньөти эз кут мөмъявны.— Татшөм начальствоыд оз овлы. Подөн ветлан... костюмыд быгалөма. Чужөмыд... быттьө во видзөмаөсь картофель гуын. Оз, татшөм началь-

ствоыд оз ков. Миян начальникъясным ставон зорйон вердом вовъяс кодьюсь. Пельпомъясныс — во! Чужомъясныс ыргон таз моз волялоны. А тэ, тьфу!

Ме полігтыр суйи морос зептам киос, мыйлако эз вов окота сетны тайо ас ногыс мудер да наян дядьбыслы снитки выль удостоверениеос.

— Косьян, документ петкодла...

— Нолы! Нолы!— Сийо тэрыба сетчис мелань, быттьо косьис тшапкыны кысь документос. Ме здук чорыда кабырам куті сийос, падьялышти.

— Со и повзин. Абу аслад конко, удждін конко кодлысько. Эй! Семо! Ваньо! Мый сэн узянныд? Пөжар!

Тайо здукө понольяс костысь кыпөдчисны сьод кымөр кодь кык ыджыд дядьо. Найо ньөжйө матыстчисны миянлань, мыйко броткисны вомгоруланыс. Ёкыш дядьо дыр видлаліс корреспондентской удостоверениеос, мышсянь и водзянь, весиг шонді водзас паськодліс.

— Со, корреспондент воома, косийо миян йылысь газетө пасйыны,— висьталіс воысьяслы звеньевойыс.— Одиоджык кианыд зыръяс босьтой. Каллянныдтө колө сэсся дженьыд-джыка гаровтны. Но, зон, эн обидитчы,— мыччис звеньевой меным документос.— Ме од шутиті тэкод. Сийо трөхсменка йывсьыс и мукөдторсө сідзжө...

Ме пыркниті пинджакос да веськодчи сиктлань, төді, найо өні меным оз висьтавны асьыныс памилиенысө ни строительной организациянысө. Коді менө дэльөдіс шуны ачымос газетчикон. Öні быттьо пельетоныс и эм, но збыль вылас сынөдас на өшалө. Бара на колө корсьысьны. Пыравлі магазинө, выль куритчан ньоби да доза дыр тшынаси ывла вылас. Сайкалышти. Скөрөйла гудыртчылөм вежөрө лөзвартіс-кодь нин, кыдзи тай асыв заводитчигон овлө, кор войыс вешйө. Лючки мөвпала, планъяс вөчала, мый водзө керны. Медводз вежөрті — сөйны колө. Видзөда да, стөч магазин дорас и столөвойыс, мися, бөрө-водзө шөйтө йөзыс. Шома капустаа пөсь шыд панялі, небыд котлетъяс нямырті. Бур. Мый сэсся и колө том мортыдлы. Медбөрын изюмысь пуөм кодзыд компот пытшкам кысьті. Шпыньмуні быдөн. Дзик бур лои. Сэсся планам суйи пункт — сиктсө кытшовтны. Шөйта, быд пельос исала. Вель кузь вөлөм сиктыс, рытөдз нюжаліс кытшовтөмыс. Сиктыс шөркодь, абу дзикөдз киссьөма, аслам пельетонө суйөм вылө торъя пас эг казаяв. Совхоз контораын долыд лыдпасъясөн чөсмөдісны, кольөм во серти пө унджык картофель муяс вылысь перйим да мөсьяслысь йөв лысьтім. Дерт, тайос пельетонад он суй. Но юөртисны и сэтшөмтор, кодос, ме думысь, некытчө он вурышт: эз төдны, кутшөм строительной СМУ лэптө гаражсө, подрядчикыс пө тшөкыда вежласьө да стөча шуны өні огө вермой,

ассыныс пö юалö. Но ме юалі нин öтчыд. Со и шеді нин öти лэчкö. Дерт, позьö аддзыны подрядчиксö, но та вылö колö вель уна кад, кыксё тысячаа карысь, кöні абу öти дас строительной организация, веськавны колана СМУ вылö абу ккни. А гашкö, тайö кирпичной гаражыс некодлы оз ков, сы вöсна и оз тэрмасьны лэптынысö? Тайö мөвпыс и йөткис менö öнiя гаражö, видзöдлыны, кыдзи меститöма техникасö.

Гаражö пыранiнын менö паныдаліс öнтая пöльыс, кодкöд ме варовиті локтигам му дорас.

— Лок, корреспондент ёрт, видлы миянлысь кöрта овмөссö, быдлаö нин кöнкö волін. Миянөс тай эн жö вунöд. Сийö и бур, уна аддзылан — уна кутан тöдны, регыд дзорман, но сыысь эн пов. Ме тані кöзяиныс, кор гаражас некод абу. Кутшöмкö мөгөн кö...

— Сидзкö, стөрöж,— ме сюся видзöдлі пöльлы том мортлөн кодь на вильыш синъясас.

— Так точно!— збоялыштіс дедö.

Мöдöдчим ми сыкöд гараж кузя. Стрöйбаыс пуысь, сальзём стенъяса да джодж плакаысыс лöсталöны лöзмунём сьöдөн. А сидзисö немтор некөн оз туплясь, быдтор ас местын. Тайö мөвпнам пыр жö юкси дедыскöд, а сийö лөня вочавидзаліс. А кутшöм пö сэссия сылы и лонысö, абу öд горнича. Сöмын öтитор эз лöсяв. Пуысь стрöйбаыс, биөн несъялысь машинаысыс вермасны коркö öзтыны, думышті ас кежысь. Мыйтакö техникаыс сулаліс и прöстö навесъяс улын. Уна пö да, дерт...

— Кыдзи лэптісны гаражсö, сэксянь и видзöда сы бöрся,— висьтасис дедö.— Томджык на сэки вöлі... Кадсö он йөрт. Со стрöйбаыс пöрысьмö, и ачымөс нин колö беддьөн пыкны,— старик бара мыйлакö гылыда серöктіс.

— А эсия мый?— инді öтчукөрö шыблалём кöрта кöлуй вылö.

— Металлолом.

— Мыйла тані сісьтöны?

— Коркö суббötник дырйи нуасны жö карö либö свалка вылö.

— Вермасны и свалка вылö?!— ме бара тэрыба перйи гөрд записной книжкаөс да лöз авторучкаөс.

— Шуткуйта,— серöктіс пöльö.— Но и стрög жö тэ, зонмö, вөлöмыд. Колö кö öд сэтшöма тэныд пельетоныс, менсьым олөмөс кабала вылö пукта да и. Висьтала кö, кувтöдзыд сералан. Серавнысö кужан?

— Сы вылö, ме думысь, велöдчыны оз ков.

— Оз эськö..., но мукöдыс тай шпыннiялöны сöмын. А-а...— öвтыштіс кинас.— Мунім. Чайөн гөститöда.

Старик бара емыштіс сьөлөмөс, но чöла довги сылөн ичöтик будкалань. Пырим. Плитаа пач шоныда ломтысьö, сы

вылын чайник руасьö. Ичöтик чайникö пöльö тэчис уна сикас турунъяс, сэсса бöрын нин чепöльнас пуктыштіс чайсö.

— А-абу чай, а шыд,— тölкуйтіс меным.— Уразной турун, вижьюр, туй дор лапкор, көртдой турун, чөд дзоридз, сьод сэтөр кор, дерт и, лежнög, медся сійöс радейта. Шыдтö ме ог и панявлы. Татчö кө ещö пань тыр мөс вый чөвтан... Пуктышта выйсö?

— Эн,— тэрыба вочавидзи. Дедö мыччис стöканөн сирва кодь юантор, ю пö, некутшөм пөрөс оз босът.

— Кулан и врачьяс оз тöдмавны, мыйысь пезьдін,— видлі юанторсö, кажитчис көрыс. Мися, поэяна. Вöрса шорысь пö васö вайи, бара на ошкис асьыс «чайсö» дедöыс.

— Да, тшук делö йывсьыд эг вунöd,— кыпыда заводитіс дедö.— Пельетонтö менам нимөн и тшуп, сідзи и гиж, Фома, гырысь букваясөн, медым ставлы синмö дзик пыр шыбитчис.

Ме татчö брысь серöкті, чайöй весиг киссис. Фома пöль тэрыба чышкаліс пызан вывсö да такöдіс менö, эн пö тайö добра вöснаыс шогсы, асланым пö вөр-ваын быдмö. Со пö нимсянныс и серамыд петіс, артмас пö пельетонид.

— Памилиеö Шуктомов,— здук мысти водзлань веськөдчис Фома.— Тайöс позьö ичöt буквасянь гижны. Чужи ме, видзөдлан кө менам ройсялөм рожа вылö, ачыд гөгөрвоан, важөн нин. Котралі школаö пыртөдз көмтög да гачтög. Таллялі зарни туся небыд турунсö да ещö мыйскөрö,.. шуам, карта горувьясті кытшлалігөн зэв небыдінö веськавлі. Но гут моз сэні эг нюжмась. Öні мый овнысö, көть дас гач кышав, а сэки вöлі гач пыддиыс кузь дөрөм новлам. Майбыр, быдлаті жульöдö-быгöдö. Но да та йылысь тырмылас. Эн вунöd пасйыны, том дырйи ёна йöктыны радейтлі. Быд войпукын гымöда-йöкта, сэтчөдз ылалі йöктөмас, весиг армияö мунтөдз гөтрасьны эг удит. Учтит, сэки эг нин гачтөм Фомаөн вöv, новлі хромөвöй сапög да сьод ной пинджак нин.

— Сьылысь жö вөвлін?

— Радейтлі жö. Кызди горöда сьывны, матынджык пукалысьясыс бокланьö вешйöны. Тайö занятияесьыс ме регыд эновтчи. Тайöс позьö не гижны пельетонас. Тані вöчлам кост пельетоныслы.

Война заводитчис. Фронт вылö веськалі. Войнаыд, зонмö, ыджыд экзамен быдөнлы — пöрысьлы и томлы. Гашкö, кодьяслы кө и веськавлісны шуда билетъяс, но ми сы йылысь эг думайтлö и эг тöдö.

— Гашкö, Фома дед, тэныд шуда билет жö веськаліс: тэ öд сійö ыджыд бисьыс ловйөн петін.

— Да, зонмö, меным тайö кызкö и юрö эз волы. Кывзы, корреспондент ёрт, война вылад овлö жö тешкодьторйыс.

Тайо и пельетонад лөсялас. Сідз, ручкато лэпты, веськалі ме Волховской фронт выло. Ачыд тодан, унаысь миян войска выныштчылісны Ленинград гөгөрсә кытшсө пасьвартны. Крепыда фрицыд кутчысис. Паныд сувтисны кык ыджыд фронт, кыдзи овло тулыс локтигөн, кор кодзыд да шоныд сынодыс венласьо,— гымыс и чардыс, слотыс и шерыс,— ставлы потмөн вичмис. Но тайос пельетонад эн гиж. Сідз, ми сулалім өти нюр дорын, помнита, лымъя нин вөлі. Мышканым вөр, водзаным — кушин. Фрицыд нюр кузяыс кыссьо. Миянлысь окопьясто пушкаясысь и минометысь лыйло. Сыркъяло муыс, пуяс пөрласьоны. Ме пулеметчикөн вөлі. Ачыд тодан, пулемет кузяыд медся ёна лыйло противникыд, пуляыд жвичкө и снарядьяс мусө гөрөны. Дерт, и ми проста огө пукало, сяркөда пулеметысь, и отар-мөдар бокам кыло винтовкаяс клопайтоны. Век жө немечыд матын нин лои миян окопьяссиян. Мися, кыпөдчөй сөмын, думайта ачым. И тайо здукас дзик динын мина пасьмуні, кокьяс быттьө доналөм көртөн дзужөдісны. Тшыныс разалис да аддза, немечьяс атакаө кыпөдчисны, сяркөдоны автоматысь и миян окопьяслань котөртөны. Пулемөтө лөкысь бергөдчөма, лөсьөді эськө сийос важ местаас, но вөлөм жугалөма, оз лыйлы. «Мый вөчны?» «Мый вөчны!» Бергалө юрын өти мөвп. Повзьөмсьыс ли мый ли и коксым дойсө вунөді. Мися, граната кө эськө вөлі. Немечыд зэв матын равзө, быттьө пель динын. Вот-вот уськөдчас миян окопьясө. Видзөда да няйтсьыс чурвидзө кодлөнкө ройөм сапөг пөв. Нем думайттөг кватиті да шыбиті фрицьяслы, на, мися, тайос нятшкөй. Ланьтисны фрицьясыд, суйисны нырнысө васөд муас, взрыв виччысьоны, чайтисны, буракө, граната. Ачым төкөттьө эг серөкты, мися, жаль пезловныд. Гашкө, минута, гашкө, кыкөс немечыд куйліс. Сэссия бара кыпөдчисны, но тайо здукө ловзис орчча взводысь станкөвөй пулемет. Буракө, джөмдылөма жө. Техникаыд эм техника, войнаыд — война. Сэні көртөн көрт кусыньтоны. Биөн би пөдтоны. Меным сэтшөм любө лои станкөвөй пулеметлөн гора шыыс, ки-кокөй здукөн личалис, радөйла вошти садьос.

Садьми сөмын госпитальын. Куйла койка вылын, белитөм пөтөлөкө дзорга, думайта дыр узьсьөма. Видзөда, койка дорас сапөгьясөй оз тыдавын. Чукөсті медсестраөс, гусьөн моз юала, мися, көні нө менам ялөвөй сапөгьясөй. Жаль, небыд гын пытшкас видзи да. А медсестраыд вочавидзө, тэныд пө, салдат, оз ковмыны сэссия сапөгьясыд, көстыльяс пө сетам.

Гортө көстыльяс вылын локті, пидзөс горувті тшө-тшөдөмаөсь кыкнан кокөс.

— Көні нө тані пельетон вылас материалыс? — шога юали ме.

— Менам өні на серамөй петавлө, — вочавидзис Фома дед. — Эг кө өд ме сэки немечтө ылөд, өні тэ водзын, корреспондент

ёрт, эг и пукав. М-да, жаль, тайё, шуан, пельетон вылад оз туй. Но водзё кывзы, кадыд кё эм. Водзас стёч нин пельетон кодь лоё менам оломыд. Ручкатё эн на босьт. Ола сиктын, мам дорын, улич кузя кёстыль вылын ветла. Мый верма эськё отсая колхозлы. Сийёс-пёрёдня дзоньтала. Но тайё ёмой удж мужичёй мортлы? Думайтa, кокъяс кыськё колё корсьны. Быд вой вётала, клубы зымёда-йёкта. Садьма, бара кокъяс йылысь мёвпала, мися, кёть нин эськё кутшёмкё, кёть кёртысь, кёть пуысь, медым сёмын мездыны киясёс, ёні ёд менам найё оти сорысь и кок пыдди уджалёны. Протезла колё вёлі ветлыны Кировёдз. Война кадё миян съод вёр пельёссиянь тайё абу кокни туй, торъя нин кёстыля мортлы. Сэки ёнія моз эз лэбавны самолётъяс ни эз журъявны автобусъяс. Буракё, та вёсна менам туйё петёмыс век нюжаліс и нюжаліс. Миян войска нырис нин пеж вёрёгёс аслас му вылын. Мися, немечлысь сьылідзирсё бергёдны путьмим, а ме кутшёмкё протез вёсна йёрмёма. Плотницкёй инструментсё и шылатё ичотсянь лючки кужлі кутны киын. Вёчи оти протез. Эджык кажитчы, сэссия мёдёс лёсали. Первой кёстыль вылё мыджсьёмён на велёдчи. Сэссия и кёстыльястё эновті, сёмын бедьтор вылё мыджсьышта. Победа лунас и бедьёс вошті. Мися, вошис кё и оз ков. Бытьё выльысь кокъяс быдмисны, тёдтём морт кё оз и казаяв, мый протезъяс вылын ветлёдла. Аслам сиктын, дерт, быдён гуг и бан менё тёдёны и некодёс он ылёд. А мунны кё йёзё? Сэки ёд лоа бёр важкодь удал зонмён. Тайё мёвпыс кыскис менё ыджыд стройка вылё. Оти строительной площадка вылын мёді уджавны инструментальщикён. Плотникъяслы быд сикас инструментсё кесла-лёсьёда. Некод эз норасьлы ме вылё: быдтор ас кадё дасьтылі. И начальствосянь сёмын бур кыв вичмыліс. Овмёдчи ас кодь жё фронтовикъяскёд общежитиеё. Быд субёта и вёскресенньё том йёз мунёны клубё. Дерт, оз кино сэні видзёдны, мича нывъяскёд йёктёны. А ме бергала жергысь съод патефон водзын, асьсым томлунёс казтыла, кызди рытйысьлім армияё мунтёдз чужан сиктын. Дырён-кадён пу кокъяс мёдісны кывзысьны менсьым. Дерт, ог водза моз пелькыда, но кутшёмакё йёктыны верма, кызди шуасны, позьё нин йёзлы петкёдчыны. Ми сійё кадас вальсьяс да тангояс бергёдлім. Сійё йёктанъяссё паратёг некызди оз позь. Ёні тайё и паратёг йёктёны, петас кругас да и летйысьё. Сідзинад и гортад позьё вежнясьны, некод кё тэныд оз ков. Шуи тай, мися, параасянаджык сэки вёлі модаыс. Ме и улич кузя параён мёді ветлёдлыны. Таня нима нывкёд лёсялім, мичаа йёктіс, гылыда серёктыштысь ачыс, восьса сьёлёма, бурсё и омольсё пыдё ас пытшкас босьтысь. Таня сійё жё стройка вылас, кёні ме уджалі, штукатуритчис. Стрёмкаыд вель ыджыд вёлі, уна йёза, быдёнёс он и тёд.

Дерт, Таняёс ме клубо пыравлытөг эськө эг и паныдав. Видзодла Таня вылө, и сёлөм сьлө, ачым думайта дзик мөдтор йылысь, мися, эг кө велөдчы йоктыны, кысь нө меным, кын кокалы, татшөм лэбачсө кутны. Мися, төдін кө эськө, Таня, кодкөд окаян. Өд коркө эрдасалас? Но мед не сөмын өні, быд пөрийө вөтла ас пытшкысь тайө сьөкыд думъяссө. Таняөдз ме ветлөдлі нин өти нывкөд, висьталі протезьяс йылысь, сьлөн сэтшөма укшальмис чужөмыс, мый нө пө сэтшөм дыр нюжөдін, ылөг морт пө тэ, ещө и фронтовик, и бергөдчис мышнас. Но өд нэм чөж он дзедьсясь! И сэки ставыс киссяс. Дерт, оз өти здукөн. Таня шань сёлөма ныв, но ньөжйө, кызди тувсовья йи, рушмас... и сьлө. Тайө думсьыс ме лёк ногөн ньылөда, кызкө чери ног нильөгася.

Өти рытө Таня пыртис менө гортас, оліс сійө өтка бабө ордын торъя жырйын. Дерт, эськө эз ков пырны, да он тай водзвыв төд, кытчө джөмдан. Тагөс дорас и крукаси. Эг, көнөчнө, кокнам. Тагөс дорас пө пөрччы мича сапөгьястө — өдзөс восьтігас веськодьпырысь шуыштіс Таняйд, а менсьым быттьө ёсь гыжъяснас кулыштіс сёлөм кучикөс. «Миян бара некор коктө оз пөрччывны». «Көні нө пө тиянсө?» Висьтаси Печора йылысь. Старөверьяс пө өмөй? Да, мися, зэв важся старөверьяс, өти кывйөн кө, нитшсялөм йөз. Мыйся нө бара тиян сэтшөм вера, шензьө Таня. Гашкө, ті и вольпаяд сапөгнаныд каяд? Видзөдлі Танялөн лөсьыда идралөм койка вылө и кызмырдөн моз чуктөді ас пытшкысь приговор кодь кывьяс. Да, Таня, сөмын сапөгөн. Ывла вывсянь пө веськыда? Таня чөвтліс жө видзөдлассө аслас сөстөм койка вылө, и ме казялі мыйкө сьөд вуджөр кодь пагыртис сылысь алөй чужөмбансө. Мый нө ме вөча?! Көсья өлөдны ачымөс и ог вермы, водзө сөра и ыджыда ньылөда. Абу пө некутшөм Ен, мый вынсьыс төлкуйтө меным Таня, быдөн чужөмыс вирсялөма. Мися, эз кө вөв Енмыс, кытысь нө ми тэкөд свет вылас лоим? Зэв тай ывлаас топыда кутлысин, сэтысь пө и сэтысь лоим! Мися, ме өд первойя морт йывсьыс сёрнита. О, чуймис Таня, тэ пө тай дзик сьөд мыр. Школаө пө ветлөдлін? Мися, зэв этша, во вит-квайт. Коридорас өмөй нө пө велөдчин? Мися, тшөкыда ыстывлісны, гашкө, стөч сійө уроксө коридорас шөйті. Енлы эскан и кулиганитан пө, да тэнад вераөн, көнкө, быд лекторсө позьө вөчны. Тэ нө пө, Фома, гашкө, и пывсянас он ветывлы. Чужөмыд тай зэв сөстөминик-а? Ок, мися, думайта ачым, зэв тай ылөдз тадзинад позьө мунны, косышті: мися, пывсянтө, Таня, зэв радейта. Паськөмнад жө пө пывсян? Ог, мися, пывсянад миян вераыс тшөктө мамлөн сетөм паськөмнад пырны. Мыйкө пө ог гөгөрво ме тэнсьыд вератө, он-ө пө, Фома, мекөд ворсөдчы? Ог, мися, Таня, ог ылөдчы, зэвта юр вежөрөс, мися, кызкө эськө не прөступитчы-

ны жö. Тöдан, Таня, мыйын делöйс, кöни менам вералöн вужй-  
ыс. Енмыс став благороднöй пемöссö чужтылöма мича кöмөн,  
шуам, мöсъясöс, вöвъясöс, ыжъясöс, көръясöс и сідзи водзö.  
Сöмын йöзлы медъяна дöзмöдчыс пемöссö, ёром зверсö,  
крысаöс вöчöма няр кокаөн. Со мый вöсна меным, Таня, оз  
позь пөрччысьнысö, пола Ен ёрöмысь. Ойя, Таня дзебыштис  
ассыс кокчöрсö шальöн, сёр нин тай пö зэв, вай аски сёр-  
нитам. Мися, аски кö и аски, пöсь пывсянысь кодь  
нылöдöмөн петі Таня ордысь. Думайтa, ылöдчöмыд ёна жö  
сьöкыд удж велавтöгыд.

Аскинас Таня вöлі пасьталöма кузь платтö, сайöдöма кыз  
пökъя кокчөръяссö. Таня мыччис меным книга чукөр. Со  
пö лыдды. Пöдругаыс уджалö вöлөм библиотекаын. Ставыс  
религия йылысь. Лыддя öти книга и Танялы котöртöда. А  
Таня юасьö медводдза лист боксяныс помöдзыс. Ошкыштлö  
на, бур пö паметыд. Быдсяма религияыд свет вылас вöлöма,  
быд народлөн аслыспөлöс. Дерт, быдөн лыддылөм ассыс  
медбурөн. Не сöмын вензылöмаöсь вера вöснаыд, но уна вир  
кисьтлöмаöсь. Да кусöма тай религияыд. Сюсь вежöра йöз  
сийöс пазöдöмаöсь. Ыджыд сьöд гöра йöз вежöрсыйс чуктöдö-  
маöсь. Но мыйла меным öни ставыс тайö колö? И кытчö  
татшöм ворсöмыс менö вайöдас?

Кор вайи Танялы медбөръя книгасö, сийö юалис, öни пö  
эскан на аслад сьöд вералы? Мися, эска, дед-бабöй чорыда  
накажитлисны. Мый нö пö сэсса меным тэкöд, Фома, вöчны.  
Майшасьö Таня. Вераыд кö öд вöлі ещö на йöзлөн кодь, а  
то... Видзöда мелia-мелia Таня вылö, лапйöдла синлысьясөн  
и немтор ог вермы шуны. Ме сэки комсомолчөн на вöлі.  
Пукала öтчыд собрание вылын и кыла, öни пö Шуктомов  
Фома йылысь сёрнитыштам, сылөн вера йылысь. Гызисны  
ставөн, кызди пö ми эгö тöдлöй, но и пö конспиратор. Таня  
тані жö мекöд орччөн, юрсö öшöдöма, буракö, ачыс абу рад,  
мый норасис секретарыслы. Думайтa, со кытчöдз нывтö  
вайöдi, быть ковмас висьтасыны. Но кызди? Висьтасьöмнас  
öд öни дзикöдз янöда Таняös. Мый сэки думыштасны сы  
йылысь? Серам выв лэдзасны, а гашкö пö, абу и вераын  
делöйс Фоманымлөн, гизыны модасны. Секретарыд ещö  
ассяныс «мичмöдыштöмөн» мойдис менам гудыр вера  
йылысь. А меным окота горöдны, мый война вылысь вайöм  
тайö вераыс. Яндзимөн шусьö, но ог вермы шунысö. А  
залсянь тэрмöдлöны, дыр-ö пö нö ещö кутан эскыны аслад  
лөк Енлы. Мися, дугда, талунсянь дугда. Видзöдлам пö.  
Кокъяс пö кынмöны, йökтыштны колö, горзöны залын. Сідз,  
тэрмасигтыр и шняпкисны меным выговорсö. Урок пö  
Фомалы, медым верасö вунöдас. Со, мися, мый корсян, сийö  
и сюрö, пиняла ачымös. Збыль пö дугдан Енлы эскöмсьыд,

ывлаын юаліс менсьым Таня. Мися, эз и вөвлы менам торъя Ен. Мися, өти миян тэкөд Енмыс, тайө шуда олөмным. Висьтаси сэки ассьым воюйтөмөс. Бөрддзис Таня да некыдзи дугдыны оз вермы, морөсөс и чужөмөс көтөдис синванас. Өти кыв сөмын шуалө, йөй пө тэ, Фомушко, сумасшеднөй.

Мый сэсса водзө уна висьтавны, гозъяөн лоим. Нэм чөж, кыдзи сямми, аттьөалі Таняөс. Куим челядьөс быдтім да йөзө лэдзим.

— Корреспондент өрт, — здук мысти стрөга кыв көрталіс сёрнисө Фома дед. — Тайө стөч нин пельетон вылад туяс. Бурджык, мекөд эн венззы.

— Абу тайө некутшөм пельетон, — лэпти ме еджыд кабырөс аслам чужөм дорө. — Драма тайө, зэв ыджыд драма. Тайөс лючки кө гижны, позьө... дзонь шор синва лэдзны! — чорыда лэдзи кабырөс пызан вылө да видзөдлі веськыда синъясас Фома дедлы. Лыдди сылөн синъясысь кутшөмкө наянитысь вильышлун, паръясыс дасьөсь быд здук серөктыны. — Абу тайө пельетон, матын абө вөвлөма сы дінын, — шусис менам кызкө лөнджыка нин.

— Этша велөдчөм мортыд тай он и сяммы кодөс кыдзи лючки шуны. Но эн дивит менө таысь. Сьөлөмсянь көйи отсавны.

Сэсса здук пукалім чөв, сук туруна чайөн выльысь тяпөдчим. Фома дед өні юасис ме йылысь, кытысь дак коді. Мися, карын ме и чужлі, мамлөн өтка пи. Мися, газетад көть төлысь нин бергала, первойысь на татшөм командировкаад ыстисны. Мися, быть меным пельетонтө колө пуктыны редакторлы пызан вылас, ог кө вай, пөръялөма лоө. Мися, ог вай сійөс, пу грөш меным доныс.

— О! — виччысьтөг горөдіс Фома дед да чорыда тувкис меным бокө. — Өні, корреспондент өрт, тэныд дзик гөтөвөй пельетон ныр улад шляпка. Пыр жө ручкатө босьт киад.

— Мед сэні войнаыс эз вөв, эз некутшөма төдчы сэсса, — шуи ме да босьті ручкаөс, көть эськөн водзвыв төді, нинөм гижанакодъыс оз ло.

— Войнаыс ылө нин бөрө колис, йөз вежөрысь сійө заводитіс нин вушйыны, — мөдөдчис Фома дед. — Ме нин вөлі нелямынланьө матыстча, челядь аслам школаө ветлөны. Миян страна, кыдзи меным сэки кажитчис, бурдөдіс жө нин войнаөн кольөм дойяссө да пасъяссө. Чепөсйис водзлань, эбөссяліс, тайө вөлі быдлаысь кылан и казялан. Мойдын моз выль карьяс чужөны, көрт туйяс пармасө поткөдоны, ю вомөн көрт посъяс водөны. Мойдад тай өти войөн дворецъястө лэптылөны, страна пасьтаыс кө артыштны, сідзи кымын жө артмас. Позьө шуны, выль фронт воссис, стрөительнөй фронт. Ме сэтчө пукті жө ассьым пай. Помнита, цементнөй заводлы

фундаментсö суйим, көрта-бетона вужсö сылысь пыдö муас крепыда тувъялісны, медым некор эз вөрззы местасьыс. Уна нэм чөж сулаліс. Уна и техника муркөдчис, да и йöзыс вель уна бергөдчис. Бетонсö вöлі лун и вой вайöны да гургöны-кисьтöны кытчö колö. Да абу та йылысь пельетоньыс. Тэ, корреспондент ёрт, кызди верман дженьыдика таті пасйы. Сідз, водзö рөдтам. Висьталі тай нин, уна йöз бергөдчис стройка вылас. Уна пövстад быдсяма дивöыс и овлö. Вöлі сэтшöм Лёня Качев. Шофераліс, бетоннöй раствор кыскаліс. Сійö мыйöнкö ёна торъяліс мукөдъясысь. Ыджыд тушаа, паськыд пельпомъяса, векныдик ныр-вома том зон. Мыгöрнас синъястö сибöдысь морт. Сöмын видзөдласыс йинень кодь кодзыд. Да и некод вылö сійö лючки эз видзөдлыв. Кодкө кө чолöмавліс, вочавидзліс дөзмөмпырысь, став вöраснас петкөдліс, меным пö тэ коддьöмыскөд абу кивыв сёрнитнысö. Столövöйын век сюртчывліс öти пызан сайö. Быдөн гөгөрволісны, мыйла Лёня тадзи вöчліс. Сійö сөйигчөж вашъяліс еджыд көсынkaa том пöварихакөд. Кодкө кө водзджык веськавліс сылөн местаö, Лёня тшөктыліс вешйыны сылы мөд пызан сайö. Кодкө кө лысьтліс артачитчыны, сэки Лёня ачыс нуліс сылөн ныр улысь сөянсö мөд пызан вылö, чорыд кабырнас сатшкысьліс фуфайkaa пельпомö, весась пö, и мөдысь төд ассьыд местатö. Сэсся Лёня любöпырысь пуксьыліс аслас местаö да паньсö вом дорас вайөдтөдз видзөдліс лөсьыдінник Нина вылö. Нина мыйлакö нюмъөвтліс сылы воча. Гөгөрволіс-ö тайö төв юра нывкаыс, кутшöма увтыртö Лёня мөд мортсö, ассьыс вынтөмджыкөс. Буракö, эз. Та бöрын быттьö пöдтана укшаль ру öшйыліс пызанъяс весьтö, быдөн быттьö мыйыськө яндысисны, чöла уджалісны паньөн аслас руалысь тасьті весьтын. Ставлы вöлі деливö. Но сэк жö мыйкө падмөдіс войтырсö веськыда паньыд сувтны вельмөм мортлы. Дерт, көнкө, быдөн мөвпаліс, мый и сійö вермас веськавны Лёнялөн кабыр улö. Ок, кутшöм ми вынтөмөсь, кор быдөн думайтам сöмын ас йылысь.

Кызкө сідзи нин велалісны йöзыс, тшөкыда Лёнялөн местаыс пызан сайын кольліс тыртөм, виччысис көзяинсö. Буракö, та вöсна, кор йöзыс столövöйын вöлі унджык, ме веськалі сійö пызан саяс. Сöмын на алюминиевöй паньсö вайи вом дорö, кыськө съөд төв ныр моз уськөдчис столövöйö Лёня Качев. Подносö босьтігмоз чөвтыштіс меным:

— Дядьö, бурөн вешйы, мөдысь шуөм эн виччысь.

Да, ме, дерт, Лёнялы арлыд серти дядьö, паняла капустaa шыдсö и ог кыв сылысь некутшöм көр. Первойя мөвпөн вöлі, кор пызан дорö матыстчас Лёня, шыд тасьтисö шляпкыны сылы юр вылас. Дерт, та бöрын Лёня көрт кабырнас кыстас менсьым пиньясöс. «Оз туй тадзи, Фома,— öлöда

ачымос,— война вылын воштін кокъястө, öнi кутшöмкö дурпон Лёня вöсна кöрт пинясян». Мыйлакö дум вылö уси выльöн вöчöм протезъясöй, кодöс ме лöсали кокньыдик том пипуясысь. Сийö снитки выль протезъясыс öшалiсны менам инструменталкаын, вывсянныс вевттьöма фуфайкаөн. Та йылысь тöдiсны сöмын матысса ёртъяс, кодъяс öнi тшöтш жö сёйисны тани.

— Тэ тай, дядьö, сьöкыд пеля,— Лёня матыстчис пызан дорö.

— Лёня, ме тэнö бура кыла и тöда, тэ збой морт, тэ вывти збой зон,— кыпöдчи и ме пызан сайысь.— Но вай заклад вартам и тэ та бöрын вöчан кö, мый тшöкта, век кутан тани сёйны, некод оз лысьт сэки мöд пуксыны татчö. Гөгөрвоин?

— Давай,— нюжöдiс паськыд лапасö Лёня.— А мый меным колö вöчны.

— Зэв ичöтиктор, зэв кокньыдиктор колö вöчны тэныд, Лёня.

— Но! Öдйöджык, эн лолöс кыскы!

— Тэ верман аслад машинаөн прöйдитны менам кок вывти?

Столövöйын здукөн пуксис виччысьтöм чöвлун, Лёня дыр-кодь лапйöдлiс синъяснас.

— Трус тэ, Лёня, вөлöмыд,— кодкö ыззьöдiс залын.

— Мый-й!— букуштчис сы вылö Лёня.— Да ме, колökö, юр вывтыс прöйдита.

Серам сорөн куим плöтник, кодъяс тöдiсны менам протезъяс йылысь, орöдiсны кияснымос. Котлетъяссö нямлялиг-моз, Лёня бергöдчылис мелань да тыра вомнас шесмылялис:

— Шенö, джаджö, пенсия и ыджыд бюллетень корсян?

— Пенсия?

— Мед менö некытчö эз вöv кыскалöма, а то бөрнас... тöда тэ кодь жуксö.

— Эн пов, Лёня,— öлöдiсны ёртъяс.

— Ме кöть öнi горшöдыс тшапка татшöм жуксö!— Лёня мыйлакö заводитiс скөрмыны.

Столövöйысь ставөн петiм öтлаын, быдөнлы вöли окота тöдны, мыйөн помасяс тайö не то шмонитöмыс, не то збыль-торйыс. Ме нюжöдi важмöм пу кокöс машина бөр колеса улас, медым Лёня прöйдитiс стöч сэтi, кытi колö, водзвыв прöстмöдi протез кövъяссö. Лёня пырис кабинаас, заводитiс моторсö, но регыд бөр петiс:

— Эй тэ, жук, кабалатор гиж.

Регыдөн вайисны ручка да еджыд бумага лист и ме гижы, мый колö. Кырымасисны и свидетельяс. Лёня нюмъевтiс да кабаласö иналис морöс зептас.

— Смотри, хмыр, коктö эн кыскышт водзвыв,— тшöктiс меным кабинасянныс нин.

Менам протезъяс гаджмунісны, сапөг пытшкас емасис пуыс. Машина сувтіс неылө, кабинаысь мыччысис-вашъяліс Лёня, сійө победитель моз морөссө чургөдөмөн матыстчис ме дорө. Менө лэптисны кык ки костө.

— Лёня, тэ фашист?

— Мый?!— Лёня быттьö тангысис ён плешнас бетонной стенаö. Мыйла нө сэтшөм скөрысь сотöны йөзыслөн видзөд-ласъясыс? Öд сылөн справка, сійө ньöти абу мыжа. Либö сійөс көмөдісны, ййөс моз суйисны лэчкө?

— Кыдзи нө тэ вермин?— повзёмысла гөгрөсмөмаөсь синъясыс мичаник Ниналөн.

Инструменталкаын ме көмалі вель протезъяс. Найö вöліны воддза серти тöдчымөн кокныдикөсь, кокын югъяліс вель ялөвой сапөг. Ме тэрыба воськовті ывлаө. Лёня öвтчис шызём йөз водзын ноксём кабалаторйөн. Йөз, кор ад-дзисны менө важкодь дзоньвидзаөн да кыпыд чужөмбанөн, пыр жö ланьтісны. Сэсся кодсюрөяс шөпкөдісны öта-мөдлы мыйкө пеляс. Юöрыд тай öдйө паськалө. Сэсся öд менам протеза кокъяс йылысь төдісны унаөн. Бөб моз видзөдліс ме вылө Лёня, сійө быттьö эз төд менө, ас синмөн аддзылі пö легъялысь кокъяссө и со важкодъыс? Торъя чуймөдіс Лёняөс сійө, кор чукөртчөм йөз öтвылысь ызөбтөмөн серөктисны. Лёнялөн векыштчис чужөмыс, быттьö някляліс шомкор.

— Тэ нө коді?— индіс ме вылө.

— Ме сійө, Лёня, кодлысь тэ көлеса улад нярвартін кокъ-яссө,— перйи мешөк пиысь пазмунөм пу кокөс.— На босьт прөмыстө.

— Пөръялін, насмекайтчин, жук!— Лёнялысь сэтшөм шоглун шымыртіс шйөвошөм чужөмсө, скөрысь шыбитіс кабаласө, мышкыртчөмөн довгис машиналаньыс. Йөзлөн серам ещö на öддзис.

— Босьт добычатö,— кодкө вувзис протезсө сылань. Лёня висысь морт моз кайис кабинаö, форточка пыр виж дулльөн сьöлыштис еджыд лым вылө. Скөрысь нетшыштчис места-сьыс машинаыс да öдöба лыйыштис водзлань, быттьö кодкө сы бөрся вөтчис.

Та бöрын Лёня дугдіс сёйны миян столөвойын. Öтчыд смена бöрын шыасьлөма Нина дінө, корөма ветлыны кино вылө, мөдыс вочавидзөма, тэ пö, Лёня, он песовт менсьым сьылдзирйөс либö чегъяв кокъясөс. Та бöрын Лёня кытчөкө воштысис дзикөдз, эз мөд новлыны миян стройка вылө бетонной растворсө. Но мый, корреспондент ёрт, ставсө лючки гижин, татшөмторйид, чайта, стöч нин туяс пельетон вылад.

— Оз туй, Фома дед,— тотшниті-пукті ручкаөс пызан вылө.— Мыйкө тані эм мелодрама сяма, но фактыс ачыс важ, нитшсялөмтор нин.

— Ог төд сэсся, кыдзи тэныд и отсавны, нинөм сэтшөм

дивокодь выльторйыс менам и абу, ачым нин важ да и,—гылыда серөктіс Фома.— Ме өд сәсся, челядь быдмисны да, бөр татчө, чужан сиктө карсьыс кысси. Дас во нин лоө стөрөжалөмлы. Во витсө пенсия вылын нин.

— Мыйла нө, Фома дед, гортад он пукав, пенсияыд өд, көнкө, абу дзоля.

— Пенсияыд йөзлөн кодь, ог норась. Абу рубын делөйс. Кыдзи тэныд бурджыка шуны, медым эськө тайө шуөмыс эз пельетон вылө веськав. Тайө гаражыс быттө менам аслам. Дыртө уджала, да сійөн, гашкө. Механизаторъяс пөвстад быдсяма войтырыс эм. Кодкө сөрөн воас, ме бара юавтөг ог коль. Неыджыд сиктад быдөн синма да пеля, и та вөсна менө пөръявны абу ёна кокни. Кывлан, мукөдлаас пө гаражад и стопкаасьоны, а татчөдз ме йөзтө эг лэдз. Венласьны крепыда ковмыліс, мися, гаражыд абу ресторан ни кафе. Мися, гаж кө колө, йөз ног и гажөдчөй, а энө порсь моз көнсюрө луасьөй. Ачыд аддзан, гаражыс пуысь, не видзөдны кө сы бөрся лючки, өддзөн на и тшын йыв каяс, та вөсна ог көсйы кутшөмсюрөыслы ки вылас кольны, коть мукөддырйыс висьөдча жө нин...

Ме сөрөн нин петі стөрөжкакысь, бөръя автобусыс вөлі нин лэччөма карө. Узьмөдчи совхозса управляющөй ордын. Со мый сійө висьталіс гаражса стөрөж йылысь. Быдөн кө пө Фома дед моз гөгөрвоис асьыс могсө, сәки пө зэв кокни вөлі уджавнысө миян коддьөмыслы.

Дзонь лун шөйті карса уличьяс кузя, пыравлі уна сикас строительной контораысө. Кыдзи юөрта аддзылөмторйөс, начальникьяс пыр жө заводитөны өвтчыны кыкнан кинаныс, быттө ме збыльысь чушканзі, наянитөмөн пыри лөнь кабинетаныс да көсья ватшнитны-курччыны гөрд сылынысө. Быдлаын кылі өтитор: абу миян сэтшөмыс, некөн абу и оз вермы лоны. Гөгөрвои, татшөм ногөн некор ог аддзы колана конторасө. Сәки дженьыдика юөрті сы йылысь народной контрольлы, эски, сэтчөс сюсь йөз өдйө корсясны тайө гартчөм гезйыслысь помсө. Шыөдчи народной контроль дінас медсясө сы вөсна, мый менам пельетон гижан биыс сьөлөмам вочасөн кутіс ваймыны. Чайті гижны мыйкө сэтшөм кокныдиктор, но веськалі вабергач джумйө. Шуам, төдмала ме куим морта звеноыслысь уджалан адрессө. Но найө өмөй мыжаөсь, мый коялөны пур вылысь ва, кыдзи меным төлкуйтіс Фома дед. Сідзи нин кодкө котыртөма налысь уджсө, мый мөд ног сәсся найө и оз вермыны. Сідзкө, колө эрдөдны збыль мыжаяссө? Но тайө нин вөлі мөд тема, кодөн коліс на меным водзын төдмасьны да сьөлөмөн висьны. Артмас-ө на сійө? Өні ме мөвпалі Фома дед йылысь. Пуля шер улын пансьылөма Фома Шуктомовлөн олан туйыс. И мыйта сьөкыдлун ковмөма венны бөрнас. И став йывсьыс висьтасьө

өні серам сорөн. Кутшөм завидьтана сөстөмлун новлөдлө  
лов вылас тайө мортыс, сьөкыд кадөн калитөм коми парма-  
са мортыс! Сідзкө, сійө збыльысь гора кывъяс шутөг радейтө  
миянлысь олөмсө, йөзсө. Радейтө йөзсө, сы вөсна и тырвийө  
кыв кутө на вөсна.

Бызьөм лолөй пессис лун и вой, садьмылі вой шөрын да  
юавлі ассьым: «Тэ, Ульныров ёрт, Фома дедыслөн этшөн-ө  
олан? Он-ө кокныдик нырвизь корсь аслад олөмын. И мый  
тэ сэтшөмторсө вөчин, коді эськө сетіс позянлун сёрнитны  
йөз нимсянь, торъя нин донъявны налысь оласногсө. Пыді-  
сянь-ө тэ гөгөрвоан найөс?

Пельетонсө ме сідзи и эг гиж, народнөй контрольсянь  
юөртісны редакциялы, мый сэтшөмтө генподрядчик вежон  
чөжөн бырөдөма сійө нелючкисө, кодөс ме индылі.

Редакторлы пызан вылө ме пукті пельетон пыдди ас ним-  
сянь шыөдчөм, көні кори мездыны удж вылысь. Редактор  
дыр лыддис менсьым дженьыдик гижөдторйөс.

— Ни өти өшыбка абу шыөдчөмад, школаад, тыдалө, бур  
оценкаяс тэчлөмаось, — сійө бөр нюжөдіс меным шыөдчөмөс. —  
Гашкө нө, мөд сикас жанрө кутчысьлан?

Ме бөр босьті шыөдчөмөс. Век на уджала газетын, но  
пельетонъяс ог гижав.

## ТОВАРЫШ КӖСЬТА

Олӧм вежан кадӧ Комиӧ воис снитки выль кыв «тӧварыш». Сӧкыда ли, кокниа ли, тайӧ выльторйыслы вӧлі шуӧма поздысьны йӧз вежӧрӧ. Медводз тайӧ кывнас шыӧдчылісны районса да сиктса начальство дорӧ. Ӧдвакӧ кызвыннас зумыш чужӧмбана тайӧ дудӧм войтырыс кодлыкӧ вӧліны збыльысь ёртъясӧн. Кӧть сӧлӧм вылад кутшӧм деливӧ, но ыдждӧдлы дона ёртӧн, мӧдарникӧ, скӧрмас властлысь чорыд вӧжжисӧ кутысьыд. Выль кывйыс, кӧть веркӧссяныс и шылъыд, пӧжасис кызкӧ казеннойӧн, сӧлӧмтӧ оз шонты ни ӧта-мӧд дорӧ оз сибӧд. Шуасны кӧ, кӧть абу любӧ, скӧрмыны он жӧ лысьт, быттӧ вӧрсалӧн вын-эбӧсӧн вердӧма сійӧс.

Кӧч Кӧсьта, мукӧддырйи «кӧч» кывсӧ вежлісны «кӧсӧйӧн», эз мукӧд моз вежавидз, муса пӧдругаӧс моз сибӧдіс ас дорас тайӧ выль кывсӧ. Шуам, воас сиктӧ лектор, международной положение йылысь тӧлкуйтны. Кӧч Кӧсьта медводдза радас пуксьӧ, пӧлыньтӧ юрсӧ, чабыртӧ киас орӧм пеля шапкасӧ и вомсӧ паськӧдӧмӧн кывзӧ, вомас видзӧдӧ сӧрнитысьлы. Дерт и сорсьылӧ кывзӧмсьыс, сӧки артасьӧ, кызди бӧрнас сюсьджыка мыйкӧ сэтшӧмтор юавны быдтор тӧдысьлысь, мед кӧть здук кежлӧ жаявлас. Юавлӧ Кӧч Кӧсьта пыр ӧтитор: кутшӧм капстранаын медся мӧритӧны уджалысь войтырсӧ. Та дырйи куимысь помся ыдждӧдлӧ лекторӧс «тӧварышӧн». Да, тӧварыш Кӧсьта, быдлаын пӧ виньгыртӧны йӧзыс, капиталистыд сійӧ кӧинысь лӧкджык, лывкӧдлӧ лектор.

— Понъяс найӧ!— ыззьӧ Кӧсьта,— ме тӧда найӧс, пон рӧдӧс, со кулак Миронлысь овмӧссӧ мырддигӧн понмыс снитки выль гач косявліс менсьым и шапка пельӧс ӧти сорысь. А сійӧс ӧд колхоз правление меным козьналіс активнӧя коллективизация нуӧдигӧн отсасьӧмысь. Кӧнечнӧ, Миронлысь понсӧ, кызди несознательнӧй элементӧс, места вылас пезьгӧдны ковмис. Тайӧс сідзи шуи, ӧбидаысь, но талун мӧдтор йылысь сӧрниыс. Ме кывлі пель пӧвнам, медся ӧна тшыгъялӧ йӧзыс Америкаын.— Не сӧмын пӧ Америкаын,— веськӧдӧ сійӧс лектор,— но и мукӧд капстранаясын.

Кӧч Кӧсьта та бӧрын чышкыштӧ плеш вывсьыс ньылӧмсӧ да дӧвӧльнӧя лӧччысьӧ лабич вылӧ, ӧти син пӧвнас лабичьяс

увті кыйкнитлө бөрлань, эз-ө кодкө госаджык каллян пом шыбит джоджас. Коллективизация важөн нин помасис, грабитны лои некодос, капиталистъясыд ылынось... Көч Косьта бара кутис овны дзескыда: керка тыр челядь, портпель, кызди мукөд активистлы, эз вичмыв. Индылісны эськө кладовщикөн, но сылөн эз вөв некутшөм грамота и төварсө лэдзліс вестөг и кабала вылө пасъявтөг. Кодыр колхозной складыс кушмис, Көч Косьтаос бөр сийосалисны куйөд кыскавны. Весиг эз сетны вөв, а тшөктісны доддявны Дурилө нима өшкөс, сідзи жө пө сылы төвнас уджыс абу.

Дерт, уна пось төварыш Косьта эз кисьты. Өтчид и удитө луннас куйөдсө карта дорысь петкөдны. Дурилө воськовтас и мөвпалө, вөчны-ө мөдсө.

— Төварыш Дурилө, тэ тай нө он тэрмась коммунизмас, — шенасис Косьта лы пома югыд плетьөн.

Век жө эз вөв век съод рөма олөмыс Көч Косьталөн, бара жө төварыш кывйыс отсалис. Өти асылө потшөс сайсянь чукөстіс суседсө:

— Төварыш Васька, тэ талун мый кутан карны?

— Мый нө тэ мекөд кимөститчан, век тай на Петыр Васьөөн шулісны, быд сөс кывйыс пеж вомад водз асывсянь бергалө.

Кыкнанныс сэсса тшөкмунісны, тыдалө, суседыс гөгөрвоис, мыйкө не сідзи шусис. Көч Косьта шай-паймуніс жө: тадз сылы некод на эз вочавидзлы. «Төварышыс» пеж кыв! Кывворсө воштис быдсөн. Кыкнанныс тэрмасьомөн гортаныс пырисны, быттё виччысьтөг чардыштис енежас.

Колисны лунъяс, вежонъяс...

Өтчид сельсоветө районусь воис уполномоченной. Көч Косьта сәні жө куритчис. Дерт, эз табак вөсна Көч Косьта власть киняулас сюртчы, медводз окота вөлі вьльторъяссө кывны. Уполномоченнойыд вөлөма зэв варов, быдторсө юасис Көч Косьталысь. А сийө немтор эз дзев, ставсө висьталіс, мый төдіс, весиг юөртис, кызди щөтясьлісны суседыскөд «төварышөн» шуөмысь. Тані районсалөн чужөмыс вежсис, стоп пө, висьтав стөчджыка, кызди мый вөлі. Көч Косьта кутшөмакө вежөртис, буракө, мыйкө омөльтор керө, но косан туйыс эз нин вөв. Кывйыд тай, петас кө, бордтөг лэбзяс. Районса варов мортыд и сельсоветса юралысьлысь юасис Петыр Васька йылысь. Он пө гөгөрво мыйся морт, зэв скрытной. Миян пө мог эрдөдны сэтшөм «тёмной элементъяссө», велөдіс съод портпеля морт. Бөрыннас кабалатор кырымавны сюйисны ныр улас. Сийө здукас Көч Косьта тырвийө гөгөрвоис, вөчө мыйкө зэв омөльтор, весиг көдзыд ньылөм мышкуас чепөс-йис, весиг синсө куньліс, кык «к»-сө орчкөдіс. Мый керан, кутшөм пыжө сөлөмыд, сийөн кывт, визув вылад он чечышт.

— Тэныд, төварыш Косьта, колө йөз дінынджык бергавны, кыз шуасны, вежортан нин, мый повзыштө, а мый оз,— быттьө өдзөс сайысь кыліс районсалысь байкөдан шыссө.

Регыд Көч Косьтаөс индісны конюкөн. Петыр Васькаөс повесткаөн корисны райцентрө. Муніс мортыс и дзумйө моз суніс, эз сэсся некөн и кывсыв. Юөм вылө шатовтчыліс Көч Косьта, но абутөмлуныс бөр кок йылас сувтөдіс, сөмын азымджыка мөдіс куритчыны. Гөгөрвоис Көч Косьта, «төварыш» кывйыд вөлөм ок вына, быд лэчкысь мездас, шуан кө ас кадө. Та вөсна ли, полөм пондаыс ли, весиг гөтырсө и челядьсө сійөн пернапасалис. «Төварыш Анна, пызантө лөсьөд». «Төварыш дзоля пи, ныр увтө чышкы...»

Көч Косьта медводз сиктын лөсьөдіс көзаяс, төварыш Розаөн да төварыш Павелөн нимтіс. Унаөн мөскө на кутчысисны, көть йөв да яй налог кулисны и турунсө керны эз лэдзны, дзэбсясьөмөн коліс дасьтыштны, шуам, водз асылын либө вой шөрын бадь костө водзвыв чукөртөм нөбтор лөскөдзыд упкөдан. Косьта та вылө эз ышты, өти-кө, войся унма мортыс, мөд-кө, поліс яналөмысь. Көзаыд көть мөс сертиыд өна этшаджык сөйө, век жө нуръясьтөг оз ов. Көч Косьта дыр гыжъяліс балябөжсө да вежөртіс, колө вурны кузь да паськыд зепъяс. Конюшняысь локтігөн зепьяссө тыртліс зөбня кодь луд выв веж турунөн. Роза да Павел паныдавлісны сійөс кильчө вылын да пыр жө самасьлісны зепьясас. Здукөн и вильөдасны польдчөм дядьөтө, и пырө гортас Көч Косьта бара жель кодь вөсньыдикөн.

Бур поводдя дырйи Көч Косьта радейтіс пукавны кильчө вылын да апавны куйөд көра сиктса сынөдсө. Сибөдчылісны сы дорө өтарсянныс төварыш Роза, мөдарсянныс — професорлөн кодь еджыд тошка төварыш Павел, пыр жө заводитлісны летны зепьяссө көзяинлысь. Көч Косьта сәки заводитліс нуөдны политзанятие.

— Вот тэ, төварыш Роза, сөйны дзайган, а йөвсө лысьтан сөмын пөдөнча пыдөсас. Көні тэнад пролетарскөй сознаниеыд?

— Ме-е-е,— бакөстіс Роза, нетшкис тыртөм зепсө, корис турун.

— Абу ме, а тө-ө-ва-ры-ыш. Тэ көть пролетарскөй кывъяс дінас велав, йөвсө кө лысьтыны сямыд оз тырмы. Төварыш Сталин тайөс гөгөрвоө и налогысь тэнө, дураөс, мездіс. Павел вылө со вурун налог воис, но мед. Төварыш Павел и няр пасьнас төвсө вуджас. Сідз өд?

— Па-а-а,— сөглас сетіс сознательнөй Павел.

— Да, төварышъяс, Роза да Павел, талун ставлы сьөкыд. Онө төдөй ті, кутшөм өні междунароуднөй положениеыс?

Төдіннүд кө, некөр нэм чөжнүд энө бакөстлөй. Гражданскөй война дырйи Ленин сөмын пуом картупель сөйлөма. Төварыш Сталин сылысь жө визьсө нуодө, сідзкө, тшыгъялө жө. Тшыгъялөны и Молотов, Каганович... Троцкий. Э-э, Троцкийыд враг народа вөлөма. Со коді став пыддиыс жөритлөма.— Көч Көсьта тшөкмуніс, кодкө восьлаліс мир туй кузя, но эз кеж сы керка дорө, буракө, эз кыв. Мыйла сійө татчө казьтыліс Троцкийсө? Но, ен мед видзас сэссия тайө нимсыс. Уськөдіс вежорас, кутшөм шылыд чужөмбанаөсь народлөн вождясыс портретъяс вылын, өдвакө найө омөля сөйөны. Газетъясын та йылысь оз гижны и лекторлысь юавны он лысьт, медым кызкө мөдарө эз гөгөрво, бытгьө сійө, Көч Көсьта, кутшөмкө кокнөд корө налысь.

Выль волю паныда вежонө, кор дзикөдз пикө вайөдіс налогөвөй инспектор, Көч Көсьта нярөдз шырис төварыш Павелос, сөмын тошсө кольыштіс, медым пемыд посводзас лысьтігас гөтырыс эз сорав сійөс Розакөд. Төварыш Павел помся заводитіс сювчыны-тірзбыны, мый нө тайө: мыктавны кутіс. Па-а-вел пыдди артмис Кө-кө-өсьта. Лемасис козөлыд көзяин дінө, воськовтны оз лэдз, век пон кодь тшыг, герчкө пиньяснас. Вөтчис төварыш Павел көзяин бөрсяыс конюшня дорө и эз ворссы: чирйысьөм туруныс вөлі тырыс. Пөльтчис кынөмыс төварыш Павеллөн, кызди ыджыд начальниклөн. Чөскыд турунъясөн, дзоридзъясөн өвтіс Павелсянь. Дугдіс баксыны да тіравны. Мөд луннас кыссис Павел бөрся и Роза.

Көч Көсьталөн овмөс вель ыджыд, но мышсө эз вазьөдлы: отсасисны сиктса челядь, мырддысьөмөн вөвъяссө нуөдөны юктөдны, весалөны кок увсө, вердчөны, сыналөны-чышкөны. Медся сьөкыд вөлі Көч Көсьталы вөвъяслы корсыны нимъяс. Вөлыс уна, а конюклөн сөрнитан словарьс ичөт. Да и нимъясыс эськөн медым кадыслы лөсялісны, шуам, Стахановец, Борец, Социализм, Трактор, Танк, Передовик, Спортсмен, Тяжелоатлет и с.в. Ужъяслы нимъясыс ликмисны кониджыка, шуам, Пушка, Пуля, Пистолет, Граната... Көбылаяслы нимъяс сюралісны зэв сьөкыда, весиг сиктсыс став нывбабасө ковмис вайөдны конюшняө, вөліны колхознөй көбылаяс, кызди төварыш Марья, Дарья, Рита, Сандра, Марпа, Галя...

Конюклы колө вөлі ещө төдны, кор кутас чанясыны сійө либө мөд вөв, та вөсна вөчавліс кутшөмсюрө пасйөдъяс торъя тетрадьө. Тайө вөлі медся бестөлкөвөй нокус.

— Төварыш школьник,— шыөдчыліс Көч Көсьта медся сюсь детинка дорас,— талун тэ лоан писарөн.

Детинка босьтіс химическөй карандаш. Дульнас көтөдөм бөрын чирөстліс:

— Төварыш Көсьта, мый колө гижны?

— Гиж ясыда, — велөдіс конюк. — Гиж со кызди, зонмө. Май 1 лунө көбыла Марья, стөча кө, төварыш көбыла Марья веськаліс Пуля улө. Мый артмис — ог вермы тодны, ачыс Енмыс төдө.

— Енмыс абу, төварыш Көсьта, — вочавидзис том писар. — Сөран! Сітала, ог гиж.

— Да. Енмыс абу. Попъяс водзті мянөс бура көмөдлөмаөсь. Но эм төварыш Сталин! — петкөдліс пролетарскөй сюсьлунсө Көч Көсьта. — Сійө ставсө төдө. Но тайөс тэ эн гиж, быд көбыла бөж улө абу мича вождылысь нимсө пысавны.

— Ог, ог, — чиктыліс детинка, но вильышлуныс гудыртліс кизьөрник вежөрсө и скобка пиын пасйыліс: «мый артмис, төдө ачыс төварыш Сталин.»

Чанясян тетрадысь позис лыддыны татшөм пасйөдъяс: «Май 5-өд лунө төварыш көбыла Рита веськаліс Пуля улө...» «Май 8 лунө төварыш Галяөс лязөдіс Танк...» «Май 10 лунө төварыш көбыла Сандралы косьөбтіс Пушка...» «Дарья манласис Пистолеткөд веж турун ныр йылас нин вад дорын...» «Турун чорзьөм бөрын пуксис чөв-лөнъ, некутшөм оружие эз уджав: ужъяс помөдз быгзисны...»

Быд көбыла ним бөрын вөлі пасйөд, мый йылысь конюк мөвпыштны эз сяммывлы: «мый артмис, төдө ачыс төварыш Сталин...»

Медскөр пушкаыс лыиис төвся туй пуксигөн, Октябрьскөй праздникъяслы паныда лунө. Съод төв ныр моз воис районса уполномоченной. Тайө кывсө сэки сиктъясын быдөн лючки төдісны, не то ыджыд начальник, не то ревизор, стөчджыка кө, морт, коді быдтор вермө вөчны сиктса войтыркөд, шуам, йөртны тюрмаө, штрапуйтны, мырддыны эмбурсө, сыысь поліс сельсөветса пред и колхозөн веськөдлысь, непөштө кутшөмкө конюк.

Көч Көсьталөн, кызди аддзис руд мыгөра мортөс, коді өвтчис служебной портпельөн, непөштө кынөмыс висьмис, коссө заводитіс юкавны.

— Тө-ө-ва-а-рыш, кутшөм көбыла тіянлы колө? Дарья вынійөра, Рита вердаса, Сандра винөв... — тані конюк тшөк-муніс.

Уполномоченной скөра вирдыштіс еджыд бугыльяснас, кытшовтіс конюшнясө, тапкөдіс вөвъяслы мышкас, гөгөрбок видзөдліс, шуис:

— Төварыш Көсьта, бураа вөвъястө дөзьөритан, — көсийс нин петны ывлаө, но син улас веськаліс конюклөн «творчествоис». — Тайө мый?

— Чанясян тетрадь, төварыш уполномоченной!

— Интереснө. Видзөдлам.

Первой здуксө районса шпынн्याліс, быттьө серөктыны көсийө, но мудзөмысла эз ышты, сэсса лөнис чужөмыс, сэсса

зумышмис, быттьо төв ныр модіс летны пушмунём бан бок-  
сьыс кучиксё.

— Тэ нё, вражина, кызди лысьтан мирёвöй пролетарскöй  
вождь вылас изгаляйтчыны?! Мый татчö гижöмыд?

— Сійö öд... мый сэсся керан, овлö көбылаясыдлөн...  
хи,..— Кöч Кöсьта повзьöмысла стöча эз вежöрт, мый шуалис.

— Овлö?!

— Мый нö...

— Разберитчам, көні пöлагайтчö.

Сунгис конюклысь чанясян тетрадьсö служебнöй порт-  
пеляс и лыйыштіс сиктö. Здук мысти воисны куимөн, упол-  
номоченнöйкөд орччөн осьлалісны сельсöветса да колхозса  
предъяс. Уполномоченнöй воддза серти на мисьтöма увтчис.  
Кöч Кöсьталөн эськö вошис падмылöмыс и вежöртіс, мыйын  
делöйс, шуис жö, тадзи пö челядь, көнкö, кимöститчисны, но  
этшсьыс петтöдз пузьöм морт эз нин кыв сылысь дорйы-  
сьöмсö. Кык пред сулалісны чöла, сöмын чужöм сертиыс позис  
гөгөрвоны, быттьо налөн здукөн висьмис юр пиньныс.

Медбөръяысь доддяліс Кöч Кöсьта көбыла Ритаöс, вильыд  
лым кузя уполномоченнöйкөд лэччисны райцентрö. Сэсся  
эз нин бергöдчыв, кызди и суседыс, чужан сиктас. Сыліс-  
вошис морт, пернатöг, Ен пастöг пырис кыз му улö.

И кадыс отсаліс чусöдны мортлысь олём-керёмсö, век ге-  
жөдджыка кывлан, то пö төварыш Кöсьталөн нылыс либö  
пиыс аслас могөн кытчöкö веськөдчöмны. Сэсся и челядьыс  
эновтісны көдзалём чужан познысö, кызди шойнаö пöрысь  
сиктъясысь став томуловыс. Кувсис гöтырыс. Чорыд нöшкөн  
кучкөм öш моз боквыв ружтігтыр пöлынтьчис керкаыс...

## ВИСЬМИС ПИНЬ

Кузь Видз, кызди став важся коми сиктъясыс, нюждчёма парма чурксо поткёдыс сёдз ваа нейджид ю бокё. Важысянь олісны и водзё на рёдмёны сэні сюсь да вежёра войтыр. Позьё на тёдмасьны налён овмёсён, тырмымён видзёдлыны налён ясыд чужёмбанъясё, и гөгөрвоан восьсалуннысё.

Сиктыслён нимыс неуна гөгөрвотём. Мыйла Кузь Видз? Ичот ю дорад одвакё вермисны лоны ыджыд да паськыд видзьясыс. Буракё, гёля овломёсь да кузяа видзавломёсь. Буракё, сы вёсна жё, мый нурьясьломёсь геждё да пасьтасьломёсь кокныдика, вёломёсь зэв кокйылаёсь, газетъяс ногён кё шуны, водзмётчысьясён, стөчджыка, быд төврулань кокниа сетчылёмёсь. Кодыр коммунистъяс шуисны, мый вичкоё ветлём прёста кад воштём, Енмыс пё абу, асьныс лэдзисны зарни крестъяссё да кёлокёльнясё. Оти дядьё сувтлёма жё паныд, но сійёс попыскөд отлаын лэччөдёмёсь ю дорё да дыр пожъяломёсь йиа ваын. Кулісны кыкнанныс оти лунё биа висьомысь.

Крестъяс чөвтігөн Енмыс омёля жё водзсасьёма, сёмын оти дядьёлён чегёма кокыс, коді кутёма чотны да сэсья нэмсё предалёма сельсөветын. Кулігас ошйысьёма, менё пё Енмыс мездіс война вылө веськалёмысь.

Көть большевикъяс колхозъяс котыртігөн вөзйисны тырмана олём-вылём, артмис мөдарё, ковмис быдторйын дзескөдчыны. Кузь Видзын бара петкөдлісны водзмөстчөм: быдөн лөсьөдліс ай кань да сійёс ичот дырйиис на кодзөдліс. Татшөм каньыс этшаджык сөйё... Орчча сиктын видзисны сөмын энъ каньясёс, бара жё сөян-юанён кокньөдчисны. Эз пиасьлыны. Мартын энъ каньяс звирк кыпөдчылісны керка вевтъяс вылө да заводитлісны нявзыны-чуксасьны. Кодзөм ай каньяс чукөрөн уськөдчылісны вичко улө, сөсянь скөра мурөстлывлісны да петкөдлісны ёсь пиньяснысё.

— Гажа пөра пуксис, — сералисны отияс.

— Мутияс, вир юысьяс, — видчисны мөдъяс.

Сэсья войнабөрся кадө кодсюрөяслөн, буракё, энъ каньяс моз жё нявзіс нормөм лолыс. Кадысь водз уналён чусавмис томлуныс.

Көть вочасён каньлы сөйөм мында быдөнлөн лои, модаыс колис талуныя кадөдз.

Кадыс часі моз тічкис-муніс, водзё ли бөрө, код төдас. Мелиораторьяс сикт гөгөрысь куштисны вөрсө, косьтисны нюрсө. Пөрысь войтыр да челядь быттё ді вылө веськалісны, вөрыс лөзалө ылын-ылын, он тапиктивлы тшакла да вотөсла. Сюсь йөз эз шөйөвошны, вотөс пыдди кутисны чукөртны бурдөдчан турунъяс. Мераон да ас кадө сійөс сөян-юан, бурөс аслыд вөчан, но кор быд лун вотөс пыдди мөдан нурьясьны, зэв тешкодьтор артмө. Пемөсьяс кө бур турунсьыс гөссялөны, мортыдлөн мөдарө артмө, векнялөны пельпомьясыс да нюжалө голяыс. Кузь голянад эськөн гоннялан да ылысьджык аддзан, но төвнас абу кивыв: кык либө куим шарфөн колө гартны. Со и артмис: быд беддя пөчө нималис, кызди турунъясөн бурдөдчысь.

Сикт шөрын сулалысь вичкоын том йөз век өти ног гажөдчисны: йөктисны, ворсіс гежөда гудөк, унджыкысьсө киргис нямрөдлөм лөз патефон. Бөрья кадө горзіс вына магнитофон. Важся праздникяс, гажөдчанторьяс, войпукьяс, ывлавывса ворсөмьяс — ставсө вөлі вунөдөма.

Мам-бать дорө карысь воөм векни гача ныв-зон нидзув моз веглясисны урөсмөдөм Ен керкаын. Вежавидзысь сиктса нывьяс да зоньяс эз лысьтны петны кытшө. Медым пөдтыны яндзимлунсө, гульөдісны пемыд пельөсө саймовтчөмөн винатор. Курыд юаныс эськөн и сывдіс вежавидзөмсө, но тшөтш лябмөдіс ки-кокьяснысө. Йөктөм пыдди артмис бовьялөм да вильдалөм, кодскөрө өвтчисны юрөн, быттё өдөлітисны найөс, видз вылын моз, лөдзьяс.

Мый артмис татшөм ногөн кад коллялөмсьыс, вөлі гижөма вичко стеньясө. Гижөма мелөн, сьөд шөмөн, фломастерөн, кытскөрө и парсалөма. Көть көкьямыс класса школаын медсясө велөдісны математика да веськөдлысь партиялысь героической история. Та вөсна лоөмторьяссө пасйылісны арифметика да алгебра отсөгөн. Шуам, Лиза — Вова = муспоз (юысь гозья). Скобкаас, буракө, содтөмаөсь өна бөрынджык, вылькодь на. Лена — вербованной Дейнега = өтка мам (пособие вит шайт). Зоя — Валя — Коля = вежөгтөмөн радейтчөм (вежласьөмөн бурдөдчөны ЛТП-ын). Водзө мөдөдчисны алгебраической формулаяс. Но на йылысь сөрөнджык.

Өти небыд гожся луно стөч тайө сиктас юркарысь агропромсянь командировкаө воис шөр арлыда мужичөй. Служба вылын и гортас ыдждөдлісны сійөс Никөн Көндратьевичөн. Ставөн та йылысь төдісны. Ыджыд контораын сійө эз воөдчы воддза тшупөдьясөдз, но медбөрьяяссө колис вель ылө.

— Никөн, галстуктө лючки пысав, — велөдіс гөтырыс удж вылө мөдөдчигөн.

— Вөлі кө Никөнөн, галстуксө эг новлы, — кывліс стрөг воча кыв.



Кõндратьевич, выныштчис пõдлавны калькмуно́м вомсõ, но сийõ, кыдзи дзир йывсьыс мыно́м õдзõс, эз кывзысь, жмитли́с эськõ щõка увсянныс кинас, но кыдзи лэдзас, бõр лётмуно́, некыдзи оз пысась важинас, збыль дзир йывсьыс чеччõма. Татшõм неминучаыс коркõ сийõс сулис нин, но слõймис сæки ладмõдны. Талун со оз, брун усьõ, кõть гезйõн кõртав. Сэтчõ и каньясыд нявзõны, быттõ сералõны. Со прõйдитис сера платтьõа нывка, видзõдлис сыланьõ, нюмдис да бергõдис чужõмсõ. Ватикасис кодалысь дядьõ:

— Мый вомтõ паськõдн, вичко вылас шензян?

Никõн Кõндратьевич вир выв ош моз пузис, мый нõ тайõ, дзыкõдз тай янавны кутис. Быттõ эсийõ жержьялысь дядьõыслы, нем жалиттõг жваткõбтис аслыс щõка увсянныс. Щõкаыс эськõ и лемасис важинас, но сэтшõма зяткõбтис юр пиняс, быттõ сийõ потис, юковтис, доймис, быттõ и шонавны заводитис вом пытшкõсыс.

Никõн Кõндратьевич здук дзõржялыштис õтарõ-мõдарõ да веськõдчис Кино Вась дорõ, повзис, пинь висьõмыс õддзас на. Кино Вась паньõдис порсь госа шыдõн, ещõ лук турун няклялисны да вайõм дозсõ ректисны. Сэссия кõдзыд ырõшõн лышкыда дучкõдис кõзьяиныс, мед пõ пõкмелляыс асывнас оз босьт. Та бõрын кокныдыка нёрпалысь пиньыс заводитис ойзыны.

— Всõ,— шуис гõсть,— висьмис пинь. Кõни танi медпунктыс?

Быдтор тõдысь ныв-пияныскõд варовитõм бõрын кõзьяин юõртис: фельдшерица пõ лэччõма карõ виж да еджыд таблеткаясла. Гõсть дзыкõдз жугыльмис, корсюрõ весиг ойõстывлис, веськыда пõ дойыс юр вемõс вачкõ.

— Миян õд,— сьõлõм сетис кõзьяин,— быд пõч да пõль бурдõдчан туруннас вõдитчõ, профессорысь унджык вежõртõны кодсюрõ. Со Курьян Марья кõть, воча керкаысь.

Никõн Кõндратьевич торья нюжмасьны эз кут: петис воча керкаõ. Кõть торкõдчõм вылас некод эз вочавидз, ковмис пырны. Кык жырья пелькõдõм оланinyн пызан рõчас дорышасьõма зэв нин пõрысиник пõчõ.

— О!— ёсь видзõдласõн паныдалис пырысьõс Курьян Марья.— Кыськõ тай том молодеч усис. Эн-õ корасьны лок? Оти нывтор эськõ гортын да кытчõкõ тай петõма-а. Кутшõм могõн нõ?

— Пиньõй висьмис,— нориника шуис воысь.

— Мы-ый?— чарõстис кõзьяйка.— Мый шуин?

Никõн Кõндратьевич ньõжйõник лэччис тагõс улõ, вежõртис, кõзьяйкаыс пельтõмкодь и, буракõ, мыйкõ омõльтор кылис, выльысь гораа шуис, петкõдлис висян пиньсõ.

— Но-о, пиньыд висьõ, õни гõгõрвои,— мелiа шуис Курьян Марья.— Ме õд скõнь лёктор кыли, сийõн горõдсис. Лок õшинь дорас, бурджыка видзõдла чужõмбантõ.

— Кызди эськө лөнъодны дойсө?— Никон Кондратьевич сибодчис ошиндорса лабичө, лои почолы воча, они тыр-бура видзодлис сы выло: баболон косиник чужом вылын инмодчис мужичойлон кодь ыджыд ныр да нощта чурвидзис зыр кодь паськыд отка пинь, синъясыс томлон моз ломзисны, тыдалис кутшомко тожд либо майшасьом, одолитис сийос. «Аслас пиньясыс абуось жө, одвако мыйонко меным отсалас,— шога думайтис Никон Кондратьевич.

— Шуан, пиньыд висьо,— кресталис гырысь вир сона кияссө бабо пызанө.— Висьо ко од, перйыны колө, бобө.

— Кызди нө татшом ен юр пиньсө перйыны,— ымөстис Никон Кондратьевич, сьокыд пеля бабо эз пыдди пукты шуомторсө, водзө нуодис ассыс сернисө.

— Они тай быдсяма инструментнас водитчоны больничас, мый сидзисө не кыскавны, оти здукон вом пытшкөстө бертасны. Хи, ид коть рудзөг кодз. Мем тай воли пинь висьомыс ковьясяс да дзурта-дзурта, сконь скорма, шыркнита топыд шортон и нетшышта. Они ог вермы, эбөсыс абу.

— Гашкө нө, бурдодчан турун эм,— горөдис Никон Кондратьевич.

— Турун... кызди турун абу, джын виддзыс эндөма. Со тай ошинь улын пороз туруныс веж отава, нятшкы, дойсө олөдас. Неважон эськө понъяс кок повнысө сэтчаньө лептавлисны, да од быгалис нин. Ромидзты... абу жаль.

Никон Кондратьевич кузя ымөстис, синъяснас бара мавтыштис керка пытшкөссө, думыштчис, почөыс со нитшсялом конда кодь важ, а керкаыс пелькиник и вилькодь на, буракө, абу отка олысь. Бабо кыйис сылысь видзодлассө и гогорвоис.

— Ме од абу тайө сиктсьыс, верөс сайө петавли татчө. Айкаяс озыра олисны. Сельсоветас кулакө гижисны. Мөсьяссө да вөсө нуисны колхозө, ком-паськомсө шаркыйисны и. Менсьым виль пась да гынкөм мырддисны. Сийө медся жаль. Төлыс воли кодзыд, да ена и кынмалі. Сэксянь и дзурта. Пач вылас пөжся-пөжся, а лысьом оз небзы. Юкало!

Керкаыс важ нин воли, да эз вөтлыны сэтысь. Сэтөни том пөраө коли. Отчыд колхозной картаысь вои да аддза, матичаыс усьома. Кызд нө челядьлы юр вылас абу веськалома. Челядь койка улө шыръяс моз дзесьомаось, синъясныс чашка кодьось. Быдон тай овны көсийоны. Сэсянь и йөй нисьө прөсуж кодьось лоины: бурторсьыс яндысьоны, лексө пытшкас өктөны.

Никон Кондратьевич немынысь чеччылис местасьыс, көсийс олөдны бабоөс, мый пиньыс сылон висьо, бурдодчан турунла воис, а эз сылысь дойяссө кывзыны. Бычө кодь мужичойос косиник почө куклаос моз бөр личкылис лабич выло. Дойон да шогон ломзисны пөрысьлон синъясыс, лептылис косиник кабырсө, пукав пө, кывзы, кор тэныд шуалөны.

— Ми сэки ставон колхозас ныр выло усьтөдз уджавлім, ок йойось вөлім, гөльлунысь көсйим мездьсыны, а вөйим сэтчө век ёнджыка. Кыскис сійө зыбуч нюрыс помөдз мянөс. Мөскыс карта тыр, и век содтоны и содтоны юр лыдсө. Гезйон нин мөсьяссө көртавлам йиркас, мед оз усны кок йывсыныс. А начальство век юр лыдсө пасьялө торья ка- бала вылө, сьом пө сысыс локтө, зарплата сідзкө нин. Мөс сюрьяссө лыддьөдлөмысь. Съод рака кодь репродукторас, коді тай сюрья йылас өшавліс, лун и вой троньгө, крупнорога- тыйыс пө содө, той мында пө нин жуө. Мыйла нө началь- ствыс сэтшөма юрьяссө да сюрьяссө радейтө? Мый нө сэ- тьсыс вөчөны? Оз-ө наганьяс төчитлыны? А-а?!

Никон Көндратьевич бара выныштчыліс вочавидзны, но Курьян Марья ас кадө матыстліс ныр улас чурвидзысь лыяса кабырсө, со пө тэныд, Никон Көндратьевич ас кадө вежөртис, тайө ыззьөм да сьөкыд пеля пөчөыскөд водзсасыны он вер- мы, ланьтөдчис, из пө, быттьө вугравны заводитис.

— Воис кад, — водзө изіс Курьян Марья. — Öти тулыс помө мөсьяс ловнысө öта-мөд бөрся пөльыштисны, колхозса пемөсьясыд коллективнөя жө и мөдар югыдас тапиктисны. Ставыс номырө пөри. Со мый понда мянөс уджөдлісны. Сэссия век тай на дзурта, йой да. Öні мый нин не дзуртны, пенсиятор локтө да. Сэки тай нур ни тусь эз лишөдлыны. Öні кодсюрө ошкөны радио пырыс, бөр колхозьяс лөсьөдам да лючки овмөдчам. Мед йөйталасны нин помөдз, менам сьывсьөма и овсьөма, серавсьөма и бөрдсьөма. Непутьөвөй челядьөй вөсна тай вийся-а. Медыджыдыс тай сюсьджык жө лоис. Эсію киссьөм КПСС-ас пыравліс. Аттьө, совхозыд сэссия отсаліс тайө керкасө лэптыны. Öні тай бөр сійө партияыс көсйө ловзыны. Бара өмөй кодьясөскө лөсьөдчөны грабитны? Тэ нө сійө партиясыс член?

Курьян Марья виччьсытөг ланьтис, парквайыс быдсөн, быттьө зэв омөльтор шусис, весиг сьөд вуджөрттор визнитис чужөмбансө. Эновтчис пызан дорсьыс, мөдіс гудйысыны шка- пын, перьяліс вижөдөм газет кулөкьяс.

Никон Көндратьевич измис лабич вылас, мый сылы, вы- жыв пөчөыслы, шуан. Кунва кодь лөглун пыкис морөс кудсө. Но, вөлі сійө КПСС-ын. Öтияс мырдөн суйсисны сэтчө, мөдьясөс корлісны, небыдика кө гарыштны, ышөдісны лоны членон. Позьө гөгөрвоны öтияссө и мөдьяссө, сытөг, членө вотөгыс, быдлаө туйыс вөлі пөдса, позьө вөлі сөмын мыркйыны сьөд уджсө рузя руб вылө. И Никон Көндратьевич лыддьысис коммунистөн, эз ачыс вөйысь, ышөдісны сэтчө. Öні синва петмөн жалитө, мый сэтшөм лача сылы вичмис. Мыйлакө унаөн тайө оз гөгөрвоны. Öні видзөдіс ноксьысь Курьян Ма- рья вылө и чужис тешкодь мөвп: көртыштны сылөн öтка

зыр кодъ пиняс гезтор, нуодны сійос отава вылас и домыштны потшос дорас. Весиг лов вылас тайо мовпсыс кокнялыштис, курыд нюмтор ырзыштис пытшкас.

— Абу од мем жаль турунторйис,— паськөдліс пызан выло газет ёкмыльяс Курьян Марья.— На, колөкө, отсалас кө... мем абу жаль бур мортдылы.

Никон Кондратьевич нямлялыштис кутшөмсюрө турунъяс, но пинь висьомыс ещө на ярмис.

— Кула! Эшта!..— матькөбтис бөрдана гөлөсөн гөсть.

— Сэссия нинөмон ог вермы отсавны, дона мортөй, рад эськө да.

— Кодкө нө эм абу тані вежөраыс?

— Кызди нө абу. Рачтөг огө олөй. Няныс да винаыс бырлө, сійө овлө. Рачыс век эм, сытөг ог олөй.

— Коді нө эськө? Көні?

— Со!— өшинь пырыс индіс пөчө.— Конда Миш. Со керка мышкыс мянө видзөдө. Зэв шань морт, ветенур сійө мян. Коньяссө ок лөсыда кодзалө. Стопка выло и могмөдас. Уна оз и кор.

Никон Кондратьевич вежөртис, ыстө пөчөыд сійос ветеринар дорө. Ветеринарыд, дерт, бурдөдө пемөсьясөс, но сійө врач жө, гашкө и, отсалас. Йөрмөм висьысь мөдөдчис сы дорө.

Никон Кондратьевичөс көзяин паныдаліс керка посводзас. Сійө вөлөм шөр арлыда, зэв косіник дядьө. Мышсяныс кө аддзан, чайтан, пинджакыс абу ловъя морт вылын, а прөста көрт тув йылысь өшалө. Но Никон Кондратьевич видзөдіс водзяныс, чужөм вылас төдчис ыджыдкодъ плеш, дорыша веськыд ныр, бандзибъясыс, дерт, вөйөмаөсь, стөчджыка, абуөсь.

— Кыськө тай гөсть усьөма,— нюмдіс Конда Миш, стөчджыка, петкөдліс водзсыс сярвидзысь ён пиньяс.

«Буракө, збылысь сяммө пиньсө бурдөдны»,— думыштис Никон.

— Карысь ме,— нюжөдіс воысь кисө.— Кино Миш дорө локті. Но пинь висьмис... спас абу. Отсышт, верман кө.

— Пиньыд висьө, шуан,— быттө унзілысь мынтөдчис Конда Миш.— Збыль висьө?

— Збылысь, збыль,— чорыда шуис воысь.

— Кызди нө висьө?

— Ёнтө.

— Ёнтө, шуан,— думыштчис Конда Миш.— Збыль ёнтө?

— Чажөдө-ёнтө, быттө көинъяс щөкалыөс курччалөны.

— Но-о, сідзкө, бур,— вөтын моз шуис Конда Миш.

— Мыйла бур?

— Сійө ме аслым шуала, ог тэныд. Пырам инө керкаас.

Пырисны пемыд посводзті. Керкаын сьылісны гутъяс, лэбалісны кыздсюрё, быттё челядь дурёны, брун ляскусясны ошиняс, сэсся бара паччёрас тувгасны.

— Лешакъяс, — ёрччыштіс Конда Миш. — Мый керкасыс корсьёны. Ывлаыс со кутшём лёсьыд, сёяныс тырмё и, быдён мыйкё койыштё налы. Вельмисны. Но тэ эн пов, пуксы ошинь дорас, — тшөктіс гөстьлы.

Конда Миш өзтіс папирос «Астра». Пыраліс койка улас, перйис инструмент ящиксё. Вөлі сәні ставыс: клещияс, зубилёяс, мөлёт, көрт тувъяс.

— Збыльсыс пиньыд висьё? — азыма куритчигмоз сёрнитіс Конда Миш.

— Верман кө, мезды, — дөзмис висьыс. — Мыйла өти-торсё век юасян?

— Сійё ме аскөд сёрнита, — лөня вочавидзис көзяин. — Сідз, висьё пиньыд, а оз мөдлаті?

— Со эсийё, юр пиньыс висьё, — индіс Никөн Көндратьевич.

— Но инё, восьты вомтё, — ышловзис Конда Миш, босьтіс киас клещи. — Ёнджыка восьты. Кывтё эн нюжд! Кутшём паськыд кыв... Миян мөсьяслөн сөмын татшөмыс. Он-ө тэ, дона друг, сәні карас дворникөн уджав?

— Ог...

— Мися, гашкё, лымсё зыртан кывнад.

— Ог...

— Мый нё, сідзкё, керан?

— Этша собраниеяс вылад ковмылас кывтё песны.

— А-а-а, другё, мыйён уджалан, сійё и быдмөма. Весав кытчөкё кывтё! Клещиыс оз төр! — Клоп пуктіс пызан вылө инструментсё, азыма заводитіс кыскавны помасьыс каллянсё. — Ог төд, мый керны, дзик ог төд.

— Отсав кыздикё, — кевмысис висьыс.

Конда Миш виччысьтөг ырзыйс каллян помсё сатшкис Никөн Көндратьевичлы паськыд кыв шөрас, кызди ушлөй куритчыс сёлөмсянныс пескыльтіс.

Никөн здук кежлө жаявліс: дойыс юр чукас жваньөбтіс да, сэсся ойөстіс жё весьөпөрөм гөлөсөн, быттё шуис, йөйыд кутшём налькйё сюрөдчи.

— Пөдлав вомтё, — лөня шуис Конда Миш. — Сэсся нинөмөн ог вермы отсавны.

Никөн ньөжйё, төвся куржайтөм өдзөс моз, топөдіс щөка-ляяссё, мыйтакё пукыштіс да веськөдчис өдзөслань. Лөглу-ныс пуис и шогыс личкис.

— Виччысьтөг кызкё артмис нелючкиыс, — торкис сьөкыд чөвлунсё көзяин, — быттё садьё вошліс, некутшөм лөк эз вөв керны думын. Прөстит. Овлө менам вошлөмыс, помся

кослунъя сёянсьыс ли мый ли, ог тӧд. Эн лӧгась ме вылӧ, татшӧм прӧсуж вылас. Вӧрсаыс гыррдзаӧдз летіс, буракӧ, прӧстит, бур морт.

Сӧмын ывла вылас тыр-бура Никӧн вежӧртіс лӧӧмторсӧ: зӧлитіс кывсӧ, быттӧ век на сәні биа ӧгырыс, и тайӧ дойсьыс сылы не мынлыны ловъя юрӧн. Помся сьӧласис, весиг туруныс матігӧгӧрсьыс еждіс, выль дойыс вӧлі сәтшӧм есь, весиг вунӧдіс пинь висьӧмсӧ, весиг кутіс саявны-кусны Конда Миш дорӧ волан личыс. Сьӧласигтыр Никӧн пырис Куръян Марья дорӧ:

— Палитчи! Сотча!

— Тшыныс нӧ кӧні? Тшынтӧг коді сотчылӧ. Тә нӧ тшынтӧг сотчысь? Миян тай тшыналісны наперво кузя-кузя. Сәсся кодкӧ ыпнитлас, а мукӧдыс сідзи и нәмсӧ ва пес моз чискӧ.

— Эсійӧ... кань кодзысьыс ӧгыра каллянсӧ кусӧдіс менам кыв шӧрӧ,— Никӧн дась вӧлі бӧрддзыны.

— Ойя да ойя,— Куръян Марья мӧдӧдчис жӧдзны джодж шӧрын, клопӧдіс бекьясас, кутчысьліс юрас.— Тшас, тшас, мыйкӧ вежӧртам. О!— уськӧдчис шкап дорӧ.— Со дзик свежӧй лапкор, асывнас лысва усьӧм бӧрас пыр жӧ чукӧрті. Пукты кыв вылад. Пороз туруныс ранаас лӧсялӧ и. Зверобойсӧ, ми тай урзун турунӧн нимтам, сӧвт жӧ сәтчӧ, вомад, шуа. Эн пов, сӧвт кӧть турун додь мында, миян туруныд тырмӧ, майбыр. Миян сиктаным туруныс и быдмыштӧ. Юрсиным нюжалӧ жӧ, тӧлкным тай оз сод-а. Сәсся местаыс эз сюр сылы, мутивӧйлы, тәнад кывйысь ӧтдор кытчӧ каллянсӧ кусӧдны,— медбӧрын Куръян Марья мудзис, сюртчис пызан рӧчторйӧ, кресталіс каллян кызта вир сӧнъяса кияссӧ. Никӧн вом тырыс пӧжис бурдӧдчан турунъяс. Сідзи и пукалісны чӧв, гусьӧник видзӧдлывлісны ӧта-мӧд вылӧ.

Дыр таdzi пукаліс Никӧн Кӧндратьевич, кывзис кирган гӧлӧса радио, кодӧс ләптӧмаӧсь дзик пӧтӧлӧк бердӧдзыс, буракӧ, медым сійӧс некод эз судзӧд да ладмӧд. Дерт, зәв кӧ сюся кывзысян, мыйсюрӧ позьӧ гӧгӧрвоны, но кызвыннас чӧв-лӧньсӧ торкӧ, кызди кӧзьяйкаыс шуӧ, этшаджык пӧ лемасьӧ бусыс шумаинас. Гашкӧ и, сідзи.

Коркӧ сәсся дугдыштіс кывйыс сотчынысӧ, пиньыс эз жӧ дӧзмӧд. Луныс катовтчис рытлань. Никӧн Кӧндратьевич веськӧдчис автобус сувтланінӧ, медым ләччыны карӧ, кутшӧм нин вотчӧм артмас висигад. Сәні бара паныдасисны Куръян Марьякӧд. Никӧн Кӧндратьевич шыасис, кызди важ тӧдса дорӧ, карӧ жӧ ләччысь пӧ.

— Ог. Нылӧс виччыся. Кӧсийысис. Оз кӧ бара пӧръяв. Зәв юысь да эз кӧ бара кытчӧкӧ черав. Гашкӧ, тӧдан, вель уна кавалер тай, шуӧ, видзӧ. Шуйга син улыс век лӧз.

— Ог тӧд. Ме абу сәтшӧм.

— Он кӧ и он. Карас уна йӧзыс, кысь ставсӧ тӧдны верман,— шога шуис быгалӧм чышъяна пӧчӧ.

Со и тыдовтчис автобусыс. Сувтіс. «Ковмас мунны тыр-тӧг»,— думыштис гӧсть. Кӧрт гарантас гыркысь петіс вель уна йӧз, здукӧн разӧдчисны. Пуксысьяс эз тэрмасьны автобусӧ, тӧдісны, сійӧ мыйтакӧ сулалыштас на. Куръян Марья измӧм статуя моз сулаліс важ местаас, сы дорӧ некод эз матыстчы, нылыс эз во. Видзӧдліс Никӧн Кӧндратьевич пӧчӧ вылӧ и сайкмуніс. Сійӧ некор на эз аддзыв татшӧм шогалысь мортӧс, быттӧ из ноп кутӧ мыш вылас, и кутчысьӧ став эбӧссыс, медым не усьны татчӧ.

Никӧн Кӧндратьевичӧс он шу быдтор казялысьӧн, но пӧчӧлӧн нӧрпалӧмыс сэтшӧма эрдӧдчис, аддзис эськӧн и синтӧм. Никӧн Кӧндратьевич воськовтіс сылань, кӧсйис мыйкӧ ышӧданатор шуны, но тшӧкмуніс: шогыс сысянь ыльгис кӧдзыд ру моз. А морӧсас мыйкӧ пессис, кутшӧмкӧ ёкмыль, весиг лыблас пельпомӧдзыс, но эз пет, оз руась, олӧ сы пытшкын, изӧ, изӧ...

Никӧн Кӧндратьевич ӧні выль синмӧн видзӧдліс ас вылас. Со сійӧ пӧрнӧй мужик, олӧм вӧжжисӧ кутӧ на киас, пинь висьӧмысь весьӧпӧрис, кывсӧ сотіс, пыр-пыр лябмис. Усйысьӧ со сэтчӧ, кӧні сійӧс кодкӧ бурдӧдас, лелькуйтас. А мыйысь? Тшаксӧ эз вай, висьӧм кыскӧ. Но ӧд ӧні кывсӧ дугдіс ёнтыны и пиньыс чӧв олӧ. Бурдӧдіс.

Автобусӧ пуксялісны йӧз. Шопер пырис кабинаас, чукӧстіс падъялысь пассажирӧс:

— Тэ мунысь абу?

Никӧн Кӧндратьевичлы кажитчис, шоперыс шыасис сы дінӧ скӧра:

— Рӧдты,— сідзи жӧ вочавидзис сылы.

Автобус пӧдлаліс ӧдзӧсьяссӧ.

\* \* \*

Мӧд луннас Никӧн Кӧндратьевич Кино Васькӧд ветліс тшакавны. Лӧччӧдіс гортас пестер тырыс ельдӧг. Лючки солаліс вит литрӧвӧй банкаӧ. Но кӧрсӧ видлыны сідзи и эз мойви: арнас шышъяс петкӧдӧмаӧсь дачасӧ и нуӧмаӧсь ӧти сорысь солалӧм тшаксӧ.

# НОВЕЛЛАС





## КУТШӨМӨСЬ АСЬНЫМ

Оз нин өти нэм чөж Большеземельской тундраын өтүв видзны көръясөс ненецъяс (кыдзи асьнысө шуоны Колваса яранъяс) да комияс. Кык народлөн этнической йитөдъяс йылысь позьө сёрнитны паськыда, но менам ичөтик гижөдторыйын мogyс мөдджык: висъталыштны тундралөн талунъя экологической проблемаяс йылысь. Өд войвывлөн сөстөмлун — не сөмын сэтчөс олысьяслөн төжд да мог, но и миян, накод орччөн олысьяслөн. Гапкө и, ставлөн. Миян тех-нической кадө зэв өдийө кушмөны вөраинъяс, чинөны вотөса местаяс, няйтчөны шоръяс да юяс, ядохимикатъяс пежөсьтөны видз-му. Град выв пуктасъяс польдөны нитратъясөн да пестицидъясөн. Быд сикас пежторъяснас тырө сынөд. Дерт, ставыс тайө оз содты мортлысь дзоньвидзалунсө. Сидзкө, колө-ө татшөм цивилизацияыс? Воча кывйыс тані вермас лоны өти нога: цивилизациялөн татшөм ногөн сөвмөмыс мортлысь олөмсө оз кокньөд. Век жө морт кутө надея, мый технической прогресс ладмөдчас вөр-вакөд, оз кут сийөс жугөдны да пежөсьтны өнйя ног. Өнйя унаөн полөны, вермас-ө морт вуджны тайө «сьөд кадсө». Төдөмысь, тайө полөмыс абу весьшөрө. Торъя нин йирө сьөлөмтө тайө мөвпыс, кор волан промышленнөя сөвман районъясө. Ми төдам, тундраын паськыда корсьөны нефть и аддзөны кыдзи Коми, сидзи и Архангельскса геологической управлениеяс. Мөд-кө, Новөй Земля вылын, кытысь квайтымынөд воясын ыджыд материк вылө вуджөдлісны сэтчөс олысьясөс, өнйя военнөй ведомство мөвпалө водзө паськөдны сэнйя ядернөй полигон. Кор тайө факторыс — нефть перйөм да ядернөй взрывъяс нуөдөм — усяс миян юр вылө, мый сэкйя лоө европейскөй Северкөд? Көнйя эмөсь на талун кежлө экологической сөстөминъяс, кытысь позьө кыйны уна пөлөс чөскыд чери, босьтны пушнина, медбөрын, чукөртны ядохимикатъясөн тшыкөдтөм на вотөсъяс. Мый лоө локтан поколениеяскөд, сэтчөс олысьяскөд, көр видзысьяскөд да прөмысловикъяскөд, стөчджыка, сэтчөс аслыспөлөс этноскөд? Тундраын уна нэм чөж олісны ладөн зіль да вынйөра войтыр. Тайө ладыс заводитис киссьыны колхозъяс котыртөмсянь. Кусис йөзлөн өта-мөд динө вежавидзөм, паськаліс вина юөм да быд сикас гудрасьөмыс (пөръясьөм, гусьясьөм).

Ме унаысь вуджлі тундра отсö көр дадь вылын, вичмыліс видзöдлывыны сы вылö вертолёт вывсынь; сёрниö волі не сöмын көр видзсысьяскөд, но и геологъяскөд. Аддзылі ас синъясөн и кывлі геологъяссянь, кодъяс волöмабсь и Урал сайса тундраясö, сы мында зверь-пöткасö да прöмыссö, кызди Печора вомсянь йиа дзор Уралöдз, некытысь пö эг казьявлöй. Кызди нö позьö пезжösьтны татшöминъяссö! И босьтам ми сэтчös озырлунъяссö стöч варварьяс моз. 1972-öд воын ытва дырйи ме моторнöй пыжөн кывті Печора кузя, берегдорса баддьыс весьт судта вöлі лякösсьöма сир кодь сьöд нефтьөн. «Кысь нö тайö дивöбь?» — майшаси сэки. Аттьö Печора карса ихтиологъяслы, ясöдісны майшасьöмös. Кывлі ме насянь татшöмтор: öти аварийнöй бурöвöй вывсынь Колваö вöлі лэдзöма сы мында сьöд ломтас, мый кор öзтісны (гашкö, ачыс, стöча ог вермы шуны), сыліс пö ю бердсыс лымйыс, уна дас километр кузьята воссис юыс, весиг пö жарысла потісны бадь корьяс. Тайö төв шöрын, веж морозьяс дырйи! 1980-öд воын Печора вомын, Кунжа ю дорын, öти бурöвöйысь ылькнитіс зэв ыджыд нефтянöй фонтан, сутки чöжөн нефтьыс да няйтыс петіс матö кык миллион кубометра. Выныштчылісны кусöдны мупытшса ядернöй взрывөн. Кусöм пыдди фонтаныс ёнджыка öддзис. Сизим во чöж пуркйис-öзйис сьöд би, весиг лайкмуніс муыс да гөптасис. Охотникъяс полісны матыстчыны сы дорö, вына төв нырыс, кодös артмөдіс пуркйысь биыс, вермис кыскыны-нылыштны көра дадувнад дзоньнас. Гашкö, тшöтш петісны и радиационнöй отходьяс? Та вылö воча кывйыс абу на.

Тайö сöмын ыджыд аварияяс. А ичöтыс! Коді найös лыддис? Коді лыддьö, мыйта көрт да быд сикас кламыс кольö бурöвöйяс местаö? Татчö кө содтан нöшта вынйöра тракторьяслысь гыж туйяссö? Артмö гажтөм серпас.

Харей-Вөр посёлोकын муніс общöй колхознöй собрание, кытчö меным вичмыліс веськавны. Выльторйөн вöлі сійö, мый собрание вылö локтісны и геологьяс да бурöвикьяс (дерт, начальство). Найö корисны колхозникьяслысь выль участокьяс, медым нуöдны туйяс, сувтöдны выль буритчан вышкаяс. Көр видзсысьяс бара на лишöдісны уна гектарьяс, сідзи нин воысь-во чинысь йирсянінъясысь. Гөгөрвоöны, странылы колö нефть. Ме думысь, делöыс абу тадзикөн, уналы веськодь, мый вöчсьö налөн тундраын. Вой пельöсын көрөннöй олысьяслысь коркö мырддисны көрсö, сідзкö и тундрасö. Паськыд эрдьяслөн, изъя кюяслөн да тыяслөн эз ло нэмöвöйся көзяинныс. Кулакалөм поколениелөн вошис олан нырвизыкыс. Выльөн быдмысь-сöвмысь томуловыс лои тырвыйö государственнöй крепостнöйөн. Тундраын чизыр төвьяс моз уна дас во чöж нин көзяйничайтö контора, а оз морт. Контора вöчö сійös, мый тшöктö вылысджык контора. Көр видзсысь-

лы сійо бука кодъ повзѳдчантор, код водзын тїрзѳ пїдзѳ-сыс да усѳ конѳѳр юрыс. Торѳя нин сѳѳкыд аддзыны сѳтшѳм серпас, кор ставыс тайѳ сїмѳм кѳртлы моз йїджѳма морт вежѳрѳ да сѳѳлѳмѳ, ѳд сѳтшѳмыс оз гѳгѳрво, мый вермас лоны и мѳд ног, мый сылѳн пѳль-пѳчыс коркѳ овлїсны морт ногѳнджык. Тоталитарнѳй режим лючки вѳчис ассыс пеж уджсѳ: сїѳ йѳз сѳѳлѳмѳясѳ усѳкѳдїс веськодѳлун, бѳбмѳдїс. Кодї нѳ талун дорѳяс тундрасѳ? Мый ставлы веськодѳ, шуны оз позѳ, торѳя нин бурланѳ нырѳяссысысыс томджыкѳяс пѳвстын. Кѳр видзысыяс элясїсны, бурѳвѳйяссѳ пѳ эновтѳны уджѳяс помасѳѳм бѳрын некутшѳм культивация нуѳдтѳг, дзѳбтѳг кольѳны быд сїкас кѳрта кѳлуйсѳ. Ёна нин йѳткасны тѳвнас бульдозерѳн матысса тыѳ. Медся норасїсны сы вылѳ, мый бурѳвѳй местаясѳ кольѳны гуавтѳг химикатѳяс, кодѳяс отсѳгѳн нуѳдѳны бурїтчан уджѳяссѳ. Кѳрѳяс нюлѳны сїѳѳ вїж мусѳ и кулѳны. Вїсьмѳ кѳрыс весїг сѳкї, кор нин сѳтысь сѳйѳ турунсѳ. Тайѳ кѳрѳяс. А мыйта лѳбачыс да зверь-пѳткаыс бырѳ. Тундра дорѳысыяс тайѳс и оз лыддыны.

«Нарѳяна-ты» колхозысь кѳр видзысыяс казьялѳмаѳсь выль дївѳ. Сюралѳны тундраын сѳтшѳм местаяс, кѳнї разалѳм кѳр стада моз сярвїдзѳны нюклясьѳм еджгов кѳрт кусѳкѳяс. Сулалыштан пѳ татшѳм «кѳртѳяс» дорас, и заводїтѳ сѳдзтысь-ны синваыд. Дерт, оз шогысь нї радлунысь налѳн синваыс кїссы, дзїк мѳдторѳысь. Та вылѳ вермас вочавїдзны стѳча сѳмын военнѳй ведомство. Нарѳян-Марын быд асыв повѳддякѳд тшѳтш кѳртѳны и радиационнѳй фон йылысь. Сѳнї сїѳѳ век овлѳ нормаын. Та вылѳ вїдзѳдтѳг, «Нарѳяна вындер» редакцияын ѳлѳдїсны менѳ, эн пѳ ёна чѳсмась кѳр вемѳяснас, кѳр лыас пѳ ѳкмѳма нин радиационнѳй элемент стронций. Агропромса веськѳдлысь эз стѳчмѳд налысь шуѳмсѳ. Но таысь менам сѳѳлѳм вылын эз ло кокнїджык, тѳда, унатор на ведомствояс вїдзѳны секретын. Артмѳ, бѳрѳн кышалѳм малича кодѳ сѳтшѳм «секретѳясыс».

Кѳр видзысыяс казьялѳмны татшѳмтор: кѳть йїрсянїнѳяс воысь-во чїнѳны (сїдзїкѳн вердѳны век ѳти местаяс), та вылѳ вїдзѳдтѳг, кѳр нїтшкыс (ягельыс) содѳ, сїѳѳ заводїтїс быдмыны зѳв ѳдїѳ. Сїдз жѳ ѳдїѳ чѳпѳсїѳѳ туруныс. Бур-ѳ тайѳ? Абу. Кѳрѳяс лоїсны воддза сертї вынтѳмджыкѳсь, яйыс эз ло воддза кодѳ чѳскыд (тайѳс шуа ас сертї), сїдзкѳн, тундралѳн вежсьѳма нин радиационнѳй да химическѳй фоныс.

Нарѳян-Марын Смїдовїч нїма улича вылын сулалѳ кык судта пу керка, кѳнї велѳдчѳны сїктѳясысь вайѳдѳм челядь кокнѳѳдѳм программа сертї. Дерт, тайѳ школаыс тѳдчымѳн ичѳтджык мѳд интернат-школа сертї, кодї сїѳѳ жѳ улича вылын. Ичѳт сїктѳясысь воѳм челядь танї тыр-бура велѳдчѳны, полнѳй программа сертї. Но ме тѳда и мѳдтор. Кѳр видзысьяслѳн уна семьяын эмѳсь челядь, кодѳяс оз вермыны

велөдчыны и кокньөдөм программа серти. Татшөмъяссө изьватас диалект вылын шуоны ниродъясөн, либө мөд рөдаясөн. Кокньөдөм программа серти унаөн велөдчоны миян районъясын да каръясын. Оз бөрө кольчы та серти и миян юркар — Сыктывкар. Öнi унаөн нин вежөртисны — ставыс тайө вөр-ва тшыкөдөм вөсна. Сэссия дыр-ө нө ми кутам ниродмыны-йывмыны! Окота юавны генералъяслысь, колө-ө налы нирод-салдатъясыс? Ковмас кө, кодөс да мыйсө найө доръясны?

Тундра озыр нефтьөн, газөн, нималө чөскыд чериясөн, көр яйөн, дона пушнинаөн. Ставсө тайөс перйөны, кыйөны, босьтөны. Но кызди олөны сэтчөс войтырыс? Көр видзысьяс кызди сө во сайын, кызди кызь во сайын, сідзи жө олөны чомъясын. Сөмын чомъясыс лоины воддза серти омөльджыкөсь, косясьлөм брезента чомъяс туйөны сөмын понъяслы. Да и уна лыда нель кока ёртъяс олөны пастукъяскөд өтув, пырөны-петөны, кыті көсийөны, тшаплалөны мыйсюрө пызан вылысь, узьлөны орччөн. Понйыдлы тадзисө, гашкө и, бур, но мортыдлы озджык лөсяв.

Синмө шыбитчан вежсьөмъяс абуөсь и посёлокъясын. Босьтам Харей-Вөр — көр видзысьясслысь шөр базасө, кызди кызь во чөж ломтысьөны Воркутагысь вайөм из шомөн, көть матын перйөны газ и нефть. Неыджыд посёлокын, көні сө сайө керка, вель уна ичөтик котельной (колхоз правлениелөн, школалөн, вурсян мастерскойлөн, гөстиничалөн, магазинлөн да с.в.). Посёлокын став мужичөйыс уджалө кочегарөн либө начальникөн. Артмө, некодлы көр видзысьясслысь кокньөдны бытсө. Кызь во сайын килограмм көр яйлөн доныс вөлі 30 ур, öнi лыбис 1 шайтөдз. Та вылө видзөдтөг, колхозлөн миллионъяса прибылысь. Тайө висьталө сөмын өтитор йылысь: кутшөм донтөм вермас лоны тундраын көр яйыс.

Бөръя кызь воөн Усва вомын быдмис нефтяникъяслөн выль кар — Усинск. Страналөн шөр районъясө и рубеж сайө визувтө вель уна нефть. Тайө быттьө и абу сэтчөс войтырлөн озырлуныс, сиктса олысьяс сөмын «нимкодясьөны» морт киён өзтөм кыа вылө, тайө бурөвөйяс вылын уна во чөж нин ыпъялө-сотчө конденсат, стөчджыка кө, бензин сора газ, кодi сөдзтысьө нефтьыскөд тшөттш му гырксыс. Уса да Печора өтлаасянінын сулалө Усть-Уса сикт (ас кадө сийө вөвлі и райцентрон). Сідзжө Усинской районө пырөны вель ыджыд сиктъяс, кызди Щельябөж, Мутной Материк, Усть-Лыжа. Тайө сиктъясыс, лёка ли бура (дерт, оз на тырмымөн, та вылө абуөсь налөн позянлунъясыс), вердөны нефтяникъясөс йөлөн да көр яйөн. Кызь во чөжөн кар нинөмөн эз отсав сиктлы. Кызди и важөн, ломтысьөны тані пескөн да ылысь вайөм из шомөн. Весиг котельнойяслы мазутсө оз лишөдны, ог нин шу газ йылысь. Бур ногөн кө, важөн нин коліс войвывса

сиктъясын ломтысьны газон. Татчө кө содтан, мый нефтяникъяс помся дзескөдоны көръяслысь йирсянинъяссө, воом йоз (найө унджыкөн да наянджыкось) пырöны и пакоститчöны Печора вывса олысьяслөн нэмөвöйся кыйсянинъясын. Артмө зэв гажтөм серпас. Кытчө нө видзөдоны районса веськөдлысьясыс? Абу өмөй налы мыйтакө көть яндзим сиктса войтыр водзас? А гашкө, сиктса войтырыс асьныс мыжаөсь жö: дзикөдз нин сетчисны веськөдлуныслы? Шулöны тай, бөрдтөм кагатö оз босьтны ки вылад. Буракө, сідзи и эм. Он кө ачыл аслыл отсав кок йылö сувтны, мөд морт сійөс тэ пыдди оз вöч.

Тундраын уна кыйöны кынь, өткымын охотникъяс сдайтöны кыксөөдз. Көр яй, чери, байдөг, көч, торъя нин вөрса нюръясын быдмысь турипув, мукөд вотөсьяс — ставыс тайö деликатес миян кадö. Сөстөмөн кө кольны тундрасö — ставыс тайö помтөм-быртөм, тырмас не сөмын татчөс олысьяслы, лишалас и вузөс вылө. Вузавны кө рубеж сайö — сәні и валютаыс. Колö на артавны, мыйөн кивывджык долларсö перйыны, нефть перйөмөн либө вөр-валысь козинъяс чукөртөмөн. Сэсся өд мупытшса кизьөр ломтассө колö на лишөдыштны и локтысь поколениеяслы, кодъяс, позьö надейтчыны, кутасны вөдитчыны вөр-ва дойдтөм технологиян, лоасны миян серти кывкутанаджыкось. Тшыкөдам кө вөр-ва — ньөжйөнник йывмам и асьным.

Миян войвылө ыджыд грөз өшйис — тайö Новөй Земля вылын атомнөй полигон паськөдөм. Газетъяс юөртöны, бөръя взрывыс пö вөлі вель удачнөй, сынөдö эз веськавны радиационнөй веществояс. Гашкө, и сідзи. Но век жö чужö юалөм: век-ө лоас лючки? И оз-ө коркө му гыркъяс «вынөн» тувь-ялөм радиацияыс ылькнит-пет йиа саридзас?

Финляндияса экспертъяс, кодъяс зэв жö майшасьöны ядернөй взрывъяс понда, пасйöны — Новая Земля вылын пö грунтыс оз тырвыйö лөсяв мупытшса вынйөра взрывъяс нуөдөм вылө, вермас пö скалаас артмыны потас да радиацияыс визувтас ортсö. Миянөс эскөдоны, мый мупытшса взрывъяс оз вöчны экологиялы омөльтор, колö пö водзö вильмөдны атомнөй оружие. Но өд тайö «добраыс» сы мында, мый позьö пасьвартны дзоньнас му шарсö некымынысь. Колö-ө татшöма «горшасьнысö»? Ме думысь, ставлы колö кутны өти нырвизь: Му шар вылын некөнi оз ковны ядернөй взрывъяс.

# КЫДЗИ МЕЗДЫСЬНЫ ЮОМЫСЬ ДА ЛОСЬОДНЫ ЛАДА ОЛОМ

Көні олан, сэтөн и колана. Тадзи вермөны шуны войтыр, кодъяслөн эм крепыд вужъяс да вынйөра бордъяс. Эм-ө комияслөн ён вужъясыс, сөвман историяыс? Дерт, эм. Та йылысь уна гижөма-чукөртөма сюсь вежөра коми ныв-пиянлөн, стөчджыка, гырысь учёнойяслөн. Абу коланлуныс аслам ичотик статьяын лыддьөдлыны найөс. Окота думыштлыны мөдтор йылысь. Эм кө нө сылөн джуджыд да паськыд вужйыс, мыйла оз шыав сійө тугана пожом моз, мыйла нюкырвидзө вадорса леторос бадь моз, кодыр уль нальпак лым самасьөма вылысас. Мыйла нө чусалис сылөн сөстөм чужөмбансьыс кыпыд нюмсерыс?

Буракө, сысянь и заводитчис нёрпалөмыс, мый оз нин быдөн лючки төдны чужан вужъяссө, историясө, рөдвужъяссө. Зөв на неважөн та йылысь заводитисны веськыда сёрнитны. Воом йөз костын ветлөдлө сёрни-басни, комияс пө — вөркостса съод мыръяс, сөмын пө ссыльной коммунистьяс, а бөрнас советской власть югзьөдис коньөръяслысь вежөрсө. Кодыр пө первойыс аддзөмаөсь паровозтө (тайө бара жө комияс), пидзөсчанясьөмаөсь да мөдөдчөмаөсь пасъясьны, чайтөмаөсь, мый на дорө локтөма Енмыс. Оз прөстаысь татшөм тешыс чуж, сылөн эм подув.

Сизимдас во сайө политизируйтөм школаясын «пожъялісны» миянлысь вежөрнымөс, учебникъясын гижөма, революцияөдз пө комияс вөліны Енмөн ёрөм войтырөн, кедзөвтөм да увтыртөм народөн. Но сэк жө чөв олісны сы йылысь, мый Комиын некор эз вөвлы крепостной право, найө вөліны вольной крестьянаөн, ас вөляысь вөрәлісны, мыйтакө видзму вөдитисны, Уралса заводъясө, коді эз окотит вөрәвны, ветлісны төлын најөткала. Оломын кутчысыс ашпөр лад: керкаяс эз томнавлыны — пуктылісны өдзөсас пас, коді висьталө сы йылысь, мый некод абу керкаын. Сідзкөн, эз вөвны гусясьысыс. Ас вөляысь ветлісны вичкоө, некод найөс сэтчө кошукөдыс эз кыскы, кызди субөтник вылө, партсобрание вылө, политзанятие вылө. Венеч улысь петөм гозъяяс пөшти эз юксывлыны. Сідзкөн, эз вөвны сирөтаяс, өнія моз челядь эз быдмыны детдомъясын, детприёмникъясын, быд сикас дис-

пансерьясын. Тайо выльторсо вайисны большевикьяс, революция, кодлы паныд сувтисны медся вежора войтырыс.

Батьяслон видз-му, чоc туйяс, тоньяс вуджлісны пиянлы. Сідзко, воли нин вор-ваон да видз-муон водитчом могысь частной собственность. Мыйла талунся депутатьяс оз лэдзны тайо законсо? Борйысьом водзвылын тай коcйысьлісны. Вочасны-о выльон борйом депутатьяс? Та йылысь коло мовпавны быдонлы. Мовпалой, коми войтыр, коть кынomyд сыысь оз пот, но вежорыд есьмо. Гашко, тайо медся на коланаторйис.

Век жо ме ог вермы шуны, мый революция нином бурсо эз вай коми йозлы, коть сийо «бурис» и кык бана. Школаясын первойысь заводитисны велодны комион, чужис ашпор интеллигенция, кодi вайис не сы мында тодомлуньяс да культура, кызди нырсьодіс выль коммунистической идеология йоз вежоро. Коло пасыны, вочис сийо ассыс «уджсо» сьолөмсянь и яра. Коть печатын некон оз пасыны, чайтсьо меным, школаясын чужан кыв велодомлон могыс кызвыннас воли выль идеологиясо пыртөм. Одвако рочон омөля сёрнитысь йозлы чужан кывтог позис суйны выль мировоззрение. Абу нин тайо вөвлытөмтор комияслон историяын: татшөм ногон пыртсис и христианство. Коді мовпаліс мод ногджык, кызди велодісны коммунистической вождьяс, лоины «народлон врагьясон». И народ збыль сийо кадо лыддис найос врагьясон: коммунизмлон идеальяс йоз вежоро сирасисны крепыда и дыр кежло. Бөбмөдом войтыр асьнысо жалиттог нянь норматор понда мырсисны заводьясын, шахтаясын, вöрын, колхозьясын. Кызвын уджалысьыс оліс дука баракьясын, землянкаясын либо киссьом керкаясын гортса пемөсьяскөд отув. Тайо шусис трудовай фронтон. Шуома веськыда: збыльысь фронтывыса кодь олөм и лои.

Комынөд воясо чужис куим повста фронт: трудовай, культурной да идеологической. Сэсся тайо фронтьясыс сигортчисны отио: заводитчис мод мировай война, зурасисны коммунизм да фашизм, кодьяслон воли оти мог — ыджыдавын став мир вылын. Талун кежло киссис отиыс и модыс. Этша йоз нин бордоны сы вöсна.

Тайо гудыр пореас, торья нин война борын, совмис комияслон литература, чужис литературной кыв, кодлон могыс отувтны нациясоc, велодны сийос ясыда, сточа мовпавны, оти кывйон ко, вочны сийос культурнойон. Коми кыв эз вөв государственнойон, पोшти оз водитчыны сийон учреждениеясын, и кывйыс зэв ена егөссис, весиг нитшсяліс. Делөвай сёрниын вөчоны роч вылысь калька либо коми ногон шуоны роч кывсо. Татшөм сёрнисо медым гөгөрвоны, быть коло тодны роч кыв. Торья нин тайо тешкодьон кажитчо, кодыр сёрнитоны телевизор либо радио пыр. Кор кылан татшөм сёрнисо, окота

тупкыны пельтö. Зэв тшöкыда радио пыр поэьö кывны татшöм кымын репортаж.

*Корр.* Висьтыштöй, кутшöма таво тiян содö йöлыс?

*Упр.* Дояркаяс таво доитчöны бурджыка. Выдали кольöм во серти 200 граммöн унджык öти стойлöвöй гöлöва вылö.

*Корр.* Тайö, дерт, бур. Кызди шедöдинныд татшöм ыджыд вермöмъяссö? Тöлыс вöли кодзыд и гожöмыс зэра.

*Упр.* Старайтчам. Доитчам трéхразöвöя.

*Корр.* Тайö бур. Сидзкөн, и дисциплинаыс бур?

*Упр.* Да. Дояркаяссянь некутшöм подножкаяс абуöсь.

*Корр.* Кызди тiян юöm кузяыс делöыс? Мукöдлаас тай ёна ышмылöны.

*Упр.* Резкöя ог шу, но воротник улас кисьтыштлиöны.

*Корр.* Мераён, сидзкö...

*Упр.* Да. Чужöмнас няйтас некод на эз усълы и лужа вылö эз пуксъыв.

Татшöм сёрнисö поэьö нуöдны помтöг. Медся шогыс сыын: тадзи кымын сёрнитöны и челядь. Сэсся серав кöть бöрд. Мыйла нö радиоыслы татшöм модасö паськöдны колö? Медым серавны чужан кыв вылын? Либö 200 гр. йöлыс мианлы донаджык кывлөн сöстöмлун серти? Кызди сёрнитам, сидзи и мöвпалам. Чужан кывйыс мыкталана и корреспондентъяслөн, и коми интеллигенциялөн. Дерт, абу быдöнлөн. Сидзкөн, сэтшöмъяссö и колö сибöдны экран да микрофон дорас, медым велöдчисны мукöдыс, юр яндзимыс медым эз ло.

Талунъя кадö ыджыд арлыда йöз элясьöны, став вын-эбöснымöс пö пунктiм уджö, немтор эгö чöжöй пöрысьлун кежлö, и пенсиянад көмөдiсны. Бур ногөн жаль татшöм йöзыс. Абу кедзөвтöм могысь, но кöсья юавны налысь, ас кадö кö эськö думыштчыны, мый вöсна дзоньвидзалуннытö видзинныд, талун энö жö пукалöй потöм вор дорын. Бара, дона войтыр, лои уджалöма война вылö. Сы мында öкмöма быд сикас оружиеыс, весиг ас вынөн сийöс бырöдны öгö вермöй. Мед эськö тайö урокыс эз жö ло весьшöрö талунъя войтырлы.

Кызди петкöдлiсны кольöм бöрйысьöмъяс, эз быдöнлы сийö мун пöльза вылö, бара на лöсьöдчам овны дженъыдик вежöртасөн.

Унаён на талун бөрлань видзöдöны, кимышнаныс вартчöны. Коммунистъяс дырйи пö вöли ставыс бур, талун ставыс лёк, ставыс киссьö. Дерт, кодлыкö вöли бур, кодi «пöдса» магазинын ньöбасис либö магазин мышсяныыс кыскис. Мукöдыс öчередьясын сулалiсны лунын и войын. И ставөн чöв олiсны. Öчереднöй партийнöй съездъяс вылын лыддьöдлiсны гырысь вермöмъяссö да чуксалiсны водзö сöвмöдны со-

циализм, тыртисны планъяс. Магазинъяс жё дзик тыртёмось, коть сійос эн и томнав. Эз ставон овны ыжъяс моз, сюрисны йёз, кодъяс шуисны курыд правдасё. Талун татшөмъясыс выныштчөны вежны олөмсё. Ме эска: ньөжйё, но ладмас олөмым, весьшөрө раксёны найё, кодъяс ыжъяс вылын моз лосьөдчөны ыджыдавыны йёз вылын.

Мыйла вушйисны коммунистическөй идеяс йёз вежөрысь, помкаыс уна сикас, лыддьөдлыны ме найос ог босьтчы. Мед тайос вөчөны учёнойяс. Но көсья гөдчөдны өтитор: идеальяс воштөм лябмөдис мортлысь ловсё, морт шөйөвошис, воштис олөмысь нырвизьсё. Мый вөчны? Көни петан туйыс? Некод оз инды. Нөйтчысь да гажтөмтчысь ловтө век пөдтылисны винаөн. Юсисны 60–80-өд воясө медводз медся киподтуя да сюсь войтырыс. Бытгө выльысь мунис война. Кутшөм өдөн юсис йөзыс, сідзи и содис преступность. Мыжалисны курыд зеллясё. А висьөмыс йиджтысис век пыдө. Юсисны коллективъясөн, цехъясөн, сиктъясөн, посёлокъясөн. Тайё повзьөдис медыджыд юралысьясөс. Заводитчис юөмлы паныд чорыд тыш. Збыль мыйкө тыш кодь и артмис: жуглисны магазин өдзөсьяс, таялисны кодсюрөс. Нинөм бурсө эз вай тайё тышыс: бара некод некодос эз вермы. Сөмын государстволөн казнаыс кушмыштіс. Дон-Кихотлөн воюйтөм кодь мыйкө артмис. Вежөра йёз эськө шуасисны жө, оз пө винаыскөд ков тышкасьны, а колө пө юысьсө садьмөдны. Ми бара вөчим сійө, мый медся кокни. Вылынджык пасйылі нин, идеальяс воштөм юсьөдис йёзос, эз ачыс идеалыс, кызди сы серти лосьөдөм оланногыс. Коть талун коммунистическөй райыс некодос нин оз ышөд, но советъясөн чужтөм нырвизьыс дыр на кутас чусавны коми войтырлөн вежөртасын. Та вылө эмось торъя помкаяс, медшөрыс, сійө идеальясыс сирасисны йёз вежөрө национальнөй культура сөвмөмкөд йитөдын, пырис кызди религия, коді чужтө аслыссикас оласног (поведение). Народлысь тайё «пемыдлунсө», стөчджыка, падмөмлунсө, политическөй авантюристъяс вермасны гудыр кадө веськөдны лектор вылө. Миянос уна дас вояс чөж велөдисны нем думайттөг кывзысьны вылісянь шуөм начальниклысь, омөльджыка мыджсыны законлөн вые вылө. Со и артмис өтчыдысь штампуйтөм рецепт серти олөм. Ов кызди быдөн: быть ветлы удж вылө, мый вөчан неважно, быд удж пө пыдди пуктана, коть некор збыль вылас сідзи эз вөвлы. Унджыкыслөн өти сямөн кольө кадыс. Удж и телевизор. Дзоньвидзалуныд и вежөрыд чусмө сёрнитысь «ящик» дорын. Кызди ещө огө вунөдөй кыв-ворнымос.

Кадыс визувтө водзө. Лоан кө примернөйөн, администрация пасъяс тэнсьыд юбилей нэм чөжнад өтчыл ли кыкысь. Сэки тэ сэтшөм ставлы колана, весиг сьөлөм вылад лоө

деливöй. Он кö нöшта вешйив местасьид, профсоюз зэв рад-пырысь вичмöдас руба кодь медаль. Кад воис, и пенсия вылö петін, быттьö садикысь гортад мöдöдисны, садикас местаыс эз ло да. Пукав карса жыръяд, коммунизм стрöитысь, виччысь, абу нин ылын...

Но сёрниыс абу коммунизм стрöитысь йылысь, а на йылысь, кодъяс винаөн дурöны, кодъяс быд здук зильöны социальнöй мегыр увсыс петны. Талун оз нин личкы идеологической пресс, унатор нин югдис олöмас, но юöмыс ёнасö эз чин. Öд олам ми важ меркаяс серти на. И оз сийö здукөн вежсьы.

Юöм висьöмлөн медшөр подулыс экономикаын, экономической йитöдьясын. Збыль кöзяин оз ю, садь сийö удж вылын и гортас. Юö раб. Юö кöть кöні. Уна вермö юны, сунгысьтöдзыс, сы серти и донъялö ассьыс дзоньвидзалунсö. Весиг врач сылы оз ков.

А позьö-ö юöмысь мездьсыны да лöсьöдны му вылын лад? Гашкö, тайö комияслөн медбөръя рöкыс? Мыйөн нö сийö сэтшöма мыжмис Ен водзас? Мыйла нö сэтшöм унаөн уськöдчисны дьявöлъяслы сывйö? Став тайö юалöмъяс вылас мыйтакö вочавидзöма нин вылынджык. Но шөр тшупöдас эгö на тальчöй: тайö вöльнöйөн кывны асьтö аслад вөр-ваын, удж вылын, гортад, йöз водзын. Та вылö колö зэв уна, медводз, медым чужанінлөн неыджыд пельöс, чöс туй либö гортгögöрсä му вöлі сöмын тэнад. Сы вылын медым эз ыджыдав талунъя номенклатурнöй туз. Верман вузавны, кöсьян кö, он кö, мед ныв-пиыдлы кольö либö рöдвужлы, кызди вöлі важөн «миян дона власть» лöсьöдтöдз, рочөн кö, частная собственность на землю, кызди гижöма Конституциялөн выль проектын. Талунъя кодь «тшöтшöдöм» рынокыс, кöні бара ыджыдалö монополист, сöмын ышöдö мудеритöм вылö. Закон, коді оз ышöд честнöй конкуренциясö, торъя нин ичöt бизнесменъясöс, предпринимательясöс, кедзовтö ачыс асьсö, сийöс пөрöм керйöс моз вомöналöны либö кытшовтöны сюсьджыкъяс, но падмöны вежавидзысьяс. Закон, коді оз дорйы мортлысь бур нога водзмöстчöм да веськыдлун, некодлы оз ков.

Коймöд-кö, колö суд, коді оз сöмын нöшав, а медводз дорйö мортöс. Татшöм судсö оз сöмын кутны пыдди пуктыны, а дорйыны кутасны йöзыс лөк войтырлөн ыршасьöмысь. А коді талун доръяс мортöс? Сöмын ачыс асьсö кызди сяммö либö ёртъясыс, «бур тöдсаяс». Судлөн дзуглöслуныс да законлөн мукöддырйи ныжлуныс, а көнсюрö торъя чорыдлуныс и чужтö коррупциясö да мафиясö.

Тайö шөр визьыс лöсялö демократической обществоын быд народлы, но комияслөн кызди этнослөн эм асланыс сөвман туй, коді мыджсьöма зэв важся традицияс вылö.

Традицияяс вермёны вежсыны, но найос воштё-бырөдө этнос. Комиын промышленность совмөдөм заводитчис вайөдөм йёз отсөгөн. Шулисны найос «высланнойясөн» да «вербованнойясөн», коми кыв-ворын сідзи эз чуж на вылө ашпөр шуанногыс. Дерт, вөліны ас вөляысь локтысьяс да властьөн «медальмаяс». Тайө специалистъяс да гырысь чиновникъяс. Шызис коми парма и тундра. Эз сомын техника грымгы да горав. Лун и вой горзис радио да печать выль вермөмъяс йылысь. Видз-му овмөсын медся ёна нимөдісны муяс вылө куйөд петкөдөм, тані позьө вөлі медыджыд лыдпассө грымкнитны. Мед кодкө видлас веситны! А мый кызвын урожайыс сисьмыліс, тайос эз казавлыны. Вөр лэдзысьяс лыддылісны пөрөдөм кубъяс, уна-ө водіс ю пыдөсө, сисьмис веськыда вөрас, туй бокъясын, складъясын, некодлы быттё и делөыс эз вөв. И тадзи быдторйын. Мый ёнджыка киссис овмөс, сымын шыльдджыкөсь лоины номенклатурной докладъяс. А мыйта найос вөлі кывзөма! Водз асывсянь сёр рытөдз, өтияс больгөны, мөдъяс кывзөны. Мукөд начальныкыс (весиг жалыд петө) кывсө өшөдөма, өти собрание вылысь котөртө мөдлаө. Корисны! Он лок, юаласны көні вөлін. Эн-ө тэ, кычипи, ю? Көсъян аслад шоньд улөс вылын пукавны, век ло син улын, ов кызди быдөн, сёрнит сідзи, кызди колө.

Тайө больган кадас өти коми гижысь меным шуліс, вот пө, Егор, адззысис кө эськө сэтшөм төлка учёной, коді лөсьөдіс вөвлытөм генератор, медым сійө машинаыс кывйөн песөмсьыс артмөдіс электрической ток. Вот эськөн олөмыд миян кызди бурмис. Мыйта эськө лишалис ломтасыс!

«Да эськөн да,— воча нюмъялі ме.— Матын гыррдзаыд да он тай курччы. Кытысь өнія төлктөм кадө сэтшөм юра учёнойыслы босьтчынысө».

Мый нө тайө? Збыль өмөй пуктөма мог ставлы дзикөдз торксыны? Көть кодсюрө и ёнакодъ дзугсисны, но некод эз торксы вежөрысь, асланыс быдөн вөлі сюсьөн. Од ставыс тайө вөлі ворсөм. Дуркөс челядлөн ворсөм. И ворсисны ставөн. Ворсігмоз да ышнясигмоз ми пежөсьтім юяс, косьтім ныр улысь вотөса нюръяс, тыртім сы пыдди бадь-раскөн дедъясөн шедөдөм видзъяс. Лэптім дука каръяс да посёлокъяс и уна-унатор, коді чужтө сьөлөмын шоглун. Медся ыджыд воштөмөн лоис важся традицияяс бырөдөм — вөралөм, чери кыйөм, вөрса козинъяс чукөртөм, семья котырөн ас позйын некымын поколениелөн олөм (дед-баб, мам-бать, внукъяс). Од тайө өтувъя олөм-вылөмыс и чужтіс комияслысь этшсө, мөд мортөс пыдди пуктөмсө, өти кывйөн кө, көтіс нәмъяс чөж колана ладсө. Сійө тыр-бур ладсө, кытчө некор оз ковмы стражлөн суитчөм. Тайө ладыс и вайөдө гөгөрбок тырмана олөмсө. Комияс коркө рөдмисны да паськалісны вөр-

валон козингъясон. Но талун, кодыр ёна лыбис донис мировой рынок вылын состом вор-ваись перйом козингъяслон (вотсгъяс, тшак, чери-промыс) миянлы мырдон тувъялоны мовп, ставис тайо по кольомтор. Позьо по кызд унджык породны вор, перйыны нефть, газ, из шом, строитны заводгъяс. Бур ногон ко, мыйла и не перйыны мупытшса озырлунгъяссо?

Но колло-о войвылын, кони во джынйис пемыд поре, кони гожомыс сомын кык толысь, лэптыны выль каргъяс да посе-локгъяс, лэптыны заводгъяс? Воом йоз воштоны дзоньвидзалун да родмодоны висълос томуловос. Царской чиновникгъяс кольом намo гижлисны, мый войвывса муясын тыр-бур олом лосьодны абу кивыв. Медводз серниис мунис мортлон дзонь-видзалун йылысь. КПСС-лон идеологгъяс мыйлако сералисны сийо такодом вылас. Царской чиновникгъяс ко волины йойось, но мыйла вежораось лоомаось советской юралысьяс? Коло подулавны отисо и модсо. Бара чужо юалом, мыйла сидзко лючки паскыда нерпавтог родмисны войвылын ненечгъяс да комияс? Оти-ко, уджыс налон кызвыннас ывла выв воли, сэтшом сеян-юан, коди туйо шондитог олигон. Канадаын вой-вывса озырлунгъяс перйоны вахтовой методон не сомын сы вoсна, мый сидзисо донтонджык лоо продукцияис, медводз йоз вoсна тожд чуйдодо. Талунгъяс ног озырлунгъяс перйом оз кокньоd комияслысь оломсо. Сы пыдди пежосьтоны сылысь оланисо, быродоны традициягъяс, культура, кыв. Оти кывйон ко, вошоны-быроны комияс. «Но и вошой да бырой!» — шуоны тамыш йоз.— Кодлы ти коланныд?» Медводз, сийо жо ыджыд народгъясыслы и колам, кызд состом ель коло паскыд юлы, медым сийо эз пор ыджыд няит гурано. Тайос эськон гогорвоны унджык йозлы, тшотш и песни да гырысь веськодлысьяслы. Сэки эськон мод ног видзодлисны ичот народгъяс выло. Серниис тани абу сомын культура да олом выло ашпор видзодлас (нравственность) йылысь, кодос кысконы да нырьодоны зев важысянь вор-ва бердо йитчом войтыр, а медводз, тыр дзоньвидза генофонд йылысь тождысьом, кодтог сидзи жо оз вермы совмыны некутшом цивилизованной мир. Мыйла Америкаын олоны мирын медся бура? А мод ног эз и вермы лоны: од сэтчо кыссис-чукортчис мирсыс медся вежора йозыс. А кодгъяс талун миянын чужтоны выль поколениесо? Висълос либо юсьом нывбабаяс. И окмoны миян котырын инвалидгъяс, алкоголикгъяс, зокгъяс.

Общество ташом нерпаломысь вермо бурдодчыны сомын сэки, кор йоз заводитоны тождысьны выль поколение чужтодзыс на сылон дзоньвидзалун вoсна.

Кызди ме аддза сиктса мортлысь садьмомсо, кок йыло сувтомсо? Медводз сиктсалы, кызди нельма пилы, коло мездысьны колхозгъяслон да совхозгъяслон тывйысь. Лоны вольной казакон. Кодлы воляйд оз ков. Дом йылад и понийд

вурзалом выло лэдзчысьо. «Кытысь удждоныд воас и пенсияд лоо?» — кыла юалом. Ас овмөсын челядь ноксьом, челядь быдтом, вөр-валысь козинъяс чукортом, сійос предпринимательяслы либо государстволы иналом, чери кыйом, вөралом — тайо өмөй абу удж? Оз өмөй тайос позь лыддыны стажон? Мөд-кө, колө дугөдны гөжөмын вөр пөрөдөм, тайо век вөвлі төвся уджон: сэки этшаджык жугалө му эжыс, посни понөляс, регыдөнджык быдмас вөрыс, оз ковмыны чорыд веркөса туйяс, сідзкө и пөрөдөм пуыс лоө донтөмджык. Медшөр могыс, дерт, медым төвся кадө сиктса мужичөйяслы, кодъяслөн абу аслас чөс туй, либо прөмыстөм воө лөсьөдны сезонной удж. А кызди овны налы, коді кутшөмкө помка вөсна вөрө эз кай и оз кыйсы, либо прөмыстөм воө? Налы колө мынтыны стипендия. Школа помалөм бөрын сиктө кольчысь нывъяслы дзик пыр жө колө сетны стипендия. Сэки сиктса уличаяс вылын оз кутны гөрдлыны 40 арөса «игөяс». Вылбон овмөдчысь том семьяяслы сідзи жө колө стипендия крепыда кок йылө сувттөдз.

«Кытысь босьтны сьөмсө?» — кыла чиновниклысь чорыд гөлөс.

Совхозъясөс да колхозъясөс государство век на дотируйтліс, мөд ногөн кө, вөчөм продукцияысь өтдор личөдліс казнаысь сьом. Кор государство ньөбис продукциясө совхозлысь век өти донысь, дотациятөг өдвакө позис овны. Но кор лои лэдзөма донъяссө, вузалөй пө кутшөм донысь ньөбасны. Сэки ми казялім, вөлөмкө, сэтшөм дона совхозыдлөн продукцияыс, йөзыс оз вермыны ньөбны, йөв шоммө, вый чирө, яй сісьмө, град выв пуктасъяс сідз жө. Пыр жө аддзысис мыжаыс, «дикөй» рынок пө медыджыд злөдейыс. Абу рынок мыжаыс, а асьныс удж котыртысьясыс и «рабсилаыс». Донсяліс пө техника, ломтас, но өд первойя воас уджөдісны донтөм донысь ньөбөм техникасө, и ломтасыс важ доннас вөлі, мыйла нө дзик пыр жө орис кокчөр сөныс совхозъяслөн? Государство борд улын кургөмыс и велөдіс мода вылас уджавны. Эз вөчөмторсө артавны, а удж выло петавлөмсө. Быдөн видзөдіс, кызди бурджыка өта-мөдсө конъявны. Со и помөдз лои конъясьөма. Став овмөсыс пласът куйлө. Öні колө кок йылө сувтны. Совхозъяслы пыр жө ковмисны льготной кредитъяс, веськыда кө, сійө дотируйтөмыс. Кытысь босьтны сьөмсө? Помтөг он вермы дзескөдны пенсионеръясөс, студентъясөс и мукөдъясөс. Заводитісны сынөдсыс лэдзны сьөмсө, уджөдны печатной станок. Ми гөгөрвоим нин, мыйө сійө вайөдө. Дерт, эз видз-му овмөс вөсна сөмын «донөдны» сьом лэдзан станоксө. Уна мукөд помкаяс вөліны та выло. Тані ме оз сөрнит видз-му овмөслы дотацияяс дугөдөм йылысь, мед сійө и водзө лоө, но налогоплательщикъяслөн сьөмыс мед эз «тшөгөд» агропромын пукалысь номенклатурасө, а веськаліс стөч кабырас му

бердын мырсысылы. Этшаджык кӧ лӧӧ контораыс, унджык сьӧм и вичмас сиктса мортлы. Лӧсьӧдас вӧв либӧ ньӧбас трактор либӧ машина — аслас мог. Видзӧда ме Сыктывка-рын агропромлӧн зымвидзые бетоннӧй контора вылӧ и шензя: Финляндияын (кытчӧ меным вичмылис волены) президентлӧн резиденцияыс ӧна ичӧтджык сы серти. А лыддыны кӧ районъясыс, совхозъясыс контораяссӧ? А юрас кӧ кодлыкӧ воас мӧвп мездыесны наыс, мыйта сьӧм лишас. Со кытыс и чукӧрмас сьӧмыс крестьянскӧй овмӧсьяс кыпӧдӧм вылӧ, вылынджык пасйӧм сӧдз шусяна стипендия-яс вылас. Стӧчджыка кӧ, сиктса мортӧс социальнӧя дорйӧм вылӧ.

Коляс кад, и чужас выль пӧлӧс сикт. Ӧния моз чусмӧм ӧшиньяса му бердӧ лясмунӧм керкаясын оз кутны бӧръя лун-войсӧ коллявны ӧтка пӧчьяс да пӧльяс. На пыдди лыбасны сад пиӧ вӧйӧм кык судтаа короминаяс, кодлӧн ныр улас лӧӧ муыс и виддзые, гашкӧ, и вӧрыс, кытыс пессӧ да стройматериалсӧ вермас вайны кор кӧсьяс. Тадзикӧн дыр кадӧн бӧр пуксяс важся ладыс, кодӧс ас кадӧ торкалисны коммунизм стрӧитысьяс. Тадзикӧн ӧна чинас лыдыс сирӧта керкаяслӧн, кӧни талун олӧны челядь да пӧрысьяс.

Окота нӧшта тӧдчӧдны, мыйла оз вермы ладмыны олӧмыс сиктсаяслӧн колхозъяс да совхозъяс дырйи. Не сӧмын сы вӧсна, мый сьӧкыд лӧӧ йӧзӧс ышӧдны сьӧлӧмсянь уджавны, а помкаыс тырвуйӧ паськыда рынок сӧвмӧмын, кодӧ вайӧдас не сӧмын Россияса, но и рубежсайса бизнесменъясӧс. Росийскӧй Президентлӧн выль указ серти видз-му вуджӧ крестьянин либӧ фермер киӧ. Тадзи Россия пасьта. Ог тӧд, кызди Комиын шуасны, сетны ли абу ли вӧлясӧ зырянинлы. Лунывса чернозӧмъяс вылын быдтӧм нянь, град выв пуктасъяс, яй, дерт, лӧӧ ӧна донтӧмджык войвывсаяслӧн серти. 1993 воын нин сийӧ тыдовтчис, лунывсаяс асланыс тӧдчымӧн бурджык да донтӧмджык прӧдуктаясӧн личкасны миянлыс совхозъясӧс. А ӧд совхозъяс нырвизьсӧ кутӧны йӧв, вуй, яй да град выв пуктасъяс вӧдитӧм вылӧ. Стӧч сы вылӧ, мыйӧн лышкыдӧс лунывса муяс. Медым кутны талунъя совхозъяс, ковмасны зӧв ыджыд дотацияяс. И век жӧ найӧ киссяны: дотацияяс дырйи век омӧльджыка кутас котыртыны уджыс. Рабочӧйяс жӧ помӧдз дышмасны да юсясны. Кӧни абу тыр-бур удж, оз вермы артмыны и лада олӧм-вылӧм. Агропромса веськӧдлысьяс гыжнас и пиньнас самасьӧны важас. Мӧд ног оз и вермы лоны. Ӧд ӧз ӧти поколение велӧдны уджавны инструкцияяс серти, кодӧ вежласьӧ войвывса по-водьяыс моз жӧ.

Татшӧм падмӧдӧм войтырыс, кодъяс веськӧдлӧны видз-му овмӧсӧн, водзӧ кисьтӧны сийӧс, но налӧн удждон вылӧ сийӧ некутшӧма оз инмы. Кӧть кызди оз уджав производство,

ыджыд контора век лоо пөт. Сійо крепыда дорйис асьсө штатной окладьясөн. Перйо казнаысь сьом, оз кө сетны, котыртас весиг демонстрацияс, но оз выльмөд системасө. Выльмөдас кө, сэки сійо ачыс куло. Ас вöляысь нö кодi юрсö петляс суйлис? Сöмын йöйяс сiдзи вöчöны. Со мый вöсна сійо дорйö асьыс системасө. Сійо, кызди клещ варротоз, медбөръя вир войтöдз нөнялö уджалысь мазылысь вын-эбөссö. Клещ варротоз (аслыспөлөс той) вермö дыр кад чöж овны весиг мазилөн шой вылын. Контора кутас овны и сэки, коть оз ло ни öти рабочöй, а картаын бырас баксысьыс, сетасны кө сылы кредит.

Эз талун чужны менам тайö мөвпъясыс, ме сійос сьөлöмын новлöдлi нэм чöж. Аслам гижöдъясын кутшöмакö сибöдчылi тайö тема дорас, но сійос тырвийö восьтны эз вöv позянлуныс. Гражданской да Отчественной войнаяс бöрын пötöса ковтöм шомос моз ловзисны-лыбисны быд сикас контораяс, нуöдан учреждениеыс вöли КПСС-лөн ЦК, кодi и гартис странаос служебной черань везйөн. Ми тöдам, чераньыд медся бура кыö тывсö, кодыр оз пöльтыштлы некутшöм тöвру. Вöли быдлаын шогöдтöдз лөнь, быд везлысь вөрзыштöм кылисны медыджыд юр контораын. Ичöt морт веглясис да тiрзис аслас начальство водзын, гырысьджык начальникьясöс лыддылисны Ен пыдди. Служитысь йöз босьтисны Енлысь местасö (овмöдчисны медся бур керкаясö) да водзö кыисны асьыныс тывсö, либö тоталитарной режим медводз мыджсьö бюрократической аппарат вылö. Талун кытсюрö оръясис сійо. Но мөвпавны, мый ми ог нин чери моз дзугсьö сійо тывъясö,— сöмын асьтö ылöдлөм.

Веськыда кө, номенклатуралөн водзсасьöмыс и талун падмөдö реформаяс нуöдөмсö. Ме ньöти ог көсйы шуны, мый тайөн восьтi выльтор: тайö ставлы тыдалана, но кызди сійос надзмöдны, этшаөн гөгөрвооны либö, мөдарö, польдөдöны сійос. Тайö нин мөд сикас сёрни. Статьясö гижи öти надеяөн, мый сійо, гашкö, кодлыськö восьтас синъяссö, чуйдас буртор вылö.

# НАЦИЯЛОН ДЗОНЬВИДЗАЛУН — БЫД МОРТ КИЫН

Петас, вокъяс, шонді-й тан,  
Ме нин аддза, рөммө ылын.

Кольөм нэм шөрын гижліс тадзи коми литературалы по-  
дуд пуктысь Иван Куратов. Талун өткымынъяс гажтөма шмо-  
нитөны:

Кусас, вокъяс, шонді тан,  
Ме нин аддза, рөмдө ылын.

70 во чөж тувъялісны миян вежөрө, кор пö большевикъяс  
1917 вося Октябрын босьтісны асланыс киö власть, царскöй  
самодержавиеөн уна нартитөм народъяс шедöдісны мездлун.  
Сійөс пö туналісны И. Куратовлөн вылынджык шуөм кывъ-  
яс. Тадзи висьталөны школьнöй учебникъяс. Збыль кө вöлі  
тадзи, чукөртчисны өмөй тавося январын коми народлөн съезд  
вылө делегатъяс да уналаысь гөстьяс, көні сёрныыс муніс сы  
йылысь, кызди йывмө комияслөн олөмыс, век гежөдджыка  
кылө чужан кыв вылын сёрни, дзугсьö сюрс вояс чөжөн  
лөсьөдөм олан ладыс. Воөм йөз таргайтөны миянлысь озыр-  
луннымөс, важмөм технология серти уджалысь заводъяс пе-  
жөсьтөны сынөд да вөр-ва, дженьыдджыка — асланым чу-  
жан му вылын важөн нин ми эгö лоөй тырвыйö көзяинъясөн,  
некод нин миянлысь оз юав, кысь мый босьтны да кытчö мый  
стрөитны. Та вылө эмөсь вынйөра центральной ведомствояс.

Каллистрат Жаков, поэт да ыджыд учёнöй, тайö нэм за-  
водитчигөн аслас «Биармия» поэмаын гижис: сідз шусяна  
коркөя «Биармия» царство, мөд ног кө, «Биа му» либö «Ура  
му», коді вель паськыда шымыртлөма Европалысь войвывсö,  
вочасөн пö лоö дзескөдөма лунвывса народъясөн, медбөръя  
колясыс пö сэтчөс войтырыслөн йөршитчас Эжва йылын. И  
збыльысь, артмө, К. Жаков веськаліс стөч пасас, а И. Кура-  
тов сорсис. Вермас вөвсьыны и мөдарө. Гашкө, И. Куратовлөн  
туналан кадыс водзын на? Поэт нэм чөжыс вийсис ловлөн  
мездлун вöсна, медым быд морт тырвыйö вермис восьтны  
ассьыс позянлунъяссö. Большевикъяслөн Маркс серти олөмсö  
котыртөм мортөс, кызди личностьөс, дзикөдз весьөпөртіс.  
Эз жö өд тайөс «шонді петөмөн» лыдды И. Куратов? Сідзкө,

номенклатуралы служитысь «учёнойяс» еджыд сунисён вурыштисны поэтос сылы лосявтём кад бердө.

Они унаон юалоны, мый бурысь сэтшөм дыр ми ылөдлим асьнымос, еджыдсө шулим съодон, и модарө. Воча кывйыс, төдөмысь, абу өти сикас. Комияслөн сөвмөмыс крепыда йитчөма роч народкөд. Ыджыд роч учёной Н. А. Бердяев, коді оліс революция кадө, төдчөдліс: народлөн сөвмөмыс мыджсьө оз сөмын страналөн озыр ресурсъяс вылө да сылөн паськыд эрдъяс вылө, а медводз подулавсьө культуралөн да торъя мортлөн (личностьлөн) ашшөр зумыдлун вылө. Кор татшөм дзоньвидзалуныс народлөн «кизьөрмө», культураыс шымыртө этша йөзөс, сэтшөм обществоыс вермө кежны аслас сөвман туйвизысь. Мый и петкөдліс бөръя 70 воыс.

Народ уджалө, рөдмө, лөсьөдө йөз костын экономической йитөдъяс, код серти ладмөдө мораль да чужтө традицияяс. Но обществолөн сөвман туй вылын овлоны сэтшөм событиеяс, кор сылы колө сувтны быть выль тшупөд вылө. Татшөм пөраыс пуксис революция бөрын. Унаон интеллигенция пөвстысь лыддисны асланыс шөр могөн: сетны комияслы чужан кыв вылын образование. Тайө вөлі кывлөн и нациялөн ловзян кад. Колө пасйыны и сэтшөмтор: буракө, медым өдөбтчөмыс эз вөв тыдалана, дженьыд кадөн некымынысь вежлалісны шыпасъяссө: первой молодцовской, сэсся латинской, медбөрын роч.

Но тайө кадколастыс эз вөв кузь. НЭП бырөдөм да колхозъяс котыртөм кусөдіс уна водзмөстчөм, вежисны экономической йитөдъяс, вынөн пөдтисны нэмөвөйя традицияяс. Пыр жө тайө төдчис нациялөн да культуралөн сөвмөм вылө. Сиктысь вөтлісны медся уджач войтырсө, найөс кулакалісны да сісьтисны тюрьмаясын. Йөзөс мырдөн уджөдан политикалы ковмис уна казенной войтыр, сідз шусяна номенклатура. Дерт, медводз татчө ныртчисны дыш да вежавидзтөм войтыр. Эз сөмын комияс пөвстысь лыб ёгыс, визувтис и мукөдлаысь. Тшак моз быдмисны уна сикас контораяс. И быдөнлы тырмис уджыс: лыддисны, мырддисны, шобисны, судитисны, видзисны дзескыдінъясын либө лыйлісны.

Татшөм сера ситечысь лоис вурөма обществолысь нырвизь нуөдан шапкасө.

Сэсся миян Комиө ытва дырйи моз шлывгисны век выль и выль йөз. Көдзыд лым пиө, пемыд вөр шөрө овмөдісны лунвылысь вайөм кулакъясөс. Көть сэкся пропаганда быд ногыс лякөсьтис весьөпөртөм войтырөс, местной йөз жаляддза паныдалісны найөс, отсалісны мыйөн вермисны. Таын и петкөдчис комияслөн збыль интернационализмыс. Кулакъяс пөвстысь унаон, кодъяс колисны ловйөн, велөдчисны сёрнитны комион. Абу прөста гижөма Евангелиеын: бурөн чужтөны шаньлун, лөкөн — пезлун. Талун жө өткымынъяс воөм

йӱз пӱвстысь лыддӱны асьнысӱ увтыртӱмӱн, кылӱны кӱ ас гӱгӱрсьыныс коми сӱрни. Со кутшӱм вылын миян интернациональнӱ воспитаниеыс. Кӱтӱ век дольлӱм сы йылысь, артмис дзик мӱдарӱ. Став страна пасьта ӱти нация, сӱдз шусяна сӱветскӱй йӱз чужтӱмыс, абу буртор вӱлӱма — эз вайӱд сӱйӱ ыджыд роч народӱс ичӱт народъясӱс духовнӱй йитысьӱ. Талуныя кадӱ Прибалтикаын и мукӱд регионъясын национальнӱ вӱпрослӱн ӱслуныс медводз мыджтысьӱ тайӱ помка вылас. Танкъясыд танӱ зӱв жӱ лӱк отсасысьяс. Найӱ уськӱдӱны роч народлысь авторитетсӱ.

Комынӱд вояссиянь коми йӱз вуджисны ыджыд ад пыр. Вӱльнӱй крестьяна лоисны крепостнӱйсӱн: удж вылӱ ыстылісны мырдӱн. Ме на помнита, кыдзи быд асыв бригадир некымынысь матыстчывліс керка дорӱ (тайӱ вӱлі война бӱрыннин) да менӱ, тшыг детинкаӱс, чуксаліс колхознӱй видзьяс вылӱ. Школаын мойдлісны, кутшӱм мездлун вайис йӱзлы ыджыд вождьясӱн лӱсьӱдӱм выль олӱм. Мортис лоис кык бана шаньга кодъ: шуӱ ӱтитор, а вӱчӱ мӱдтор. И тайӱ вуджис быдлаӱ: политикаӱ, искусствоӱ, литератураӱ да чужтіс сӱтшӱм деятельясӱс, кодъясӱс сӱтшӱмнас позӱӱ лыддӱны сӱмын сы вӱсна, мый та вылӱ сылӱн эм документ. Татшӱмъясыс быд ногыс ӱнӱ кутчысьӱны важас.

Татшӱм социальнӱй подулыс вӱлі Россияса став народъяслӱн. Комияслысь этноссӱ кусӱдны чужисны торъя, ашпӱр помкаяс. Коми муын кыптӱсны джуджыд потшӱсьяс, кодъясӱс серлӱдлісны сутшкасысь сутугаясӱн — тадзи паськалісны Архипелаг Гулаглӱн дзонь регионъяс, шуам, Печорлаг, Ухтапечлаг. Культлӱн дуран кадӱ став страна пасьтаысь татчӱ вайисны йӱзӱс эз сӱмын сы вӱсна, мый коліс Войвылын лӱптыны збылысь ыджыд стрӱйкаяс. Танӱ туйтӱм, лымъя эрдьясын позис кокниа видзны, ӱтшаджык коліс охрана, татысь некод эз вермы пышӱыны. Уна йӱза лунвыв районъясын, дерт, пышӱысьыс лоис унджык да и кывсис эськӱ ылӱдз. А кыдзи овсис танӱ зекъяслы? Та йылысь гижӱма А. Солженицынлӱн «Архипелаг Гулаг» романын, да и мукӱдъяслӱн, кодъяслы вичмис тайӱ адсьыс петны ловйӱн.

Унаӱн комияс пӱвстысь веськалісны джуджыд потшӱс саяс, эз ӱтшалы ляскывны «народлӱн враглысь» ним. Восьӱпӱрӱм ань тшыг кулысь челядыслы дзебыштліс зептас йи кывъя шепъяс. Таысь вичмыліс куим либӱ вит во. Тундраын пемыд войын кӱинъяс тшапкылісны стадаысь кӱръясӱс. Пастуклӱн танӱ некутшӱм мыж абу, но сӱйӱс йӱртлісны тюрмаӱ.

Унаӱн коми вӱралысьяс пӱвстысь (торъя нин арлыдаяс) служитлісны конвоирьясӱн. Та йылысь гижӱма и войнабӱрса литератураын. Кедзвӱтӱмӱн гижӱма. Дерт, татшӱмторйыс

эз мичмод комиясод мукод народьяс водзын. Но сийо эз воч тайос ас волясьыс. Простой конвоирод сэтшом жо увтыртом морт, кыдзи и пукалысьыс.

Комиясод, кодьяс эз тодлыны иганьяс, эз вородлыны чос туй вылысь мод мортлысь кыйдос, мыжавлисны гусясьомысь, тшоктылисны ыджыдавны ас кодынысь жо мыжтом йоз вылын. Тадзи заводитчис народлысь традицияс пузувтомысь, нэмвоясь ладсо торкомысь. Од тайо нациялон медся ыджыд озырлунысь, сытог сийо одвако вермас водзо совмыны. Этнослон киссьом-пазаломысь и збыльысь заводитчис ытвадырся одобон. Республикао локтисны век выль и выль йоз, медым породны вөр, кыподны промышленность. Комияс уськодчисны карьясо, воштисны ашор кыв-ворнысо. Миян муным, кыдзи одзостом ыджыд керка — помся отияс локтоны, модьяс — муноны. Кольчоны кызвыннась найо, кодьясод оз виччысьны чужан муанысь, сточджыка ко — оз ладзын сэтчо. Оз од проста пасйыны статистикаын: Комиын преступностьысь вель вылын мукод областысь серти, а олоны медся голя да ещодженьыд нэмаось по. Кыдз аддам, оз сомын миян кывным вош, кусам став ловнаным да кодзалам вир-яйнаным. Сидзко, сомын медборья комиясысьлы и колис водны гортийо? Эз на жо. Миян повстысь унаон ас кыв-вораось, гижны и лыддысьны на кужам, гежода, но и сывны заводитлам. Коть откымынъясь яндысьоны чужан кывсьынысь, но найос таысь мыжавны оз позь, коть и ниномысь жо ошкыны. Кедзвотис сэтшомысь эз сомын найос, кодьяс варовитоны чужан кыв вылын, но и асьсо, челядьсо. Код тодас, воштам ко ас кыввор, традициясь, олан лад, кутам-о гогорвоны водзо ота-модос, ог-о водзысь-водз куто весьопорны шогысла да гажтомысла? Ог-о помодз юсьой?

Война борын, кор и сиктсаясьлы сетисны паспорт, медсясод том йоз ыджыд кельобьясон лэбзисны карьясо. Таодз гежодлы удайтчылис мынтодчыны сталинской сиктысь. Шуам, мунан ко велодчыны институто либо техникумо, либо кутшомко вербуйтысь волас сикто. Регыдья кадон нэмвоясь традициясьысь энотчом, кыв воштот да и сеян-юан вежсьомысь кусодис мортлысь лов озиймосо. Тайо кадас медся и юсисны йозысь. Оз нин оти поколение майшась да нерпав. Челядь ловья бать-мам дырйи веськалоны детдомьясо, порысь йоз ки-кок усьом борын бара жо торкодчоны индомьясо. А мый водзо? Оз-о ло мортысь кушины сулалысь отка пу кодь? Сыллом да гажодчом пыдди кутас омлявны коин моз.

Абу кокни комиясьлы выльысь ловзыны-совмыны, но сылон мод полос туйысь сэсья абу.

А мый но миянос медвойдор йитас да отувтас? Чужан кывным. Важся традициясь ловзьодом: воралом, му бердын

ас вöляысь уджалöм, вөр-валöн сöстöмлун вöсна вийсьöм. Ставыс сийö, мый сетлис комияслы тайö му вылас вужъясьны да мортъяммыны. Дерт, важас бергöдчöмыс оз нин артмы талун пила да чер отсöгөн. Чуйдчыны медвойдөр колö выль вежöртассянь да культурасянь. Культурасыс оз заводитчы микрофон водзын вежнясьöмсянь да чирзöм-равзöмсянь, кызди öткымынъяс чайтöны. А кутшöм сыланкыв тэ кывлин по-тан дорын, кодi велöдис-чуймöдис чужан кывлөн мичлунөн да сылөн помтöм позянлунъясөн, кодi садьмöдис кагалысь вежöрсö мөвпавны.

Кодi талун велöдö школаын коми кыв? Да кöть кодi, кодлөн мөдтор вöчöм вылö абу путьыс. Ме ньöти ог кöсий кедзвотны збыльысь чужан кыв динö муслун пестысьясöс, сöмын кöсья шуны, мый найö зэв этшаöньсö. Талун СГУ-ö, педучилищеö вермö пырны быдөн, кодi тöдыштö коми кывсö. Некутшöм конкурс абу, оз тырмы абитуриентыс. Сидзкö, веськалö сэтчö медся слабыс. Сылөн жебиник пельпомъяс вылö кövъялöны кык пövста ноп: велöдны коми да роч кывъяс. Татшöм студентыс оз тöдöмлунъяс чöж, а сöмын нэм кежлас öктас мудзлун да дöзмöм велöдан предметъяс дорас. Та йылысь сьölöмсянь сёрнитис Сыктывкарса первой номера педучилищеысь В. Н. Сергачева. Вöчсьö татшöмторйыс оз нин öти дас во чöж. Сидзкö, эз нин öти поколение ло кöдзöдöма чужан кыв дорö. Та вöсна миян этшаöсь бур коми журналистыяс, актёръяс, сылысьяс, писательяс, учёнöйяс. Тадзикөн ми йывмöдiм национальной интеллигенциясö. Збыль öмöй дас во чöжыс некод эз казав минпросын татшöмторсö? Либö чина войтыр полисны шуны збыльторсö, медым эз мыждыны найöс националистъясөн? Кöть кызди артмис, но коми культурасö лоис тырвыйö кодзöма.

Зэв сьökыдырысь коми отделениены велöдчысь студентъяслы содтисны стипендиясö 15 процент вылö. Дерт, тайö зэв этша и оз вермы лоны тыр-бур стимулөн. Öд коми отделениеса студент вöчö кык пövста удж: босьтö кык сикас специальность, школаын мөдас велöдны роч да коми кывъяс. Абу тайö некутшöм льгота коми мортлы, а удж серти честнöя мынтысьöм. Оз тайöс гөгөрвоны öткымынъяс. Сидз, Сторожевскöй школаса коми кыв велöдысь А. М. Захаренко аслас сьездывса сёрниын тöдчöдис, весьшөрö пö вöли 15 процентсö содтöма студентъяслы, да и коми велöдысьяслы пö удждон лэптыштöмыс нинöмла, тайö пö миянös уськöдö рочъяс водзын. Мый татчö шуан? Öткымынъяс сэтшöма сетчисны асьнысö увтыртöмлы, весиг оз вежöртны тайös. Тайö миян кадлөн шуштöм серпас, кодi кövъялис мортлы няр холопысь психология. Дерт, нювсьысьтö корсюрö мелiавлöны, но унджыкысьсö чужъялöны.

Эм миян В. Савин нима коми драмтеатр, но, поэзо шуны, сийо дугдис нин сиктса йозлы петкодлыны чужан кыв вылын спектакльяс, да и чужан кывйис артистъяслон лоис кызди иностранной. Мыйлако республикаса веськодлысьясос та вьсна шогыс оз босыт.

Босытам «Войвыв кодзув» журнал. Неважон Союзас став журналъяслы вочисны аттестация. Став журналсо юкома вит группа выло. «Войвыв кодзувлы» вичмис медборья, витод группаыс (татчо веськалоны и ичот детской да сатирической журналъяс), коть закон серти позис индины коймод либо нельод группасо. Медводз тайо кучкис том гижысьлы, од гонорарной фондус сетсо группа серти. Тайо ещо отчид висьтало, кутшом ми вийсям национальной культура совмодом вьснаыс.

Ми гогорвоам: кор дзугсьома экономика, сьокыд государстволы аддзыны сьом культура совмодом выло, но од кор збыль ыджыд прибыль локтис сырьё перйомысь, национальной культураыс енджыка на ваймис. Они омой этшаджык визувто Комиысь вьорыс, нефтьыс, газыс, бумагаыс? Уна-о прибыль босытоны збыльысь козяинъяс тайо сырьёсьыс? Тайос сточа шуны некод оз вермы. А тодны колло, косьям ко чужан му вылын лоны тырвийо козяинъясон. Коми народлон медводдза съезд чуйдис татшом юаломъясо.

# ЮРИНДАЛЫСЬ

## ПОВЕСТЬЯС

Кузь вёт . . . . .	5
Тер Мишлөн висьтасьём . . . . .	34
Дзолук . . . . .	67

## ВИСЬТЬЯС

«Сöмын милицияö эн сюрöдчы...» . . . . .	159
Корся пельетон . . . . .	181
Тöварыш Кöсьта . . . . .	199
Висьмис пинь . . . . .	205

## НОВЕЛЛАЯС

Кутшöмöсь асьным . . . . .	217
Кыдзи мездысьны юöмысь да лöсьöдны лада олём . . . . .	222
Нациялөн дзоньвидзалун — быд морт кийн . . . . .	232

**Л и т е р а т у р н о - х у д о ж е с т в е н н о е   и з д а н и е**

**Рочев Егор Васильевич**

**ДЛИННЫЙ СОН**

**Повести, рассказы, новеллы на коми языке**

*Художник А. В. Мошев*

*Редактор А. В. Тентюков*

*Художественный редактор Г. Н. Шарипков*

*Корректор Н. Ф. Габова*

**ЛР № 010039**

Подписано к печати 25.02.98. Формат 84x108/32. Бумага офсетная. Гарнитура «Школьная».

Печать офсетная. Усл. печ. л. 12,6. Уч.-изд. л. 14,6. Тираж 1000. Заказ № 1037.

Коми книжное издательство. 167610, г. Сыктывкар, ул. Карла Маркса, 229.

Отпечатано в Кировской областной типографии. 610000, г. Киров, Динамовский пр., 4.



Егор Рочев чужис 1937 вося май 7-öd лунö тундраын көр видзисьлөн семьяын. Печора бердса Щельябож сиктын помалис сизим класс. Сэсса ветлис Сöветскöй Армияö. Ухтаын заводын уджалігмоз помалис шөр школа. Сыктывкарса стройкаяс вылын вöлі плötникöн, электрикöн. Сійö жö кадö Москваын помалис Горький нима Литературнöй институт. Вöлі корреспондентöн телевидениеын. Сэсса кызь сайö во уджаліс «Войвыв кодзув» журналын. Йöзöдчыны газетясын да журналъясын заводитіс 1961 восянь.

Медводдза небöг «Батьлөн ордым» петавліс 1971 воын Коми книжнöй издательствоын. Сэсса петавлісны книгаяс комиön и рочөн Сыктывкарын и Москваын. Повесть «Митрук петіс тундраись» ас кадö вöлі йöзöдöма торъя небöгөн роч, украинскöй, молдавскöй да эстонскöй кывтяс вылын.

